



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

28

2-20


3191

\bar{r} 29

2010



• B 2001



200
155-2473

ՏԵՍՉՈՒԹԻԻՆ

ՀՈՎՈՒՆԿԵՆ

7

us

200

255-94

f

ՏԵՍՉՈՒԹԻՒՆ

ՀՈՎՈՒԼԿԱՆ

ՃԱՌՔ

Տ. ՄԱՐԿՈՍԻ ԶԱԿՈՒՌԵԱՅ, ՈՐ ԿԱՒ
ՁԵՆԵՏԱՅ, ԵՒ ԱՊԱ ՎԻՉԵՆՑԱՅ
ՔԱՂԱՔԻՆ ՎԵՐԱՏԵՍՈՒՉ

28
9-90

ԹԱՐԳՄԱՆԵԱԼ

Ի ՊԱՏՈՒԵԼԻ ՅՈՎՀԱՆՆԷՍ ՎԱՐԺԱՊԵՏԻ
ՏԷՐ ԿԱՐԱՊԵՏԵԱՆ ՊՐՈՒՍԱՑԻՈՅ

Ի ՀԱՅՐԱՊԵՏՈՒԹԵԱՆ

Տ. Տ. ՆԵՐՍԵՍԻ ՎԵՀԱՓԱՌ ՍՐԲԱԶՆԱԳՈՅՆ
ԿԱԹՈՒՂԻԿՈՍԻ

ԵՒ Ի ՊԱՏՐԻԱՐԳՈՒԹԵԱՆ ՍՐԲՈՅ ԱԹՈՌՈՅՍ
ԵՐՈՒՍԱՂԷՄԻ Տ. ՅՈՎՀԱՆՆՈՒ ՍՐԲԱԶԱՆ
ԱՐՔԵՊԻՍԿՈՊՈՍԻ

ԵՒ Ի ՊԱՏՐԻԱՐԳՈՒԹԵԱՆ ՊՕԼՍՈՅ Տ. ՅԱԿՈՒԼՅ
ՍՐԲԱԶԱՆ ԱՐՔԵՊԻՍԿՈՊՈՍԻ



ՅԵՐՈՒՍԱԳԻՄ

Ի ՏՊԱՐԱՆԻ ՍՐԲՈՅ



(1004)
19137

30954-42

18101

85-30141-58

U.S. DEPARTMENT OF JUSTICE
FEDERAL BUREAU OF INVESTIGATION
WASHINGTON, D.C. 20535
MAY 11 1958

ՅԵՌԵՄԱՅԱՆ

Կարևորագոյնն ՚ի պաշտամունս հուլ
ուաց հոգւոց՝ որոց յանձնեալ է եկեղե-
ցի Աստուծոյ, է՛ հրահանգել զբանաւոր
հօտն Քրիստոսի յուսմունս հաւատոց
և բարուց: Յայս իսկ ամենայն հարբ և
առաջնորդք մեծ ջանս եղին քարոզու-
թեամբ իւրեանց զանարատ հաւատս և
զմտքուր վարս հաստատել ՚ի միտս ժողովրդեան. զոր և տեսանեմք առ ամե-
նայն առաջնորդս եկեղեցւոյ առ հինս
և առ նորս, որ ՚ի ղեկավարութիւն իւ-
րաքանչիւր ազանց քրիստոսադաւանից
կարգեալ իցեն: Վասն այսորիկ ամենայն
գիրք գողցես հարց և վարդապետաց
յաճին զայսպիսեօք վարդապետութք.
և ոչ որ շատ ասէ զառ ՚ի նախնեաց գը-
րեալն. այլ ամենեքեան որ ՚ի քարոզու-

Թեան պաշտօն են կոչեցեալք՝ ՚ի գիր հարկանեն զոր ինչ պարտ և արժան վարկանին աւանդել հօտի իւրեանց ըստ պիտոյից իւրաքանչիւր ժամանակի : Օ՛ր պէս ՚ի հաւատոյս աղանդք հերետիկոսաց, նոյնպէս և ՚ի վարս մօլութիւնք ոչ միշտ միօրինակ բարգաւաճեալք են . այլ ոմանք խափանին և այլք զտեղի նուցա փոխանակեն . զանազանեալք տեսաւիաւ, այլ արդեամբք համանմանեալք միմեանց, ՚ի կորուստ և ՚ի վտանգ փրկութեան հոգւոց դէտակն ունելով : Վասն որոյ հրահանգք բարուց որ ուղղին ընդդէմ շուայտութեան և շուայլութեան՝ անպիտանք իմն թուին ՚ի ժամանակի յորում ագահութեանն ախտ իցէ զօրացեալ . զնոյն է իմանալ և զայլոց մօլութեանց, որպէս վարդապետական բանք աստուածաբանից ընդդէմ աղանդոց ինչ առ իւրեանց ժամանակաւ զօրացելոց, չունին զնոյն կարևորութիւն յետ խափանելոյ և ՚ի մոռացօնս երթալոյ մօլութեանն այնմիկ : Վասն այսորիկ հարկ է ընդդէմ մօլութեանց և մօլորութեց զօրացելոց յիւրաքանչիւր ժամանակս ուղղել զխրատս հոգևորս :

Յաղագս այսորիկ պատշաճ համարեցաւ զառաջիկայս գործ Մարկոսի Զակուռեայ եպիսկոպոսին Չէնետայ քաղաքի Խտալացւոց՝ զԹարգմանեալն բաղմօք յառաջ յիտալացի բնագրէն, այժմ ՚ի լոյս ընծայել. զի եղծմունք բարուց ուրոց ընդդէմ խօսի բարենախանձ եպիսկոպոսն, յաճախելով հաղորդակցու թէ ընդ եւրոպական անձինս սպրդին և ՚ի մեզ. սակայն և յորով բարեմասնու թիքն որ առ նոսա գտանին, զի յերկրի պարարտացելում գիտու թեամբ և հանճարով ըստ չափու որոման և ցորեանն ուռճանայ, առ մեզ անտեսք լեալ թագչին : Վարդապետաց բանին կենաց անկէ խըլել զորոմունսն, և զցորեանն սերմանեալ մշակել. մինչև տանուտեառն եկեալ ըզվերջին մաքրու թին գործեսցէ : Աւ ժողովուրդն շահեալ յարդիւնաբեր վարդապետութէ գրոցս՝ մտադիր ընթերցմամբ, փառս տացէ շնորհողին բարեաց, որ բազմապատիկ օրինակօք խնամ փրկու թեան ունի ամենեցուն : Աչ ամենեքեան յամ ժամանակի յունկնդրու թիւն քարոզու թեանց հասանեն գտանիլ. զի այս ընդ սահմանուս ժամանակի փակեալ

է. այլ յորժամ մատենան վարդապետու
 թեանց ՚ի տիպ արձանացեալ ՚ի ձեռս
 տացի իւրաքանչիւրոց, ամենայն ոք տէր
 լեալ ժամանակին շնորհելոյնմա ՚ի Տեառ
 նէ՝ կարէ գտանել ժամանակ բաւական
 յընթերցումն և ՚ի մտադրութիւն այս
 պիտեաց, միայն զի կամիցին: Իսկ որ ոչն
 հաճեսցին բժշկիլ, և ոչ ինքն իսկ Ասու
 լած որ իշխան անձին ստեղծ զմարդն՝
 բուռն առնէ կամաց նորա. այլ ազդ մի
 այն առնէ թէ ահաւոր սրտասխանա
 տուութիւն առաջի կայ նորա ՚ի հան
 դերձեալսն վասն ժամանակաց զորս կա
 ըէր վարել ՚ի բարին և ոչ կամեցաւ:



ՏԵՍՉՈՒԹԻՒՆ

ՀՈՎՈՒԸԿԸՆ



ՃԸՌ Ը.

Ի նո-իբէլի-ր յեպիսիոպոսական ասպիճան :^Ս

ՍԱԽԱՆ ՁԵԼԻ համադուժա-
րու մնդ , որով սղատուէք այսօր զմուտս
իմ յայս տաճար աստուածեան՝ սիրելիքդ
իմ Չենէտացիք . և զնստիլս իմ յայս
Աթոռ հալուական՝ հանդիսիւ իմն զար-
դարէք , ոչ այնչափ հաճոյս ինչ շնորհէ ,
որչափ առ իթս նորս աւաջի մատուցա-
նէ խորին և կարևոր խորհրդածու թէց :

Քաջ իմանամք , զի պերճաշուքդ ե-
րևոյթ , ազնիւ ընթացակցու թիդ , խուռ-
նրդ բաղմամբօխ , խնձղանք աւուրս՝ են
արդարև կարի օտարուտի իբք ՚ի մերոցս

լատ պատշաճի չտալու որութեանց . և ոչ զայսպիսի կայթիւն արժանաւորեցոյ վաղ ուրեմն առ 'ի ձէնջ :

Ապա զի՞նչ նշանակեն իրքս . զի՞նչ ինչ ազդ առնեն մեզ : Առելեայն փողք են սորա՝ որք բանս հաւատոց ազդեն մեզ՝ և զկրօնի . որով այդպէս ակն ածէք անձին , որ կայուցեալ է 'ի Յիսուսի Քրիստոսէ տեսուչ հոգւոց ձերոց , որում փոխանորդ նորա ղեպիսկոպոսի է տուեալ զպաշտօն : Օ՛ածուկ ազդարարութիւնք են այս ամենայն , որով անձամբ խոստովանիք զպարտիս հնազանդութեան որ ձեզ անկ իցէ , և զձեր պատկառուկ զոր ունիք առ սուրբ Խորհուրդս՝ որոց կարգեցոյ մատակարար : Չայնք և ազդմունք , որք յուշ բերեն մեզ կշռադատել զվսեմութիւն պաշտամանն , և զբազմապատիկ ծանր ծանր հոգողութիւնս՝ զորոց արժան է մեզ բուռն հարկանել 'ի պահպանութիւն պաշտամանս : Այլ այս իսկ էր խորհուրդմտոց մեծի եպիսկոպոսին սրբոյն Օգոստ

տինոսի՝ յիւրաքանչիւր տարեդարձ հանդիօսի եպիսկոպոսու թեան իւրոյ . « Սերկեանս օր ազդ առնէ ինձ ինամալ խորհել զիմս ծանրաբեռնու թիւն » : Ա՛ջ որպէս թէ նախ ոչ ինչ զայսցանէ խորհեցեալ՝ այժմէն իսկ նորոգ ՚ի միտս գայցէ մեր , այլ զի յառաջնոյ անտի վայրկենէ ընտրու թեան մերոյ այդ է մեր խոհումն : Ա՛յլ օրս այս կամեցեալ ձայնակցել սրբոյն՝ կենդանագրէ ՚ի տես մեր առոյգ երանգօք . և այնպէս պայծառ նկարէ մեր առաջի՝ մինչև անտեսու թի կեղծել անկար է մեզ ընդ այնպիսի բուռն տալաւորու թիւն : « ()րս այս այնպէս զիմ ներկանէ զմիտս , զի ՚ի խորհրդոյ յայսմանէ դարձուցանել զուշ իմ ոչ կարեմ » : Ա՛յլ այս յայն սակս՝ զի տլկարու թեան մեր յիշատակաւ երկիցուք և զահի հարցուք ՚ի ծանր բեռանէս , և յանաչառ դատաստանէն որ ՚ի վերայ կայ մեր : Ա՛յլ խոր խոնարհեալք ընդ առաքելոյն առաջի Աստուծոյ և Հօր Տեսուն մերոյ Յիսուսի Քրիստոսի , հոյցեցուք

զնորհս Հօգւոյն սրբոյ մեղ ՚ի լոյս և ՚ի զօրավիգն :

Վիմեսցուք բարեյոյսք առ մատակարարն աստուածային շնորհաց առ ամենասուրբ կոյսն Մարիամ՝ լինել մեղ զօրութիւն ՚ի տկարութեան մերում : Վարելիսս կայցուք մեղ խոնարհութեամբ զհրեշտակն պաշտպանս այսր եկեղեցւոյ , և զմեծ խոստովանողն և զքահանայապետն զսուրբն Գիտիանոս՝ որ յատուկ պաշտպանն է մերումս այս քաղաքի :

Ապա՝ որդիք սիրելիք , առաջի արասցուք ձեզ զվտանգն՝ որ դարձցի ձեզ ապա ՚ի միսթարութիւն : Ասացից ընդ խոնարհ բանից սրբոյն Օգոստինոսի : « Օ ինչ ինձ առնել է այսօր , բայց թէ զիմ վտանգ մերկանալ ձեզ , զի ապա լիջիք ինձ ՚ի խնդութիւն » :

Կրաւական ունիմք զժողովդ՝ զոր այսօր ժողովեցարուք , վկայ անսխալակ՝ թէ յօրէ յայսմանէ և անդր՝ ձեր համարեսջիք զիս բոլորովին . սիրեցէք զիս՝ որպէս և ես գորովանօք սիրեցից զձեզ :

Աղէ՛, սիրելիք, եկայք մատերուք առ
 առջի սեղանոցս՝ որովք մերձիմք առ Աս-
 տուած նուիրական սրաշտամամբք. դա-
 շինս կուեսցուք ընդ Աստուծոյ փոփոխա-
 կի. « Ուխտս գիցուք առ առջի Տեառն » .
 Բ. Ո՛հայ . ԼԴ . 31 : Սէք վատահայեալ
 յօգնու թիւնն աստուածային՝ ուխտես-
 ցուք ՚ի մեր կողմանէ, ունել որպէս այ-
 ժըմ, նոյնպէս և առ յապա առ առջի աչաց
 զսրբութի՛ եպիսկոպոսական պատուոյն,
 և զպարտս սրաշտամանն՝ ամենայն արթ-
 նութեամբ սրաշտել զնա և խնամով մե-
 ծաւ, ՚ի տածել զհոգիս՝ որոց եդ զմեզ
 Աստուած՝ հայր, վարդապետ և հովիւ :
 Այլ և դուք խոտասաղիք՝ և՛ որդիա-
 կան ակնածութիւն և սէր գորովական
 առ հրահանգս մեր և ազդեցութիւնս,
 որոց ոչ այլ նախատակ ինչ է, բայց սր
 յօգուտ է հոգւոց, և յաւիտենական
 կենացն առ բերող : Ահա այսպէս փոխա-
 դարձ կապովք սնդեալք ընդ միմեանս՝
 ասել կարացուք. « Գնասցուք միաբա-
 նութիւն ՚ի ասնն Աստուծոյ » . Սղ . ԺԴ . 15 :

Քաջ գիտէք սիրելիք, զի պատգամաւորք եմք Քրիստոսի առ ձեզ, պահպանել զհաշտութիւնն՝ որ ընդ Աստուած և ընդ ձեզ, բերեալ առ ձեզ զնորա հրամանս և զօրէնս՝ և տարեալ առ նա զձեր հլուծիւն և հնազանդութիւն. « 1) ան Քրիստոսի պատգամաւորիմք, և Աստուծոյ բարեխօսութիւն մեօք ». Բ. Կրն. Ե. 20: Այս է աղբիւր եպիսկոպոսական վեմափառութեան, և պարտք պաշտամանն՝ յոր տուաք զանձինս: Այս մեզ բաժինք պարտին լինել անկեղծաւոր բարք, և անսգիւտ վարք. սոքա պարտին կնիք լինել ՚ի հոգւոջ մերում՝ որոշիլ յայլոց, քան մարմնոց զգեսաւոր յաչս ռամկին պերճ հանդիսանալ: Ա, և նոյն իսկ արտաքին շքեղութիւնք՝ որք չեն անոսի գիւտք օտարոտի պաճուճապատանաց, այլ հաստատուն և պատկառելի յիշատակարանք հին պատարագաց և գերապայծառ կրօնիս, միշտ յուշ պարտին մեզ ածել թէ պարտ է մեզ զհետ գնալ զհետոց, և նմանել այնմ՝ զորոց

նշանս յանձին բարձեալ բերեմք : Աւր-
 ժան է մեզ առնել զայն՝ զոր սուրբն
 Պաւղոս յանձն առնէ Տիմոթէոսի և Տի-
 տոսի զորս եպիսկոպոսունս արար, ու-
 սուցանել յորդորել և քարոզել. որպէս
 զի մի երբէք զերծցի յուշոյ մերմէ մերս
 պարտաւորութի՛ն՝ ընթացակիցք եղայք
 ՚ի հանդէս նուիրանացս : « Եպիսկոպոսին
 պարտ է դատել, մեկնել, սրբել, կար-
 գել, մկրտել և հաստատել » :

Այս գործ եղիցի մեզ բազում արք-
 նութեամբ զգոյշ կալ ՚ի հրահանգս հա-
 ւատոյ և ՚ի մատակարարութեան սուրբ
 Խորհրդոյ :

Միշտ առաջի դնել ձերոց աչաց՝ մի-
 անգամայն և որոշակի զհրամանս ասու-
 լածային օրինաց՝ յուղղութի՛ն հոգւոց .
 և տեղեկագոյնս զձեզ առնել աւետա-
 րանական պատուիրանաց և խրատուց՝
 որոց եմք քարոզք . « Յուցանել զխոր-
 հուրդս աւետարանին՝ վասն որոյ պատ-
 գամաւորիմ » . Եփես . Զ . 19, 20 :

Գործ եղիցի մեզ բորբոքել ՚ի ձեզ

զէս անդէն, քաջալերել զձեզ յառաքինութիւնս քրիստոսեանց, մեծաւ փութով ստածել ՚ի խաղաղութիւն զձեզ. խրախոյս տալ ձեզ ՚ի գործ հոգևոր և մարմնաւոր ողորմութեանց, յուսումն յանկուցեալ զանգէտ մանկունս. հասանել ՚ի վերայ ՚ի պէտս աղքատաց և անընչիցըն : Հատուցուք զպարտս մեր հաստատելով զյողդողդան, բուժելով զլատառողջան, զբեկեալն յանձանձելով, առաջնորդ լինելով մուրրելոց, ՚ի խնդիր ելանելով կորուսելոց :

Առ այս արժան համարեսցի Տէր զօրացուցանել զտկարութի մեր, որ բարւոյք միտս ունիմք յարգել զաաղանդն՝ որ ՚ի մեզ, զջանս և զերկս վաստակոց ՚ի հատուցումն դաշանցս յանձն առելոց. (դիցուք ուխտս առաջի Տեառն :) ()ժանդակ մերումս տկարութեան առաքեսցուք առ ձեզ ձեռնարկս աւետարանականս՝ լուսաբանեալս վճռովք մեր, զվմի և առ ձեզ յարմարեսցի ստգտանաց բանն . “ Սանկունք հաց խնդրէին, և

նչ էր՝ որ բեկանէր նոցա » . Ողբ . Դ . 4 :

Այլ և զգոյշ կացուք , մի՛ գուցէ փոխանակ սրբոյ Բաղարջին , որ ըստ առաքելոյն՝ նշանակ է անկեղծ հաւատոյ և անախեղծ ճշմարտութեան , ՚ի վեր երևեսցի շառաւիղ մոլորութեան և խլամոր առասպելեաց , որ ասականեալն է քացախով չարութեան և անօրէնութեան :
 « Արասցուք տօնս՝ մի՛ ՚ի խմորն հին , և մի՛ ՚ի խմորն չարութեան և անզգամութեան , այլ յանխմորն ստուգութեան և ճշմարտութեան » . Ա . Կրն . Ե . 8 :

Յուշ լիցի մեզ , զի երբեմն եպիսկոպոսութիւնն էր պատրաստութիւն ինչ առ մարտիրոսութիւն . ասլա համեմատութեամբ և այժմ՝ արժան է լինել այսմ :

Պարտ է եպիսկոպոսին լինել մարտիրոս հաւասարութեան՝ իրաւանց՝ և ամբժութեան , մարտիրոս կրօնի և փառաց Տեառն . պարտ է նմա յոչինչ համարել զամենայն որ կանս . « Յաջմէ և յահեկէ (ըստ առաքելոյն) փառօք և անարգու .

Թեամբ . իբրև անձանօթք և ծանուցեալք » . Բ . Կրի . Զ . 8 : Պարտ է նմա հոգալ միայն զոգւոց փրկութիւն :

Այլ մեք պատրաստ եմք առ ամենայն գործ պաշտամանս մերում . դնեմք 'ի ձեր վերայ զամենայն ինչ մեր , զողջութիւն , զյարգ , և զկեանս իսկ գլխովին : Պատրաստ եմք թողուլ զանձինս յամենայն դժոխքներ աղէտս , քան թոյլ տալ ծըփիլ նաւուս սրբոյ 'ի մէջ ամբարիշտ և վատշուէր չարաբարոյութեանց : « Աւտորս դիցուք առաջի Տեառն » :

Այլ զի՞նչ և ձեզ անկ իցէ ըստ կրօնելոյ դաշինդ , և ըստ սրբոյ կոչմանդ , յոր գտանիք այժմ : Արժան է ձեզ միշտ սիրելիք , յարգել զձեր կոչումնդ՝ պատուելով 'ի մեզ՝ զոր անձամբ ունիմք ըզվեհափառ աստիճանն , 'ի մեզ՝ սոյլ ոչ 'ի մէնջ : Սեծ քահանայապետն Ղևոնդիոս ասէր առ ժողովսւրդն Հռովմայ . « Հայեցարձեք 'ի սփիւռս լուսոյ Աթոռոյն՝ յոր նստիմս , յարգասիս առաքելոց՝ որք զայս հիմնեցին , և թէ՛ և ոչ դռմիք յիս

զնորհս և զառ արինու թիւնս՝ որովք ար-
ժանի համարեցայց գահակալու թեանս ,
զգահն սրտուէս ջիք արժանապէս . քան-
զի սրտիւ աթոռոյն մնայ անսկանդ նա
և ՚ի ձեռս անարժան ժառանգաւորի ։

Ճշմարիտ է , զի մեր ՚ի մեզ ինքեանս
հայեցեալ՝ ոչինչ իմիք սրտուոյ արժա-
նաւոր զանձինս գտանեմք . այլ ոչ վասն
այսորիկ թոյլ տայ մեզ աստիճան մեր՝
զաստուածային զօրութիւն գաղտագողի
յանձին կրել , որովք որոշեալ է զմեզ
Հոգին սուրբ ։ Այս յիշեցուցանէ մեզ
զհեղինակ շնորհիս , որ է Յիսուս Քրիս-
տոս . զնախնի ժառանգակալս , որ են
սուրբ Առաքեալքն ։

Այլ ձեզ արժան է ՚ի նուաստութիւն
մերումբարեփառ հաւատով հայել յայ-
նրս և եթ՝ որք ՚ի շնորհացն Աստուծոյ
են ՚ի մեզ , որ գիտէ զանգոյն ՚ի գոյա-
կութիւն ածել , զակարութիւնն ՚ի զօ-
րութիւն փոխել՝ և զխաւարն ՚ի լոյս ։
Կարեմք ամենայն ճշմարտութեամբ ա-
սել զանձանց , զոր ինչ առ խոնարհու-

Թեան միայն տակը Բեռնարդոս . « Ես եմ հրաշք ժամանակիս » : Այսինքն՝ հայեցեալ ՚ի գերազանցութիւն պատուոյս՝ մեծ ոմն եմ . հայեցեալ յիմ արժանաւորութիւն և յարգասիս՝ ոչինչ եմ : « Հրաշք ժամանակիս » . Ապիսկոսոս եմ , այլ զանուն միայն զԵպիսկոսոսութե՛ն և զպերճութի՛ն և զիշխանութի՛ն ունիմ , մեծ ոմն եմ , դարձեալ և ոչինչ եմ : « Հրաշք ժամանակիս » . Այլ ձեր ակնկառոյց լինել անկէ յիս , ոչ ըստ իմում մասին որ ընդ մարդկային դիւրայեղութեամբ է , այլ ըստ այնմ որ նշոյլ է Երկնային զօրութեանն , և ունին մատուցանել ձայնի Եպիսկոսոսին՝ որ խօսի , որ աղօթէ , որ երգնու , որպէս ասէ սուրբն Օգոստինոս : Այլս առաւել յայնժամ , իբրև անարգեալ պախարակիցէ զձեր մոլութիւնս կամ անձամբ , կամ ՚ի ձեռն նըւիրակոյ իւրոյ :

Կամք յուխտիս մերում սիրելիք , եթէ բարձրացուցուք զձայն մեր պատմել զմեզս ձեր , և կարկառեցուք ձեռս՝

բառնալ զչարաչար սալորոյթս, որք են
 գառնարմատ որոճունք, զոր սյր թշնա-
 մի ցանէ 'ի վերայ բարւոյ սերմանն՝ յա-
 սկաննել զբարեբոյսն ատորացեալս, և
 նուաղել յերկնային մշակէն զընտիր և
 զսոհմականօք լի հունձսն : Եւ այս է,
 յոր սակս Տէր ընտրէ առաջնորդս ե-
 կեղեցւոյ իւրոյ ըստ որբոյն Օգոստի-
 նոսի : Եւ վայ հովուին որ լռէ, ասէ
 Աստուած իւրովքն մարգարէիւք. «Վայ
 է ինձ եթէ լռեցից » . Եսայի . Զ . 5 . ըստ
 լատին թարգմանու թեան : Վայ զօրա-
 վարին, որոյ տեսեալ զգալ թշնամւոյն՝
 ոչ փող հարկանէ : Եթէ անհոգացայց
 ուղղել, ասէ նոյն սուրբն Օգոստինոս,
 չար և սեղէց քան զմեղուցեալն :

Նշէ, սիրելիք, հանգուսջիք զոգիմեր
 ըստ այսմ մասին : Սուրբն Քաւղոս զնոյն
 յանձն առնէ մեզ 'ի ձեռն Տիմոթեայ՝
 յանուն Յիսուսի որ դատելոց է զկեն-
 դանիս և զմեռեալս . խրախոյս տայ մեզ
 խրատել, աղաչել, սաստել քաղցրամոք
 երկայնատու թիւ և առողջ մտօք : Աամիջիք

մնալ մեզ խարդախս ոմանս յատենի Աստուծոյ դատաւորի, և սլարտաւորս անհերելի տանջանաց: Աչ երբէք արդարեւ: Այլս դուք սրտացուցէք զմեզ, քաջալերեցէք, ձայն տուք ՚ի դիմի հարկանել չարեաց, զի չարքն փրկեցին: Համաշունչ ինձ եղերուք խլել յընտրեալ այգւոյ ատի զգաղձս անսխտանս, զփուշս ժանտաժուտս և մոլեբոյսս. որպէս զի աճեացի այգին և սլաղաբերեացէ ոչ ազոխս թթուահամս ատամնառուս, այլ խաղողս ընտիրս անուշունս ընծայեացէ երկնային այգորդին, որոյ գործ ձեռացէ տունկդ հոգևոր. « Ախտս զիցուք առաջի Տեառն »: Հաճեացի Տէր՝ որ բարեսէրն է, երկիր առնել զձեզ ընդունակս սերմանց հոգևոր ազգմանց, որպէս և այժմ՝ ցուցանէք զանձինս խանդոտս տռ մեզ՝ և սլաշտօնասէրս, և սլայծառ խնձղանք սերկեան հրճուանաց միմացէ ընդ մտից արևուն մթանալ:

Օ ի՛նչ ասլա մնայ մեզ: Անայ զի յուշի կալեալ զգերակոյ բարձրու թիւնս՝

աստէն իսկ առաջի սրբութեան սեղանոյս հանդիսիւ ուխտս կոխցէք պահել առ մեզ յարգ որդեկոն, և գորովուն սէր քաղցրագութ. զի յամենայն ՚ի պէտս ձեր և ՚ի կարիս դիմեօջիք առ մեզ որպէս որդի առ հայր, որպէս բարեկամ առ բարեկամ: Յաճախեօջիք յեպիսկոս պոսարանս մեր, որ է մեր տուն բնակութեան. քանզի բաց է դուռն նորա տաւամենայն խնդիր ձեր, առ սէր ձեր, առ պէտս ձեր:

Այլ զի՞նչ քրթմնջիւն է՝ որ յաճի ՚ի ձերում միջի, և զպայծառ աւուրս հանդէս խրթնացուցանէ. յիշեմ զոր Երեմիաս անէծ զուխտագանցս օրինաց. «Այսպէս ասէ Տէր. անիծեալ լիցի մարդն այն, որ ոչ լուիցէ բանից ուխտիս սյսորիկ». Երեմ. ԺԱ. օ. ըստ լատին թարգմանութեան: Բա՛բէ, տեսանէ Տէր, զեառանց կամաց մերոց զաստուածային անէծսն ածեմք ՚ի վերայ ոմանց ցանկալի որդեկացդ իմոց, յորոց վերայ ցանկամք տեղալ զաստուածայինն օրհնութիւն:

Այլ մարթ ինչ իցէ ումեք գտանել յայսպիսում հրահանգեալ և մարդա սէր ազին՝ որ ընկճեալ յողին կայցէ ընդդէմ հաստատութեանն ուխտիս այսօրիկ, կամ պատրաստ լիցի խժաբար խըրամաաել զայս՝ ոգի որ չարագրգիւ, անզգամ և խռովայցլ: Ա՛յլ որ «կամի հակառակող լինել» . Ա. կրթն . ԺԱ. 16 . այնպիսին ՚ի նոցանէ է, զորոց աստուածայինն Պաւղոս ողբայ առ Թեաս զոնիկեցիս . «Ստահակութեամբ գնան, գործ ինչ ոչ գործեն, այլ յուլայեալք հետաքրքիր շրջին» . Բ. Թեասղ . Գ . 11 :

Այնպիսոյն մերկանամք զթակարդն՝ յոր պարանի, մեկնեմք զապաշաւն՝ զորմէ հանդերձի բուռն հարկանել: Ա՛հ . ահա՛ սոյն իսկ այսր աւուր հանդէս լիցի այնպիսոյն ՚ի վկայութիւն . «Քարինքքս այս եղիցին ձեզ ՚ի վկայութիւն» . Աւտ . ԻԴ . 27 : Այն և հրեշտակք՝ որք ենն ՚ի պահպանութիւն սրբոց տաճարիս, և նշխարք սրբոց, և պատուական օսկերք վկայից՝ որք հանգչին յանգորբու


ընդ այսօրիւք սեղանովք , գիտակիցք
սրբոյ հանդիսիս , որով հաստատեցաւ
սերկեանս ուխտ՝ վկայք եղիցին ընդ-
դէմ այնպիսւոյն :

Իսկ առ մեզ՝ յայտնեցի առաքելու-
թիւնս մեր առ ձեզ մնայունն ՚ի սէր , ՚ի
համբերութիւն և ՚ի խաղաղութիւն .
“Նշանք առաքելութեան մերոյ ամե-
նայն համբերութեամբ ” . Բ . Կրն . ԺԲ .
12 : Այլ երբէք յայդ սակս ատեսցուք
զայդ եղբայր և զորդի անձանաչող , բա-
րերարել նմա , զամենայն հոգալ՝ որ ՚ի
չահ նորա իցէ . աղօթս առնել վստան նո-
րա արտասուօք բազմաւ : Աստացուք առ
Տէր . “ Ինայեան ՚ի պատանեակն իմ Աբե-
սողամ ” . Բ . Թագ . ԺԸ . 5 : Ար թէ և
Թշնամի , սակայն որդի է , և որդի փա-
րելի , հաստատուն կալցուք զխաղաղու-
թիւն նա և ընդ այնասիկ՝ որ խաղաղու-
թեան Թշնամիքն իցեն : “ Այս էի խաղա-
ղարար , յորժամ խօսէի՝ մարտնչէին ընդ
իս : Ինակեցաւ անձն իմ ընդ այնասիկ՝
ոյք ատէին զողջոյն ” . Ալ . ճԺԹ . 7 , 9 :



Սովին սգւով խաղաղութեան վստահեմք, զի հովանի արասցէ Տէր զաջ իւր 'ի վերայ մեր ամենեցուն, որպէս երբեմն 'ի վերայ տոհմին Յուդայ՝ միջնորդութեամբն Եզեկիայ արքայի : Այլ և 'ի վերայ ձեր՝ որք համախմբեալք 'ի մի կամս՝ ունկնդիր լինիք և շահիք 'ի հայրական խրատուց աստի մերոց : « Այլ եղև ձեռն Տեառն տալ նոցա սիրտ մի, զի արասցեն... զբանն Տեառն » . Բ. Ս՝նա. Լ. 20 . լատ . թարգ : Այս աստուածային շունչ համակամութեան և խաղաղութեան բերեալ առ մեզ 'ի Յիսուսէ Քրիստոսէ, և 'ի նմանէ Ժառանգութիւն թողեալ առ ամենայն աշակերտս իւր, և նորօք աւանդեալ ճշմարիտ հաւատացելոց, եղիցի միշտ ընդ ձեզ . « Շնորհք ընդ ձեզ և խաղաղութիւն » . Ա. Թիէաղ. Ա. 2 : Խաղաղութիւնն որ 'ի հոգւով մերում նշան դրոշմէ զառ Աստուած բարեկամութին . խաղաղութիւնն որ թագաւորեացէ 'ի տունս ձեր, պատշաճեալ զսիրտս ձեր՝

տուչութեան շնորհաց Հոգւոյն սրբոյ՝
որ 'ի ձեզ իջանէ , բորբոքեսցէ զձեզ և
արծարծեսցէ քաղցրութեամբ աստուաշ
ճային սիրոյն . « Շնորհք ընդ ձեզ և խա
ղաղութիւն » . ամէն :



Ճ Ե Ռ Ի .

Ի յարո-լի-նն Յիսուսի Քրիստոսի , օրինակ Յա-
րո-լի-ան Տերոյ 'ի նոր կեանս՝ որ ընդ Աստուծոյ :

Միանգամայն օժանդակեն մեզ 'ի
բացատրութիւն փառաւոր խորհրդոյ
յարութեանն Քրիստոսի , և 'ի մեծարել
և սրբել զվսեմափառ տօնս հրաշալի ,
բնութիւնն , հին կտակն , և սուրբ Ա-
ւետարանն :

Ինութիւնն օգնէ իւրովք օրինակօք .
և օրինակ է յարութեան՝ արեգակն ծա-
գեալ յետ թաղմանն 'ի մուտս . « Արև
մեռանի , և դարձեալ ծնանի » . ասեն

Տերտուղիանոս և Գրիգորիոս : Վարու-
 նըն՝ որ ծաղկունս նորաստեղծէ, և ա-
 շունն՝ որ զճառոց ստուղս ընծայէ մեզ,
 և զսերմունս յառաջածէ. սերմունք նու-
 րածնեալք յիւրեանց գերեզմանէ. ար-
 ծուի նորափետուր զարդարեալ. օձ՝ ըզ-
 հին խորխն մերկացեալ, և նորովն նորա-
 զգեստեալ. և եղջերու դեռակենդան
 զուարթացեալ խոյտացեալ առ վճիա
 աղբերքք. ամենեքեան սոքա նշանակք
 են խորհրդաւորք, նշանակք յարութէ,
 որպէս սուրբ հարքն ասեն, Եպիփան,
 Բասիլիոս, Ամբրոսիոս, Երոնիմոս, Օգոս-
 տինոս, որ ՚ի պաշտպանութիւն մերոյս
 հաւատոց զքնութիւնն ածէ զօրավիգն :

Հին կտակն նախանկարէ զայս՝ իւ-
 րովք օրինակօք. և օրինակ է յարութէ՝
 աղաւնին որ դարձաւ ՚ի տապանն՝ ոսոս
 ձիթենւոյ կալեալ ՚ի բերանին. Իսահակ
 ՚ի զոհ գնացեալ ՚ի լեառն, և անտի դար-
 ձեալ կենդանի. Յովսեփ հանեալ ՚ի գը-
 բոյն, և իշխան եղեալ Եգիպտոսի. գա-
 ւազանն Ահարոնի որ ծաղկեցաւ ըստ

սեռի իւրում. Յովնան ելեալ յորովայնէ կիտին, Դանիէլ ՚ի գբոյ առիւծուց, ամենեքեան նշանակք յարութեան, որպէս ասեն ընդ Թէսզորեոսի սուրբ հարք և մեկնիչք, օրինակք են յարութեան ՚ի կենսագործել զմեր յոյս :

Այլ զայս ամենայն որ ինչ ազգին մեզ օրինակաւ ՚ի բնութենէ և ՚ի հին կտակէն, նորոգէ յուշ մեր սուրբ Աւետարանն, և վաւերացուցանէ և հաստատէ և կնքէ իւրով անստերիւր վկայութիւն ասելով, Յարեաւ, յարեաւ : Վկայք են այսմ կանայք բարեպաշտք գտեալք յայնժամ առ գերեզմանաւն, սարսափ զինուորաց՝ որք սրահէին զգերեզմանն, ամօթ փարիսեցւոց թշնամեաց խորհրդոյն, և հանգիստումն առաքելոց ասլշելոց : Վէմն, այն, նոյն իսկ վէմն յայտնէ զնա, որ կափարիչն էր գերեզմանին :

Յարեաւ, ասէ սուրբն Թովմաս, ՚ի վճար արդարութեան, որում կամք էին, զի որ խոնարհեցաւն մահուամբ չափ և մահու խաչի, բարձրացի յաղ

Թանակաւ՝ փառաւոր յարութեամբն :

Յարեաւ 'ի վճար ողորմութեան ,
ասէ սուրբն Օգոստինոս , 'ի լրումն փրկ-
կութեան մերոյ . յոր ոչ բարւոք յու-
սայսք , եթէ չէր նա յարուցեալ :

Հուսկ ապա՝ յարեաւ 'ի վճար գը-
թութեան և սիրոյ , ասէ Բոնավենդու-
րա , տալ մեզ օրինակ հոգևոր յարու-
թեան մերոյ 'ի մահուանէ մեղաց 'ի
կեանս շնորհաց :

Ի մէջ այսր ամենայնի՝ որք առաջի
ընծային մեզ 'ի խորհուրդ յարութեան
'ի շահ մեր , կալցուք մեզ նպատակ ըզ-
վերջինս զայս խորհրդածութիւն : Յա-
րութիւնն Գրիստոսի օրինակ է և նը-
կարագիր յարութե մերոյ 'ի նոր կեանս
ըստ Աստուծոյ , ըստ երկուց մտածեալ :
“ Յարեաւ ճշմարիտ ” . 'Ղ-ի . ԻԴ . 34 .
առաջին հանգամանք յարութեան : “ Բը-
րիստոս յարեաւ 'ի մեռելոց , այսուհե-
տև ոչ մեռանի ” . Հոով . 2 . 9 . երկրորդ
հանգամանք յարութեան :

Լ . յսպէս պարտի լինել և մեր յարու-

Թիւն , այսինքն ճշմարիտ և իրական ,
 (այս ւն . մասն) : Սնայուն և տեական .
 (և այս ք . մասն) : Ի տեսանել սրբոց առ
 քաքելոց զՏէրն՝ զոր մեռեալ կարծէին
 և թողեալ՝ կենդանի և խօսող , ապշեալ
 մնացին . ու շակորոյս եղին առ զարմա
 նակեայն , և ոչ կարէին հաւանել՝ թէ
 մարմին իցէ այն ճշմարիտ . յանձն առ
 նուին կարծել զայն մանաւանդ սրատ
 րանս երևակայութեան , ստուերս ինչ
 առ աչօք . « Խռովեցան և համարէին ինչ
 ողի տեսանել » . Ղու . ԻԴ . 57 : Յայն
 ժամ ոչ կամեցաւ Յիսուս , զի կացցեն
 մնացեն նոքա յայն տարակոյս . ստուգէ
 նոցա զճշմարտապէս յարութիւնն . տե
 սէք ասէ զձեռս իմ և զոտս . շօշափե
 ցէք զվերս իմ , տեսէք զի չէ՛ առ աչօք .
 մարմին իմ ճշմարիտ է և իսկական . « Ղգի
 մարմին և ոսկերս ոչ ունի » . Ղու . ԻԴ . 89 :

Հարցանէ աստ սուրբն Յովհանն սու
 կեբերան , զի՞ հոգ էր Գրիստոսի ստու
 գել առ աշակերտան զճշմարիտ յարու
 թիւնն , և սրատասխանէ . բայց յայլ

սլատճառաց նա՛ և վասն այսորիկ՝ զի տայ-
ցէ մեզ ճիշտ դաղափար դարձի մեղա-
ւորաց, և յարու թեան նոցա ՚ի մահուա-
նէ մեղաց ՚ի կեանս շնորհաց . որովհե-
տեալ յարու թիւն նորա էր օրինակ և նա-
խագիծ յարու թեան մերոյ: Քանզի թա-
ղեցաք ընդ Քրիստոսի ՚ի մահ, պարտ է
մեզ զնոյն օրինակ յառնել ՚ի նոր կեանս .
« Որպէս յարեալ Քրիստոս ՚ի մեռելոց,
նոյնպէս և մէք ՚ի նորոգումն կենաց շըր-
ջեսցուք » . Հով. 2 . 4 :

Ապա առ հոգևոր օգուտ հոգևոյ
մերոց ՚ի մեզ ինքեանս դարձցուք սիրե-
լիք, և տեսցուք թէ և մեր յարու թիւն
՚ի նոր կեանս, և բարեկամութիւն ընդ
Աստուծոյ իցէ՞ այսպէս . ճշմարտութիւն
և իրօք իցէ, թէ սոսկ կարծիք ինչ և
ցնարք առ աչօք :

Արդ իսկ ժամ էր, զի դուք սկսե-
րիստոսնեայք, ծառայք մեղաց և անբա-
րի սովորութեանց և յանցանաց, ինք-
նին խորհրդածուք կացլիք յաղաղս ան-
ձանց ձերոց, և հրաժեշտ տուեալ ՚ի

զուարթարար խորհրդոց, ողբս առջիք
 'ի վերայ գերութեան անձանց, որպէս
 երբեմն խորայէլեան ժողովուրդն գեր-
 եալ 'ի Բաբելոն՝ ողբայր 'ի վերայ գե-
 տոյն Յորդանանու, փափաքեալ իւրումն
 աղատութեան. « Առ գետս բաբելա-
 ցոց, անդ նստէաք և լայաք » . Սղճ. ՃԼԶ :

Քանզի ըստ եմեսացոյն, զոր օրինակ
 'ի խմբել զայն ժողովուրդ՝ հնչէին փողք
 արծաթիք, այսպէս 'ի խմբել զձեզ յան-
 ցեալ քառասնորդս հնչեաց փող մար-
 գարէին Յովելեաց. « Փող հարէք 'ի Սի-
 ոնն » . Յովէլ. Բ . 1 . 15 : Ղոչեաց ձայն
 ուրումն նախանձաւոր պաշտօնէի՝ զոր
 առաքեաց Տէր ժողովել զձեզ, 'ի ձայն
 բարձր գոչելով՝ արք, կանայք, ծերք և
 տղայք, եկայք խորհեցարուք զձեր թըշ-
 ուառ վիճակ և կոծեցարուք : « Եողու-
 վեցէք զժողովուրդս . . . ընտրեցէք ըզ-
 ծերս, ժողովեսջիք զտղայս սանդիացս » .
 Յովէլ. Բ . 16 : Եւ եղև այսպէս :

Եկեալ էք դուք մխիթարութեամբ
 բազմաւ, և խուռն բազմութեամբ 'ի

ձայն այսր փողոյ յայսմ քառասնորդի ,
տեսաք զձեզ ողբալ զանձինս իբր օրի-
նադանցս , և զուարճացաք ոչ ընդ լա-
լիւն ձեր , այլ ընդ բացայայտ նշանն՝ զոր
ցուցանէին այն կոծք . “ Աչ զի տրամի-
ցիք , այլ զի յապաշխարութիւն տրամի-
ցիք ” . Բ . Կրն . Է . 9 :

Արդ քանզի այժմու վիճակ ժողովրդ-
դեանդ է վիճակ նորածնելոց ապաշխա-
րութեամբ , վիճակ դարձելոց , և յար-
տաքին յառեալ երևոյթ՝ յարութիւն
ձեր ճշմարիտ է և խսկութեամբ . բայց
եթէ 'ի ներքս անդր յառեցուք զաչս
մեր 'ի սիրտս՝ լրտեսել զգաղանիս , կա-
րի երկիւղ ունիմ սիրելիք վասն ձեր . և
արդարև յանդորրու էք դուք , ազատա-
ցեալք յապաշխարութենէ . քանզի նը-
կատէք միայն 'ի խորհրդական խոստովա-
նութին , և ոչ 'ի զառանցանս՝ որք կարեն
կեզտ բերել 'ի ձեզ և պարտաւորել :
Ատան էք դուք զցաւոյ ձերմէ (յաղտգս
մեղաց) , որ թերևս չեղև ընդհանուր ,
և ոչ ըստ բաւականին գործունեսայ :

Վո՛հ էք դուք, զի արձակուամն ընկալայք, որ թերևս առ յանցանաց ձերոց դերեաց զձեզ մեղաց. ուստի որ պէս երբեմն առ բազումս, նոյնպէս և այժմ առ ձեզ հնար իցէ ասել. «Օ, ա՛նուն կենդանւոյ ունիս, և մեռեալ ես».

Յայտ. Գ. 1: Կարծես դու սրդեակ, կենդանի զանձն քո, և զուարթուն, և առողջ. մի՛ գուցէ դի իցես վաղափուտ և որդնակեր. կարծես յանձնէ լուծեալ զշլթայսն՝ որք կապեալ կաշկանդեալ էին զքեզ ՚ի սովորոյթ չարաչար, մի՛ արդեօք իբր զառաջինն նովիմք կապանօք ձգիցիս: Կարծես դու . . . :

Ի վտանգի էր երբեմն Սաւուղ վասն անձին և վասն զօրաց իւրոց ՚ի հզօր զինուորութեանց փղշտացւոց, ուստի պարանեալ երկիւղիւ, անձկութիւ և անյուսութեամբ, անգիտացեալ յի հաստատեսցէ զիւր յոյս, յուչ եղև նմա զոր անդ ուրեմն երբեմն լուեալ էր, (նախքան զամս երկուս,) մինչև էր մեռեալ մարգարէին Սամուէլի, շուարեալ խոր.

հեցաւ երթալ առ չարադև ոմն կիւսասհմայ, առ կին ոմն գեանակոչ. ասէ ցնա. « Յարս ինձ զՍամուէլ ». Ե. Թ. Գ. ԻԸ. 11: Ո՛վ անյոյս խորհրդոյս. զայս ասաց, և ասան անդէն Սամուէլ՝ մահադուշակ դիմօք, ծերու թեան հայեցուածովք, կնճռեալ ճակատու, բարկացոյտ աչօք գոչեաց բանիւքս այսոքիւք. « Օ, ի լկեցեր զիս ելանել ինձ ». անդ. ԻԸ. 15: Ո՛վ Սաւուղ Սաւուղ, և ընդէր ոչ թողեր զիս հանդիստ յիմում գերեզմանի. յանդորրու էի, ընդէր զիս խռովեցուցեր. ընդէր կոչեցեր զիս վերստին ՚ի տես թաղճագին աղեախոյ. « զի լկեցեր զիս »: Արդէն բաղմօք յառաջ գուշակեցի քեզ զկորուստ քո. և ասան այժմ լցան ժամանակք. « Արացէ ընդ քեզ Տէր, որպէս և խօսեցաւ ». անդ. ԻԸ. 17:

Այլ թողցուք զՍաւուղ յիւրում յուսահատու թեան, և մէք ՚ի նպատակ մեր դարձցուք խնդրել ընդ սրբոց հարց, թէ արդարև Սամուէլ յարուցեալ իցէ ՚ի մեռելոց: Թէպէտ բազումք հաստա-

տեն զայս, այլ ժխտեն այլ սուրբ հարք՝
Տերտուղիանս, Պրոկոպիոս, Եւգերիոս,
Բեդա, Թէոդորիտոս, առ աչօք իմն էր
ասեն այն, և երևոյթ, և ուրուական
Սամուէլի. այլ ոչ նոյն ինքն Սամուէլ.
“ Դիւական ցնորք էր այն, և ոչ հոգի
Սամուէլի ”:

Եւ ոչ տեսանէք. ընդէր 'ի նոր կեանս
կոչէ Սաւուղ զՍամուէլ, առ յուսահա-
տութեանն, վասն երկիւղին, և ոչ վասն
նիւթոյ ինչ հաւատոյ: Եւ զի՞նչ զօրէ
Սաւուղ 'ի դէս, 'ի գիւթս, 'ի գետ-
նակոչս, 'ի հարցուկս:

Աւրեմն խորհեաց, չէ՛ այն Սամուէլ.
ուրուական նորա է: Չէ՛ այս յարու-
թիւն իրական, այլ սլաօիր, ցնորական,
առ աչօք. “ Յարք դիւական՝ և ոչ հո-
գի Սամուէլի ”: Արդ՝ տարակոյս է ինձ
սիրելիք, մի՛ այսպիսի ինչ իցէ և ձերդ
վերածնութիւն:

Եւ արդարև յու մմէ՞ շարժեցաւ, առ
մարդկանն ինչ ակնառութենէ, 'ի ձա-
խող արկածից ինչ բարեաց բաղդի, 'ի

յորդորանացի բարեկամաց և խնամակալուաց, առ երկեղո՞ւկս . ապա առ աչօք է դարձդ ձեր, ստուեր է, ուրուական է, և նմանութիւն ինչ դարձի . « Յընորք դիւական, և ոչ հոգի Սամուէլի » :

Առ 'ի ձեռս բերել զայն՝ ո՞րպիսի միջոցօք վարեցարուք . զի՞նչ ինչ 'ի գործ առեալ է ձեր . դիմեցիք առ Տէր՝ և առ հաւատարիմ ոմն սպասահարկու նորա, որ հաստատիցէ զձեզ, լուսաւորեցէ և ուղղեցէ . թէ ընդ հակառակն՝ որպէս Սաւուղ 'ի դիւական արուեստս ապաւինեցայք, այն է՝ խաբել զսոստովանահայր ձեր՝ որ ոչ գիտէ զի՞նչ կրի 'ի ձեզ . կեղծել երևոյթ ինչ ապաշաւանաց . 'ի շրթունս և եթ առաջագրութիւնս ձեւացուցանել՝ և ոչ 'ի սրտի : Ապա ուրուական է դարձդ ձեր՝ և նմանութիւն դարձի . իսկ ճշմարիտ դարձ ոչ է . « Յընորք դիւական, և այլն » :

Առէք 'ի ձեռս կշիռ արդար՝ կշուել զայս մեր տարակոյս, տեսանել թէ յառնելդ ձեր այդ նման է յարութեանն

Քրիստոսի, որ արդարև յարեալ . և մեք
առ սիրոյ համառօտութեան անցցուք
ի միւս խորհրդածութիւնն. « Քրիստոս
յարուցեալ է ՚ի մեռելոց, այսուհետև
ոչ մեռանի » :

Բազումք յարեան միջնորդութեամբ
մարդարէիցն Եղիայի և Եղիսէի : Արպէս
ընթեռնումք ՚ի սուրբն Մարկոս, յարեալ
դուստրն Յայրոսի, Ղազարոս, մա-
նուկն որ ՚ի Նային, որպէս պատմէ սբն
Ղուկաս, Գլ. Է : Այլ այս ամ յարուցեալք
անկատարք էին . քանզի դարձան յարու-
ցեալք յիւրեանց առաջին հանգամանս .
« Յարեան առ ՚ի մեռանել վերստին » .
ասէ Գուլիէլմոս փարիզեցի :

Այսպէս Տէրն մեր՝ որ յարեալ՝ զի
այլ մի մեռցի. « Քրիստոս յարուցեալ է ՚ի
մեռելոց, այսուհետև ոչ մեռանի » : Այլ
ահա այսպէս քրիստոնեայք՝ սրարտ է
լինել և ձերումդ յարութեան, որով
նորածնեալք եղէք ՚ի կարգս շնորհաց,
զի մի ևս անկղիք ՚ի մեղս : « Յարու-
ցեալ առ Տէր դառնալով, զի այլ մի մեռ-

ցիս յառաջին մեղանագ շաղեալ . ասէ
Բոնավենդուրա :

Արդ՝ ժամ է տեսանել, թէ յարու-
թեանդ ձերոյ հանգամանք՝ այսմ յար-
մարակա՞նք իցեն . եթէ հաստատու՞նք
իցեն թողուլ զամենայն հրապոյրս, զա-
մենայն գրգիւս, զամենայն վտանգս մե-
ղաց : Օգոյշ կացէք, դարձցի՝ դարձցի
սատանայ բնակել առ ձեզ ամենայն չա-
րարուեստ հնարիւք իւրովք . այն ան-
մաքրու թեան հրապոյրք ՚ի տօփօս ինչ
տեսարանի նկարեցին դարձեալ առաջի
աչաց ձերոց . աշխարհ որ ամենայն ուս-
տեք տեղաց ՚ի վերոյ ձեր սրոգայթս, զի
զմարգարէին ՚ի մէջ առից փոխաբերու-
թիւն, զամենայն ճարտարանս հայթայ-
թիցէ ՚ի հաղբսն՝ ձգել զձեզ յիւր թա-
կարդ . Սղ. Ժ. 7 : Ս՞ գիտէ, զխորդ իցէ
այժմու արձակումնդ ձեր, և սրչափ ըզ-
դէմ կալցի յարձակմանց մարմնոյ, աշ-
խարհի, և սատանայի :

Յորժամ ժողովուրդ Տեառն առաջ
նորդու թեամբ և խրախուսանօք քաջի

զորավարին Յեսուայ եղ զոտս իւր 'ի
 ճանապարհ բարեպարիշտ ընթացակ-
 ցութեամբ հանդիսի Տապանակի ուխ-
 տին, ետես նորահրաշս, բաժանեալ ըզ-
 ջուրն Յորդանանու յերկուս, թողեալ
 ցամաք և ապահով ճանապարհ յանցս:
 Այլ այն ինչ տապանակն եհաս 'ի գե-
 տափն, և ընդ նմա փրկեցաւ ամենայն
 Իսրայէլ, և ահա՛ յորդահոսանք գետոյն
 կալան զառաջին դնացս իւրեանց, և կա-
 լան զնախնի ձորափորս իւրեանց. «Ղի-
 մեաց ջուրն յորդանանու 'ի տեղի իւր,
 և դնայր որպէս յերեկն և յեռանդ ընդ
 ամենայն յատակս նորա» . Յե՞ . Դ . 18 :

Արդ երկնչիմք՝ մի գուցէ և յաւու-
 րըս մեր նորոգեսցի այս դիպուած . մի
 արդեօք յաւուր յայսմիկ նորոգեսցի 'ի
 մէջ ձեր : Այն չարայոյզ կիւրք՝ որք յան-
 ծանօթս մնան 'ի ձեզ 'ի կերպարանս
 ծպտեալ բարւոյ, մի երբէք դարձցին
 կալցեն զընթացս իւրեանց ըստ ջրոցն
 Յորդանանու որպէս զաւուրցն առաջ-
 նոց՝ որ նախքան զապաշխարութիւնն .

մի զայն կալցեն և յաւուր յայսմիկ՝ որ է
 օր պասեքի, որ թարգմանի անցք:

Այլ ապա յետ անցանելոյ աւուրս
 այսմիկ՝ թերևս մարթ ինչ եղիցի ասել
 թէ այն ամենայն կիրք զլուրեանց զա-
 ռաջին ճանապարհ կալեալ իցեն: «Ղի-
 մեաց ջուրն Յորդանանու, և գնայր ՚ի
 տեղի իւր որպէս յերեկն և յեռանդ ընդ
 ամենայն յատակս նորա»: Այն խաղք,
 ցոփութիւնք, զեղխութիւնք, խեղկա-
 տակութիւնք, արբեցութիւնք, քրք-
 մնջիւնք, քսութիւնք նահանջեսցին սո-
 քա ընդ անցանելն սրբոյ Տապանակին:

Այլ զինչ ապա երկնչիմ թէ և ձեզ
 անկ իցէ ասել. «Ղիմեաց ջուրն Յոր-
 դանանու, և գնայր ՚ի տեղի իւր որպէս
 յերեկն և յեռանդ, ընդ ամենայն յա-
 տակս նորա»: Այլ թէ վաղնջուց հեղգու-
 թիւնն, ծուլութիւնն, զեղխօրէն կեան-
 քն հասարակաց լեալ այժմ՝ յաւուրս
 մեր, որ զամենայն բարիս և զբրիստո-
 նէական գործս յետս ընկրկէ, և զսմ
 առ ՚ի հոգւոյ վրկութի սլատշաճեալս:

Բանբէ, երկնչիմք թէ դարձցի 'ի խաղաղ ժառանգութիւն իւրոցն ըստ աւուրցն առաջնոց . « Աիմեաց ջուրն Յորդանանու 'ի տեղի իւր » : Յաւելլու զերկիւղ մեր՝ օրինակ ամացն անցելոց :

Այլ և այսօր իսկ 'ի զատկական աւուրս տեսանին 'ի ձեզ իսկ նշմարանք բանիցս . դարձեալ առաջնոց վարուց ախորժակք կենդանանան . դարձեալ հեշտօտլիք ամբէն զկամս , և զցանկութիս անյագս . դարձցին ապա յառաջին տեղի իւրեանց :

Եւ առաւել ևս ունիմք պատճառս յարտասուս ցնդելոյ՝ ասէ Բեռնարդոս , զնորանոր անտեղութիւնս արարեալս սրտճառաւ հանդիսի աւուրս : Թողէք մեզ սիրելիք . թողէք մեզ ճօխանալ յարտայայտութիւն իրացն՝ զոր յանձին ըզգամ . և կարի ծարաւի եմ յաւիտենական վրկութեան հոգւոց ձերոց :

Թողէք մեզ նովին համարձակութք խօսել՝ զոր թողացուցանէ մեզ սրբազան պաշտօն մեր՝ յորում եմք առանց ինչ

մերոցս արժանեաց , միայն յաստուածային առատութենէն յայն սահմանեալք : Իցէ՛ թէ գոնէ այս անգամ զեղջըդ ձեր գործով իցէ , և ոչ լոկով բանիւ . “ Լ՛ռէք բանս և դարձարուք առիս ” . Ուէ՛ . ԺԴ . 3 . ասեմք ձեզ ընդ մարգարէին Ուսեայ : Աչինչ արժեն բանք անարժաթք ՚ի հաճել զփոխատուն : Աչինչ սլիտին բանք առ հանգանակողս ՚ի մեղս , եթէ ոչ զհետ գայցէ և հրաժարումն . “ Լ՛ռէք բանս , և դարձարուք ” : Ա՛չ բանք , ս՛լ ագահ , այլ բանալ զգանձըս , ձիրք դրամոց , ողորմութիւն : Ա՛չ բանք , ս՛լ տափոտ , այլ ժուժկալութիւն աչաց յարատ հայեցուածոյ , հրաժեշտ յընկերաց , հեռանալ ՚ի տանցն յայնցանէ , փախուստ ՚ի մօտալուտ վտանգաց : Ա՛չ բանք , այլ աղօթք , գործք բարիք , խորհուրդք , ստուղք արժանիք ապաշխարութեան : “ Լ՛րարէք ստուղս արժանի ապաշխարութեան ” . Եւր . Գ . 8 :

Յայս հրաւիրէ Եկեղեցի՛ որ կոչէ . Քրիստոս յարեալ . և յարուցեալ յօ-

դուռն ձեր շարժէ զձեզ, և հաւանեցուցանել նկրտի այնպէս, զի այս տօն՝ զոր յամենայն ամի հռչակէ սուրբ Եկեղեցի, ոչ միշտ տօնեացի վասն ձեր :


Օ ի ՚ի վախճան բանիս յայտնեցից ինչ մի՝ որ ամբօխէ զողի իմ յայսպիսի մեծահանդէս առուր : Այլ զայս տօն ո՛չ յամենայն ամի կարեմ աստ կատարել : Աստի յայսմանէ բեմբէ՝ և այլ որ դիտապետ զայս ունի ազգ առնել ձեզ : Այդ ՚ի տեղւոջ յոր դուքդ նստիք այժմ՝ այլք նստեալ լուիցեն զազգարարութիւնքս . և յայնժամ ո՞ւր իցեմք մեք :

Ահ, սիրելիք, երկնչիմ և դողամ նա և յասելս իսկ բանիւ լսկով . լիցուք յայնժամ յանվախճան յաւիտենին :

Այսմ առ բազումս ՚ի ձէնջ չսլիտին առուրք բազումք, զի սնւղ է կեանքին . և վասն ոմանց ՚ի մէնջ նա և ՚ի սմին իսկ ամի հանդերձեալէ գալ : Հնար է, զի այլ չիցէ ումեք դիւրին գտանել զանցեալ առուրս պատրաստութեանց զհրաւերս և զկոչմունս՝ որ ՚ի մեծ պա-

հրո եղեն . չիցէ այնպիսւոյն այլ ևս տօնել զայս զատիկ : Այլ այսպէս , եթէ յարութիւն ուրուք 'ի կեանս Հնորհաց չէ ըստ օրինակին Քրիստոսի ճշմարիտ սյժըմ , « Արդարև յարեալ Տէր » . ոչ է այնպիսումն մնայուն և տևական . « Քրիստոս յարուցեալ է 'ի մեռելոց , այսուհետև ոչ մեռանի » :

Այս ահաբեր խորհուրդ՝ զոր ցանկամ ունել միշտ 'ի սրտի ձերում յամենայն 'ի դործս ձեր , և քաջալեր յամենայն վտանգս , զօրավիգն յամենայն անձկութիւնս , սանձ յամենայն փորձութիւնս , թողում զձեզ յայս խորհուրդ օրհնութեամբ Տեառն մերոյ :



Ն Լ ՈՒ Վ .

Ի վերայ ճշմարիտ խաղաղութեան՝ վայր-լեամբ
հասցն խղճի :

Աւետարանէ մեզ այսօր մայրս մեր
սուրբ Եկեղեցի աւետիս մե՞ յասելն .
« Աւետարանեմ ձեզ ուրախութի մե՞ծ » .
Ղ Դ-ի . Ե . 10 : Աւրախանան հրեշտակք 'ի
յերկինս , և տօնս կատարեն սուրբք :
Լըրեցաւ յերկրի անձկալի խաղաղու-
թին , զի ծնաւ Փրկիչն աշխարհի , « Փառք
'ի բարձունս . . . յերկիր խաղաղութի .
. . . զի ծնաւ ձեզ Փրկիչ » : Այս որպէս 'ի
գուշակութիւնս մարգարէից կամ 'ի
նախագիծ երեւմունս , և ս'չ 'ի յոյս ա-
պագայից , այլ արդեամբք և ճշմար-
տութեամբ եկն յաշխարհ Աստուած
հզօր , հայր հանդերձելոյ աշխարհի , իշ-
խան խաղաղութեան . Լսայի . Թ . 6 :

Ի զմէր է ինդրել ձեր զայս խաղա-
ղութիւն յաւուրս խաւարչտին եղկու-
թեանց , յաւուրս Թախծագինս , որ նախ

բան զգալուստ Փրկչին : Ի նանիր է խոյզ
 և խնդիր իմաստասիրացն հեթանոսաց՝
 որ անուանիքն էին , և մեծահամբաւք ՚ի
 մթին դարսն յայնոսիկ : Ի նանիր է խընդ-
 րել զայս խաղաղութիւն՝ Ստոյիկեան
 կարծեցեալ անխուովու թեամբն , որ զան-
 վորդով դիմակս արկանել ուսուցանէ
 զերեսօքն և եթ , և ոչ զանդորրութիւն
 ինչ ՚ի հոգւոջ ծնանել : Ի նանիր է խընդ-
 րել զնա՝ կազմակերպեալ ձեռնարկս սլա-
 տիրս և առտասլելս անհաւանելիս , հա-
 մոզել զմիտս յանհամոզելիսն , զանձամբ
 առեալք զՅովբայն կշտամբանս . « Մը-
 խիթարիչք չարեաց ամենեքին » . Յովբ .
 ԺԶ . 2 :

Մչ գտանի սա յանշահ ախորժակս ,
 ոչ ՚ի առ փմունս չար ցանկութեանց , ցու-
 փութեանց , զեղխութեանց , սչ գտանի
 այս խաղաղութիւն . ոչ գտանի սա ՚ի
 թունալից հրապոյրս ձերոց վարժու-
 թեանց , այն , ՚ի չարաչար վարդապե-
 տութիւնս՝ որք սղծեն զնուիրականն ա-
 մուսնութիւն , զմիութիւն հարսանց ,

զպատիւ սրբւոց, զհաւատարմութիւն
 բարեկամոց, և կանգնեն սեղանս անօ-
 բէնութեան, զոհս մասուցանեն անա-
 մօթութեան, անիրաւութեան, անհա-
 լատութեան, դրժողութեան և մծղնէ-
 ութեանց: Այ գտանի բաղմաստուեր
 լուսով մարդկային բանի՝ որ ինքնօրէն
 համարձակիցի խնդրել առանց օգնու-
 թեան գերաբուն ուժոյ Տեառն որ լու-
 սաւորէ զնա և զօրացուցանէ: Աիակ
 աղբիւրն՝ յորմէ յորդեալ ծաւալի միտի
 թարութիւն ստոյգ, անդորրութի սրտի
 անդրգուելի և ճշմարիտ՝ քրիստանէա-
 կան հաւատքն է:

Այս խաղաղութիւն տեսանի ՚ի մի-
 ջօրէի նոր լուսոյն՝ որ ծագէ յայրէ ան-
 տի, ՚ի մարտն, ՚ի գծուծ խանձարրոցն,
 յարտասուաց նորածին Մեսիային՝ որ
 լուսաւորէ զաշխարհ. և է « լոյս ճշմա-
 րիտ, որ լուսաւորէ զամենայն մարդ ».
 Յով. Ա. 9: Գտանի այս խաղաղութիւն
 լուսովն՝ որ նոր վարդապետութիւն ած-
 առ մեզ, որում հետեի ամենայն մարդ:

Գտանի 'ի սկզբունս՝ որ տայ օրէնս ար-
դարութեան և համեստութեան . առ
հպատակեալս քարոզէ հլութի . խնդրէ
'ի փառամիլ հպարտացելոց խոնարհու-
թիւն , 'ի մեծատանց գութ և գորով ,
յաղքատաց համբերութիւն , յամենե-
ցուն մեռելութիւն , հրաժեշտ , ճնշու-
մըն յախտից : Մեզ միայն պահեալ այս
խաղաղ ժառանգութիւն անստանալի
գանձուցս , որք շնորհիւ Տեառն ծնաք
'ի փարախ սուրբ Եկեղեցւոյ : Մեզ՝ որք
բարւոյ դիպաք դնել զբան մեր 'ի հնա-
ղանդութիւն հաւատոյ , և ճանաչեմք
զճնեալ Մեսիայն՝ մեզ 'ի վարդապետ ,
յառաջնորդ և 'ի փրկիչ : Մեք՝ որք եր-
կիր պագանեմք 'ի նմա խորհրդոց գե-
րազանցելոց քան զմտաց հասողութիւն՝
կամակար գերութեամբ հաւատոյ , ըստ
բանի սրբոյն Օգոստինոսի :

Վասն որոյ քաջ է խրախոյս մեր սի-
րելիք ընդ քաջադիպութիւն աւուրցս :
Այլ քանզի այս խնդութիւնք 'ի ճշմա-
րիտ վախճան իւրեանց հասցեն , քննելի

է, զի՛նչ ուսուցանէ մեզ սուրբ հաւատք մեր յայսմ ուրախութեան աւուրս, որ յօգուտ յաւիտենական յեղանակեցի մեզ: Արդեօք իցէ՞ ձեզ այլ ևս խընդրել զստացութիւն խաղաղութիւն՝ մուրացածոյ լուսով նախնի իմաստասիրութեան. այս է՝ ցանկալի՞ իցէ՞ ձեզ վայելել զաշխարհականս խաղաղութիւն իբրև սրտուղ ճննդեան Փրկչին: Կամ թէ խնդրիցէ՞ք զճշմարիտ, զանսոյթաք և զերանելի խաղաղութիւնն քրիստոնէական:

Այս է մեզ նիւթ քննութեան, առ որ ստիպէ զմեզ հովուականս մեր սաշտօն, և ապամոյժ նախանձ մերս նուաստութիւն: Ապա՛ ՚ի բաց արասցուք յանձնէ զամենայն հեղգութիւն. խնդրեցուք, ուր է այս խաղաղութիւն տւետարանեալ քրիստոնէից. էջ ապաքէն յերկիր ընդ ճնեղոյ Փրկչին, « յերկիր խաղաղութիւն »: Խնդրի նա, այլ ուր արդեօք. կարծեմք կալեալ նորա զընթացս ՚ի յայնկոյս՝ ուր լցեալ զեղուն բարիք բաղդի:

ուր որկորստու թիւն, անձնդ իւրու թիւն,
ազատու թիւն, շուք, պատիւ, մեծու
թիւնք. այլ խաբիմք, չէ անդ, կորու-
սանեմք զճանապարհն, քրիստոնէական
խաղաղութիւնն չէ անդ :

Առ ՚ի զգաստացուցանել զձեզ, անց-
ցէ ՚ի մէջ Սողոմոն. ո՞վ քան զնա բարե-
յաջող, կարծել այնպէս էր թէ աշխարհ
՚ի գոգ նորա լլեալ իցէ զամենայն ճո-
խութիւնս և զմեծութիւնս : Ի մատաղ
տիս՝ իւրոց ոտնառուաց տիրեալ և ընդ-
ոտնհար լեալ թշնամեաց, էանց ՚ի խա-
ղաղական ժառանգութիւն երկուց թա-
գաւորութեանց՝ Յուդայի և Իսրայէլի :
Ի ստ գիտութեան մասին առեալ յԱս-
տուծոյ իբրև յօժիտ՝ առ ամենայն մար-
դիկ մեծապատիւ յարգեցաւ : Ամենայն
ակնարկութիւնք նորա էին օրէնք, բանք
նորա պատգամ. հրամանք նորա օժան-
դակք ամենեցուն, կանգնեաց զհրաշա-
կերտն զայն տաճար յապշութիւն ամե-
նայն աշխարհի, որոց նման ո՞չ տեսաւ
յաշխարհի ո՞չ յառաջ և ոչ յետոյ. ո՞վ

Երջանկու թի՛ անհամեմատ, ասէք դուք, ահա՛ տեղին ուր բնակէ և թագաւորէ խաղաղութիւն իբր յիւր սեպհական գահոյս. այսպէս կարծեն բազումք: Աւելի ալ այր՝ որ հաստատեալ ՚ի թագաւորութեան՝ ՚ի խնդիր եղև սորա:

Այլ ո՛վ անակնկալ բանիցս. և ինքն յայնպիսի ըմբռնեալ էր թախծութիւն, մինչև հաղիւ տեսանել զնա՝ իւրոցն. լայր և ողբայր, ընկղմէր գառնապէս ՚ի խորհրդաճութիւնս՝ որք փղձկէին զսիրտ նորա. և աշխարհ ամենայն չէր բաւական մտիթարել զնա: Չէր նորա անդորութիւն սրտի. « Հայեցայ, և ահա՛ սընոտի է »: Ժող. Բ. 11: Խոստովան լինէր՝ թէ աշխարհս գլխովին ձանձրոյթ էր նորա. « Ատեցի միանգամայն զկեանս իմ »: անդ. Բ. 17: Բնաբէ, քանիք են յուր ուրս մեր՝ զորս դուքդ երջանկացեալս ոմանս կարծէք. և նոքա յայանեսցեն զիւրեանց բազմախռով տաղտապանս՝ որ զիւրեանց կեանս ատել տայ նոցա: Այլ մի խոտողեսցէ զաչս գերաշուք փայլա-

ծոյք և մեծապատուութիւնք , ընդ որս
չլիք անդորրութիւն սրտի :

Այլուր խնդրեսցուք : Այլ ո՞ւր ար-
դեօք : Աւղղեցէք զչաւիղս ոտից ձերոց՝
յայնկոյս , ուր բաղմութի բարձակցաց ,
բարեկամաց և բանկայից . ահա անդ է
ըստ որում կարծի՝ անդորրութիւնն քը-
րխտոսական : Այլ մոլորիք : Յեղամը-
տութիւն մարդկան նման է բեկանուտ
եղեգան՝ որ առ ամենայն շնչիւն հողմոյ
տատանի , և աստ անդ բարբարի : Ա՛ի
լիցի սիրելիք , թէ վստահասջիք ՚ի բա-
րեկամս ձեր և ՚ի խրախճանակիցս . դաս-
տիարակն չէ՛ բարեկամս մանկանն՝ որ ՚ի
խնամս նորա ապստարի . այլ կարի քաջ
բարեկամ է ճոխ գանձուցն մնացելոց
՚ի հօրէն , պատուոյն՝ որում ակն ունի :
Ա՛ի լիցի ընծայել զանձինս ՚ի հաւատ
դաստիարակին , իբր թէ արդարացի հոգ
կալցի զմանկանէն , նահանջ արկանել
նմա յամենայն վտանգաւոր հարուա-
ծոյ բողբի :

Խորախոյլ լերուք անդ ՚ի մէջ երգոց

ցնծութեան, և ուխաննայ ձայնից: Ի՞նչ
 է մանուկն՝ որ ՚ի հովտաց անտի Ափես-
 դովինայ դառնայ այսր, կալեալ ՚ի ձե-
 ուին զանձուանւոյն Գողիաթու գլուխ
 բոսորաներկեալ: Այս ինքն է Գաւիթ:
 Կնայ ընդառաջ Սաւուղայ պաշտպանին
 իսրայէլի. սպանողն անարգիլ փղշտա-
 ցւոյն, փառօք հաստատելայ ՚ի գլուխ
 տեառն իւրոյ զապարօշն և զգաւազանն
 ՚ի ձեռին: Արդ ո՞րպիսի ինչ խայտալ
 ցնծութիւնս ակն ունիք տեսանել յըն-
 դունեւելութիւն սորա, սէր, նուէրս մե-
 ծապարգևս, որք երաշխաւոր կացցեն
 երջանկութեան վարուց և աւուրց նորա
 յօրէ յայնմանէ և անգր:

Ահա անգորրութիւն հոգւոյ, և խա-
 զաղութիւն երանելի: Այսմ սյսսէս
 լինել արժան էր, այլ արդիւնք իրացն
 վրիպեցին յարժանեացն: Բարձոյց ՚ի
 նա Սաւուղ զկկոցեալ աչս իւր, և հար-
 եալ ՚ի նա ցաւ նախանձու՝ մինչև տան-
 ջել զնա, հարցանէ նմա զամօթալի հար-
 ցումն, « Ուստի՞ ես մանուկ դու » .

Ա. Թ. 4. Ժ. Է. 58: Օ խաճոճ՝ ո՛չ սա ինքն է
 Դաւիթ՝ զոր անձկանօք սիրէիր . այ՛ն ,
 Դաւիթ է սա . այլ Սաւուղ գերեալ
 'ի նախանձուէ՛՝ ո՛չ ևս է նոյն : Եւ քա
 նիք գոցին իբրև զԴաւիթ բարերարք՝
 որոց 'ի տրիտուր փոխարինի հաաուցան
 անշնորհակալիք : Ահա՛ սիրելիք , որսլիսի՛
 հանգստեան ակն ունիք 'ի բարեկամս , 'ի
 խնամակալուս , 'ի ձեր մտերիմս . տեսէք ,
 զի չիք և 'ի նոսա խաղաղութի՛ն ցանկալի :

Կարձարուք ապա ըստ գիպոց իմն
 և յայն կողմն ուր վայելք աշխարհի հան
 դիսանան , ուր լինի կեալ ըստ հաճոյս՝
 'ի հեշտութիա , 'ի ցանկալիսն ամենայն ,
 'ի մէջ ծաղու և խնդութեանց : Այլ ո՛ն
 անդր , 'ի բայց տար և զայդ վարկած .
 հրաման է քեզ քաջ զննել և զայն որ
 հաճոյ թուեցաւ յաշխարհի յաչս քո .
 և տեսցես զի ընդ քողով հաճոյիցդ՝ որ
 թովէ զմարդ , թագչի և ծածկի մահա
 բեր թոյնն մեծափոանդ : Անդ 'ի մար
 տի է փեսայ ընդ հարսին , եղբայր ընդ
 եղբօր . չիք անդ սէր , և ոչ իսկ 'ի մէջ

հօր և որդւոց, ամենեքեան ընդդէմ մի-
մեանց հեռուութիւն, չարանախանձք, աստի-
ուխտք դրժեալք, անտի բարեկամութիւնք
վիանդեալք, կապք բեկեալք և լուծ-
եալք, ատելութիւնք գունազեղեալք հա-
կառակաւն սիրով, կասկած, յաչաղանք,
ծուփք ոգւոց անհնարին, մինչև և նոյն
խիղճանապարհացն՝ որովք 'ի ձեռս բե-
րին հեշտութիւնք, լինել թոյնք հեշ-
տութեանց: Այլ և ոչ յայսմ գեղեցիկ
աշխարհի կատարեալ անգործութիւն է:

Այլ սուր ես դու երանելի խաղա-
ղութիւն սրտի, քաղցրահամ պտուղ
դրախտին, զոր բազումք խնդրեն, և սա-
կաւք գտանեն: Այլ իցէ յաշխարհի այն-
պէս երջանիկ, որ ունիցի զբեզ ընդ իւ-
րով յարկաւ՝ իւր արգահատանս և ըն-
կեր: Թէ խնդրեմք զբեզ 'ի մէջ մեծա-
մեծաց ժամանակիս՝ ընկղմելոց 'ի յօրու-
թիւնս և 'ի յղփութիւնս տարփալեաց,
տեսանեմք 'ի նոսա ծամածուռ շաւիղս՝
որոց կատարած գառնութիւն է, ձանձ-
րոյթ, տաղտապանք, անյադ տափանք,

և խայթք խղճի անողորբելիք : Այս ամե-
 նայն փուշք են հաճոյարար բերկրու-
 թեանց . այսոքիկ վրդովեն զմարդոյ և
 դքուն գիշերային ղխաղաղականն : Աթէ
 'ի շքեղաշուք գահոյս և 'ի վերամբարձ
 իշխանութիւնս խնդրիցեմք ղքեղ , 'ի
 փաղփիւնս հանդիսից , 'ի ձայնս ընդ-
 հանուր ծափաձայնութեանց . ոչ այլ ինչ
 և 'ի նոսին է տեսանել , բայց ծփանս մըր-
 րախառն , նախանձորդութիւնս չարա-
 տանջ , խարդաւանութիւնս , պատրանս ,
 մարդեւոյղ շողմուութիւնս , նենգս , թա-
 կարդս : Անուն այսոքիկ զսիրտն կճանող
 հոգովք և դառն մտախոհութեամբք ,
 որք դառնացուցանեն զողի , անվախճան
 խորհրդովք՝ որ 'ի մէջ իւրեանց հեղձու-
 ցիկ առնեն զմարդ , բառնան զճաշակն
 'ի քմաց , և մթադնեն զուղեղն , ապա
 և անդ չիք հեաս նշմարել զանդորրու-
 թեան :

'Կարձեալ կրկնեցից ձեզ աստանօր ,
 ղի զայս ձիր քրիստոնէական խաղաղու-
 թեան եբեր յաշխարհ մանուկն Յիսուս ,

Տնեալ յաղքատու թէ՛, յանընչու թեան,
 'ի լու թեան, յառանձնու թեան, 'ի խո-
 նարհու թեան : Այն աշտորիկ խաղա-
 ղու թիւնն բազում անգամ գտանի յաղ-
 քատին այրս, յանշուք հիւղս, յանմար-
 դի բնակարանս, յանշահասէր 'ի հաւա-
 տարիմ ընկերու թիւնս և 'ի քաղցր ար-
 գահատանս : Անդ է տեսանել բազում
 անգամ զաղքատ շինականն յիւրում
 անդեկի, զարհեստաւորն յիւրում ձե-
 ուագործի, զխստակրօն սպաշխարօղն
 յիւրում խտամբեր ճգնարանի, կեան
 սոքա ուրախ՝ վկայու թիւ մտացն խղճի :
 Այլ թէ դէս լիցի երբեմն կայտառ ըզ-
 դէմս ուրուք տեսանել՝ որ յղփացեալն
 իցէ բազդի բարեօք, այսր է պատճառ՝
 զի ներդաշնակու թիւն գոյից չէ խան-
 գար : Հլու թիւն յորդիս, և յամենե-
 սեան երկիւղ աստուածային անդ մը-
 տանէ ամենեկն իբրև պտուղ հեղու-
 թեան, արդարու թեան և հաւասոց .
 « Այլ եղիցին գործք արդարու թեան՝
 խաղաղու թեամբ » . Ասայի . ԼԲ . 17 :

Այրանելի խաղաղութիւն , որ իբրև
 պատու յարդարութեան օթեանի յան-
 ձինս արդարոց , և որպէս գետ օրհնու-
 թիւնաբեր յորդէ անդ , և ուսգանէ
 զայն , զի զմարգարէին ասացից բան ,
 « Արպէս գետ խաղաղութիւն քո » . անդ .
 ԽԸ . 48 : Աստուածային խաղաղութիւն՝
 ասէ առաքեալն , որ 'ի վեր է քան զա-
 մենայն բերկրալիս . « խաղաղութիւնն
 Աստուծոյ 'ի վեր է քան զամենայն մի-
 աբա » . Փիլիպ . Գ . 7 : Այլ ըստ մեկնութե-
 Օգոստինոսի՝ « խաղաղութիւնն լուսա-
 վայլէ զմիտս , խաղաղէ զօգի , ըստ ըզ-
 սիրտ պարզ և անասակ խնդութեամբ » :
 Այլ Ոսկէբերան ասէ . « Սա է մանանայն
 ամենահամ՝ զոր տայ Աստուած աներե-
 ւակի 'ի սնունդ իւրոցն հաւատացելոց ,
 և երկնային զօրութեամբ զօրացուցա-
 նէ , և նոր կենդանաստեղծէ » : Յետ
 բազմամեայ խաղաղութեանց և յոգնա-
 մոլոր դեգերանաց զճաշակ սորա էառ
 և սուրբն Օգոստինոս . և այնքան քաղ-
 ջրացաւ 'ի քիմս նորա ճաշակս այս , մինչ

չև տաղտուկ թուիլ նմա զգայական հեշտութեանց, որում սակաւ ինչ յառաջ զհետ էր կրթեալ անհնարին ըզձիւ :

Եւ դուք առ էք զճաշակ սորա սիրելիք, առ ոսն հարեալ նախաւ զամենայն զգալեաց ախորժակս. և տեսլիք՝ զիմրդ 'ի յափրութիւն դառնայ ձեզ այն ամ. « Ղաշակեցէք և տեսէք » . Սղ. ԼԳ. 9 : Ղաշակեցէք անհրահանգ մանկունք, որք զհետ սնդիք սնոտեաց, աղասլատանաց և ազատութեան. ճաշակեցէք՝ որք անձնանուէրք էք 'ի դանդաղանս, 'ի զեղխութիս, 'ի գրգանս. ճաշակեցէք և տեսէք՝ զի օգուտ է ձեզ մի օր համեմեալ անապակ խաղաղութք սրախ, քան զհազար ամս խռկեալս սուտ հաճութեամբ, զորս ամ ուստէք պաշարեալ են շարիք : « Եւ է ինձ մի օր 'ի քաւիթս քո քան զհազար » . Սղ. 2Գ. 11 : Եւ յորժամ առջիք զճաշակ նորա, քաջափայլ լինիք 'ի պահպանութի. « Խաղաղութին Ատուածոյ . . . պահեսցէ զսիրտս ձեր և զսիրտս ձեր 'ի Քրիստոս Յիսուս » . Փիլիպ. Դ. 7 :

Ճ Լ ՈՒ Գ .

Ի սուս խաղաղ-Բի-նն աղբեակ է Ֆելայ :

Հրեշտակք սուրբք մի ընդհատաւ նէք զձայն երգոց ձերոց և զպարուց, նուազս յօրինեցէք ՚ի փառս և ՚ի գու զութիւն Աստուծոյ, և զի ըստ հաճութեան կամոց իւրոց նսւ իրեցաւ մարդկան բազմեբան խաղաղութիւնն : Ուրախութիւնն և յնծութիւնն երկնային միահիմնեցան արդարև ՚ի Մեսիայն՝ որ գալոցն էր . « Ուրախ եղիցին երկինք, և յնծացէ երկիր յերեսաց Տեառն՝ զի գայ » . ՍՂՃ. ԶԵ. 11 : Եկեալ է աւասիկ Աստուած հզօր, հայր հանդերձելոյ աչխարհին, իշխան խաղաղութեան . ածէ ընդ իւր պարգևս երկնանուէրս՝ ուրախ առնել զերկինս և զերկիր, զհրեշտակս և զմարդ :

Խոնարհեսցին առաջի նորա դէմք բարձրայօնք՝ և խոնարհ հպատակողք . ծունր կրկնեսցեն առաջի նորա ընդդէմ

Թշնամեաց նորա հոգի փառաց, որ նախ
 ճոխանայրն յարքունիս՝ առ մեծամեծս
 և առ քաջս աշխարհի: Հոգի կաշառուց՝
 որ զիշխանութիւն կալեալ ունէր զա-
 տենից և զփաստաբանից: Հոգի շահա-
 սէր՝ որ սիրէր ՚ի վաճառաշահութիւնս
 և յառուծախս: Հոգի միտողութեան՝
 որ ՚ի դպրոցս և առ գրագէտս: Հոգի
 անմիաբանութե՛ն՝ որ ՚ի մէջ ընտանեաց
 և հաւատագրուժ բարեկամաց: Կոյն
 ՚ի նոսա իբրև գշից՝ խաղաղութիւնն,
 մխիթարեսցէ զնոսա և յաջողս արասցէ,
 որպէս ՚ի նախկին դարու աշխարհիս ե-
 րանելիս արար զտուն հաւատացելոց ՚ի
 հանգերձեալ Մեսիայն, զՆոյեանս, զԱբ-
 րահամեանս, զՅակովբայն, զորս Իսա-
 հակայն էին, մեծատունս զնոսա արա-
 բեալ և ընչեղս ըստ ամենայն առաքի-
 նութեանց, որպէս և Եկղէսիաստիկոսն
 ասէ՝ «Մեծատունք յառաքինութիւնս,
 գեղեցկութիւնք յորս սիրեն զիմաստու-
 թիւնս, և խաղաղարարք ՚ի տունս իւ-
 բեանց » . Սիրաս, ԽԴ, 6 : Այս արդ իւնք

Մարգարէական գուշակութեանց, և աչ
խարհ ամենայն ընդ հովանեաւ նորա
նստցի : « Եւ բնակեացի ժողովուրդ իմ
ի գեղեցկութեան խաղաղութեան » .
Եսայի . ԼԲ . 18 . (ըստ լատին թարգմա-
թեան) :

Արդ՝ ո՞վ է ՚ի ձէնջ որ ոչ համաձայ-
նեացի երգոց հրեշտակաց ձայնիւ ցըն-
ծութեամբ : Ո՞վ է՝ որ ոչ անձուկ կալցի
և սէր յաղաքս այսր խաղաղութեան .
կամ ՚ի խորհուրդս իւր քաղցրութիւն,
կամ հաճոյականութիւն ՚ի կենսակցու-
թեան, կամ ՚ի դէմս պատկառելի : Ո՞վ
է՝ որ ոչ մեծապէս ուրախ լիցի ընդ գա-
լուստ նորա, նորոգել զկերպարանակիցն
լինել նմա, և ոչ ցանկացի յանձնէ բըղ-
խել անուշակ խորհրդածութիւն : Այլ
ահա՛ հրեշտակք ՚ի յայն Բեթլէհէմի ՚ի
թևս թեթևս բարեկարգեալք, ՚ի ձեռին
իւրաքանչիւր ոստս ձիթենեոյ՝ գան թը-
ռուցեալք աւետարանել զգալստեան
Մեսիային զամենընաիր ձիր, զխաղաղու-
թիւնն երկնային : Ո՞վ անուշակ աեսա-

րանիս, ո՞վ բերկրական տեսլեանս. ուս
տի՛ ապա, ուստի է աստղն՝ որ փայլէ,
և բոցս ճառագայթից յիւրմէ՛ ՚ի բաց
հատանէ. այլ ոչ ամենայն ուրէք միօրի-
նակ փայլէ, ո՞չ միակերպ ազդէ և թա-
փանցէ յամենայն սիրտս: Աման է խա-
ղաղութիւնն խորհրդաւոր սեանն՝ զոր-
մէ յԵլն գրի, առ բաղումս բաղմօրի-
նակ ըստ սէսպիսութեան ընդ ունողաց,
որ ՚ի միում ժամանակի՛ ոմանց իբրև
սիւն լուսոյ առաջնորդ լինէր ճանա-
պարհին, սահեալ զգնացս նոցա ՚ի դայ-
թակղութենէ, և ոմանց մասն երևէր
չօշափելի խաւարոյն, որ երկսպակէր
զաղջամղջին նսեմութիւն գիշերոյն, և
զճանապարհն առնէր անկոխելի:

Այս օրինակ է աւասիկ երանաւէտ
խաղաղութեան, որ զարդարս լուսաւո-
րէ՛ առաջնորդէ և զօրացուցանէ: Իսկ
զշեղտամեղոս և զուրտաբարոյս յանել
աղջամուղջս մոլորաթեք վարուց իւր-
եանց թողու ՚ի թշուառութեան. և
թէ յաղագս նոցա երջանկութիւնք ա-

Լափ են քան զամենայն, վասն սոցա ան-
սլակասելի են արկածք չարաբերք, կամ
իբրև մեղք մարդոյ ընդդէմ Աստուծոյ,
կամ իբրև սլատիժ Աստուծոյ ընդդէմ
ստահակեալ մարդոյն :

Հոգիք արդարոց, ժառանգաւորք
ամենայնի այսոցիկ երկնային շնորհաց,
մի տաղտուկ ինչ ձեզ թուեսցի այն, զի
հատեալ զկարգ բանիցս՝ որ խնդակցու-
թեանն էին յաղագս լաւագոյն վիճակի
ձերոյ, դարձուսցնէք զբանս առ եղբա-
րըս ձեր՝ ազդ առնել նոցա զսխալմանս,
և նոքօք հանդերձ զնսրասա շնորհացն
հայցեսցուք մեծաւ եռանդեամբ հո-
գւոյ, որ լըջացուցէ զնոսա ՚ի մահա-
հանգոյն թմբբութենէս, յոր անկեալ
դնին արք ննջեալք ՚ի սլատիր խաղա-
ղութեան՝ որ ՚ի մեզս լինել երևի :

Ապա առ ձեզ են բանք իմ եղկելիք
դուք, որք գիտացեալք ՚ընդ մեզ զձեր
հետեւել յուզիզ սողոտայէն, գնայք տա-
կաւին յանդորբու և ՚ի խաղաղութեան :
Առ ձեզ՝ որք հրճուիքդ ՚ի գրգանս, ՚ի

սէր անկանոն, որպէս երբեմն Դաւիթ :
 Առ ձեզ՝ որք խաղաղք էք, և ժառանգէք
 զժառանգութիւնս արեամբ սպա-
 նելոց՝ որպէս զԱբայաբ : Աչ դտանէ կու-
 չումն աստուածային՝ մուտի սիրտս ձեր,
 ոչ ծանրացաւ ձեռն Տեառն ՚ի թիկու-
 նրս ձեր՝ դարձուցանել զձեզ յառողջ
 միտս ճշմարտութեան . անազգակք էք
 խայթման խղճի մտոց, որք ընտանիք
 լեալ մեղաց՝ առ ոչինչ զերկիւզն ունիք՝
 որ ՚ի մեղաց անախ, և ոչ ուղղէք զե-
 ղեռնաւոր գործս ձեր օր յօրէ, և ՚ի վե-
 րայ այսր ամենայնի բացաւ երեսօք սար-
 ծիլ ոչ շիկնէ զձեզ, ոչ ամաչեցուցանէ .
 այլ խայտայք իբրև ընդ փառաւոր ինչ
 յողթութիւն ՚ի վերայ ներքին մարդոց
 ձերում, ցնծայք իբրև ընդ երջանկու-
 թիւն ինչ, որ զաւուրս ձեր ունիցի դար-
 ձուցանել ՚ի բարեկենդանութիւն, լղ-
 ներկայս և զհանդերձեալսն : Ալ իբրև
 զյիմարն զայն՝ զորմէ իմաստուն ոմն մա-
 տենագիր վիպէ նողկանօք, աղաղակէք .
 “ Շիջաւ մնացորդ կրօնիս, դոհու թիւն

իմոյ իմաստասիրութեան . ոչ և ս յայսմ հեռէ քրիստոնեայ եմ » :

Աղնւկ դու . և ոչ երբէք դարձար հայել ընդ պատարագսն՝ զորս ընծայէ քեզ այս սուտ և պատիր խաղաղութի : Սիրելիք , բանն , կրօնն , հաւատքն , և խիղճն մտաց , այսոքիկ են սղջակէզքն՝ զորս նուիրէք անբարի կռոց ՚ի պիղծ սեղանս ձեր : Այլ յայզք կրից և պատրանք աշխարհի ոչ ներէ ձեզ ակն յառուլ յայդ սրտաբեկ տեսարան . այլ սղջակէզք ձեր և նուէրք ընծային ամենապիղծ անօրէն ծիսիւ , որչափ ինչ հայթայթել մարթացաւ բաղմահնար արուեստն դիււական : Արարք՝ հանգէտ այնմ , որ ընթերցեալ լինի ՚ի գիրս Թագաւորութեց , և մարդարէն արհամարհելով անարգէ ՚ի Սաղմոսն . զի խժդժօրէն բարբարոսաբար զմատաղ մանկունս ամանալոց կորզեալ ՚ի գրկաց մարց՝ սղջակէզ մատուցանելն կռոցն Մողոքայ : Ատէր անյիշելի դրօշուածն մեծաշուք փառօք յարքունի գահոյս , տարածեալ զձեռս

իւր որպէս այն՝ որ պատարագս ընկալցի
 յերկրպագութեաց իւրոց : Առաջի գնացին
 նորա խոնարհ գետնամածու թեամբ ծըն-
 գաց՝ կանայք մատաղամարք անմեղ ըս-
 տընդ խեցիւք իւրեանց : Այլ զի շուրջա-
 նակի դրօշածոյն հնւր էր մեծաբոց բոր-
 բոքեալ ներքոյ և արտաքոյ, և սլարփակ
 յամենայն կողմանց, շամբուշ և աղա-
 մողեալ մտօք մարքն անագորունք յայն
 հրատապ բազուկս և ՚ի խանձողիչ գիր-
 կրս գնէին զսիրելի պտուղս արգանդի
 իւրեանց : Յայնժամ ձայն հնչման թըմբ-
 կաց և նուագարանաց և ամենայն աղ-
 քաց արուեստականաց գոչեցուցանէին
 զանտառն, լերինք և վէմք բարձունք ար-
 ձագանգս հնչեցուցանէին դռալոյ ձայ-
 նից անդ եղէլոց, որք բոլորովին խափա-
 նէին զակար ձայնս փոքունց մանկանց
 սղջակիղէլոց ՚ի մահահրաւէր գիրկս Մու-
 ղոբոց, մինչև հեղձուցիկ առնէր զնոսա
 հուրն՝ որ կիզոյր մինչև ցընդերս նոցա,
 այս օրինակ էր կատարման անագորոյն
 նուիրանացն :

Արդ՝ սուտ ի՛նչ իցէ արդեօք ասելո՞ւ
իմ առ ձեզ եղբայր մեղաւոր, քննչ մու-
լտրեալ, թէ նմանագործ էք նոցա, որք
ընդ սուտ խաղաղու թիւնդ ձեր հաւան
դտեալք՝ անխոյժ լինիք զճշմարտիւն :
Ի ուք ասացէք զայդ :

Վաճառական դու՝ այր շահու, Տէր
սրահեսցէ զքեզ. քանիցս, քանի՞ անգամ
անվաւերական դաշինս և սակ կուեցեր.
քանի՞ անգամ ՚ի տուրևառս խարդաւ
խու թիւնս ճարտարեցեր. լինէ՞ր քեզ
լտելի ձայն ողբոց և աղաղակի մտացդ
քոց խղճի : Այլ դու յաղմկայոյզ շառաչ-
մանց կրից եղեալ էիր որպէս խուլ ան-
լսող ձայնիցն. եդեալ զհոգի քո ՚ի խու-
շոշիչ բազուկս, յանագորոյն գիրկս ան-
յիշելւոյն Մողոբայ, կուոցն ասեմ շահաւ
սիրութեան :

Պատանի դու՝ ասա ինձ, որ բացեր
դականջս քո յուսումն այբուբենից սի-
րոյ, յընդարձակութիւնս, յազատու-
թիւնս, ՚ի յընկերչակութիւնս. չիցէ՞
ճշմարիտ զի խիղճ մտաց ձերոց զիւր կա-

կանս և զհեծութիւնս լսելի առնէր ձեզ, այլ 'ի զուր, զի առաւել մեծաձայն ազաղակ ելանէր 'ի խառնաձայն խուժանէ կրից, որոց ազաղակ հեղձուցիկ առնէ զողբս հոգւոց ձերոց, որք հեծեն 'ի մեծաբորբոք հրայրեացս գրկաց Մողորբոց, կռոցն ասեմ անպատկառութեան:

Ազատագրի դու պատանի, խոստովան լեր ինձ կամակարուց, այն ինչ 'ի զեղիսութիւն լինիս անձնատուր, և 'ի միոջէ վհէ չարութեան յայլ վիհ գահավէժ խարդաւանիս, մինչև կորնչիլ յանդունդս չարութեան. յորժամ ճանապարհ քո առ ոչինչ ուղղի, ո՛չ 'ի ջատագովութիւն, և ոչ յանստգիւտն լինել, ոչ կրօնիւք և ոչ բանիւ, ոչ առ քրիստոնեայս, և ոչ առ մարդ զգաստ բանաւոր. նա աւանիկ և խիղճ մտացն բողոքէ: Ա՛չ ճշմարիտ իցէ արդեօք, զի յաւելուք և խուժան փառաց 'ի վերայ բազմապատիկ և անթիւ կրից ախտարժարձից, և դնէք զհոգի ձեր 'ի գիրկ Մողորբոց շաստուծոյ հաւատադրժութեան: 'Իրօ-

շուած՝ որում մինչև ցայսօր սեղանք և նաւակատիք կատարին սոսկալի մարդա զոհիւք՝ յանհամար անձանց քրիստոնէից :

Սրբապիղծ քուրմ են կռոցս վարդա պետքն անօրէնութեան և անկրօնութեան, ջատագովքն անաստուածութե, կարապետք և հրաւիրակքն դժօխոց, ուրոց ամբարձեալ յերկինս զգլուխս իւրեանց՝ վարդապետեալ զգայուն լուտանս աստուածընդդէմ՝ առաջի անձեռագործ սրբութեանցն :

Արդ՝ դուք փափաքողք խաղաղութեանս, դժկամակք յարհամարհել զօրէնս անօրէնս՝ դաշինս կռեցիք ընդ նոսա . առնէք զամենայն ըստ խորհրդոց կամաց նոցա, արբեալք ՚ի դինելոյ ամենայն անառակութեանց . « Արբեցան ՚ի գինելոյ արբեցութեան պոռնկութեան նորա » . Յայտ. ԺԷ. 2 : Այլ ոչ շատացեալք ընդ խոտորնակ վարդապետութիւնս և ընդ այլանդակ օրինակս ըստ սկզբանց նոցա՝ գօտէսնդեցայք այնու հոգւով յիմարութեան, որով զգածեալ բաղմաց՝

ագահորէն յարին յայնպիսի մատեանս ,
 որք յածին այսօր . քաղաքէ 'ի քաղաք , գա-
 ւառ 'ի գաւառէ , որովք ըստ բանից
 Բեռնարդոսի՝ քմացածին հաւատոս նո-
 րաստեղծուն , և ճարտարակէն աւետա-
 րան նոր : « Թռանին մատեանք , և նոր ա-
 ւետարան հաստատի առ ժողովուրդն .
 նոր հաւատք դնին առաջի » : Մատեանք
 հողմովարեալք Աբերնեան հողմովք
 (գժոխոց) ընուլ զճանաստարհ ոտից մե-
 լոց անհնարին շիտթիւք նորաձայն կար-
 ծեաց , զորս ոչն գիտէին մեր հարք , կար-
 ծիք անիրաւք առ Աստուած , և միասա-
 կարք առ մեզ : Մատեանք որ 'ի Թեւս
 Թեթեւս Թռչին , սաւառնեալք ընդ ո-
 լորտս տիեզերաց , զսրոց կարէ ասիլ հո-
 գեշունչ բանիւք Չաքարիայ մարգարէ-
 ին , զոր հարցանէր հրեշտակն զոտեսիլն
 զոր ետես . « Մատեան Թռուցեալ տե-
 սանեմ ես , քսան կանգուն յերկայնու-
 թիւն , և տասն կանգուն 'ի լայնու թի » .
 Օպս . Ե . 2 . (ըստ լատ . Թարգ .) 'ի ցու-
 ցանել զամենայն ուրեք սփիւռս ծաւա-

լու մն : Մատեանք՝ յորոց վերայ արժան է առ ՚ի զգուշութիւն ամենեցուն արձանագրել . « Ա՛յդ են անէճք , որք ելանեն ՚ի վերայ երեսաց ամենայն երկրի » . անդ . Ե . 2 . ՚ի ցուցակութիւն , զի ՚ի նոցանէ բղխեն ամենայն հեղեղատք և ուղիք անիծից , որոյ ջուրք յափշտակեն անձինս անթուարկելիս , սպառաստական գործեալ զոգիս յընդունելութիւն թիւրաթեք շաւղոց անհաւատութեան :

Արդար հոգիք , անմեղ աղաւնիք , զի այդ արտասու ախառն երկիւղ ձեր ՚ի ձերոց իսկ անձանց , որ սարղութեամբ և անկեղծութեամբ սրտի ծառայէք Աստուծոյ հոգւով և ճշմարտութեամբ : Եթէ խօսիմք մեք ՚ի լեղու անձանօթ և անլուր առ ձեզ , զոր չիմանայք բարեալ , փառս տուք Աստուծոյ , և օրհնեցէք ըզնա . և աղաչեցէք զնա հեռի պահել զձեզ միշտ . « Ի բանէ ստոյ , և ՚ի լեղուէ անիրաւէ » . Սէրաս . ՃԱ . 7 : Եւ ունիլ զձեզ միշտ յոյսմ անբասիր տգիտու

Թեան՝ որ անձկալի է քան զամենայն վարիականուն գիտութիւնս: Օհէտ ընթացէք միշտ զհետոց Տեառն երկիւղիւ և դողութեամբ:

Այլ դուք՝ որք յոյս դպրոց և այսու վարդապետութեամբք ՚ի թերութիւն հաւատոց յարդարէք զձեզ. դուք՝ որք զանձամբ արկէք ոգի անտարբերութե՛զ զհոգևորաց և զփրկարար արդեանց, և ընդ այս ճանապարհ զհետ մտեալ էք խաղաղութեան՝ որ այսչափ անձկալին է ձեզ, զմրեցուցեալ զխիղճ ՚ի մեղս, և մինչև հեշտութիւն կատարեալ ըզպտուղ մեղաց համարել ժպրհիք ըստ Սողոմոնի. «Օրծաղելով գործէ անըզ գամն զչարիս» . Առակ. Ժ. 25:

Արկնչիք դուք և զարհուրիք յանձանց. երկերուք այն և զահի հարջիք ընդ այդ ձեր ստապատիր խաղաղութի՛ն՝ որ արդարապէս ուրացութիւն իմն է ձ՛մարիտ և սրտիւ. և այնչափ մեծեղեռն, որչափ զի կամակարուց խնդրէք զայն, հեշտանայք ՚ի նմին, և զկամս ձեր

'ի նա բւեռէք : Ասուտ 'սարսափ հարկանի 'ի հոգիս դրժող ուսուցչաց , որք և անուան ըրիստոնէի արժանաւոր ու մանք չեն . որք յահուր յանդգնութեամբ ժպրհեցան առ սոն հարկանել զուխտն զոր ուխտեցին առ Յիսուս Քրիստոս 'ի մկրտութեան , ուրացեալք զնա և հայհոյեալք , և պիղծ դահամունս ձօնեալք 'ի սպաս կռոյ : Քառամանեակ էր այն կախեալ զսարանոցէ նոցա , սլսակ եղեալ 'ի գլուխ նոցա . դրունք դրախտին բաց էին 'ի մուտս նոցա , այլ անզգոյեցան շամչեցան հրաժեշտ տալ՝ օն անդր կարգալ այօր ամենայնի սիրով թըշուառ՝ համառօտ և անցաւոր կենաց :

Քանքէ , զխնդ , աւանդ , սրբան ողբոց արժանիք են սոքա . նա՛ եթէ ճշդիւ կամեցուք խօսիլ , ուրացութիւն նոցա այդ՝ առ երևոյթս է , արտաքին և շըրթամբք և եթ , զի հաւատք թագաւորէ 'ի միտս նոցա և 'ի սիրտս . սրտիւ սիրեն զԱստուած , զհաւատս և զկրօնս , յորմէ լեզուով միայն կան 'ի բաց : Այսին սլա

հեղինակի թեր զհաւատան անձեռնամերձ,
 և ազարտիչք կան այդմ տմարդու թի մի-
 այն և շինականագոյն մտօք: Չեր ուրա-
 ցու թի ակ մեղաւորք, 'ի միջի ձերում է
 և 'ի սիրտս ձեր, սրոց հեշտին է մնալ
 յայնմ սուտ խաղաղու թի: Առք սրտիւ
 իսկ աներկիւղ կայք 'ի սպառնալեաց ան-
 ներելի տանջանացն, և անողորբելի մնայք,
 անընդոտ առ խոստմունս անճառելի
 սրահացն, առանց ինչ մօտալուտ վտան-
 գի կորստեան կենաց, բարեաց և ազա-
 տու թեան: Աւրանայք զԱստուած սրբ-
 տիւ, խոստովանեալ զնա շրթամբք և եթ-
 միայն առ 'ի միտս բարեհաճոյ այլոց լի-
 նելոյ, կամ այլովք բոտ աշխարհի դիտու-
 զու թեամբք: Աւնիք դուք խաղաղու թի
 այլ զոր ընտրեալ էք անձանց, կանգ-
 նեալ առաջի նորա իբրև զԱստուած՝ զ'ի
 վաղուց տարվացեալ սեղանս, աչօք բա-
 ցօք ոչ կամեցեալք 'ի տեսանել, և բա-
 ջալուր ունկամբք դժուարինք 'ի լսել,
 ոչ ձայնի Փրկչին ունին զնէք, և ոչ զլոյս
 շնորհաց նորա տեսանէք:

Արդ՝ ո՞չ ապաքէն այս ձեր խաղա-
 ղութիւն մեծ իցէ 'ի չարիս ձեր՝ եթէ
 դիտեսցուք առ ձեզ, և քրէական յան-
 ցաւորութիւն և աստուածընդդէմ ա-
 նօրէնութիւն: Այլ 'ի վերայ այսր ամե-
 նայնի կասեցայք 'ի հաճութենէ ընդ
 անձինս ձեր և ընդ խաղաղութիւնն,
 ասելով. « Սեղայ, զի՞նչ ինձ պատահե-
 ցաւ տրտմական ». Սիրա. Ե. 4: Սեղայ,
 այլ քաջառողջ եմ. մեղայ, այլ ամենայն
 ինչ ըստ կամս իմ դնայ. « Սեղայ, և
 զի՞նչ ինձ պատահեցաւ տրտմական »:
 Աւանդ, զի 'ի մոլորութեան կայք, քան
 զոր չիք ինչ այլ թախծագին. քանզի այժ-
 մեան յաջողուածք ձեր այդորիկ՝ մեծի
 բարկութեանն Աստուծոյ են նշանակք
 'ի վերայ ձեր, և սպառնալիք են հան-
 դերձեալ ահագին պատժոց: Աթէ սրբ-
 տաարուիք ինչ էր ձեր, զԱստուած ու-
 նէիք այնմ բժիշկ ճարտարապետ. արդ
 դատաւոր է այն ձեր կիքել զպատճէն
 պատժոց ձերոց: Աթէ առաքէր 'ի վե-
 րայ ձեր փորձութիւն՝ հայր էր ձեզ, որ

գաւաղանաւ յուղիղ սրողոտայն ածիցէ
 զորդի ընդ զարտուղի ելեալ, և կորլս-
 տեամբ բարեկամաց, բարեաց, ազատու-
 թեան որդւոց՝ յապաշխարութիւն ա-
 ծէ. այլ այժմ մեզաց ճնոց խաղաղու-
 թեամբ թողու զձեզ ծփալ ՚ի խորս ան-
 գընդոց: Այլ թէ յաւելցին և այժմ՝
 սրտաբեկ սրտառու չ առնել զմարդ՝ ա-
 նակնառու հրեշտակութիւնք, կճանող
 երգիծանութիւնք. որպէս երբեմն ու-
 բուականին Սամուէլի առ Սաւուղ կըշ-
 տամբութիւնն. «Օ, ի՞ լիկեցեր զիս ե-
 լանել ինձ». Ա. թԿ. ԻԸ. 15: Եւ որ-
 պէս առ Դաւիթ ասացաւ. «Դու ես
 այրն այն». Բ. թԿ. ԺԲ. 7:

Յայնժամ այլ խորհուրդք ՚ի միտս
 ձեր յածէին. փոփոխութիւն լինէր ՚ի
 ձեզ բարուց. լուութիւն և խաղաղու-
 թիւն խղճի մտաց է, որ բեւեռակապ
 պնդէ զձեզ յայդ տարազ կենաց, և իբր
 զձեռանէ կալեալ առաջնորդէ տանի
 մինչև իսպառ յանզղջութիւն: Այլ մեծ
 թշուառութիւն է այդ խաղաղութիւն,

յորժամ ճանաչեմք լինել զայն պատիժ
 բարձրելոյն : Այ երբէք տեսաւ երկիւ
 զած մեղաւորի 'ի բարձրասեպ վախից
 'ի վայր հոսիլ որպէս անկասկած առն :
 Ի ժամու մեծամեծ յաջողութեանց ըմ
 բռնեցան երբեմն մեղաւորք 'ի հեղե
 զաց ջուրց . յաւուրս բարեկենդանու
 թեան իւրեանց այրեցան 'ի հուր ծը
 ծըմբուտ՝ բնակք Սողովմայ և Գոմորայ :
 Մինչդեռ ամենայն ինչ լի էր ժողովը
 դեանն՝ կորեան յանապատին . մինչդեռ
 'ի հարսանեաց խնձոյս էին որդիքն ջամ
 բրեայ՝ ելին ընդ սուր Յովնաթանու մա
 կաբեանց . 'ի գիներբուս Բաղդասարայ
 ընթերցաւ լճիւ դատապարտութեան
 նորա :

Այսն այսորիկ 'ի մէջ ամենայն ահա
 գին պատժոց , զոր նոյն ինքն Աստուած
 սպառնացաւ 'ի ցաման իւրում , ահա
 գին է այս եղանակ անդորրու : Այ հը
 բայրեացք քաղաքաց , ոչ հրընկէցք ման
 կանց , ոչ անկած իշխանաց յաթոռոց իւ
 բեանց , կամ ճակատ զօրաց սրաճարակ

խողխողեալ, կամ ջրահեղձոց զմահ ող-
ջունեալ: Այլ անդորրու թիւն 'ի մեզս:

Ասէ Աստուած Երեմիայիւ, լցաւ
չափ անօրէնու թեան ժողովրդեանդ այ-
դորիկ. զանց արարին զուխաիւ իմով,
զսպասեակս իմ արհամարհեցին, երկիր-
պագին աստուածոց օտարաց, կանգնեցին
նոցա մեհեանս, ամբարձին ամբարիշտ
սեղանս առ աստուածս սուտս, վասն այ-
սորիկ « Արբեցուցից զնոսա, զի թլմբ-
րեցին » . Երեմ. ԾԱ. 30:

Ախրհ արկից զնոքօք 'ի մեզս իւրեանց,
որպէս զի բաւեցին որպէս զուարակս յօր
կոտորածի, և արդարու թիւն առ ժամն
թագուն՝ և սանձ 'ի բերան, սահեցի
այլում ժամանակի յառաւել միշտ նմա.
յորժամ շեղջաշեղջ բարդեցին զնովաւ
փառք, աւուրք յաջողուածոց և երա-
նու թեան, յեղակարծուց յաջորդեցէ
այնպիսի պայծառ աւուրց գիշեր բազ-
մակոծ. « Կարձուցանէ 'ի գիշեր, և իւր-
ուովեցին » . Յով. ԼԴ. 25:

Հաճոյ թուեցի ձեզ յուշ ածել

զայն գիշեր, զայն ահափետ գիշեր եւ
 ոտքեայ՝ որովք սլատեաց Աստուած զե-
 գիստացիս. շէր ինչ յայնմ գիշերի վիշտ
 նոցա, ոչ մըրիկք՝ որք յուզեն զսափա-
 վայրս, ոչ կայծակունք մարդածախք. ա-
 մենայն որ կայր անշարժ յիւրում կայի՝
 որպէս և գտաւ ՚ի հասանել մթութեն.
 Ճանապարհորդք ՚ի ճանապարհս, մշակք
 յանդս, արուեստաւորք ՚ի խանութս,
 դատարկանձունք ՚ի հրապարակս, մեծա-
 մեծք յասպարանս, սլաշտօնակալք և իշ-
 խանք յարքունիս. « Միով խաւարային
 շղթայիւ ամենեքեան կասեցան ». Իմաս-
 ժե. 17: Այլ յամենայնէ երկնչէին, որ-
 պէս թէ ամենայն ուստեք սուր իցէ ըը-
 նորօք՝ ծախել զնոսա, « Խուսափեալք
 յամենայնուստ ՚ի սրոյ ». Յով. ժե. 22.
 Ըստ լատ. Թարգ : Ամենայն դուզնաբեայ
 վիչիւն որ հատանէր զխորին լուսթիւն
 շօշափելի խաւարոյն՝ կայծակն երևէր
 նոցա սրավարեալ ՚ի բարձանց՝ լուծա-
 նել զնոսա ՚ի փոշի : Ամենայն առու որ
 հեղասահ խոխոջիւք ընդ իւր ծործոր ըն-

Թանայր՝ Թուէր նոցա ուղիսաջուր յոր
 դեալ անհնարին՝ կլանել զնոսա : Ամե-
 նայն Թռչուն որ ոստնոյր ծառ 'ի ծա-
 ռէ , կարծեցուցանէր նոցա սուլմունս
 վիշապաց , կամ գոռմունս գաղանաց ար-
 տաքս վազելոց յիւրեանց որջոց՝ 'ի ժա-
 նիս իւրեանց ըմբռնել զնոսա :

Եւ այսպէս ահագին ցնորք անհնա-
 րին լի սրտամոռ-թեամբ մի զմիով կու-
 տակեալք առ աչս նոցա՝ նորանոր ահս
 և երկիւղս ածէին 'ի վերայ նոցա . միտք
 տատանեալ , սիրտ բաբախեալ , ոգի տա-
 բուբեբեալ , յանձանց իւրեանց իսկ իբ-
 բև այլ յայլմէ եղեալք խուսափէին .
 “ Աբոյց զնոսա զարհուրեցուցեալ ” .
 Իմաստ . ԺԷ . 18 :

Այս վիճակ է մեղաւորին , որ հեռի
 առնէ յանձնէ զսուրբ երկիւղն աստուա-
 ծային . և անկանէ անձին հիւսկէնս ան-
 վերդով խաղաղութեան 'ի մեղս իւրում :
 Այս այն խաղաղութիւն է , որ երբեմն
 յընթացս կենաց , բայց գրեթէ միշտ 'ի
 ժամ մահու փոխարկեալ՝ լինի փոթորիկ

'ի մտացն խղճի : Յայնմ տղէտաւոր գիւ-
 շերի առկայծեն փոքր ինչ կայծակունք
 լուսոյ, որով տեսանեն եղկելքն, զի չիք
 'ի ճանապարհս՝ ոչ լոյս և ոչ վստահու-
 թիւն . « Ղանապարհք նոցա 'ի խաւար
 և 'ի գայթակղութիւն » . ՍԸ . ԼԴ . 6 :
 Տեսանեն խաւարեալ առ ինքեանս զոյս
 նարաստից աստուածային շնորհաց . քան-
 զի որպէս 'ի յաջողութեան իւրեանց մե-
 ղանս 'ի մեղանաց վերայ կուտեցին , նը-
 ւազեալք գտան ընդ նմին յաստուա-
 ծային շնորհաց և յերկնապարգև օժան-
 դակութեանց . վասն այսորիկ միշտ աիւ-
 րէ 'ի նոսա և ճնշէ զնոսա բուռն իշ-
 խանութիւն գիւին . սանձակոճէ և ճըմ-
 լէ զազատ իշխանութիւն անձին . ծան-
 րացուցանէ կարի՝ զմէտ նժարի բնաւոր
 միտողութեանց և աղխատրոյզ կամաց :
 Անսանձելի խեռ կիրք և ախտք յաճուրդ
 գնան օր ըստ օրէ . իսկ իշխանութեան
 բանին ամենեքեան կան ապստամբք .
 « Աղիցին ճանապարհք նոցա 'ի խաւար
 և 'ի գայթակղութիւն » : Այլա աւանգ

եղկեւ լի վիճակի այնոցիկ՝ որք յարանան
 'ի մեղս՝ կարծեցեալ խաղաղութեանն
 գտահաւ, յորս կամ յանցանք են մար-
 դոյ առ Աստուած, կամ պատիժ է Աս-
 տուծոյ առ մարդ:

Այլ և այս ճշմարիտ է, զի սուրբն այն
 երկիւղ աստուածային՝ որ յառաջէ, ըն-
 թացակցի, և զինի գոյ ամենայն գործոց
 մերոց, այն միայն է ճշմարիտ ճանապարհ
 աներկեան. զհետ լինել խաղաղութե՝
 որ ծագէ 'ի սուրբ սրտէ, խաղաղու-
 թեան՝ զոր Տէր Յիսուս եբեր յաշխարհ
 առ մարդիկ, միայն զի խնդրեսցեն: Այս
 երանի այնմ, որ «Յորժամ 'ի խաղաղու-
 թեան իցէ, ահ նորա յականջս նորա» .
 Յ.Է. Ժ.Ե. 21: Արոյ կատարեալ խաղա-
 զութիւն սրտի ստացեալ՝ միշտ յանձնէ
 և 'ի թշնամեացն կոյ յերկեանի. միշտ
 հսկէ, և տեսեալ զանձամբ զլոյս շնոր-
 հացն, և այնպէս երկնչի՝ մի գուցէ պա-
 կասեսցի լոյսն, կամ դարձցի 'ի խաւար,
 հեան ելով խրատու Յիսուսի Քրիստու-
 սի. «Օ գնչ լեր, . . . գուցէ լոյսդ որ 'ի

քեզ է, խաւար իցէ » . Ղուի . ԺԱ . 33 :
 Լյս է արդարև երանելին մխիթարիչ
 երանութեամբն , որ մայրն է ճշմարիտ
 խաղաղութեան սրտի , զոր եբեր յաշ-
 խարհ մանուկն Յիսուս : « Երանելի է
 այր՝ որ արհամարհիցէ զամենայն վասն
 երկիւղածութեան » . Լուի . ԻԸ . 24 :



Ճ Ե Ռ Ե .

Ի ճշմարիտ յոյսն՝ որ Ի չրիստոսեայսն է :

Դատաւոր նստեալ ՚ի յաթոռ փա-
 ռաց և մեծ վայելչութեան իւրոյ , և
 անկաշառ ՚ի դատել , և ահաւոր ՚ի վը-
 րէժս սլահանջել : Դատաւոր՝ որ ընդ
 ծանունս և ընդ թեթեւագոյն յանցանս
 գրգռի ՚ի բարկութիւն , և անաչառ խըս-
 տութեամբ սլատժէ զյանցաւորն . կար-
 կառէ զաջ վրէժխնդրութեան իւրոյ ընդ
 ամենայն ազգս . առնէ ոյցելութիւն ՚ի

բարկութեան իւրում մինչև յերիս և
 'ի չորս ազգս : 'Բատաւոր՝ որոյ հայե-
 ցուած թափանցէ և 'ի ներքինս սրտի .
 քննէ , կշտամբէ , և դատասպարտէ զխոր-
 հուրդս և զտենչս անգործս : 'Բտանէ
 թիւրութիւն ոչ 'ի բանս միայն , այլ և
 'ի նմին իսկ լուութեան , անիրաւութիւն
 գտանէ յարդարութեան , և 'ի գործս
 բարիս՝ պակասութիւնս և զառանցանս
 չարս : 'Բատաւոր՝ որ զհանդերձեալ գա-
 լուստ իւր հրատարակեալ ամենեցուն
 ծանուցանէ , այլ զտեղին և զժամանակն
 բողորովին լուէ . այսչափ ինչ յայտնի է ,
 զի եկեսցէ 'ի ժամու՝ յորում ակն ոք ոչ
 ունիցի , նման գիշերաշրջիկ գողոյ՝ ժու-
 ղովէլ զմնասաբերս տէրութեան իւրոյ ,
 և 'ի զոհ բարկութեան իւրոյ ածել ըզ-
 նոսա : Մի է այս 'ի կենդանագիր պատ-
 կերաց և յանպատրուակ նկարուց , ու-
 թովք առաջի դնի մեզ 'ի սուրբ գիրս
 հնոյ կտակի՝ Ատուած արարիչ և գե-
 րագոյն վարիչ ամենայն աշխարհի : Պատ-
 կեր՝ յորմէ ազգի 'ի սիրտս երկիւղ սուրբ

և վրկարար, որ սկիզբն է և հիմն ամենայն գիտութեանց : Այլ արդարև ո՞վ որ ընդ ակն արկանել և եթ ընդ այս նըկար՝ ոչ գոչեսցէ զմարդարէին . ո՞վ, զի անրդ ասագին են Տէր դատաստանք բո՛լի վերայ որդւոց մարդկան : Այլ, զի անրդ զարհուրի և դողայ անձն իմ ընդ ածելս զմտաւ՝ թէ և ինձ պարտ է յայնպիսւոյ դատիլ դատաւորէ :

Այլ աղէ, ոգի՛ առ էք, բաջալերացարուք, վախճան տուք երկիւղիդ, դադարեսցին անձկութիւնքդ, զօրասցին սիրտք ձեր, պարզեսցին ճակատք ձեր, անցցեն և պակասեսցին ցաւք ձեր, և սարսամիանաց ձերոց և երկիւղի փոխանակ յաջորդեսցէ արդահատիչ ուրախութիւն : Աչ զանողոքելի դատաւորի և եթ զկերպարանս ունի Աստուած մեր, չեմք այլ ևս այնպիսի թշուառականք, որք բարկութեան նորա միայն ակն կալցուք : Քանզի միածին որդին իւր Յիսուս Քրիստոս յարուցեալ ՚ի գերեզմանէն ՚ի նորահրաշ կեանս անմահական՝

նստի ընդաջմէ Հօրն յաւիտենականի .
 ապա յայլեղանակ փոխեցաւ վիճակ մեր .
 արդարութիւնն իսկ 'ի մեր կողմն է .
 դատաստանն մեզ 'ի նպատտ և 'ի հա-
 ճոյս . դատաւոր ընդմտատար ոգւով ,
 կարեկից և բազմադուծ : Ալ զխարդ-
 մարծ իցէ այլազգ ինչ լինել , այն ինչ
 տեսանէ առ իւր զԱստուածորդ ին իւր ,
 որ իբր փաստաբան՝ արդարութիւն խնդրէ
 վասն մեր , և 'ի նմին իսկ յարդարու-
 թեան դատողականն բեմբի դնէ զիւր
 վստահութիւն և զմեր :

Ալ զի՞նչ քան զայս զօրագոյն քաջա-
 լերութեան սխառճառք . ո՞րպէս հնար ի-
 ցէ ոչ դօչել զմարդարէին . Տէր , այսօր
 արդարև հաստատեցեր զիս , և յաներ-
 կեան յոյս քո ամբացուցեր զիս : « 'Կու
 Տէր առանձին միայն յուսով քով բնա-
 կեցուցեր զմեզ » . Աղ՛ . Դ . 10 : Ալ ո՞վ
 'ի մէնջ յերկբայս կայցէ ընդ զօրութիւն
 բանից այնպիսի փաստաբանի՝ որ ան-
 ցեալ է 'ի մէջ 'ի մեր կողմանէ , պաշտ-
 պանել զմեր դատ : Ա՛վ իցէ , որ ոչ եր-

կնիցէ 'ի մտի վտտահու թիւն կատարեալ
տու աստուածայինն հովանաւորութիւն՝
յիշատակաւ աւուրս հանդիսի : Այս
ընդարձակեցուք զխորհրդածութիւն
մեր յայս կարևոր առաջարկութիւն :

Յոյսն է սովորաբար գերագոյն ուղ-
ղիչ և տնօրէն ամենայն ազատ գործոց
մարդկան , ևս և 'ի սոսկ բնական կար-
գի . սա է առանցքն՝ զորով սրարայածին
խորհուրդք և տենչք , այն միջակէտ և
բւեռք՝ որք յինքեանս զգիտումն մեր և
զձեռնարկ քարչեն . այն խարիսխ՝ յու-
րում է հաստատութիւն ամենայն կա-
րևոր գործոց մերոց . յուսով շահու ա-
մօքէ զանձն ճանապարհորդն , և զգիմի
հարկանի ամենայն վշտաց վտանգի , նոյն
և նաւաստիք 'ի ծովուն : Ի յոյս և եթ
ասպատան՝ 'ի կշիռ դնէ զօրականն ըզ-
կեանս իւր ընդդէմ՝ յարձակմանց թըշ-
նամեաց , այր վաճառական մասնէ զան-
ձրն իւր և զինչս 'ի վտանգ աւարուց
և նաւաբեկութեան : Յուսով ընծայէ
բժիշկն դեղ ախտացելոյն՝ որ յանկելա-

նոցի : Ի սա ապաստան դատ վարէ փաստաբանն 'ի դատողական ատենի : Լը դուք երկասէր մշակք՝ օգտիւ ճգնեալք 'ի դաշտային մշակութիս՝ հեղուք քրտուունս . և ամենայն վաստակք ձեր և ճգունք խարսխին միայն 'ի յոյս տոհմականօք հաւաքման հնձոցն :

Այս ամենայն փորձիւ ճշգրտեալ ցուցանի նա և 'ի գործս շնորհականս : Միաձայն ուսուցանեն սուրբ հարբ, թէ յոյսն է կանոն շնորհաց՝ որ 'ի մեզ . և սուրբն Թովմաս ստուգէ մեզ թէ այս է հիմն և արմատ ստացման մերոյ և ժառանգութեան , որպէս և սէրն սկիզբն է և հիմն արժանեաց և բարի գործոց : Ուստի որպէս արդիւնք մեր չափի 'ի սիրոյն՝ որ տայ մեզ առաքինանալ , նոյնպէս ժառանգութի երկնային բարեաց չափէ 'ի յուսոյն՝ որով վստահիմքն խընդրել : Այլ արդ՝ այսր անստերիւր ճըմարտութեանս գիտութեամբ զո՞ր նիւթ մեծի ուրախութեան ոչ ընծայիցէ մեզ քաջալերութիւն սուրբ եկեղեցւոյ՝ ու

բով յաւուր յայսմիկ սրտասնդէ զմէզ
 յարութեամբն Յիսուսի Քրիստոսի :
 Այս առաւելու , սրահէ հաստատուն ,
 ճշգրտէ և ուղղէ զյոյս հանգերձեալ
 վերածնութեան մերոյ 'ի նոր և յանմահ
 կեանս : Այնչ զի Յիսուս Քրիստոս մար-
 մին էառ մարդկային՝ փրկել զտիեզերս .
 եկաց 'ի մէջ մարդկան , ախտակրեաց 'ի
 մէջ նոցա , և ետ մեզ մինչև զմարմին և
 զարիւն : Յայս սակս արժան էր առա-
 ւելուլ վատահութեան մերոյ , վայելել
 զսրտուղ և զարդիւնս չարչարանաց նո-
 րա և զմահուն : Յիշատակ վերաց նո-
 րա , խաչին և գերեզմանին՝ արժան էր
 բարեյոյս առնել զմեզ , արդէն իսկ նոր
 նորոգեալ զհին մարդոյն զասրականու-
 թիւն . սրտորաստեալ գերեաց բանտար-
 կելոյ 'ի դիւէն զազատութիւն . անհուն
 սպարտեաց մերոյ ըստ սրահանջել աս-
 տուածային արդարութեն՝ թողութի ,
 ջնջելով զյանցանս մեր . « Մատնեցաւ
 վասն յանցանաց մերոյ » . Լուկ. Դ . 25 :

Այլ և զայս ինչ չէ՛ տարագէտ խոս-

տովան լինել, այսու ամենայնիւ չէր հաս-
տատեալ տակաւին նոր մարդն, չև էր
չնորհեալ նմա շնորհդ, չէր դեռ աներ-
կեան ընդ փրկութիւն իւր, չև էր ան-
դորրամիտ յազատութե իւրում. «Յա-
րեաւ վասն զմեզ արդարացուցանելոյ» :
Նա զի՝ թէ չէր յարուցեալ Քրիստոսի,
ամենայն մեր վստահութիւն ՚ի նանիր
էր և ընդունայն. «Եթէ Քրիստոս չէ՛
յարուցեալ... ընդունայն են հաւատքն
ձեր» . Ա. Կրն. ԺԵ. 24 : Սիայն վասն
այսորիկ՝ զի Քրիստոս յարեաւ, վճար-
եալ է ամենայն ինչ ըստ սրբոյն Օգոս-
տինոսի, և ոչ ևս մնայ ինչ տարակոյս
զստացեալ ժառանգութենէն : Քրիստոս
յարեաւ, ապա յապահովի է հաւատքն,
ապա կարևոր են պատուիրանքն . օգ-
տաւէտ են խրատքն, անխրէսլ և անսայ-
թաքելի կանոն է աւետարանն, և բանս
սլարունակէ աստուածայինս, և նովաւ
ամբացեալ հաստատի յոյս մեր ՚ի հան-
դերձեալ յարութիւն մեր :

Այլ արդ՝ զորպիսի՞ խթան մեզ ածեն

՚ի մէջ ստիպել ՚ի բարի գործս՝ այս ամենայն արգահատիչ խորհրդածութիւնք ՚ի վերայ յարութեանն Քրիստոսի, որ հիմն է յարութեան մերոյ յերկիւղած և յաղնուասլաշտ ոգիս: Սիրելի է արդ նոցա այն ամենայն, զոր հաւատք և կրօնք ուսուցանեն և հրամայեն. հրահանգք գործոցն քաղցունք և բազմաբեղունք, ծանունքն իսկ ՚ի նոսա մեծարգոյք և անուշունք:

Ալ ընդ հակառակն՝ այն ամենայն որ չէ օգուտ առ ՚ի սէտս փրկութեան, անհաճոյք նոցա թուին, տաղտուկք և անբերելիք. բորբոքէ ՚ի նոսա նախանձ յաղաքս կրօնի ջերմն եռանդն ՚ի սլաշտօն աստուածային և ՚ի յարգութիւն եկեղեցւոյ նորա, անկեղծ սէր առ եղբարս ցաւոտս և կարօտս օժանդակութեան, արժանաւոր ցասումն ընդդէմ բարուց և աղանդաւոր սկզբանց լիպերդինեանց, ընդդէմ գայթակղութեան նոցա և ընդդէմ զեղծման նորօրինակ վարուց նոցա: Վի, զիւրդ հաստատուն

մնայ 'ի նոսա բնական անհաստատութի
 սրտի , որոյ խարխիս ամբուլթեան յա-
 րատեութիւն բարւոյն է և մնայունու-
 թիւն : Տեսէք զապացոյց բանիդ յառա-
 քեալս , որք նախ տարակուսեալք և
 յերկուացեալք , ապա քնդ տեսանել
 զՔրիստոս յարուցեալ՝ հաստատունք և
 անշարժք : Քննեցէք զայդ 'ի սուրբն
 Պետրոս , որ նախ տկար 'ի հաստատու-
 թիւն անձին անգամ , և ապա զօրաւոր
 'ի հաստատել զայլս . զնոյն գաջիք և 'ի
 հաւատացեալս նախնի դարուց : Ա՞լ
 կալաւ զնոսա հաստատուն 'ի մէջ այնքան
 հակառակութեանց և հալածանաց : Ա՞լ .
 Քրիստոս յարեաւ՝ ասեն , ապա և մեք
 յարիցուք նովաւ . ահա խորհուրդն զօ-
 րութեան : Ա՞լ զայն անհամար երամս
 վկայից յաճախեաց պնդութի ոգւոյ ,
 որք քստմնելի՝ միանգամայն և փառաւոր
 տեսարան յանձինս բարձեալ բերէին ,
 հարուածեալք , տանջեալք երկաթի տա-
 պակօք , անուօք , տապարաւ և քերանօք :
 Ա՞լ ասեմ զօրացոյց զնոսա , բայց եթէ

խորհուրդ և յիշատակ հանդերձելոյ
փառաւոր յարութեան նորա, կերպա-
րանակից Քրիստոսի եղեալ:

Թուի ինձ տեսանել զբարեբաղդ մայր
Մակաբայեցւոց արտասուածոր աչօք ՚ի
զննին տանջանաց և քերանաց սիրելի
ծննդոց սրովայնի իւրոյ: Առարձք, ու
րովք բանիւք քաջալերս մատուցանէ
որդւոցն. որդեակք իմ ասէ, անուշակ
որդեակք, աղաչեմ զձեզ ՚ի մէջ տանջա-
նաց ձերոց՝ զորս կրէք, ամբարձէք զաչս
ձեր յերկինս: Աչ այլ ինչ համարեցի
ձեզ, բայց տեղի անցից, հայրենիք ձեր
յերկինս է, ուր սպասեալ մնան ձեզ.
անդ ունիք մնալ միշտ: Այս անդամք
յօշատեալ ՚ի հարուածոց, այս միս և այս
ոսկերք չարագան խղիւսայթեալք. այս
մարմին համակ՝ որ յետ սակաւուց մնայ
դի անկենդան, նոր նորոգեցի նորահը-
րաչ կենօք, և մեծաշուք փառաւորես-
ցի յերկինս: Անդ պայծառասցին պա-
տուելի սպիք առաջիկայ վիայիցդ՝ իբր
նշանք արժանի լինելոյ ձեզ պսակացն,

զոր ստանալդ ունիք անվրէպ յերանա-
ւէտ հայրենիս անդ ընդ հրեշտակս և
ընդ սուրբս ամենայն, ընդ ամենայն
յաւիտեանս :

Այլ վասն ձեր զի՞նչ, մեղաւորք .
գիտեմ զի խաչնդակն ունիք ձեզ ըղ-
հոյս չարեաց՝ որք հատանեն զյոյս ձեր :
Այլ յայսպիսի գլխութեան ժամանակս,
յայսպիսի աւուրս փրկութեան, յորս
անմարթ է հաւատալ թէ չիցէ ձեր
գէթ զմտաւ ածեալ կամ անձկացեալ
դարձի առ Աստուած, չէ՛ արժան հա-
տանել զյոյս առ յիշատակէ յանցուածոց
ձերոց : Վիք ՚ի սիրտս ձեր ունիլ միակ
զորութիւն յետս կալոյ յամենայն մե-
ղաց զայն՝ զոր ՚ի յոյսն հաստատեսջիք .
« Յուսով եղիցի զորութիւն ձեր » . Եսայ .
Լ . 15 . (ըստ լատ . թարգ .) Վերջին և
անբուժելի հարած լիցի ձեր ո՛չ վտաւ
հիլդ ՚ի միայնակ յայն նսրաստ՝ որ մնաց
՚ի փրկութիւն ձեր : Առ ՚ի զորացուցա-
նել զանձինս ձեր՝ առաջի աչաց նկա-
րեսջիք զպատկեր սիրոյ քաղցրագութ

Հօր ձերոյ և զՏեառն սովորեալ անյիշաչարութիւնն, որ ընդ յանցաւորս և ընդ ապերախոս բնակէր ընդ նմանիս ձեր :

() Ըննակ առէք այսմ զարքայն Դաւիթ, որչափ ինչ արար ընդ անշնորհակալու որդին իւր, և ընդ ապստամբ ծառայն Աբիսողոմ : Հաստատութիւն աթոռոյն, ապահովութիւն արքայական կենացն և հանգիստ ժողովրդեանն խնդրէին՝ զի ամենայն զինուորական զօրութիւն արքայի ընդդէմ նորա յարիցեն : Այն ինքն Դաւիթ ստիպէր գալ ՚ի գլուխ զօրուն, ըստ որում պարտիք են գերագոյն իշխանի : Այլ ՚ի վերայ այսր ամենայնի ոչ անհոգացաւ վտանգել ըզկեանս նորա՝ որ սիրելի էր նմա քան ըզկեանս իւր : Յանցանաց որդւոյն չէր արժան լինել այնչափ եղեռնաւոր, քայց և սիրոյ հօրն չէր պարտ լինել այնպէս մեղկաղէտ : Այլ զհարգ կարծէք դուք, որսով եղանակաւ զիւր ճառ աւարտեալ իցէ արքայն ՚ի խրախոյս զինուորական

դասուն առ ՚ի բաղխիւն մարտի : Որ-
պիսի սրտառու չ աղերսանս կարծէք թէ
արարեալ իցէ նոցա ՚ի կատարումն կա-
րևոր դործոյն , ՚ի քաջալերութիւն առ
՚ի պատերազմ : Այլէ , առաջին հոգ իւր
եղև Աբխաղոմ , վասն այսորիկ հրաման
տայ նոցա . « Խնայեցէք ՚ի պատանեակն
իմ Աբխաղոմ » . Բ . Թագ . ԺԸ . Ծ : Ան-
չնորհագէտ է , ապառուժ է , այլ որդի
է , խնայեցէք . եթէ կորուսանել էր ինձ
զգաւաղանն , զթագն , զարքայութիւն ,
և զկեանս իսկ գլխովին , հաւան եմ ընդ
այդ . միայն՝ մի կորիցէ իմս Աբխաղոմ .
առանց նորա դանն է ինձ գաւաղանս
այս և՛ թագաւորութիւն և կեանք .
խնայեցէք :

Ահա՛ բանք զթոյ , որովք ընդ քեզ
վարի գթած Փրկիչն և Տէր , մեղաւոր
եղբայր և քոյր : Ասէ՛ անչնորհագէտ է ,
ապառուժ է , ստահակ է . այլ քանզի որ-
դին իմ միածին Յս Գս և եղբայր դու-
րա՛ զդա ինձ ստացաւ յորդեգիրս , սի-
րելի է ինձ , խնայեցէք . ընթացէք հը-

ընչտակք իմ 'ի պահպանու թիւն դորա,
հաւատարիմ քարոզք բանից՝ օգնեցէք
դմա ձերովդ խրատու : Աւղղեցէք զդա
'ի ճանապարհս փրկութեան, խնայեցէք :
Եւ դուք արարա՛ծք իմ, որ զինեալքդ
էք անօթով բարկութեան իմոյ առնու
զվրէժ իմ 'ի դմանէ, խնայեցէք :

Աճ գտէք տակաւին զբարերար ար
դիւնս երկնային յուսոյն՝ սիրելիքդ իմ
մեղաւորք : Ա՛յլ ազատեաց զձեզ յայն ինչ
մրրկէ . ո՛վ զերծոյց զձեզ յայս ինչ անա
կընկալ դիպուածոյ : Ա՛յլ կարկառեաց
ձեզ աջ լիաձեռն 'ի պէտս ձեր 'ի սմին
երաշտութեան տարւոջ, բայց եթէ Տէր
ձեր գթած . որում և ոչ 'ի հարս՝ գլ
թութեաննորա և խանդաղատանաց հա
ւասար չիք ըստ Տերտու զիանոսի : Օ՛ան
բացոյց զձեռն իւր 'ի վերայ թիկանց ձե
րոց պէսպէս կարօտութեամբք՝ որովք
ուղղել զձեզ խորհեցաւ . « Արկ զմեօք
ցաւս ատամանց և կարօտութիւն հա
ցի » . Լ՛մովս . Դ . 6 : Եհար , այլ յայս սակս
միայն՝ զի զգուշացուցէ զմեզ փախչիլ

ի մեծ ևս բարկութենէ . « Եւ նշան ,
 զի ասրեսցին յերեսաց աղեղան » . Սղծ .
 ԾԹ . 6 : Եւ տեսեալ զմեզ ցաւածս և
 զղջացեալս՝ պատրաստ է զիջանել մեզ ՚ի
 կարիս մեր , մխիթարել զմեզ , շնորհել
 աւուրս երանաւետեալս , յուղղութիւն
 մեր հոգ կալեալ և ոչ ՚ի կորուստ :

Արդ՝ այսօրիւք արդահատական յիշա-
 տակօք Աստուծոյ , որ թէպէտ և բարկա-
 ցեալազիս ունի խանդակաթ և կարեկից
 հօր . սով ՚ի ձէնջ սիրելիքդ իմ մեղաւորք ,
 ունիցի սիրտ սալացեալ ոչ ընուլ և ոչ
 կատարել զկարևոր գործ դարձի իւրոյ
 առ Աստուած : Սով այնպէս աստուով
 առ աստուածայինն ողորմութիւն , դը-
 նել նմա չափ և սահման :

Վիտեմք , զի է և յոյս ցնորական , խօ-
 լական , ընդունայն և պատիր . և է յոյս
 այնորիկ՝ որ մնալ կամի ՚ի մեզս յանդոր-
 բու ըստ իւրովսանն ուժի . և ՚ի ժամա-
 նակի՝ զի պակասին նմա դիպուկք առ
 ՚ի մեզս գառնալ առ Աստուած , յորժամ
 ոչ ևս կայ այլ ժամանակ . Յայս . Ժ . 6 :

Այլ այս անիրաւ տկնկալութիւնն ոչ առաւելլաւ, այլ մանաւանդ եղծաւ յիշատակաւ յարութեանն : Յուշ առնէ մեզ այն յարութիւնն, զի յարիջիք նշանօք անմաքրութեան ձերոյ և ամբարըտութեան, նովին մարմնով՝ զոր զեղխութեամբն անարգեցիք, նովին ձեռօք՝ որով գործս խաւարի գործեցիք, նովին ոտիւք՝ որովք ընդ մոլորաշաւիղ հետս գնացիք, որք մատենագրեալք և արձանացեալք են ՚ի մատենագրանի ցասմանն Աստուծոյ :

Աստահութիւնն՝ պտուղ յարութե՛քաջալերէ յառնել ՚ի մեղաց, և հաստատիլ ՚ի շնորհս և ՚ի սէր Աստուծոյ, և ճանապարհ բանայ առ ՚ի փրկութիւնն. « Յուսով ապրեցաք » : Այսն այսորիկ զամանէ միայնոյ են բանք մեր, և յորդորիմք ոչ կորուսանել զայս : Այլ մանաւանդ զամենայն հնարս հնարել՝ զի ըստ ամենայնի առաւել ևս զարգացի ՚ի մեզ. յանցեալ աւուրս մեզ և այլոց ոմանց, որք ՚ի սոյն պաշտօն հոգևոր մա-

տակարարու թեան հաղորդք մեր եղեն ,
 դէսլ եղև մեծ քաջալերու թիւն 'ի տե-
 սանել զբարեոք դարձ ձեր 'ի հառաչա-
 նրս ձեր և յողբս , որոց վկայք եղաք :
 Անք աղօթիւք մերովք և սրբագործ սրա-
 տարագօք աղաչեցաք զՏէր տալ ձեզ ա-
 ռաւել շնորհս առ 'ի կատարեալ զգաս-
 տու թիւն : Անգ թայայք խափանել ըզ-
 ճգունս մարմնոյ զունայնս և զանօգտա-
 բերս , քակել անվստահու թեամբ զայն՝
 զոր 'ի գուղնաբեայ ձեր իղձ հիմն 'ի վեր
 կառուցեալ շինել կամեցաք : Արդ յեա
 զաստուածային սղորմու թիւնն աղերսե-
 լոյ 'ի վերայ ձեր , սախիցէք խնդրել
 վրէժխնդրու թիւ յարենէ Յիսուսի Քրիս-
 տոսի անարգելոյ յաղագս շնորհաց՝ զոր
 յանպէտս թողուցուք , յաղագս խոր-
 հըրդոց՝ զոր սրհամարհիցէք , յաղագս
 նսրաստից՝ զորս չընդունիցիք , այնպէս
 ամենևին որպէս Մովսէս անդ ուրեմն 'ի
 վերայ լերին՝ յորժամ տարածեալ զբա-
 զուկս իւր յերկինս 'ի վեր՝ խօսէր աղօ-
 թիւք ընդ Աստուծոյ 'ի դիմաց ժողո-

վըրդեանն , իսկ տպա ընդ ժողովրդեան
 'ի դիմաց Աստուծոյ խօսէր սրով և հա-
 ռուածովք : Քան 'ի ձէնջ այդպիսի ինչ-
 առաւել և սքաջացարուք 'ի խնամս փրո-
 կութեան ձերոյ , յաւելլիք 'ի ձեզ զյոս-
 սուրբ : Աղաչեմք զձեզ և երդմնեցու-
 ցանեմք յայն ամենայն՝ որ ինչ կայ սպա-
 կառելի յերկինս 'ի վեր և յերկիր 'ի խո-
 նարհ : Կալարո՞ւք աչաց , միշտ 'ի ներ-
 քոյս սրտից ձերոց խորաքանդակ տպա-
 ւորեսցին բանքս՝ սպահել զձեզ և հրա-
 ժարեցուցանել 'ի չարէ . խրախոյս և
 սիրտ քաջ մատուցանել ձեզ 'ի գործել
 զբարին , զի կարասջիք ընդ սողմսեր-
 գու արքային ասել . “ Ի ճանապարհս
 պատուիրանաց քոց ընթացայ , զի ան-
 գորր արարեր սրտի իմոյ ” . Ա՛՛՛՛ . ՃԺԸ . 52 :



Ճ Ը Ռ Օ .

Ի վերայ սուրբ Հայաստանի, և իմ յանդիմանութեան :

Ելէք արատքս յայրիացեալ հարսնարանէ ձերմէ՝ թախծեալ դստերք Սիւսի, և ընդ նոսա որչափ ինչ անմխիթար կայք ՚ի բնակիչս հողևորականն Երուսաղէմի . ելէք տեսէք զնոր յաղթանակ Քրիստոսի, որ մեծաւ փառօք յարեաւ . և առաւել շքեղս յօրինեսցիք շնորհիւ յարութեան զձեր թաղ արքունի, սրով թաղաղարդեալդ էք այսօր ՚ի տօնիս : “ Ելէք դստերք Սիւսի, և տեսէք յարքայն Սողոմոն զպսակն՝ ուրով սրակեաց զնա մայր իւր ” . Յերթ . Գ . 11 : Եւ դու ո՞վ մահ, անհամողելի բռնակալ մարդկայինս ազին, յաղթական մարդոց, սանձ ամբարտաւանութե՛, ամբարհաւածութեան, և հպարտութե՛, որ հուսկ ուրեմն յաղթեցար Աստուածամարդոյն :

Դու բարձր ՚ի գլուխ սիգայիւր ՚ի վե-

րայ անհամար բազմութեան դիականց
 անշնչացելոց, և ՚ի քէն ՚ի հող մահու
 տարածելոց, և տհաս ընդ ելանել Քրիս-
 տոսի ՚ի խաւարչուտ նսեմութենէ գե-
 րեղմանին, եմուտ ՚ի նոսա շունչ կեն-
 դանութեան՝ հոգևորել զնոսա և կեն-
 դանագործել: Տես, զխաբդ աղխաղխեալ
 յարին ոսկր առ ոսկր, որպէս ծածկի ՚ի
 վերայ նոցա մարմին, և յառնէ նոր ժո-
 ղովուրդ ՚ի նոր կեանս հոգևորեալ և
 քաջառոյգ: Արդ՝ ձաղէ և յաղթանակէ
 մարդկայինս ճնունդ՝ ՚ի քէն կողոպտեալ
 յաղթական աւարս, և հակառակ ընդ-
 դէմ քեզ դարձուցեալ զքո իսկ սպա-
 ռազինութիւնս, անասլաքինն լի վէրս դը-
 նէ ՚ի վերայ քո: Ա՛չ և ս այսուհետև եր-
 կընչի ՚ի յարձակմանց քոց կամ ՚ի հա-
 բուածոց, այլ տօնական խնձղանօք դը-
 նայ զհետ Քրիստոսի, որ յարուցեալ է
 բայ նմա ճանապարհ փառաց, յաղթա-
 նակի և թագաւորութեան:

Օ այս մխիթարութեան բանս յաղ-
 քատ մտաց մերոց յուշ ձեր ածէ տօնի

աւուրս հանդէս, և առ ձեզ ևս ինքնին
 իսկ յիշատակ դան՝ սիրելիքդ իմ քրիս-
 տոնեացք. այլ անձնակ էր ինձ զձեր հա-
 սարակաց զգայութիւն ուրախութեան
 յայտնել ՚ի հանդերձեալ փառաւոր յա-
 րութիւնն: Այլ սէրն որ կարևոր է ձեզ
 առ ամենայն ճշմարիտ գործս բարութե,
 յաւելուլ ՚ի ձեզ առ անյապագ զհետ գը-
 նալ փախաքանաց ձերոց, և զայս և զայլ
 սոցին նման բանս զօրութե և մխիթա-
 րութե ասել ձեզ: Այլ հարկ պաշտամանս
 մերոց ստիպէ զմեզ՝ զձեր ուրախութիւ
 չափաւ որել բանիւք առաքելոյն, զի թէ
 վասն ամենեցուն է յարութի, այլ ուրա-
 խութիւն չէ նոյնպէս. ոչ փառքն, և ոչ
 հանդէսն յաղթական. «Ամենեքեան նրն-
 ջեսցուք, այլ ոչ ամենեքեան փոփոխես-
 ցուք». Ա. կրն. ԺԵ. 51. (ըսաւ լու. թարգ.):
 Մանաւանդ այսու առ զձեր օգուտ գը-
 տանել՝ ծագէ ՚ի սրտի խորհուրդ քննելոյ,
 սր իցէ, և ուստի՞ բղխեսցի աներկեւան
 և հաստատուն յոյս հանդերձելոյ փառա-
 ւոր և քաջայաղթ յարութեան:

Ա. Հիմնեալ է այն յաստուածային գթութիւնն և ողորմութիւնն, որ հըրաւիրէ զձեզ, սպասէ ձեզ, զհետ կրթութի ձեր, յածի զձեւք, և զձեռանէ կալեալ ձեր առաջնորդէ : Արդարեւ ծով է այն անյատակ՝ աստուածային գթութեանց, և վայ և եղևի այնմ՝ որ զիւր յոյս ոչ հաստասէ 'ի նմին : Այլ սուրբն Օգոստինոս ցուցանէ ձեզ երկուս ժայռքս հաւասարալտանդս՝ առ աստուածութիւն ձեր, յոյս ժպիրհ՝ և յուսահատութիւն վհատիչ. « Վտանգի մարդ և՛ յուսով և անյուսութեամբ » : Այս սիրելիքդ իմ քրիստոնեայք, չափազանց անհիմն յոյս աստուածային ողորմութեանն՝ վտանգ մեծ է, քանզի 'ի յանձնապատան լինելոյն ծագէ : Ալ երկիւղ է, մի՛ գուցէ այսպիսի ինչ յոյս իցէ ումանց 'ի ձէնջ. և առ ի՛նչ արդեօք առաջնորդ լինի ձեզ այն յոյս. առ լքանել ըզջարն և գործել զբարին. թողմլ զվատշուէր հրահանդս և զախտայոյզ բնաւորութիւնս, զգուշացուցանէ՞ զձեզ յանձն

ձինս մի վատահիլ, և յայլոց անձնապահ
լինել, խորախուսէ՞ զձեզ բուռն հարկա-
նել զձգանց՝ որոց սրտուղ իցէ կեանքն
յաւխտենից :

Արանի թէ յաջողեալ էր արդ, յայն-
ժամ խորարմատ հաստատեալ լինէր յոյս
ձեր 'ի փառաւոր յարու թիւնն իբրև ըզ-
յոյս երանելոյն Յովբայ, որ զաշխա-
տայոյր և զցաւալից աւուրս կենաց իւ-
րոց յուսով յարու թե ամօրէր. « Այն-
ճանեալ զաւուրս՝ յորս զինուորիմ, սպա-
սեցից մինչև եկեացէ ինձ փոփոխու թիւն » .
Յովբ. ԺԴ. 14. (բոտ լատ. թարգ.) Այլ
եզնկ զիս. ամենայն ինչ ձեր ընդ հա-
կառակն է, քնրք իմ և եզբարք : Արդ-
իսկ բացայայտ ընթեռնումք 'ի ճակատս
ձեր, և յայանի նշմարեմք 'ի գործս ձեր
զխորհուրդս՝ զոր 'ի սրտի երկնէք : Այ-
տուած ողորմած է՝ ասէք, մեռաւ նա
'ի զիջուցանել զատուածային բարկու-
թիւնն գրգռեալ վասն մեզոց մերոց,
և յարեաւ ժառանգս առնել զմեզ ար-
գարու թեան մերոց. « Մասնեցաւ վա-

սըն մեղաց մերոց, և յարեալ վասն ըլ
մեզ արդարացուցանելոյ » . Հով. Դ . 25 :

Եւ արդ՝ զինչ ահի և երկիւղի իցեն
սլատճառք . աւասիկ անքօղ մերկասլու
րանոց ապարասանութիւնն անձին , որ
Թողու զձեզ վատս , հեղգասիրտս , ան
հոգս ՚ի յաւիտենական փրկութի ձեր :

Սուարուք մեծի հօրն սրբոյն Օգոս
տինոսի , որ բանայ և հօլանի առնէ ըզ
ներքին ծածուկս սրտից ձերոց : Յերեկ
յանցեայ , և եթողինձ Տէր . այսօր յան
ցեայ , նոյնպէս եթողինձ Տէր . նոյնպէս
և վաղիւ մեղայց՝ զի թողցէինձ Տէր .
ասլա ողորմութիւնն Աստուծոյ ծառայ
եսցէ ձեզ ՚ի թմբբութեան ձերում ՚ի
քնածութեան մեղաց , և դուք այդպէս
չուայլացի մսխողութեամբ տարապարս
վատնէք զանհուն գանձ աստուածային
ողորմութեանն : Աղաղակէ առ ձեզ մե
ծըն ՚ի հարս սուրբն Ամբրոսիոս . « Քան
զի բարի է Աստուած , վասն այսորիկ դու
չսր ես , և զգանձ բարութեանն զուր
տարապարտուց չուայլես » :

Չէ՛ն սյտոքիկ ճանապարհք նշանա-
 կեալք ձեզ յաստուածային տեսչութե-
 նէն, չէ՛ն շաւիղքն սյնոքիկ՝ զորս եցոյց
 սաղմոսերգու արքայն, « Արդարութիւն
 առաջի նորա գնասցէ » . Սաղմ. ՉԻ. 14 :
 « Ողորմութիւնքո Տէր զհետ իմ եկես-
 ցէ » . անդ . ԻԲ . 6 : Այս արդարութեանն
 յառաջել արժան է, և ապա զհետ գալ
 ողորմութեանն . սյսինքն սարսափ եր-
 կիւղի աստուածային արդարութեան՝
 հիմն լինել արժան է և խարխիս ճշմա-
 րիտ յուսոյ մերոյ ՚ի բարերար ողորմու-
 թիւնն Աստուծոյ : Այսպէս կայ գրեալ
 ՚ի գիրս սաղմոսաց թէ առնէ արդարև
 ողորմութիւն, բայց առ այնոսիկ ոյք եր-
 կընչին ՚ի նմանէ . « Ողորմած է Տէր եր-
 կիւղածաց իւրոց » . անդ . ՃԲ . 15 : « Առ-
 նէ ողորմութիւն ազգաց յազգս, (բայց
 միշտ) երկիւղածաց իւրոց » . Վրդ . Ա . 50 :
 « Օջրացուցանէ Տէր զողորմութիւն իւր,
 (այլ) ՚ի վերայ երկիւղածաց իւրոց » .
 Սաղմ. ՃԲ . 11 : Սուրբ աւետարանիչն
 Յովհաննէս ՚ի հռչակեալ այրին Պատմու

սի լուաւ ձայն, որ հրաւիրէր զնա յուր
 բախութիւն ընդ յաղթութիւն յուր
 դայեան առիւծուն. « Զաղթեաց առ
 իւծն յազգէն Յուդայ ». Յայր. Ե. 5 :
 Կնաց Յովհաննէս 'ի հանդէս յաղթա
 նակացն, և տեսանէ գառն հեզ և սի
 բեղի. « Եւ տեսի, և ահա 'ի մէջ աթու
 ռոյն գառն կայր ». Յայր. Ե. 6. (ըստ
 լատ. թարգ.) : Օ՛րնչ խորհուրդ յայտմ,
 հարցէք ցՕգոստինոս և ասասցէ ձեզ,
 թէ Քրիստոս օրինակեցաւ յառիւծն
 յայն և 'ի գառն : Աւստի ուսցի՛ երկըն
 ձիլ 'ի նմանէ իբր 'ի զայրագին առիւ
 ծոյ, որ կամի տեսանել զնա հեզիկ որ
 սէս գառն : Այլա յորում արգարու թէն
 երկիւղ չիք, սնտոի է յանդուգն ժպրու
 հութիւն կարծելոյ քաղել զստուղս ու
 զորմութեան՝ յոր յուսայ վարկարաղի.
 ասէ սուրբ քահանայապետն Գրիգոր.
 « Ի նանիր յուսայ յողորմութիւնն՝ որ
 չերկնչի յարգարութենէն » :

Մանաւանդ՝ երկիւղի իբր են, ոչ
 հանդերձեալ արգարութիւնն միայն,

այլ և նոյն խոկ ողորմու թիւնն , նոյն խոկ
 արդեան աստուածային ներողութիւնն .
 “ Ար սաստիկս սլաածէ , զի համբեր բազմ
 մու երկայնմսու թեամբ ” , ասէ սուրբն
 Գրիգոր : Գթու թիւն և ողորմութիւնն
 Աստուծոյ , որ որչափ յամբ է ՚ի պատ
 ժեղ , նոյնչափ և ծանրի ձեռն նորա :
 “ Արչափ համբերէ , այնչափ սաստիկու
 թեամբ վրէժս պահանջէ ” , ասէ սուր
 բն Օգոստինոս : Գթու թիւն և ո
 ղորմութիւն Աստուծոյ , որ “ Օչաղեղն
 իւր լարեալ է , և ՚ի նմա պատրաս
 տեալ ” . Սաղ . է . 13 : Վարեաց , ա
 սէ սուրբն Բարսեղ , և որչափ ընդ
 գիրկն մտանէ և ձգէ զլարն , այնքան
 զօրեղ և ուժգին լինի հարուածն և
 անվրէպ : Վարեաց . և որչափ հեռի է
 տեղին , խոր թափանցէ նեան ըստ նը
 մին , և հարկանէ անվրէպ , և վերս ՚ի
 վերայ դնէ անբուժելիս : Արկերուք , մի
 գուցէ այդ ժպիրհ յանձնատրաստանու
 թիւն պատիժ իցէ եկեալ ՚ի ձեր վերայ
 յաստուածային արդարութենէն , մի ի

ցէ թէ նովաւ շեղջս վրիժուց յանձին
 վերայ գանձիցէք յօր վրէժխնդրութե՛.
 « Գանձել անձանց բարկութիւն յա-
 ւուր բարկութեան » . Հոով. Բ . 5 : Այն
 արդեօք այս կոյտք վրէժխնդրութեան
 գահավէժ թօթափեսցին 'ի ձեր վերայ,
 թշուառացուցանել զձեզ փոխանակ
 գանձուցն ողորմութեան , որ արդ մի-
 այն վասն յանցանաց ձերոց յուժպէտս
 և ընդ արհամարհ սնտախ համարի , ա-
 սէ Բեռնարդոս . « Գանձք բարկութեան
 փոխանակ գանձուցն ողորմութե՛ն՝ զորս
 արհամարհես » :

Այլ և Սամիսոն յուսացաւ , վստա-
 հացաւ 'ի զօրութիւնն՝ զոր շնորհիւն
 Աստուծոյ ունէր 'ի գիսակս գլխոյ իւրոյ .
 « Արարից որպէս յերեկն և յեռանդն » .
 Գաթ. Ժ. 20 : Այլ ընդ գիսակացն բար-
 ձեալ էր 'ի նմանէ և առանձին տուչու-
 թիւնն . զի ոչ բարւոք արկ 'ի կիր ըզ-
 բարերար ողորմութիւնն , և ահա հա-
 ւասար բարձաւ 'ի նմանէ ազատութի՛ն
 և կեանքն :

Այլ և Սիսարա սովորեալ 'ի յաղթել
 և ձաղել երկնապարգև շնորհին օգնու-
 թեամբ, 'ի ճակատ զօրացն խորտակելոց
 ննջէ յանդորրու 'ի խոր քուն, և ոչինչ
 գիտէ զմահարկածեան բևեռէն՝ որ վար-
 սեաց զնա 'ի գետին ընդ ծամելիս նո-
 րա, և զժամանակաւ որ նինջն վտխեաց
 'ի քուն յաւիտենից : Դադ . Գ :

Այլ և Յուդա . եղճկ քեզ Յուդա,
 խորհեցաւ և կատարեաց զչարաչար
 մատնու թիւն անօրէն աստուածասպա-
 նու թեանն, վատահացեալ ըստ Ոսկեբե-
 րանին 'ի քաղցրութիւն և 'ի բարու-
 թիւն վարդապետին : Այլ այս յանդու-
 գըն յոյս հորդեաց նմա ճանապարհ ան-
 յուսութեան, ըստ այնմ ահա ճշմարիտ
 է, զի ապաւինելով յողորմութիւնն Աս-
 տուծոյ՝ յորժամ չէ այն կարգեալ ըստ
 շաւղաց ուղիղ բանի և հաւատոյ, ան-
 կանի մարդ 'ի վտանգ փրկութեան :
 «Վտանգի մարդ և՛ յուսով » :

Բ. Այլ թերևս այդ ձեր վատահու-
 թիւն՝ որով անդորր ոգւով ակն ունիք

փառաւոր վերստին ճննդեան, ՚ի ձե՞ր
 վերայ, և ՚ի ձե՞ր վարս հիմնեալ և խարս
 խեալ իցէ. և յո՞ր վարս : Յանցեալսն,
 և զհա՞րդ համողէ այդ զձեղ, որպէս ան-
 մե՞ղս ոմանս, ս՛չ. դուք ինքնին ասէք.
 արդէն աներևոյթ եղեն յաչաց դարձ՝
 յորս փայլէր յաշխարհի անասակ սար-
 զամտութիւն աղաւնոյ. եհաս ժամ՝ յու-
 բում թագաւորէ խորամանկ խորագի-
 տութիւն բիւրանենդ օձին : Ասա՛ որ-
 պէս ասաշխարս՞ղս ոմանս : Արանի՛ ձեղ,
 թէ այնպէս իցէ վարք ձե՞ր՝ որպէս ար-
 ժան է նմա, որ զդեցեալ է զհոգի ճըշ-
 մարիտքրիստոնէական ասաշխարութե՛ն,
 այն է՝ սեպհական կնիք քրիստոսեանց,
 որ յարուցեալ՝ պահեաց յանձին զսպիս
 խոցուածոցն, և այսու եթող մեղ օրի-
 նակ կալ ՚ի մեռելութեան և ՚ի զեղջ
 սրտի, ասեն սրբազան մեկնիչքն, Բե-
 դա, Բոնավենդուրա, և Բեռնարդոս :
 Ա՛յս է քան զայլս հաւատարիմ՝ և աներ-
 կուանալի նշան յարութեան ՚ի փառս,
 հիմնեալ ՚ի կերպարանակիցն լինել վըշ-

տամբեր և ցաւալից կենաց Յիսուսի
 Քրիստոսի ըստ առաքելոյ . « Եթէ տըն
 կակիցք եղեաք նմանութեան մահու նո
 րա , այլև յարու թեան նորա լինիցիմք » .
 Զորվ . Զ . 5 :

Եւ ըստ սղաջանք կանխոյ ընդ ծա
 գել առաւօտին՝ յերկարեալ ցգիշեր .
 ուր սաէպ ժուժկալութիւնք 'ի կերա
 կրոց , ճգնութիւնք , ճնշմունք մարմնոց :
 Աւր ըստ թիւն , փոխանակ անպատկառ
 և ախտաշարժ շաղփաղփութեանց . ուր
 'ի միայնութի հրաժարիլ փոխանակ հա
 նապաղօրեայ խենէշ ընկերշակութեց :
 Այլ աղէտիցս . անցեալ կեանք ձեր աղ
 խաղխումն էր անարժան ծաղու , խա
 ղու , բերկրութեան , փափկութեան ,
 կամ գոնէ հեղգութեան , և 'ի զուր
 վասնելոյ զժամանակն , և դեգերանաց :

Եւ արդ՝ զկարգ 'ի վերայ այսպի
 սում հիման մարթիցէ ձեզ առ իժ առ
 նուլ յուսալ յարութեան կենաց . և
 զինչ օրինակ և գաղափար իցէ 'ի միաս
 ձեր՝ կենաց քրիստոնեայ . ապաշխարողի :

Չեբացի ինչ արդեօք զաչս ձեր սոսկումն
 Հերոնիմոսի, սղբք Գրեգորի, լալիք և կա-
 կան Բեռնարդոսի, դողումն Օգոստինոս-
 սի՝ ճիշդ և խստամբեր ապաշխարողաց :
 Ոչ սթափեցին զձեզ 'ի պատրանաց սբ
 միանձուհքն, զորոց զվարս դրեաց Յուլի-
 հաննէս Կալիմաքոս . անուանիք և մե-
 ծահամբաւք յամենայն ազգս ճգնու-
 թեանց, և այնու իսկ տարակուսեալք
 և երկմիտք զապագայ հանգամանաց իւ-
 րեանց : Ապա ոչ երբէք անցեալ կեանք
 ձեր կարէ 'ի համար մտանել պատճա-
 ռաց յուսոյ ձերոյ, աներկեան ժառան-
 դելոյ զյարութիւնն 'ի փառս :

Թեբեոս յայժմու վարս ձեր հիմնեալ
 իցէ այդ, այն ինչ 'ի նոր կեանս վերա-
 դարձեալք՝ ուխտս ուխտեցիք մնալ 'ի
 դմին . գթութիւն Տեառն արդիւնա-
 ցուսցէ զայդ : Այլ ուսեալք 'ի փորձոյ
 անգլտանալ շմարթիմք, զի վասն սմանց
 'ի ձէնջ խոստմունքդ այդքիկ կեղծիք
 են, յուչ ածեալ զբան Յաղմոսին . « Ի
 պատկերի շրջի մարդ » . Սղ. ԼԸ. 7 : Խոսաւ

մուկնք մարդոյ յոչինչ լուծանին , որպէս
 ոչնչանայ պատկեր մարդոյ 'ի հայելոջ ,
 ասէ Ռուբին կարգինալ . կամ մնայ որ-
 պէս զպատկեր նկարէն զուրկ յարդեանց
 ըստ սրբոյն Բարսղի . « Մէ եղծանին ե-
 րանգք 'ի պատկերէ » : Հայեցարուք ան-
 դանօր 'ի պատկեր սրբոյն Հերոնիմոսի .
 յորոյ 'ի ձեռս քար կայ , զի կոչկոծեսցէ
 զանձն . աւասիկ և 'ի ձեռս Փրանչիսկո-
 սի դաւաղան՝ ձաղկել զանձն : Քանիցս
 անգամ թէ դէս լիցի ձեզ զդէմս յայդ
 կոյս դարձուցանել . քանիցս պշուցեալ
 հայիցիք ընդ նկարս ընդ այդոսիկ , միշտ
 'ի ձեռին կայ միումն քար պատրաստա-
 կան 'ի կոչկոծել , և միւսումն 'ի ձաղ-
 կել . այլ ոչ երբէք տեսանի հարուած
 կամ ձաղկումն :

Յամենայն պատեքի տեսանեմ զձեզ
 սիրելիք իմ , 'ի տեղւոջէ աստի յայսմա-
 նէ . են ոմանք 'ի ձեզ՝ որք միշտ պատ-
 րաստ են փոխել զտարազ կենաց և կա-
 տարել զխոստմունս , այլ միշտ կամքն կոյ
 մնայ այնպէս անգործ , անպտուղ և սնու-

տի . “ Ի սրտակերի շրջի մարդ ” : Ուրեմն նկարէն սրտակերք ոմանք էք դուք եղբայրք , ցուցանել լալ զմեզս , փոխել ըզվարս , լքանել զհին սովորութիւնս . այլ միշտ սրտորաստք , և ոչ երբէք ձեռն ՚ի դործ արարեալք . “ Ի սրտակերի շրջի մարդ ” : Նկարէն սրտակերք էք դուք . բոլոր իմ , սրտորաստք թողուլ զզարդ , յասոււել զսուտ հաճութիւն կանացի , առնուլ ՚ի ձեռս զչափաւորութիւն և զըզդաստութիւն նախնեաց . այլ միշտ սրտորաստք , և ոչ երբէք ՚ի դործ յառաջացեալք . “ Ի սրտակերի շրջի մարդ ” : Այս և ոչ այժմու վարք ձեր կարիցէ տալ ձեզ օրինաւոր յոյս հաստատուն և արդարացի :

Այսպէս այսորիկ այնպէս լիցի կեանքըն ձեր , յոր դնէք զձեր յոյս . այլ սիրելիքդ իմ քրիստոնեայք , սիլ զայնցանէ ձեզ յերաշխի կացցէ : Յովք ասէ՝ թէ տերև է այն ծառոյ սր յամենայն հողմոց տատանի . Սողոմոն ասէ , ամպ է թեթև , սր ընդ գոյն շիջիւն հողմոց ցրուի :

Ստուեր է և ծուխ, որ սրչափ և ՚ի վեր
 ամբառնայ՝ այնքան առաւել ցնդի և
 սրահասի ըստ սաղմոսին : Սուրբն Յակո-
 բոս նմանեցուցանէ զնա թեթեւ գօլոր-
 շեաց, և Ռսկէբերան արագ ընթացո-
 ղի, որ արդէն ընդ տես՝ անյայտ լինի
 յաչաց, թէ և ՚ի բիւրս զհետ նորա յա-
 ռեցիս : Եւ աստուածաբանն՝ սրավար
 և անհնարին երագընթաց գետոյ ՚ի ծով
 թափելոյ : Աւստի սուրբն Պաւղոս կնքէ
 զբանն . « Սեռանիմք (ասէ) զօրհանա-
 սիադ » . Ա. կրն . ԺԵ . 31 : Եւ թէ՛ և եր-
 կար վիճակեցիս կենաց, ո՞վ զբեզ հա-
 լատարմացուսցէ ընդ անխօփօս մնալ
 կամացդ, ո՞վ երաշխաւոր լիցի աստուա-
 ծային ձեռինն օգնութեան : Եղէ՛, սիւ-
 բեղեքիւ իմ, ՚ի մեզ ինքեանս դարձցուք .
 և թէ՛ չէ մեզ բաւական սղորմութիւնն
 Աստուծոյ միայն, ոչինչ քաջալերս կա-
 բեն տալ մեզ առ այս սպաստան, ոչ
 կեանք մեր անցեալք, ոչ այժմուս, և ոչ
 որ գալոցն է : Եւրա այս մեր վստահու-
 թիւն անհիմն է բոլորովին, որ զհան-

դերձեալ յարութե՛նէ մերմէ 'ի փառս :

Յոյս՝ զոր դէն ազդէ 'ի մեզ, զի լաւ
 և ս ապահովացուսցէ զմեր կորուստ, ա
 սէ սուրբն Օգոստինոս : Յոյս՝ զոր տայ
 մեզ աշխարհ վրէ՛յա գուշակ, մատնիչ,
 որ խոստանայ մեզ արգասիս անանցաւոր
 երանութեան, և փափաքանայ յուսոյ
 սաղարթս միայն մատուցանէ ըստ նորին
 սրբոյ : Յոյս՝ որոյ գոյութիւնն առ աչօք
 է և խօլական, իսկ կատարածն ոչ գոյք
 իբրև զսարգիստոյն, ասէ Յովբ . « Իբ
 րև զսարգիստոյն՝ յոյս նորա » (Ը . 14 .
 (ըստ լատ . թարգ :)

Այլա այսուհետև փրկաւէտ երկիր զ
 լիցի առաւօտ աւուրն այնորիկ, որ բար
 ձեալ բերէ մեզ նորոգութիւն վարուց,
 և նովաւ հանդերձ արդարացի և հաս
 տահիմն սրատճառս յուսոյ 'ի փառաւոր
 յարութիւնն : Այլ եղիցի օրն այն ըստ
 աւուրս ըստ այսմիկ՝ օր կենդանանորոգ,
 որոյ ճառագայթք նախ քան զարևու
 լուսափայլութիւն 'ի գերեզմանէ անախ
 'ի վեր ցօլացան, ասէ սուրբն Հերոնիմոս :

ՃԼՈՒ Ի :

Ի պփփսոսութիւն պարսեաց յրիսպոնէութեան :

Ի այս երկնային արշալուսոյն՝ լուսաւորիչ մտաց , որ թափանցէ մինչև 'ի սիրտ . լոյս՝ որ ճառագայթէ ցուցանել զմեծափառ ճանապարհս ուղիղ բանի և գերաբուն հաւատոյ . լոյս՝ որ անսայ թաք և անվրէպ առաջնորդէ յընտրել զսրտորանս և զվտանգս՝ որք խարդաւանեն 'ի վիճ մոլորութեան չարաչար առածից և եղծեալ բարուց . և յանմուլարութենէ նորա ուղիղ խրատք վարուց բղխեալ՝ տան գործել գործս արժանիս կենացն յաւիտենից :

Եւ այն լոյս է , զոր եբեր յաշխարհ մանուկն Յիսուս ծնեալ յաղքատին այրի , ծածկեալ գծուծ խանձարրօք , եղեալ 'ի ցածուն մարի . « Եւ լոյս յաշխարհ եկի » . Յովհ . ԺԲ . 46 : Եւ պատճառ բերելոյ զայս լոյս , որպէս զի՝ որք յառաջագոյն շուրջ պատեալք էին 'ի

Թարձրամած մառախլոյ խորին մթու-
 թեանց և թիւր դատաստանաց, սնեալք
 'ի նոսին և աճեցեալք, և յայն սակս որ
 դիք եղեալ խաւարի, յայսմ նսեմութե
 խորագիշերոյն լըջացեալք՝ որդիք լիցին
 լուսոյ. « Որդիք լուսոյ եղիջիք ». Յով.
 ԺԲ. 36 :

Արդ՝ կարծիս ինչ մարթ իցէ 'ի մտի
 դնել, թէ 'ի ծագել ճառագայթից ա-
 մենապայծառ այս լուսոյ ընդ ոլորսս
 երկրի, իցէ տակաւին՝ որ 'ի թանձր խա-
 ւարի և 'ի մէջ մթութեան գիշերոյ խար-
 խափիցէ. և արտաքոյ կանոնի խօսել
 կամեցեալ՝ հնարին իցէ յետ այսր ա-
 ռատաձիր սլարգևի երկնային լուսաւո-
 թութեան շնորհելոյ յԱստուծոյ 'ի ծա-
 նօթս առնել զմարդիկ աստուածային
 գիտութեանն. « Օ, ի ամենայն որ հա-
 ւատայ, 'ի խաւարի մի մնացէ ». Յով.
 ԺԲ. 46 : Օ, ի գոցի դեռ 'ի մէջ մարդ-
 կան անգիտութիւն առաջին սկզբանց՝
 և կարի կարևոր գիտելեաց քրիստոնէ-
 ութեան : Այլ գտանի այս տգիտութիւն

ոչ միայն առ մենաւոր բնակեցեալս 'ի
 դժոխելանելի և 'ի չարասէպ լերինս ,
 ուր նիտզ գտանին բացողք երկնային
 գանձուս , այլ և 'ի քաղաքս ականաւորս
 և 'ի մէջ քաջակիրթ ընկերութեան . և
 գտանի ոչ առ ռամիկս ոմանս , առ շի-
 նականս , և առ չմարդիս , այլ և 'ի մէջ
 մեծամեծաց , մեծատանց և խմասանոց :
 Այլ առ ժամանակին ինչ բերման , այլ
 առ վատթարութեանն բարուց , ոչ պա-
 կասութեամբ միջոցաց , այլ յսչպէտս
 վարելով զհոգին , և եղեռնաւոր անցա-
 ւակրութեամբ . զի անհոգանան հրա-
 հանգիլ 'ի սեպհական պարտիս կրօնի ,
 որ աննահանջելի հարկ է ամենայն քը-
 րիստոնէի :

Ահ , այս տեսանի տակաւին նա և
 յայսմ անբարի դարուս՝ յորում կամքս ,
 և շարժէ և փղձկէ զհոգի այնորիկ՝ որ
 բերէ յանձին նախանձ յաղագս կաթու-
 ղիկէ հաւատոյ . և կարեկից լինի եղկե-
 լի վիճակի այնքան հիգացելոց , որոց կա-
 մաւ են կուրացեալք :

Եւ ահա այս խոսի է չարաչար սովուրու թիւն ձեր, զոր հերքել առնում յայսրմ առաւօտու, չար կիրառութիւն հոգւոյ, որով բաղումք ոչ առանց մեղաց անգիտանան զկարեորագոյնս քրիստոնէութեան, զընդհանուրս և զմասնաւորս, զիւրաքանչիւր յատուկ պատշաճեալն, բացայայտ ընդդիմութեամբ ընդդէմ առատաձեռնութենէն Աստուծոյ, որ սցնբան սիրեաց զմեզ՝ մինչև մարմին զդէնուլ մարդկային առ ՚ի փարատել յաշխարհէ զայս աղջամղջին մէզ մութութեան. «Օ ի մի խաւար ձեզ հասցէ» . Յովն . ԺԲ . 35 :

Աննահանջելի հարկ ՚ի վերայ կայ քրիստոնէից, յինչ վիճակ և իցեն, զի կնիք է քրիստոնէութեան, պատրաստունել զմիտս յաստուածային գիտութիւնն, և յօրինաց նորա տեղեկութիւն, և ՚ի պատուիրանս նորա հմտութիւն : Պարտ է քաջութեամբ ՚ի խորս խորհրդոց թափանցել, հաւատալ ՚ի նոսա որպէս յանխաբ աչօք տեսեալս և զննեա

լըս : Պարտ է ընտանի լինել ճշմարտութեան և սկզբանց սրբոյ Աւետարանի , զհետ ընթանալ՝ զորս ցուցին պատուիրանք պարունակեալք 'ի նմա առ 'ի սըրբութիւն : Պարտ է 'ի խնդիր ելանել հոգւոյն՝ որով սիրեմք և յարգեմք զԱստուծոյն , և զվերածնողսն 'ի կեանս երկնայինս , զանց առնեմք և լքանեմք զաշխարհիքս , և զկեանս երկրաբարչս և վազանցուկս :

Այս գերագոյն ծանօթութիւն , զոր ծայրագոյն գիտութիւն կոչէ առաքեալ , և գիտութիւն խաչելոյն , մեծագոյ որեարն կամակարուց բոլորանուէր յանձնեցին զիւրեանց հրահանգս և ըզխորհուրդս , որք կէին յանցեալ ամս , որք առ կորովի հանճար իւրեանց և բազմասպատիկ իմաստութիւնս յեռին և ըզսուրբ խոհականութիւն և զվարս անբասրելիս , և թուին 'ի դասակարգս սբց :

Արդ այժմ 'ի մեր ժամանակս , մանաւանդ 'ի մերում քաղաքի , մանաւանդ 'ի ձերում իսկ միջի , որք նստեալ ունկն

մատուցանէք բանիցս , ո՞վ է՝ որ զիւր
խորհուրդ յառեայ յայս գիտութիւն
սրբոց՝ որ գլխաւորն է յուսմունս իւր ,
ի Վիսոկմունս և ի ճառս բանից : Չա
սասցուք միայն զգեղջուկ ժողովոյն , մի
այն զռամկէն , ի նոսա իսկ՝ որք որոշին
ի ռամկէն կենցաղակիրթ և գիտնաւոր
անուամբ , և գերագոյն և մտաւարժ ու
գւով , գտանի այս անհոգութիւն : Այն
չափ քաջուշիմք , ճարտարք , նրբամիտք
և բազմահմուտք ի գիտութիւնս՝ որ
ըստ աշխարհի , տգէտք են և հեռաւ
կըք յաստուածային գիտութեան : Խօ
սեցարձեք ընդ ոմանս ի նոցանէ զհո
գւոյ , զյաւ խտենից , զհանդերձելոց կե
նաց , ո՞վ աղէտիցս , ան մեծ է նոցա և
ի լոկոյ անուանէն անգամ . կարծել սյն
սլէս է նոցա , թէ առաջնորդին օտար ,
անճանաչ և բիւրտալտանդ “ Արկիր . . .
մարդածախ բնակչաց իւրոց ” . Թի-
ժ. Գ. 33 : Այս պատճառս և փաստս առ
ջիք ի մէջ . անկեղծ խոստովանեալիք զայս
սիրելի՛ ունկնդիրք , ո՞չ արդեօք ճշգրտ

տեալէ այս յաճախակի, յամօթ երատոից
 րնտիր անձանց . զի գեղջուկ շինականն
 'ի պարտիզին, բաւականաձեռն արհես-
 տագէտն 'ի կրպակին՝ կերպարանէ ան-
 ձին գաղափար վայելուչ քրիտոնէի, և
 ըստ այնմ կրթէ զանձն և ճգնէ 'ի վաս-
 տակս ձեռաց իւրոց :

Բազում այն է՝ զի արք պալատան ,
 մեծ կենցաղակիրթք , քաջուշիմ մատե-
 նագէտք անդ գնան ուղղել զճանապար-
 հքս գնացից իւրեանց . և 'ի խոնարհ
 բնակարանէ և յանձուկ յանշուք խորձ-
 թէ ուսանել զայն՝ զոր անգիտանան կամ
 ցաւելի անհոգութեամբ , կամ աննե-
 րելի ամբարտաւանութեամբ , սրպէս
 զի՝ ճշմարիտ է , զի ոչ փոյթ ունին ըզ-
 շնորհացն Աստուծոյ զոր ընկալան բա-
 զում յաճախութեամբ : Մանաւանդ մու-
 լութիւնն երեի լինել ժառանգութիւն
 իմաստնոց ժամանակիս , և առաքինու-
 թիւնն պարզամիտ անձանց և ռամկաց :
 Անձինք ազնուաց հեռի թուին 'ի շաւ-
 զոց աւետարանին , և 'ի խոստովանու-

Թենէ քրիստոնէութեան : Այլ աստի է
 ըստ Եսայեայ , զի խորք դժօխոց բաց-
 եալ են . “ Այնեցին դժօխք զանձինս
 իւրեանց ” . Ասայ . Ե . 14 : Քանզի ամենա-
 ծախս քմաց իւրոց համեզաճաշակ բնու-
 են մեծամեծք , մեծատունք , իմաստունք
 և զօրաւորք . “ Այլ իջեն առնա զօրա-
 ւորք . . . և փառաւորք և մեծամեծք ” :

Արդ՝ շիցէ՞ արժան բողոք ունել զայս-
 սիսուոյ անարգ կիրառութենէ շնորհաց .
 ասպա սիրելի ժողովուրդք , որովհետեւ
 այս սաշտոն ինձ յանձնեցաւ ՚ի Տեառ-
 նէ , ոչ կամիմ երբէք յինէն կողմանէ
 զայսոսիկ վրիպակս թողուլ անդարման :
 Այլ կամիմ , մինչ շունչ իմ յիս է , և ՚ի
 կեանս վայելեմ , զի առ շնորհուկս ձեր
 անհոգ եղէց ազդ առնել ձեզ զայն ինչ՝
 առ որ պարտաւորիք : Այլ կամիմ անգործ
 թողուլ առ ձեզ յամենայն ժամանակի
 զգործս քրիստոնէական դժութեան ,
 զխրատս , զկրթութիւնս մանկութեան ,
 զհոգևորական հրահանգս , զհասարա-
 կաց և զմասնաւոր յորդորակս , զբարո-

զու թիւնս , զքրիստոնէական հմտու թիւս
 և զվարդապետու թիւնս : Ասմիմ խընդ-
 բել մեծաւ խնամով վասն ձեր իմաստուն
 և խոհական վարուց հրահանգիչ հարս
 խոստովանու թեան , և ազդուաբան և
 բարեպաշտ առաջնորդս հոգւոց • որ-
 պէս զի՛ եկեալք առ ձեզ , և առաքելա-
 կան ազատու թեամբ մի կասեցին յեզ-
 յեզէլոյ ձեզ ստէպ • զի մի յուշոյ ձերմէ
 զերծցին յիշատակքս այսոքիկ , զորս ա-
 ռաջի առնէ ձեզ Տէր առ ստանալ ձեզ
 զյաւիտենից փրկու թիւնն :

Արկնեսցուք ձեզ աղնուականք և պա-
 րոնայք , վաճառականք և արհեստա-
 դէտք , կանայք փափկասունք և բարե-
 կեցիկք • ըստ կարծեաց աղքատ շինա-
 կանաց՝ ձեզ անկ է պատկառ կալ հրա-
 հանգաց քրիստոնէական կրօնից , բա-
 ցատրու թիւն խորհրդոց օրինաց և պա-
 տու իրանաց ՚ի ճահ է ձեզ , որչափ զի
 տենչայք առ ՚ի փրկու թիւնն : Ստան
 կրօնաւորական ջերմեռանդու թեան , որ
 զձեր պարտիս ուսուցանէ ձեզ՝ որ առ

Աստուած՝ առ ընկերս և առ անձինս
 ձեր, հարկաւոր է ձեզ եթէ ՚ի ժա-
 ուանդութիւն դրախտին ակն ունիք :
 Կարևոր է ձեզ հոգեշահ խորհուրդս
 առնուլ յիմաստուն և ՚ի բարեպարիշտ
 անձանց, որ զվրիպակս և զկանխակալ
 մտահաճութիւնս՝ որով պարապնդեալ
 ունիք զմիտս ձեր և կաշկանդեալ ըզ-
 սիրտս, ՚ի բաց փարատեսցէ, միայն թէ
 կամիցիք ապրել ՚ի յաւիտենական հրոյն
 դժոխոց :

Այս են ձայնքն որովք գոչեմք զհետ
 ձեր ընդ ամենայն տեղիս՝ յամենայն ժա-
 մանակի, զի մի կամիջիք վրէպ առնել
 յաչաց զճանր հոգողութիւնս, զմեծ
 գործ և զկարևոր գիտութիւն օրինաց
 և պատուիրանաց Տեառն : Այնպէս ա-
 մենև ին՝ որպէս մարգարէն Երեմիա յա-
 նապատացեալն Երուսաղէմ քաջալե-
 րէր զընարեալ ժողովուրդն ՚ի Բաբելո-
 նիան գերութենէն, եղբայրք, ասէր սուրբ
 մարգարէն, գնայք ՚ի մէջ կռամուլ ժո-
 ղովըդեան, և ՚ի մէջ ամբարտաւանու-

Թեանց և մարութեանց, ոչ այնչափ երկհիւղայի են շղթայք և կասարանք պատրաստեալք մարմնոյ ձերում, որպէս գայթակղութիւնք և վտանդք պատրաստեալք հոգւոյ ձերոց: Ի մէջ այնքան սրղծութեանց մի հեռի առնէք ՚ի մտաց ձերոց զյիշատակ սրբոյ քաղաքին, սրբոյ տաճարին Աստուծոյ և միայնոյ Աստուծոյն Իսրայէլի, խոստովան լինելով միշտ՝ զինմա միայնոյ վայելեն խնամք ձեր խորհուրդք, պաշտօն և երկրպագութիւն. «Քեզ պարտ է երկիրպագանել Տէր» Բարոս. Զ. 5:

Եւ դուք սիրելիքդ իմ ունկնդիրք, ընդ ելանել ձեր յայս սուրբ տաճարէ՝ անդէն ունիք մտանել ՚ի մեծն Բաբելոն, որ է աշխարհ զեղծ և ապականեալ ՚ի բարս իւր և ՚ի վարս, և հեղձուցիկ արասցեն զձեզ արտաքին հոգք աշխարհի: Այլ աղէ, վտան սիրոյ ձերոյ խոստրեցուցէք ՚ի նմանէ զաչս ձեր, դարձիլք պշուցեալ հայել ընդ օրէնս նորա և ընդ հեղինակ նորին, օտէպ յեղեղեալ ըզ-

բանս, «Վեղ պարտ է երկիրսպագանել Տէր» : Պատաղեցցին միտք ձեր 'ի դիտուածիւնս և յուսմունս, բայց որչափ ինչ կարևորք իցեն յուղղութի կենաց : Այլ առաջին կրթանոց լիցի ձեզ դպրոցն քրիստոնէութեան . սւսջիք նախ տարագիր հանել յանձանց զօրհասարբեր տգիտութիւն ընդհանուր սկզբանց հարկաւոր եղելոց քրիստոնէի : «Վեղ պարտ է երկիրսպագանել Տէր» : Այս տգիտութիւն ընդհանուր պարտականութեանց ամենայն քրիստոնէից՝ թագաւորէ ընդ ամենայն աշխարհ . այլ ոչ նիազ քան զայս է բռնակալութիւն տգիտութեան պարտականութեանց սեպհական եղելոց իւրաքանչիւր անձանց :

Կարի յերկարէր մեզ ճառս, եթէ 'ի քնին առեալ էր մեր մի ըստ միջէ զամենայն քրիստոնէական պիտոյս . այլ մեզ շատ է մի և եթ հարևանցիկ տեսութիւն միանդամայն 'ի վերայ ամենեցուն, որ կամքս գեր քան զամենեսեան իբրև գըլուխ գերդաստանաց՝ հայր և տէր : Ո՛վչ

որչափ պարտականութիւն ունի յինքեան այս վիճակ՝ մեկն բացատրեալ յայս բան առաքելոյն . « Տքնին , որպէս թէ համարս տալոց իցեն ընդ ձեր » . Եբրայ . ԺԴ . 17 : Ար 'ի դու իս կայ այլոց՝ արժան է նմա հսկել յառաջնորդութիւն նոցա , իբրև այն որ պահանջի զսաստիկապահանջ համար վասն հողւոց նոցա : Եւ որպիսի՞ համար . « Լնձն ընդ անձին » . Դև . ԺԴ . 18 : Պարտական է առ նոսա կառավարել , ուղղել , և 'ի վերքան զամենայն զանձն տալ օրինակ . և որք ընդ նովաւ են՝ ունին իրաւունս խնդրելոյ նպատո 'ի նմանէ նահանջել զնոսա 'ի չարեաց ընդ կրօննին , և 'ի բարիս խրախուսել : Եւլ արդ՝ ո՞ 'ի ձէնջ տանուտէր , հայր , մայր , տէր , ծանուցեալ իցէ զայս ամենայն , և յայտոսիկ քաջակիրթ յանխուստիելի պարտականութիւն իւրում վիճակի : Ա՞վ 'ի ձէնջ , արդարև ոչ որ . դուք ոչ ճանաչէք զայն տանուտեարք , որք գայթակղութեանց տայք պատճառքս ընտանեաց ձերոց , որդւոց և ծա-

ապից. գործակիցս առնելով և կամակա-
 տարս 'ի լրումն չար կամաց ձերոց և ախ-
 տաւոր կրից : Աչ ճանաչէք զայն սեւորք,
 որ զձեր սրահասու թիւնս ոչ ծածկէք յա-
 չաց դստերոց ձերոց և աղախնեայց .
 զսէր ձեր առ հեշտութիւնս , զմոռա-
 նալ ձեր զԱստուած , զհոգի և զկեանս
 յաւիտենից : Ապա որպիսի կուրութիւն
 է ձեր այդ , որ ոչն գիտէք զմասնաւոր
 պարտականութիւն , որ ձերումդ վիճա-
 կի է սեպհական . և գլխաւոր անկար-
 գութիւնք աւասիկ աստի յառաջ բըղ-
 խեն , և չարաչար կիրառութիւնք , որք
 զդերահրաշ վայելչութեամբ քրիստոնէ-
 ութեան ստերուածս արկանեն : Այն
 գուտս բարք խեղաթիւրք , վարուց ծը-
 ռութիւնք , մնլորութեանց վարդապե-
 տութիւնք , որք 'ի գործ ելանեն 'ի հա-
 սարակաց և 'ի մասնաւոր գործս : Այս-
 տի ընդհանուր զանցառութիւն ամե-
 նայն պարտականութեանց 'ի ճահ պատ-
 կանելոց քաղաքական բարեկարգեալ
 ընկերութեան , եթէ խնամով տանու-

տեարց ուղղեցի խեռութիւն ընտա-
նեաց, ընդ հուստեցէ աշխարհ զընդ-
հանուր նորսգութիւն վարուց :

Այլ է այն օրիորդ փափկասուն, ա-
ջագեղ, չքնաղ, հրաշափայ գեղազար-
դեալ: Յուդիթ է նա, անուանին Յու-
դիթ, այրի մնացեալ ՚ի գեռափթիթ
հասակի, և ՚ի գլուխ անցեալ կառավա-
րութեան բազմութիւ գերդաստանի :
Պատաղեալ ՚ի խնամս անտեսական կա-
ռավարութեան, և ապա հրաւիրեալ
աղատիչ լինել ժողովրդեան. և յետս
ընդ կրունկն դարձուցանել զերկիւղա-
լից յարձակմունս զինուորելոց զինու-
ղարդու վառելոց. անտէ՞ս արդեօք արար
զանտեսութիւն զիւրոյ վիճակին. անհո-
դացա՞ւ զկրթութիւն իւրում զաւակին :
Ազէ, եկայք տանուտեարք, տեարք, ե-
կայք և տեսէք. տեսէք զկիինն զայն ան-
համեմատ, որ զնեբբին տան իւրոյ իբ-
րև ազօթավանս ինչ յօրինեալ է հրա-
ժարմամբ յաշխարհական իրաց. և ինքն
կայ իբր մանողսն ազօթաւոր, զօր ամե-

նայն մտադիր պարապի 'ի խոկալ զօրէնս
 և զպատուիրանս Աստուծոյ, առ 'ի ու-
 սանիլ զամենայն գիտութիւն իւրումն
 վիճակի քաջագէտ, զգենուլ ոգի անա-
 պակ առաքինութեան առ քաջ տնտե-
 սել զիւր գերդաստան: Օչայն ոգի՝ զոր
 տպա պահեաց 'ի հրատարակական և
 յառանձնաւոր իրողութիւնս, 'ի քաղա-
 քական և 'ի զինուորական գործս, յընդ-
 արձակ զեղխութեան առատալիր բա-
 նակի, 'ի մէջ խենէշ զօրականաց և 'ի
 զեղծ ընկերակցութեան պագշտոն Հո-
 ղաբեռնեայ: Այկայք և տեսէք, զի կա-
 բասջիք և դուք կառավարիչ այլոց լինել,
 և անձնապահ 'ի թովչութեանց աշխար-
 հական վայելչութեանց:

Այլ աստ ո՞ր աղետաւոր խորհուրդ
 զմեզ տրամեցուցանէ, և մեք 'ի համարի
 եմք նոցա՝ որք հոգևորական պաշտա-
 մամք վերակացու են այլոց, հարկեալք
 'ի հոգւոյն: Այլ մեք պարտականութիւ
 ունիմք, զի պաշտօնեայքս եմք սրբու-
 թեանցն եկեղեցականքս և միջնորդք

հաշտու թեան ընդ երկինս և ընդ երկիր ,
 և դասասացք աստուածային գիտու-
 թեանն : Ստիպիմք գործովք մերովք լի-
 նել այլոց հայելի , գաղափար և օրինակ
 վարուց անբասրելեաց և լուսավայլ բա-
 րոյից , անսողոտանելիք . զի համարս սա-
 հանջիմք սչ զանձանց միայն՝ այլ և զայ-
 լոց հոգւոց : Արդ՝ թագաւորեոցէ՞ ՚ի
 ձեզ տգիտութիւն ՚ի վերայ այսց որս-
 շակի սահմանեալ գիտելեաց՝ ձերդ զի-
 ճակի պատշաճելոց : Իցէ՞ որ ՚ի ձեզ որ
 անդգոյշ եղիցի զանձին սրբութենէ ան-
 հոգասցի աղդ առնել , ուղղել , հրահան-
 գել . արդարև ոչ ճանաչէ այնպիսին զիւր
 պարտս , որ մեծ է ըստ մեծութե՛ս աստի-
 ճանին , իշխանութեանն , պատուոյն , զոր
 մատակարարէ իւրաքանչիւրոց եկեղե-
 ցական քահանայապետութիւնն : Այլ
 յոյս նիւթ այսչափ բաւեսցէ :

Ով ամենամեծդ Աստուած , մեծ և
 իմաստութեամբ ես անտեսութիւնք իտր-
 հրդոց քոյ . դու զանարգ կաւն՝ անօթ
 ընտիր արարեր շնորհաց և փառաց :

մերժեցեր զոսկի և անարդեցեր, և յանարդ ծառայութիւնս և յանամբաւս զնա սահմանեցեր :

Այս մեծ խորհուրդ գաղանի տեսչութեան ամփոփէ զսիրտս մեր, տարակուսեալ վարանէ, և տրամեցուցանէ ՚ի սակս մեր և ձեր յաւիտենական վրկութեան : Ս'լ քրիստոնեայք՝ ունկնդիրք բանիցս, որք գումարեալ կայք աստ յամենայն հասակէ և յամենայն վիճակէ : մեք և դուք ՚ի թուոյ եմք այնոցիկ, որք պարապին ճանաչել զաստուածային գիտութիւնն և զպարտականութիւնս քրիստոնէութեան զընդհանուրս և ըզմասնաւորս պատշաճեալս իւրաքանչիւր հանդամանոց : Ի լոյս քրիստոնէական վարդապետութեան ցնծամք, թէ ՚ի խաւար հեթանոսական տգիտութեան դանդաչեմք : Արիցեմք հաւանեցուցանել անձանց, թէ անվարժք յարտաքին իրս՝ զճաշակ առնումք զգերաբուն և զերկնայնոց իրոց, թէ տրամիլ թէ քաջակիրթ կրթեալքս ՚ի մարդկային գիտու-

Թիւնս , 'ի գրաւորական արհեստս և
'ի կենցաղակրթութեան . անգիտանամք
զկրօնիցն :

Աստուած իմ , առ ամենայն ձիրս շը-
նորհաց , առ ամենայն յաջողակութիւնս՝
որ տկարանայ հասուցանել զմեզ առ այս
գիտութիւն , բարեալ մնալ ասացուք .
և ոչ փայթ կալցուք 'ի թիւս մարդկան
մտանել առ աչս աշխարհի , մինչև հաս-
ցուք 'ի ծանօթութիւն կարևոր սկիտոյ-
ից քրիստոնէական կրօնիս մերոյ : Առ
ուսուիլ երկնային լուսոյն՝ զոր եբեր յաշ-
խարհ մանուկն Յիսուս , հեղցի 'ի մեզ
յոյս պէտս , և լուսաւորեսցէ զմեզ 'ի
բաց մերկանալ յանձանց զայսպիսի ա-
մօթալի տգիտութիւն , թէ իցէ 'ի մեզ
արգարև . « Այս տուր Տէր աչաց իմոց ,
զի մի երբէք ննջեցից 'ի մահ » . Սաղմ .
ԺԲ . 4 :

Այս է հասարակաց մաղթանք , որ
լինցի լսելի յընդունել ձեզ զօրհնութիւն
հովուին ձերոյ :

ՃԵՌՐՈՒՄ :

Յաղագս ծոց-ը-խեան :

Յայրն Բեթղէհէմի հրաւիրէ ըզմեզ այսօր եկեղեցի սուրբ, սիրելիք. զի անդ միաձայնեալք ընդ հովուացն լուսաւորելոց 'ի հրեշտակէ Տեառն, և ընդ մօզուց արքայիցն՝ որք յաստեղէն առաջնորդեցան, տեսանել զայն որ յայսրմ երկրաւոր դրախախ պարունակի, զերկնայինս և զիճայինս. եկանք երթիցուք մինչև ցԲեթղէհէմ. 'Ղ-ի. Բ. 15 :

Մանուկնորածին խանձարրապատլայ. կոյս ամենամաքուր և բարեպաշտ մտախորհ կայ. այր ոք պատկառելի խանարհու թք և անարտունջ նմա սպաս հարկանէ. անարգ խրճիթ հովուական՝ տեղի պատասպարութեան նոցա ընծայէ. դասք հրեշտակայ՝ որք 'ի վերայ վայրացն կաջեալք երգս գոհութեան և ցնծութե՛ եղանակեն, երգք հիանալիք՝ որք նորանոր զարմանալիս յունկն մեր հնչեն :

Եւ մեք ապա սկզբրիստոնեայք՝ ընդ տեսիլ այսր երկրաւոր դրախտիս կենդանացուսցուք զսուրբ հաւատս, և խորասուզեալք մտօք ՚ի խորս պատկառելի խորհրդոցս՝ ընդ սրբոյն Բեռնարդոսի քննեսցուք. զի ձայն արձակեալ գոչեն առ մեզ, այրն, մսուրն, արտասուքն և խանձարուբքն. և լսելի առնեն զձայն իւրեանց ՚ի սիրտս մեր, թէ մանուկն որ անդ հանգչի, մանուկ է այնպիսի, որոյ և նոյն իսկ մանկութիւնն խօսուն է, և լսելի առնէ մեզ զձայն իւր. «Սա նուկ է, այլ բան մանկացեալ»:

Եւ զի՞նչ արդեօք խօսին առ մեզ մըսուրն այն և արտասուքն, և զի՞նչ բանք ելանեն յերկնային մանկանէն. «Հուր եկի արկանել յերկիր. և զի՞նչ, կամիմ թէ արդէն իսկ բորբոքէր». Ղուկ. ԺԲ. 49: Եւ ասիկ նորա բանքն. իջի ես ասէ յերկնից յերկիր. առ ի մարմին մարդկային, եկի բոց հրոյ ծաւալել ընդ տիեզերսսսմ: Պատճառ և նշատակ գալստեանն այս է, հրդեհել զաշխարհ ամենայն. «Եւ

զինչ, կամիմ թէ արդէն իսկ բորբոքէրո՞ւ :
 Եւ զինչ բոց են այդոքիկ, զինչ հրոյ-
 բեացք : Աչ անսանէք զայդ սիրելիք, բոց
 անձուկ գթոյ, հրդեհ երկնային սիրոյ,
 հրդեհ՝ որ ծախեաց զհեթանոսութիւնն
 դիւցակրօն, որ խորտակեաց զհզօր զօ-
 րութիւն թշնամւոյն, ընկճեաց զամ
 բարտաւանութիւն իմաստնոց, հրդեհ՝
 որով ՚ի վերայ աւերակաց դիւցասպաշ-
 տութեան և ՚ի վերայ խափանածոց հը-
 բէութեան անկեաց զերկրպագելի ըզ-
 վայտ խաչին, որում խոնարհին և հնա-
 զանդին արարածք ամենայն ընդ համօ-
 բէն աշխարհ, հրդեհ՝ որ եկէզ զմեզս,
 և զօրացոյց և բորբոքեաց զհաւատա-
 ցեալս ՚ի պահպանութիւն աստուածային
 օրինաց, և ՚ի սէր երկնային օրէնսդրին :

Ո՞վ է՝ որ անգիտասցի թէ այս հըր-
 դեհ ծաւալեսցի ընդ ամենայն աշխարհ,
 և տիեզերք ամենայն յայլ դէմս յեզա-
 փոխեսցին : Ո՞վ ոչ գիտէ, թէ այժմ թա-
 գաւորէ անդ հաւատք և սրաշտօն առ
 Աստուած, ուր առ դիւաբնակ գրօշուա-

ծրս ծուխ խնկոց նուիրեալ 'ի վեր դի-
զանայր : Ա՞՞վ ոչ ծանկոց է թէ դալստեամ
բըն Յիսուսի Քրիստոսի փրկչին ընդ ա-
մենայն երկիր հուր սիրոյ ասրածեցաւ :

Այլ արդեօք 'ի ճարակել այսպիսեոյ
մեծաբոց հրոյ՝ իցէ՞ յաշխարհի անկիւն
անկէղ մնացեալ 'ի բոցոյ սորա : Ա՞՞վ
սիրիցէ զծուլու թիւն , զհեղգու թիւն ,
զցրտու թիւն , զպղերգու թիւն և զհո-
վանալ 'ի պատշաճեալս առ Աստուած՝
'ի հոգեկանս և 'ի փրկագործս : Հնամբ
կցէ այսպիսում հեղգու թեան 'ի ամին
խակ քաղաքի թագաւորել , 'ի քաղաքա-
ցիս յայտոսիկ , 'ի ձեզ խակ որք յոյս տաւ
ճար սուրբ գումարեալ էք ունկն մա-
տուցանել ինձ : Այոք բանս ընդ մի-
մեանս անկեղծութեամբ և հաւատար-
մութեամբ սիրելիք՝ 'ի քննութիւն ի-
րացս , զի և արդիւնք խակ իրացն և շահ
ձեր զգոյն սրահանջէ :

Այլ աստիքէն անձկայք 'ի փրկութիւն .
գիտէք զի առ 'ի փրկութիւն հաւատք
միայն անբաւական են , խնդրին և գործք

որք ցուցցեն զհաւատոս, որպէս ուսու-
ցանէ սուրբ առաքեալն Յակոբոս . և
կենադործեսցեն զնա, և սիրով յօդե-
ցեն, առանց որոյ ոչ բարեկամութիւն
է ընդ Աստուծոյ, և ոչ որդեգրութիւն
նմա, ոչ ժառանգութիւն, ոչ թաղա-
ւորութիւն, ոչ պսակ, ոչ փրկութիւն :
Արդ՝ զինչ լինի եթէ թերի գաջիք զան-
ձինս ՚ի գործոցս յայտցանէ . ոչ այլ ինչ
է այս, եթէ ոչ արգասիք գատարկու-
թեան, հեղգութեան, անզգայութեան
և դանտաղկոտութեան, որ հեռի առ-
նէ զձեզ ՚ի հրահանգաց կրօնի և ՚ի կրթ-
ութեանց առաքինի գործոց :

Ապա արդ իսկ ազդ առնեմք ձեզ սի-
րելիք, զի այս հեղգութիւն և անհո-
գանալդ ձեր զբարի գործոց և զմիջո-
ցաց փրկութեան՝ յայտնապէս վտանգ
է մօտալուտ գատապարտութեան : Առ-
ձեզ խօսիմ անխորհուրդ քրիստոնէայք,
որք բաւական համարեալ՝ զի ոչ հակիք
՚ի մեղանս դարչելիս և անուանարկս,
ոչինչ խղճէք ընդ հանապազորդեան պը-

ղերգութիւնն ձեր , ընդ մշտնջենաւոր
յաճմունս մտաց , ընդ տարազ ինչ կե-
նաց՝ որ արտաքս թողու զամենայն գոր-
ծքս օգտաւէտս հոգւոյ առ ՚ի յաւիտե-
նական փրկութիւնն :

Ինչ ձեզ խօսիմ , որք զքաղեալք ՚ի
հոգս շահաւաճառութեան , առից , ժա-
ռանգութեանց և բարձրութեց , թո-
ղուք ՚ի մշտնջենաւոր մոռացօնս զաղօ-
թըս , զխորհուրդս , զպատարագ , զեկե-
ղեցի , զբարոզս , զամենայն ճարակ՝ որ
բռնէ զհոգի , զամենայն ջահ՝ որ պայծա-
ռացուցանէ զառկայծեալ լոյս հաւա-
տոց : Ի ուր էք , որոց արժան է ՚ի խօ-
սիլ իմ ընդ ձեզ՝ ես այսու տարազու կե-
նաց եմ ՚ի մօտալուտ վտանգի դատա-
պարտութեան : Ասմիք այսմ փորձ ան-
սուտ և յաղթահարիչ մտաց :

Իացէք զսուրբ Աւետարանն , անդ
գտնիք , զի յիմար կուսանք արտաքս մը-
նացին ՚ի հարսանեացն Յիսուսի : Աղէ ,
զպատճառն քննեցէք . զի չունէին իւղ
՚ի լսպտերս , այն է՝ չունէին ունակու-

Թիւնս և գործս առաքինիս . ննջել և մնալ յայնմ վիճակի՝ այս և եթէ անա մեզք նոցա : Աւասիկ ճշգրիտ հեղգութեան և ծուլութեան՝ զորմէ մեր բանքս են , նկարագիր , սյսու միայն դատապարտեցան : Այլ զի՛նչ նշանակէ դատապարտութիւն այնմ՝ ծառային , որ ըզլսոզս զարհուրեցուցանէ , որ ծրարեալ սլահեալ էր զտաղանդն՝ որ տուեալ էր նմա ՚ի յարգել : Այս սլահեաց զայն ըզգուշեալ , այլ առանց շահեցուցանելոյ ինչ : Այլ անա իսկական սլատիւր վախճանի դատարկաց , յուլից և հեղգացելոց :

Այլ առ ի՛նչ ՚ի յառ իտենից հուր դատապարտեցաւ աւետարանական մեծատունն . ագանէր ծիրանիս , ուտէր և ըմպէր առատապէս . ՚ի միջէ յայլ զքօսանս անցանէր անընդմէջ , անհոգ լինէր յանձանձել զազքատ ոմն ՚ի ճանապարհին . 'Ղ-ի . Ժ . Զ : Ահա բովանդակ նկարագիր և փուրսիշ մեծատանն առեալ ՚ի սուրբ Աւետարանէն . ոչ ասի լինել երկրպառգու կռոց սնտեաց , անարգու Աստու-

ծոյ ճշմարտի , պղծիչ սուրբ տաճարաց ,
կամ անօրէն մարդասպան , կամ այր վա-
տաշուէր , անհաւատ և անկրօն , ոչինչ
յայտցանէ . « Թաղեցաւ 'ի դժոխս » .
(Ըստ լատ . թարգ .)

Այա երկերուք հեղգք և ծոյք , արք
անձնանուէրք 'ի փափկու թիւ աշխարհի ,
և 'ի վայելչութիւնս նորա 'ի զբօսանս և
'ի բարեկենդանութեան : Քանզի վիճակ
պղերգութեան գնէ զմարդ 'ի մօտաւոր
վտանգ յաւիտենական կորստեան :

Թերևս առ ձեզ չե՛ն բաւական վը-
կայութիւն և օրինակք : Արամք են ձեզ ,
զի այս ճշմարտութիւն առաւել ևս լու-
սափայլեսցի մարդկային բանիւ և սրտա-
ճառօք , որ հաճելի է ձեզ , և սարծի-
իսկ ընդ բարւոք կիրառութիւն այնու-
ցիկ՝ այժմու ժամանակս . ուշ գիք ըզ-
գաստութեամբ , և ես հաճեցից զձեզ :

Ինդրել ինչ և զանց առնել զհարկա-
ւոր միջոցօք առ 'ի հասանել այնմ , է
որպէս թէ կամիլ միանգամայն և ոչ կա-
միլ , ըստ որում թելադրէ բանն : Սեր-

մանէ՛ որ հնձեղն կամի . սլահէ և յար-
գէ զարծաթ՝ որ հարստանալ խնդրէ :
Յորժամ տեսանէք արուեստաւոր զօմն՝
որ ոչ աշխատի , անդէն վաղվաղակի ա-
սէք՝ թէ շահիլ չեն նորա կամք . թէ
զայլ ոք որ ոչն պարապիցի ուսման , վճիռ
ի վերայ ածէք՝ թէ չկամի ժառանգել
զանուն գիտնաւորի : Օրծաղիք ընդ այր
այնպիսի՝ որ իշխանութեան իմիք ցան-
կայ , և ոչ քայլափոխ մի մօտ մատչի առ
այն պաշտօն՝ ածել զցանկալին զբռամբ :

Միթէ չիցէ՞ այդպէս . և ընդէր այս :
Քանզի այդպէս ընթանալ , և այդպէս
առնել՝ ուսուցանէ ձեզ բնատուր լոյս
բանին , որ ինքեամբ միայն իմանայ ըզ-
համեմատութի միջոցաց առ վսխճան ,
և զհարկաւորութիւն առնելոյ զայնու-
սիկ , եթէ կամիցիմք ստանալ զայսոսիկ :
Արդ՝ ո՞րպէս կարծէք , այս ճառ յեր-
կրային իրս այսպէս պայծառ , շօշափե-
լի , բացայայտ , ո՞չ այդպէս համարեսցի՝
յորժամ զհոգևորաց և զերկնայնոց բանք
իցենն : Այլ մեծ ևս բարի է վարձքն՝ զոր

սրատրաստեալ է Տէր վասն մեր 'ի հան-
 դերձեալ կեանսն : Եւ ահա եւ ածել լըզ-
 մտաւ , թէ անդ ժառանգեմք ՂԱստուած
 որ իւրով իսկ երանու թեամբ երանելի
 սունկ զմարդ , չիք չափ մեծու թէ նորա ,
 ոչ վախճան տեւ լոյն , ոչ յագուրդ 'ի ժա-
 ռանգու թէ աննողիալի վայելիցն , որոյ
 աթոռ է կեանքն այն երանական : Եւ 'ի
 ձեռս բերել զայս բարի՝ զի՞նչ ոչ արար
 Յիսուս Քրիստոս , կամեցեալ զայն ժա-
 ռանգել վասն իւր և վասն մեր՝ ո՞րչափ
 ճգանց տարաւ , վաստակոց , տրամու-
 թեան , անտանելի չարչարանաց : Օ ի՞նչ
 ոչ արարին վկայք նորա վորձեալք 'ի սուր
 և 'ի հուր և 'ի բաղմապատիկ տեսակա
 լիանաց , առ 'ի արժանի լինել այնմ : Եւ
 խոստովանողք և կուսանք , և արդարք
 յամենայն սեռէ ո՞րչափ տուրքինու թիա
 արարին , քանի՞ կիրս կրեցին , ո՞րքան զը-
 ժընդակ սրատրագմաց տարան , քանի՞
 աղօթս , արտասուս , տքնու թիւնս , խոկ-
 մունս , անբնդ հաա և հանապաղօրեայ
 մեռելու թիւնս :

Եւ ընդէր արդեօք այս ամենայն ,
բայց թէ՛ քանզի այս ժառանգութիւն
մեծամեծ բարեաց զոր կալաւ Քրիս-
տոս , ոչ ումեք պարգևի վասն արդեանց
Քրիստոսի , եթէ ոչ և մեր գործք բա-
րիք միակցորդք ըստ այնմ լիցին . քանզի
արժանիք հաստատեալ է յայն , զի վարձք
իցէ՛ և ոչ շնորհք , ստացուած՝ և ոչ ժա-
ռանգութիւն , սլտակ կենաց աշխատա-
ւորաց՝ և ոչ պտուղ կանացի վատութիւն :

Արդ քննեցէք զանձինս . ՚ի ձեզ ին-
քեանս կոչեմ զձեզ . ՚ի ձեր բան առ-
նեմ զձեզ աստատան . ո՞ր այն առաքի-
նութեան գործք իցեն , ո՞ր աշխատու-
թիւն , ո՞ր արժանիք , յազագս որոց յոյս
ունիք այսպիսի հատուցմանց : Այս հա-
տուցումն առ ողորմածս խոստացեալ է ,
և ո՞ր են նպաստք որովք ՚ի թիկունս
հասեալ իցէ քո առ աղքատս : Խոստա-
ցեալ է աղօթիկերաց , և ո՞ր ժամանակք
իցեն , զի՞նչ ժամք , ո՞ր տեղիք յորս ջեր-
մեռանդութեամբ յաղօթս կացեր :

Ո՛վ տաճար սուրբ . ո՛վ պատուական

պարիսպք նուիրեալք օգոստոսափառ կրօ-
 նի . ո՛ւր այն ընտիր մասն ժողովրդեա-
 նըդ՝ որ յաճախէրն յայցելու թիւն քո ,
 որ մնայր 'ի ժամ պատարագի , որ յար-
 գու թեան քո էր գործակից : 'Նուք քաջ
 գիտէք զառանձնու թիւն և զմիայնու-
 թիւն՝ յոր կայք նաև յաւուրս մեծա-
 հրո չակ ասնից , 'ի հանդէս մեծապա-
 տիւ խորհրդոց հաւատոյս մերոց . առ-
 անձնու թիւն և լքումն , որ ընու զտեղև
 անարգելոյ , և զսրբու թեան վայրս ար-
 համարհելոյ , և ըստ ինքեան ազգ իմն է
 նախատանաց և պղծելոյ զսուրբ աեղիս :
 Այլ այսմ անպատուութեան կցորդք են
 նա և սրբարանն , պատուական քահա-
 նայք և պաշտօնեայք սեղանոյն : Միդ
 վարագուրաւ ծածկեսցի այս գայթակ-
 զութիւն եկեղեցւոյ , որ պատկառանաց
 իրք են քահանայից : Այլ և դուք աչ-
 խարհակա՛նքդ ոչ կարէք ջատագովել
 կամ արդարացուցանել զանձինս , որք որ
 պէս քրիստոնեայք պարտաւորիք զգործս
 քրիստոնէութեան զոր դաւանէքդ՝ և

արդեամբք ցուցանել : Այլ դարձցուք
 'ի մեր ապացոյց անդ՝ ուստի մեկնեցաք,
 ուստի զարտուղեաց զմեզ արասքին նա-
 խանձ մեր հովուական :

Արդ սիրելիք, կամիք դուք զայդ հա-
 սուցու մն. այլ ընդ որոց արժանեաց փո-
 խարէն, քանզի փախերուք յընկերու-
 թեանց, յանսարկեշտ սիրոյ, յայցելու-
 թեանց, 'ի խաղուց և 'ի զուարճութեց :
 Տանկայք թերևս զի և փոխանակ փափ-
 կութեանց ձերոց վարձս առջիք, փո-
 խանակ զի զհետ շահու ձերոց կրթե-
 ցոյք, փոխանակ զի ոչ իւրք վտանգե-
 ցիք զհարձեցեալ հանգիսան՝ որ 'ի հեզ-
 դութեան ձերում. եթէ և այլ ինչ ու-
 նիք, ամէք և զայն 'ի մէջ. գաէք յըն-
 թացս կենաց ձերոց և 'ի դասակարգի
 դործոց ձերոց գործ ինչ աստուածահա-
 ճոյ, զորոյ զփոխարէնն կարիցէք խընդ-
 րել 'ի նմանէ հասուցու մն յաւիտենա-
 կան, ծայրագոյն և աստուածային : Ար-
 տէս զի ստուգիլ յայնժամ քանի աւե-
 տարանին՝ զոր յաճախ կրկնել արժանէ.

անձնակ է ճանապարհն . նեղ է դուռն ,
 և սահու է թիւ ընտրելոց :

Եւ առ ի՛նչ ուժիցեն այնքան օրի
 նակք Քրիստոսի , այնչափ հրահանդք
 և միջոցք հաստատեալք ՚ի նմանէ ՚ի ըս-
 տացու թիւն յաղթութեան ՚ի փորձու-
 թիւնս , ազատութեան ՚ի վտանգս , զօ-
 րութեան ՚ի պատերազմի , թողութեան՝
 շնորհաց և օժանդակութեան ՚ի պէտս
 հողւոյ և յահաւոր փորձութիւնս յորս
 անկանիմք :

Ո՛վ սիրելիք , զարթիք առ մի նուազ
 ՚ի խոր քնոյ սյտի , մանաւանդ թէ յօր-
 հարաբեր ախտէդ քնափութեան , յու-
 րում կայք և յորում ընկզմեալքդ էք .
 զի այժմեան հեղգութեան կեանք ձեր
 կարապետ է նախընթաց՝ ապագայ կու-
 րրատեան ձերոյ . և այս էր վասն , վասն
 զի աւուրց յաւուրս այժմու չար սովու-
 րութիւնդ զօրացուցանէ զկապանս իւր ,
 կրկնապատկէ զհանգոյցս իւր , և կա-
 պեալ կաշկանդէ զձեռս ձեր գործել
 և ոչինչ : Եւ յսպէս անցանեն ամբ ձեր ,

այսպէս կեանս վարէք ցվախճան . և յայտըմ վիճակի հասանէ մահ ՚ի դրունս :
Մեռեալք ապաշնորհք և եղկելիք, (սիրեցեալ որդիք,) թէպէտ և ընդ նմա գընան արտասուք, և ամենաբաւական նըպատք սուրբ եկեղեցւոյ . կամֆք հաւատոս ընծայել այնմ՝ որ հանգիստ կոչէ զմահ այնպիսւոյն , այլ և ընդ սուրբս գասիլ ՚ի համար , եթէ Աստուած կամեսցի : Ո՛վ պատրանացս , որո՞վք խաբէ զմեզ սատանայ հնարիւք :

Այլ մեք երկիրպագանեմք աստուածային ողորմութեանն . գիտեմք զի ըսքանչելի են շնորհք նորա . և մարգարէիւն ասեմք և հաստատեմք , թէ յորում ժամու դարձցի մեղաւորն՝ արդարացի և կեցցէ . այլ և գիտեմք , զի այս ամենայն գործք են տեսչութեան հրաշալիք արտաքոյ կարգի : « Եթէ կարիցէ հնգիկ փոխել զմորթ իւր՝ ասէ Տէր » . Լւրեմ. ԺԳ . 23 . կարէք և դուք փոխել զչար սովորութի ձեր ծուլացեալքդ . և լինել եռանդուն , աշխոյժ և կրօնասէր

և լի գործովք սրբութեան . որք երբեմն
 մին հեղգք , գանդաղկոտք , ամուլք և
 անստղաբերք առաքինութիւն : Այլ ճաշ
 նապարհն՝ որ առ փրկութիւն առաջ
 նորդեալ տանի բնութեամբ , չէ այս .
 սպարտ է այնմ դժուարակոխ լինել : Յի
 սուս Քրիստոս ծնեալ և զարգացեալ ՚ի
 վիշտս՝ օրինակ զանձն իւր ետ մեզ : Այլ
 զի եկն նա , և զօրինակ իւր եթող ձեզ ,
 չիք արդարանալ ՚ի հեղգութիւնս ձեր .
 « Չիք սրտածառ վասն մեզաց իւրեանց » .
 Յով . ԺԳ . 22 :

Եկն Յիսուս Քրիստոս բորբոքել յաշ
 խարհ հնոց սիրոց և գթութեան . « Հուր
 եկի արկանել յերկիր » : Այլ յայրէ ան
 տի Բեթղէհէ մէ հրաւիրէ զմեզ , ստի
 պէ և յորդորէ թողուլ զվարս զեղծս և
 զչաւիղս ծամածուս . ՚ի ձեզ ակնկա
 լութիւն է բորբոքել ձեզ քրիստանէա
 կան եռանդեամբ ՚ի կրթութիւն գոր
 ծոց բարեաց , փրկարար հրահանգաց ,
 աղօթից , ճգնութեան , ընդունելութիւն
 խորհրդոց , յայցելութիւն անձաւոյն՝

ուր անկմբ առաջնորդեալք, ուր բե-
րաք զձեզ և թողումք հանդերձ օրհ-
նու թեամբ Տեառն :



Ճ Ե Ռ Թ .

Յանհանու-լէնէ Գործոց ընդ հասարոց :

Ընդ հանուր և մեծաշուք վկայու-
թիւն յարգական ուրախութեանն՝ սր
ընծայի այսօր 'ի ձէնջ 'ի սրբում աաճա-
րիս 'ի վառաւ սր յարութեանն Յիսու-
սի Քրիստոսի, ուրախ առնէ զմեզ, և
միտիթարէ և բժշկէ : Քանզի արդարև
խոստովանութիւն իմն է այդ ընդ հա-
նուր այլոցն ամենայնի վսեմափառ խորհ-
հրդոց՝ զոր խոստովանիք, և ամենայնի
այնոցիկ՝ որք կերպարանեն զայս մեր ա-
մենասուրբ գերասպայծառ կրօնս : Ար-
տէս և 'ի նախնի ժամանակաց անտի քր-
րիստոնէութեան իբրև որոշիչն շան ճրջ

մարիտ հաւատացելոց ծանուցաւ և դորձեցաւ : Այլ որպէս զի մի անպառուղ իւցէ այս վկայութիւնն և զուրկ ՚ի բրիտտոնէական շահու, կարև որ է ըստ Բեռնարդոսի զհամեմատութիւնն հաւատացեալ կոչելոյն մերոյ ընդ բաղմապտուղ դործս, որովք հասանիմք հանդերձեալ յարութեան մերոյ :

Այլ աստանօր երկբայութիւնն ինչ ՚ի միտս մեր ծագէ. զի նշանակ այժմու դարուս յորում կեամքս՝ հակառակ է պարսեաց, որք պահանջին ՚ի տօնի առաջիկայ աւուրս : Անմանութիւնն՝ որ ՚ի մէջ ճշմարտութեան հաւատոյ և ապականութեան վարուց, որ և մանաւանդ յատուկ նշանն թուի այսր դարու, տարբերիչ յայլոց : Այլ արդարև երբ դիւպաւ ժամանակ այսպիսի՝ քան թէ այժմ, յորում պէտք եղեն յուշածել բրիտտոնէից գոնէ ՚ի չարութիւնս լինել զգուշաւոր, զի մի և ՚ի հաւատոյս երկուսցեալ ոմանք համարեսցին : Այլ երբ՝ քան թէ այժմ հարկէ ազդել նոցա քաջագօ

տի սնդիլի հանդէս լաւութեանց՝ առ
ոչ վեհերոտս երևիլ ՚ի յոյս :

Արդ ընդդէմ երկուցս այսոցիկ մու-
լորութեանց և անկարգութեանց գլր-
գութի և սթափի նախանձ իմ փանայքի .
և որք աստանօր գումարեալքդ էք ՚ի
շինութիւն այլոց , խնդրի ՚ի ձէնջ մաս-
նաւոր իմն եղանակաւ յարգարել զուշ
և զողի ՚ի հռչակ խորհրդոյ յարութեան՝
զհաւատս ձեր ունելով նմանս վարուց :

Արթութիւնն զօրանալոյ օր քան զօր
՚ի յաղթահարել զախտաւոր կիրս , և հե-
ռի կալ յամենայն աղտեղի գործոց՝ հա-
սարակաց է առ նախնի քրիստոնէայս յա-
մենայն տեղիս , յամենայն ժամանակս ,
և յամենայն դէսոս : Այլ և յաւուրս՝ որք
յառաջին քան զտօն յարութեան և այ-
լոց օգոստափառ խորհրդոց մերոյ կրօ-
նիս , ընտանի էր նոցա այս կրթութիւնն :
Ճգնէին նա և զխորարմատ հիմնեալ սու-
վորութիւնս չարս՝ ՚ի բարի յեղանակել :
Այլ անդ ՚ի խոնաւուտ գեանափոր նը-
կուղս առաւել արտասուօք և եռանդ .

եամբ ճշմարիտ և անկեղծ երկրպագութեամբ
 յայտնէին : Քանզի ընդ յիշատակ խոր-
 հըրդոց կրօնին միահետ ունէին և ըզ-
 ճիշտ պահպանութիւն հրամանի օրինաց :

Նա՛ յորժամ ՚ի յետագայ ժամանակ
 սըն անդ սուրբ հարբ քարողէին զքրիս-
 տոնէական հաւատոցս ճշմարտութիւն
 ընդդէմ այլափառից և անհաւատից ,
 հայեցարձութեամբ ասէին ՚ի մեր քրիստոնէայս ,
 զհաճող հեռի են նոքա յամենայն ազգաց
 մտութեան . ընդ անբռնադատ արդա-
 րութիւն նոցա դիտեսցիք , ընդ քաջա-
 սիրտ համբերութիւնն , ընդ հեղութիւն
 և ընդ ժուժկալութիւն նոցա . և ասիա
 եթէ խիղճ ձեր տացէ թոյլ , յետս կա-
 ցէք ՚ի հաւատոյ այտի : Այլ ո՞ր ժողո-
 վուրդ երբէք , և ո՞ր ազգ յոյն և ան-
 յոյն . և յորձմ ժամանակի առած մի
 և եթ եցոյց բզկեսալ յայնպիսի անա-
 սպակ սկզբանց , և առաջնորդ անտխեղծ
 վարուց :

Այլ զինչ մեծ քան զայս փորձ մար-
 րութեան և սրբութեան օրինաց նոցա :

և հաւատոց , և խորհրդոց , մաքրու-
թեան և սրբութեան վարուց նոցա :
Այս էր մի ՚ի բազմաց զօրաւոր փաստից
՚ի յաղթել և ըմբերանել զորս ընդ այն
ժամանակս էին՝ զմարդիկ շնչաւորս և
հակառակս քրիստոնէութեան :

Այլ հնար ինչ իցէ արդեօք և մեզ
յայսպիսի փաստս ձեռն արկանել՝ առ
սրապանձեցուցանել զայլափառս մերոց
ժամանակիս , յաւուրս՝ յորս այսքան դիւ-
րութիւն է և համարձակութիւն ՚ի գոր-
ծել զչար , և այնքան սպականութիւն
բարուց , որք են գրեթէ սրբօրոյ մե-
րոց դարուս :

Ապաքէն ասիցեն նոքա . զիարդ հա-
ւանելի է թէ քրիստոնէայք հաւատան
այսպիսի սուրբ վարդապետութեանց ,
անարատ օրինաց , զի խենէշ վարք նոցա
ազահութիւն և ամբարտաւանութիւն՝
հակառակ կողմանն են ապացոյցք : Ար-
բրս ունին անբարիս , և բարի օրէնս ու-
նիլ ասեն . զիարդ կարեն անառակիլ , յոր-
ժամ օրէնք նոցա զգաստ ողջախոհութե

խնդրէ : Օ խաբդ դայլոցն յափշտակեն ,
 երբ զարդարու թիւն պատուիրեն յօրի-
 նաց : Աթէ սուրբ են օրինօք , ուստի
 տոկոսիք , նենգանք , և բղջախոհու թիւք
 այսչափ ընտանիք են նոցա :

Այլ աւանդ , զի և նոցին իսկ անհա-
 լատից մարթ է զնոյն փասաս վարել
 ընդդէմ մեր , և արդարացի դառն կըշ-
 տամբու թեամբ 'ի վերայ մեր յարձակիլ
 յամօթ մեզ , ասելով , չէ հաւանել թէ
 ոմանք 'ի քրիստոնէից մերոց ժամանա-
 կաց երկրպագութից են այսպիսի սուրբ
 օրինաց , որք 'ի թիւր վարս են , և սրբ-
 ծին իսկ 'ի մոլեգնութեանն լինել յա-
 ռաջագէմ . և թուի թէ շառագունին
 ընդ կոչումն իւրեաց , և սիրեն գործով
 խոստովանիլ զմերս հեթանոսութիւն :

Օ ինչ ջատագովութիւն իցէ մեր
 յայսմ ամբաստանութեան , ասէ սուրբն
 'ի հարս Ռսկէբերան . բարուց արժան է
 լինել քարոզ հաւատոց : Արդ եթէ այս
 կանոն է իմոյ դատաստանի՝ ասէ սուրբն ,
 ուստի իցէ ճանաչել ընդ քրիստոնէոյս

զովմանս 'ի հաւատացելոց աւուրց մերոց .
 'ի տօնից , որք ոչ պաշտին . 'ի պահոց , որք
 ոչ պահին . յեկեղեցեաց , յորս ոչ ոք յա-
 ճախէ . 'ի բանից անպատկառից . 'ի խե-
 նէջ վարուց . յայրամտ աչաց . 'ի հրապա-
 րանկս , յորս գաղանխ ժողովք լինին . 'ի
 խանութս , ուր չափ և կշիռ խարդա-
 խին . 'ի թանգարանս , ուր վաճառք
 նենգին . 'ի տօնավաճառս , ուր երդմունք
 և լուտանք մի զմիով ել և ելս առնեն :
 Յայնմանէ՞ արդեօք՝ զի այրիք տառա-
 պեալք են , որքք անխնամք , առադաստք
 պղծեալք , մանկունք անկիրթք , արհես-
 տագէտք 'ի խաբկանս ըմբռնեալք , աղ-
 քատք 'ի մոռացօնս անկեալք , և առա-
 ւել ևս ննջեցեալքն՝ որք 'ի նանիր ակն
 ունին նպատարից :

'Ասր ոճ կռուոյ էր զօր ընթեռնուիք
 'ի սուրբ գիրս , որով եգիտ Քաղաամ
 հնարս ընդդէմ յաղթութեան Իսրայէ-
 լացւոյ . ԹԻ՜-Վ . ԻԵ : Յայնմ ժամանակի
 զինուորք Մովաբու ոչ վառեցան նիդա-
 կաւ և գաշնակաւ 'ի մարտ , այլ թողին

զնոսա յանդորրու հանգչիլ ընդ հովա-
նեաւ տաղաւարաց իւրեանց : Այլ ո՞ր-
պէս յազթեցին . նորալուրս լուարուք :
Օգեցան հրապուրիչ զարդու գեղաղէշ
օրիորդք քաղաքին ամենայն պչրանօք և
հպտանօք զարդարեալք պոռնկօրէն . և
յառաջնումն անդ երևեցան յաչս Իս-
րայէլի անամօթ և անսանձ , դիմօք կը-
նոջ պոռնկի , որպէս ասէ Ռսկէբերան :

Այսպիսի ամբարիշտ և օտարոտի հը-
նարք յարուցեալ է և այժմ՝ ՚ի պատե-
րազմի՝ որ է ընդդէմ սրբոյ նախնի հա-
ւատոյ՝ ՚ի դիւէն , որ անյաւգ է յայսպի-
սիս . ՚ի խրախուծիւնս մեր կոչեմք աղ-
ջկունս զառանցեցուցիչս՝ ՚ի գիշերային
խրախձան , յախտարձած տքնուծիւնս ,
՚ի պարառիկս , յոր հանապազորդեմք
զօգուտ ժամս զցայգ և զցերեկ :

Օլուանցեցուցիչ աղջկունք՝ փախ-
կուծիւնք հասարակաց եղեալք յաւու-
րըս մեր առ ամենայն վիճակ մարդկան ,
որով հնար է կոչել զմոլուծիւնն՝ իշխան
ժամանակիս՝ որք զօրաւոր ձեռամբ բող-

խեն զամենայն վարս բարիս, զամենայն սուրբ կրթութիւն և զնոյն իսկ զհաւատորս : Առքա որովք « Անջէքդ ... և փափկանայք » . Ա՛յո՛վ . Զ . 4 . ըստ ասելոյ մարգարէին, այնոքիկ են՝ որովք դարան դործէ սատանայ ընդարձակել զտէրութիիւր ՚ի թերահաւատութեան, ճգնի զօրացուցանել զանհաւատս, և խախտել զհաւատացեալս ՚ի հաւատոյ :

Այսպիսի դիմակօք աղջկունք հրասլուրիչք՝ սրբ են սպականեալ բարք՝ սատերազմին ընդ հաւատոյ, և գերեն զնասլէսսէս նորաձայն վարդապետութիւք . որ յաղագս շնորհաց, տեսչութեան, ազատութեան, և մինչև ՚ի վերայ յարութեանն Քրիստոսի՝ որ է հիմն մերումս վարդապետութեան, զորմէ կախեալ կայ յարութեան մարմնոյ մերոյ հաւատարմութիւն . որ կարծեմ թէ հաճոյ թուի բազմաց այս օտարալուր գտումն նոր իմաստասիրաց մերոյ դարուս՝ առ ՚ի յաւիտենիցն մեռելութիւն, յանդգնեալք նոյն համարել վախճան մարդոյ ընդ վախ

Ճանի անդէոց և խաշանց . և չիցէ՞ն մեր
 արդեօք իրաւունք ՚ի խնդրել անդ մե-
 րում բարեօք պատրաստութիւնս կա-
 րևորս , տարևոր տօնական յիշատակուէ
 յարութեանն Յիսուսի Քրիստոսի , զայն
 նմանութիւն հաւատոյ , որով հեռի կալ
 ստիպին ՚ի գործոց չարեաց առ ՚ի ոչ տա-
 ըյ կարծիս թէ երկմիտ են ՚ի հաւատս
 իւրեանց , և ընդդէմ կամաց իւրեանց
 բռնագատին գործել զբարիս՝ ցուցանել
 զանձինս ՚ի յոյս ակնկալելալս իրաւամբք :

Արկիւղն ՚ի բարիս գործել , նա ինքն
 է՝ որ զանհաստատութիւն սրբոյ վստա-
 հութեանն հաւաստի առնէ մեզ , և սա՝
 որ խոչընդոտն է փրկութեան հոգւոց ,
 յատուկ նշան է մերումս դարու : Արդ՝
 զբաջութիւն խնդրի թումբ կանգնել
 ընդդէմ խօլական արհաւրացդ , և զմեծ-
 անձնութիւն ընդդէմ մարդկային ակն-
 առութեան : Ի բոլորիցդ քրիստանէից
 այս և եթ խնդրի ժտանօք , որ ամենօ-
 գուտ պատրաստութիւնն կթելոյ պը-
 տուղս ՚ի տօնախմբութիւն աստի սերկէան

խորհրդոյս , խնդրի հաւատարիմ լինել
 յառնել ընդ Քրիստոսի արժանի հաւա-
 տոց գործովք՝ որք ուրախ արասցեն զհա-
 ւատացեալս և ապացոյցք իցեն ընդդէմ
 ժանտաժ ուս խառնաղանջին , գործք՝
 որք հանապազօրեայ հրահանգք էին քը-
 բխտոնէից նախկին դարուց , մանաւանդ
 առ ՚ի պատրաստութիւն մեծահանդէս
 տօնից : Այսպիսիք խնդրին , զի իցեն ձեր
 հանապազօրեայ վաստակք և ոգեշարժ
 մխիթարութիւնք . խնդրի ՚ի ձէնջ զամե-
 նայն խնամս ունել ՚ի նպաստ հաւատոյ
 և կրօնից , որք փառաւորենն զԱստուած ,
 շահ հոգւոց , շինութիւն եղբարց : Այլ
 ոչ առաջի առնէ մեզ դարս՝ քրիստոնեայս
 բաղումս կարեկցութեան արժանաւորս ,
 որք կոյրք են առ ոչ տեսանել , և խուլք
 առ ոչ լսել նմա . որ կոչէ զնոսա , հրա-
 ւիրէ և խրախոյս տայ նոցա առ ՚ի գոր-
 ծըս բարիս , և առ ՚ի կրթութիւնս ջեր-
 մեռանդութեան կրօնի :

Կամեցեալ Եղիայի խայտառակել ըզ-
 քուրմս կոոցն Բահաղու , և ծանուցա-

նեւ նոցա թէ էր այն դրօշուած խուլ,
 անզգայ և անշունչ, ասէ . աղէ՛, սեղան
 ու զղեցէք, որջակէզ՝ պատրաստեցէք առ
 ՚ի զոհ . ձայն տուք, կոչեցէք զկուռս ձեր .
 իջէ հուր յերկնից, և ծախեսցէ զող
 ջակէզս ձեր ՚ի հոտ անուշից : Մնդու
 նին զհրաւերն, զի այսպէս ասացից, ան
 խորհուրդ քահանայք դրօշուածոյն, և
 եդեալ ՚ի վերայ սեղանոյն եզն պարա
 րակ, շուրջ բոլորեալ զնովաւ՝ աղաղակ
 բառնան ասելով . Բահանդ, Բահանդ . ոյր
 լուարսք, ունկն մատուցէք, յակճիւս
 կացէք, իցէ՞ թէ լսելի լիցին ուստեք ձայն
 պատասխանւոյ . ցտէին զդէմս իւրեանց՝
 որք աղաղակն բառնային, և ոչ գոյր
 ունկնդրութիւն : Հայա բարձր արա
 րէք զձայն ձեր՝ ասէ Եղիա, պաշտօ
 նեայք մեծազօր Աստուծոյ . աղաղակե
 ցէք, գոչեցէք՝ մինչև կերկերեսցի ձայն
 ձեր . Գ . թ . Գ . ԺԸ . 27 : Սեծաձայն կար
 դացէք, թերևս Բահանդ ձեր ՚ի քունիցէ,
 վասն այսորիկ ոչ լսէ . կամ ՚ի զբօսանս
 ուրեք զգիներբուօք պարապիցի, կամ ՚ի

ճեմելիս ինչ զբօսնուցսւ , հոչեցէք զնա
 'ի ձայն բարձր : Մեծաձայն կարգացէք :

Ըստ սմին յառակս առնու շէղիաս
 զանազակ արբանեակս Բահաղու , որք
 յանկատակս զբանսն իմացեալ գոչէին
 առաւել և՛ս մեծաձայն կարգալով ըզ-
 Բահաղ , մինչև սպառիլ ձայնի նոցա , և
 Թորոցն վաստակիլ , և կշտացն առ 'իտուր
 և առ շնչոյ ծանրիլ , այլ այս ամենայն
 զնւր տարապարտուց , զի խուլն Բահաղ
 ոչինչ ունկն մատուցանէ նոցա , և բոց
 յերկնից սչ իջանէ . ոչ ձայն ուստեք և
 ոչ ունկնդրու թիւն :

Իցէ՛ թէ նորոգէին և այժմ այն եր-
 գիծեցուցիչ դառն հեգնու թիւնք մար-
 գարէին 'ի յայպանել զնոտի կռովքն և
 զընդունայնամիտ պաշտօնէիւք նորա՝ 'ի
 մեծ ամօթ մերումս դարու , և 'ի կըշ-
 աամբու թիւն մերոց քրիստոնէից , որոց
 խցեալ է զականջս իւրեանց իբր զխուլն
 Բահաղ , առ չլսելոյ ձայնի՝ որոց կոչենն
 զնոսա զինուորիլ հոգւով 'ի սրբազան
 հրահանգս կրօնի :

Հնչեն զանդակք և ժամահարք հը-
 րաւ իրել զհաւատացեալս յեկեղեցական
 սրաշտօնս. այլ չիք ունկնդրու թիւն : Այր-
 դեն սրաշտօնեայք նուազ սրբերդեան .
 բան Աստուծոյ բաշխի ՚ի նուիրական
 բեմբէն . յատեան ապաշխարութե՛հ հը-
 րաւ իրին հաւատացեալք . այլ ընդ վայր ,
 զի չիք ունկնդրու թիւն : Մանին նշանք
 քրիստոնէական վարդապետութե՛հ , յա-
 ծին ընդ փողոցս գործակալք բանին , կու-
 չեն և աղաչեն . այլ ընդ զուր , զի չիք
 ուկնդրու թիւն : Այլ որ առաւելագու-
 նի ամօթոյ են իրք , նոյն ինքն Յիսուս
 Քրիստոս , կամ եդեալ յերկրագագու-
 թիւն ամենեցուն ՚ի սուրբ սեղանի , կամ
 թոշակ առ հիւանդս տուեալ , կամ սե-
 ղան սրատրաստեալ կազդուրել զսիրտ
 առողջաց ՚ի խորհուրդ հաղորդութեան ,
 ՚ի զուր սպասէ և կոչէ , զի չիք ունկըն-
 դրու թիւն : Այլ չիցէ՞ այս գործ այնոցիկ՝
 որք ակն ոչ ունին յառնել ընդ Քրիստո-
 սի . « Արոց ոչ գոյ յոյս » . Ա . թԻսաղ . Դ . 12 :
 Ա՛լ քրիստոնէայք , այսպիսի անուն

ամենայն ակնածութեան արժանաւոր՝
 պարտէ արդ յուշ ձեզ ածել, զի զօրաս-
 ջիք հոգւով խորհիլ ըստ արժանի քրիս-
 տոնէութեան, ըստ կրօնիցն՝ զոր դաւա-
 նէքդ : Ամենեքեան տեսցեն և գիտաս-
 ցեն թէ ճշմարտիւ քրիստոնեայք իցէք՝
 եթէ պարծիցէք զանձանց լինել այնպի-
 սիս, եթէ յայսմ աշխարհիս ՚ի տես ա-
 մենեցուն գործիցէք զոր ինչ արժանն է
 քրիստոնէի . զի յուսասջիք ժառանգել
 զկեանս յաւիտենից, և զպարգևս խոս-
 տացեալս առ քրիստոնեայս, և այսպէս
 յայտնեսցի թէ յինչ հաւատս իցէք :
 Յարդարեցէք զվարս ձեր, բարւոք գի-
 տեմք, զի են ոմանք ՚ի ձեզ՝ որք պատ-
 կառ կան ՚ի քնեան հրահանգս, այլ եր-
 կիւղդ ձեր և պատկառանք արդեամբք
 այնպէս երևելոյ ցուցանեն զձեզ ծա-
 ռայս լինել մարդկային աչառութեան .
 կարծիս տայ թէ չունիցիք քաջութիւն,
 զոր այլք ոմանք ունին, և երկմիտք ի-
 ցէք յաներկբայելի հաւատարմութենէ
 հանդերձելոց յաղթական փառացն, և

Թէ ոչ տայ ձեզ հաւաստիս այս հաւա-
տարմու թիւն՝ ստուգել ձեզ զայն գոր-
ծովք և արդեամբք :

Այլ և ՚ի ձէնջ որք որդեակս ունիք ,
և գերդաստանաց էք տեսրք , և որո-
շեալ էք ըստ աշխարհի քաղդիւ , սլաշ-
տամամբք , սլատուով , յաջողուածով ,
հանձարով , յարդանօք , նախ զայս ՚ի ձէնջ
սլահանջի , զի « | ուսաւ որեսցէ լոյս ձեր
առաջի մարդկան » . Մատթ . Ե . 16 : Ին-
չսլայլեսցէ օրինակդ ձեր և շինու թի ,
և լիցի վահան ընդդէմ անպատկառու-
թեանցն որով գործին գործք չարք : Ի
ձէնջ սլահանջի այս մեծապէս , արք սլայ-
ծառ տոհմիւ և ազնուականութի , աս-
պետք զուարթաբարոյք , կանայք փախ-
կանսունդք :

() Գուան՝ զոր հնար է ձեզ օգտեցու-
ցանել զեկեղեցի , զկրօնս և զհաւատս ,
մեծարոյու թիւնն յոր վայելէք դուք ա-
ռաջի ամենայն ազգի մարդկան , մնալով
՚ի ձեր քաղաքս , առ ձերովք ընտանեօք ,
ընդ համաշխարհիկս ձեր , ՚ի սմին յայս-

միկ ժամանակի՝ յորում զհասարակաց շահուց զհետ էք պնդեալք և զձերոց առանձնականաց, կարէք առաքեալք լինել քրիստոսական հաւատոց. ոչ թագչի բարեպաշտութիւնն և բարի վարքի տեսոց ռամկին, և ամենեքեան լուսաւորին նորօք: Չէն պէտք մենաւոր վայրաց և անդորր սրահու. չերկնչի ՚ի դատողութենէ Լիպերդինեանց, ոչինչ հոգան զճաղրածութենէ թերահաւատից կամ իմաստունն արանց: Խնդրեն նորա խաղաղել զխղճի իւրեանց խայթ, անդորրացուցանել զոգիս իւրեանց: Խնդրեն ընկերս, կամին նոր նորոգել զանհաւատութիւն իւրեանց: Չէն արժանիք խորհրդեան ձերում:

Այն նախանձաւորութիւն ձեր՝ որ որոշէ զձեզ յայլոց ՚ի զարդ ակնուակա նութեան տոհմի և հայրենեաց, փառաւոր և սրանձալի գործոց, հասարակաց շքոյ, որոշեսցէ զձեզ նոյնպէս մասնաւոր կրթութեամբք քրիստոնէական առաքինութեանց: Բարութեան գոր.

ծովք ճառագայթեսցիք : Այն նախանձ
 ձեր , որովք ստէսլ յայց ելանէք ան-
 կեանոցաց , արգելանոցաց , բարեպաշտ
 սահմանադրութեանց , զոր առնէք դիւ-
 ցազնական անշահասիրութեամբ , կեն-
 ցաղական սգւով 'ի փառս մարդկան՝
 ընտանեաց և հայրենեաց , և քրիստո-
 նէական շինութեամբ՝ որ գովեստից է
 արժանաւոր , մինչև զամենայն բերան
 ստանալ օրհնաբանս . այս ամենայն ա-
 ռաւելցի և ևս յայլ գործս սիրոյ և
 կրօնից , և խոնարհամիտ եռանդն ձեր
 առ սուրբ տաճարս , մշանջենաւոր հա-
 զորդելն ձեր սրբութեան սեղանոյն ,
 ընկերելզ ձեր հանդիսիւ սրբոյ Թոշա-
 կին , որ առ հիւանդս տարեալ լինի . նը-
 շանաւոր հաստատութիւն ձեր 'ի քրիս-
 տոնէական վարդապետութիւնս , սրոյ-
 ծառս առնէ զձեզ և նախանձելիս , և
 զաչս ամենեցուն 'ի ձեզ դարձուցանէ .
 որք առաւել յայնժամ յառեալ հային ,
 որքան թէ 'ի պերճաշուք զարդ հան-
 դերծից ձերոց , ոսկեզօծ շքեղաց , ըս-

փիւռ վայելչութեանց : Չնչին աչառութիւն մարդկային մի զօրեսցէ նուաճել զձեզ և խափանել զձեր բարի բարի արարս . մի ծաղը լիցի բարեպաշտութիւն յերեսս իսկ ձեր , և ՚ի գործ ածցի ազատութիւնն :

Ատէն ՚ի սմին յայսմ վայրի՝ տիկնայք փափկասունք , կոչեմք զձեր ուշ և ըզհանձար . զձերս՝ զի հաճոյ լիցի ձեզ ըզլուտացող զանդուռն բերան մերոց նորաբողբօջ հանձարեղաց պատանձեցուցանել , եթէ որ ՚ի նոցանէ ՚ի մօտոյ կամ ՚ի հեռուսա ակն յայրատ արկանել յանդգնիցի զձեօք . մի ասնիք , թէ որ նորօրինակ ոճով կամ հրատուրանօք բանից կամ սեթևեթիւք անմաքուր լեղուով ճառ ՚ի մէջ արկցէ խօսել յաղագս շնորհաց , յաղագս վարձուց և յաղագս հանդերձեալ կենաց :

Օ յարգ ձեր ամենեցուն սիրելիք՝ նշանակեմք մեք ՚ի հաւատոյս , որ այժմ այսբան անարգեալ է և թշնամանեալ , յանուն հասարակաց մեր մօր սրբոյ Ե-

կեղեցւոյ, 'ի շնորհս լուսցման մկրտութեանն՝ որ մաքրեացն զձեզ յակնածելի դաշին ձերում զոր կուեցիք, յանձն առնեմ 'ի ձեզ զհաւատան . մանաւանդ՝ նոյն ինքն աղերս մատուցանէ առ ձեզ իւրով ձեռամբ, և զձեր օժանդակելի աղաչէ :

Վիտեմ զի եկեղեցականաց է անկ պահել զսրբազան աւանդս, այլ ոչ դատարիմ ողբալ զանզգայ տկարամտութի այնոցիկ՝ որ հեղգանան կալ 'ի լրումն 'ի նոսա յանձնեցեալ պաշտօնի, և բարի օրինակաւ իւրեանց 'ի վարս ուղիղս յորդորել զամենեւեան :

Այլ և դուք աշխարհականքդ, մանաւանդ յայսմ բազմաքննին ժամանակիս, արժան է և ձեզ նախանձաւոր աւանդասպահս լինել աւանդիցս և հզօր պաշտպանս . այս լիցի մշտնջենաւոր պարծանք անուան ձերում, գերդաստանի ձերոյ, և համօրէն ընտանեաց ձերոց :

Ոչ ձեր նախնիք միայն են, զորոց անջինջ և անմուաց պահէք զյիշատակս 'ի

կիճս քանդակեալ, կամ ՚ի գորգս նկարեալ, որք մեծանուն հանդիսացան կենցաղօգուտ գործովք ՚ի խաղաղութեան կամ ՚ի պատերազմի : Այլ ձեր նախնիք են նա և սուրբ վկայքն, որք զինչս իւրեանց և զարիւն ետուն վասն հաւատոց . սուրբ կուսանք՝ որք անհպելի ըզկուսութիւն իւրեանց պահեցին, ողջակէզ բոլորանուէր ընծայեալք Աստուծոյ :

Սորա և ս ձերում տահմի դիւցազունք են, որ շիջանի օր ըստ օրէ ընդ նշանակաց քրիստոնէական կրօնի . սորա զիւրեանց արիւնս հեղին վասն հաւատոց . ձեզ առ ոչինչ գրել պատուիրի զառ ՚ի մարդկանէ աչառութիւն, և խնդրել փառս զհաւատոյս այսօրիկ :

Այս է ճշմարիտ ճանապարհ յարդարելոյ զանձինս տօնել ըստ արժանւոյն զայս տօն՝ որ հիմն և արմատ է մերումս սրբոյ կրօնի . «Օգործս համաձայն ունել հաւատոց » :

Ճ Ը Ռ Ժ .

Յաղագս անթոթկալութեան :

Այլ երկայնատող ազգաթիւ նախնեաց հռչակելոց և մեծանուն եղելոց յազգի անդ իւրում, ոչ հանրածաւալ և համայնասփիւռ համբաւ դիւցադնական գործոց խաղաղութեան կամ սրատերազմի, ոչ գաւազանք, բեհեզք, ապարօշք, ծիրանիք, պատուանշանք, պատուոյ անուանք և պաշտամունք, ոչ սյնքան շքեղացուցանեն զսգնուութիւն, զտոհմ և զյարգանս ցեղի և անձին մերում, որպէս ճնեալ լինել 'ի գաւթի քրիստոնէական կրօնից, սնեալ և զարգացեալ 'ի քրիստոնեաց ճնողաց, և ընդ կաթին դիեցեալ զքարս, զսկզբունս և զվարս քրիստոնէութեան :

Եւ շիցէ՞ արդեօք 'ի նմին իսկ յԱստուծոյ՝ ունել քրիստոնէականին զիւր հնատոհմ ազգ յայնմանէ՝ յորմէ և զծրնունդն էառ, և չէմբ արդեօք զիւր նոր

հաստատու թիւն 'ի միաճին Որդւոյն Աստուծոյ, և զզարգացումն մեծափառ և գերապայծառ. և չէ՞ր այս գործունեայ կեանս շնորհել ամենեցուն 'ի նա հաւատացելոց և 'ի հանդերձեալ Մեսիայն 'ի սկզբանէ անտի աշխարհի, և յորսրանայ անտի մանկացելոյն Աստուծոյ, 'ի լալօնից և 'ի խանձարրոց նորա. յորոց ելեալ էառ ընդ հովանեաւ բազկաց, ժողովեաց և մեծարեաց զհաւատացեալս իւր, և միշտ զհետ եղև ժողովել զնոսա, համարունս արարեալ աստուածայնոյ բնութեն մարդեղութեամբ բանին, և ազնուացուցեալ նովաւ և փառօք շքեղազարդեալ զմարդոյս վիճակ:

Վասն որոյ խոնարհ դիմօք մատչին առ նա միապետք, դիւցազունք և աշխարհակալք՝ որք 'ի հեթանոսութենէ անտի ունին զճագումն, և կեան 'ինըմին, ծունր խոնարհեցուցանեն քրիստոնէութեան. թէ և աղքատ որ իցէ քրիստոնեայն, զուրկ 'ի բարեաց յաջողութեան, 'ի ձրից և 'ի սղատուոյ, նուասա

ճննդեամբ և արհամարհ կենօր :

Ոսկի, ծիրանիք, շինգղ և նշանա-
ղդեստքն հեթանոսի՝ որ ՚ի հեթանոսու-
թեան կայցէ, ոչինչ են առ անարդ գըր-
դլեկաւ և սպառաւատուն խորդովք առն
քրիստոնէի, որ ՚ի քրիստոնէսց վաբս կեայ :
Այլ մեզ երանի է ՚ի յաջողութեանս
մերում, որ ՚ի գիրկս քրիստոնէութեան
եմք ծնեալ, և զնոյն հաւատս սրաշտեմք
յանգորրու :

Գեղջուկ գոմ մի անասնոց, մսուր
անչէն, և գծուծ խանձարուքք են նը-
շանք փառաց Աստուծոյ մանկացելոյ,
սարախմբ և մեք առ ՚ի փառս ունել
զայնսլիսիս :

Այս է սպառձառն, զի ՚ի նորսգել
զյիշատակ այսց նշանաց հրաւիրէ զմեզ
՚ի տարեւոր տօնախմբութիս յայս : Այսն
այսորիկ իսկ յամենայն ժամանակս և ՚ի
գարս համայն՝ մեծահոջակ տօնախմբու-
թեամբ կատարի հանդէս այսր աւուր :

Այլ այս տօն ճննդեան սյդչափ մե-
ծահոջակ և փառաւոր ընդ համօրէն

կողմունս մերումս Կտալիոյ, ուր այսչափ
 փայլէ քրիստոնէութիւնն, զիամբողջ այժմ
 այսքան անհոգութեամբ և թմբբութեամբ
 խմբի, և այլ ճնունդք տօնախմբին ար-
 դեօք յաւուրս մեր ՚ի մերոց քրիստոնէ-
 ից. այս է՝ ճնունդ այսոյն պղծոյ, որ ե-
 լեալ ՚ի դժօխոց զգեստ առնու մարդ-
 կային ՚ի պատրուակ. փոխի ՚ի մարդ, և
 զնորա առնու երևոյթ, և փոխարէն շը-
 նորհէ նմա թուլութիւն վարուց՝ և
 բարս խառնախորթս, հաստատէ ՚ի նո-
 սա աթոռ անստնանելի. և թէ ելանէ
 ՚ի նմանէ, այլուր չիք նմա դուլ և դա-
 դար մինչև դարձցի անդրէն ՚ի տեղի իւր
 առաջին՝ բնակել անդ խաղաղութեամբ.
 «Յորժամ այսն պիղծ ելանէ ՚ի մարդոյ,
 շրջի ընդ անջրդին տեղիս, խնդրէ հան-
 գիստ և ոչ գտանէ, և ասէ. դարձայց
 ՚ի տուն իմ, ուստի ելի.՝ Վ՛ր-ի. ԺԱ. 24:
 Բուք ինքնին քաջ իմանայք սիրելի ուն-
 կնդիրք, զի խօսի զանարդ հեշտութեց
 և զցոփութեանց :

Հրեշտակք օրհնաբանեալ, որ գեր-

մարդկային զօրութեամբ յանբնակ ա-
նապատ տարեալ կապեցեր յԵգիպտոս
կոյս զԱզմօդէսս այսն անմտքուր, որ 'ի
սուրբ առագաստի եբայ շիրիմ գերեզ
մանի եօթանեցունց արանցն Սարրայի,
որ նախ քան զհարսնանալն մնայր այրի-
տունը և իմոյս բանի զօրութիւն, զի տա-
րաշխարհիկ եզիցի դէն անառակութե
'ի ցանկալի քաղաքէս, և 'ի սիրելեաց
իմոց 'ի բնակչաց քաղաքիս:

Կամեսցի և տացէ Տէր, զի շիցենն ան-
հետացեալք 'ի միջոյ այն բազմերան ա-
ւուրք, յորս Կիպրիանոսք, Ամբրոսիոսք,
Օգոստինոսք ներբողեանս յօրինէին 'ի
գովեստ կուսական մտքութեան, ա-
ռանց ինչ բանս ամեկոյ յաղագս հակա-
ռակ մտութեանն, որ և յայնժամ բըռ-
նաւոր էր, և անգութ բռնաւոր, բայց
միայն առ 'ի հանդերձել մարտիրոսս
կուսութեան, որպէս Ներոն և Մաք-
սենտիոս մարտիրոսս առնէին կրօնից և
հաւատոց:

Այլ արդ՝ եթէ ազգեցութեամբ

հոգւոյն անմաքրութեան այնքան ընդ-
հանուր զեզճմունք բարուց տիրէ 'ի
մարդու մն յաւուրս մեր, որպէս հաս-
տատէ սուրբն Գրիգոր, զհամրդ ոչ ա-
ռաւելցի . այլ կասեցցի նախանձ մեր
յանդիման հարկանել զժպիրհ գարշու-
թիւն այսր ոգւոյ՝ առ 'ի զգուշութիւն
հոգւոց մեզ յանձնելոց, և 'ի սրատիւ
Աստուծոյ իջելոյ յերկնից յերկիր 'ի
փրկութիւն նոցա :

Երբեմն առ յամօթ առնել զԵպի-
կուրեանս՝ նկարէին բացաւ երանգօք
զհոգի անառակութեան իբրև թաղու-
հի բազմեալ 'ի գահոյս, և առ նովաւ
չզթայակապ գերեալ առաքինութիւնք
ամենայն, և 'ի ներքոյ և արտաքոյ շուրջ
զնովաւ ամենայն մոլութիւնք 'ի սրբս
և 'ի խաղո յաղթանակաց : Եւ չէր ինչ
քան զայս երգիծական նկարագիր, ասէ
սուրբն Օգոստինոս, այլ մէք՝ զի մի վը-
նասեցէ այս պատկեր համեստ ակնար-
կողաց իւրոց, որ այդչափ սրայծառ ե-
րանգօք է արուեստակեալ, յաւելցուք

յայդ միայն զնախընթաց և զհետևորդ
 գործս անառակու թեան՝ զորս Բոյեսիոս
 ստորագրէ . « Ախորժ շնութեան՝ հոգ
 և տաղտասպանք , իսկ յագուրդ նորա՝
 դառն ասպաշաւանք » :

Այլ ո՞վ է որ ոչ գիտիցէ , բայց թէ
 աւաղելի փորձիւ անձին , կամ գոնէ
 յայլոց ստուգեալ , թէ այսն պոռնկու-
 թեան նախընթացս առաքէ իւրում դա-
 լըստեանն ընդառաջ իւր : Այլ նախ ըն-
 թանան առաջի սորա հնարք գիւրա-
 գայթք և վտանգահոծք . կարասկեաք են
 սորա համարձակ խօսք , բանք անստոյգք
 և հոմք խեղկատակութիւնք , կապէնք . այս
 ամենայն առաջնորդք են այսոյս պղծոյ .
 ձանձրոյթ յաղօթից ՚ի պահոց և ՚ի ճըն-
 չելոյ զանձն , դժկամակութիւնք յաճա-
 խելոյ յեկեղեցիս , լսելոյ զբանն Աստու-
 ծոյ , ընդունելոյ զսուրբ խորհուրդս ,
 յառաջընթացք են որք զմօտաւոր գա-
 լուսն քարոզեն : Արդ՝ որոյ կարասկեաք
 են այսոքիկ , ապա և ինքն անմեկնելի ընդ
 իւր ունի զհոգ և զանհանգիստ կեանս .

“ Ախորժ շնութեան հոգ և տաղտապանք ”. այն՝ զոր Բեռնարդոս խորհրդածէ յայսոսիկ բանս. “ Վ՛վ, զիա՞րդ տըքնութիւնս պահանջէ ” : Միտք երևեւ այսոցիկ անդէն խայթք խղճի յառնեն, որ ոչ հանդուրժէ տեսանել զինքն առաջ նորդեալ առ ուխտս դնել՝ դաշինս կըռել ընդ զառանցանաց, այլ մանաւանդ դուպարիլ կամի ընդ նմա բացաւ երեսոք : Առաջի ուշոյ անառակին բերէ նա՛ առ յամօթ առնել զնա, զառածս մաքրասնոյց հրահանգացն, զամենատեսալկն Աստուծոյ և զանակնառու դատաստանն վերահաս, և զաններելի զհուրն անշէջ՝ որ ստատէ նմա : “ Ախորժ շնութեան հոգ և տաղտապանք ” :

Ա՛ճէ այս անձկութիւն հանապազորդեան ընդդիմութեամբ անյագ տենչանացն, որոյ կամք՝ զհեշտութիւնն համեմել փոանգաւոր դործոցն յաղթութեամբ՝ որք խոչընդոտն լինին : Խորշիլ ՚ի մարդկան տեսութենէ, հաճոյական փաղաքշանս հանճարել, զդուշանալ ՚ի

յընդդիմու թեանց՝ որ ըստ ժամանակին
 ընդառաջ ելանեն . կախարդել զար-
 թունն աչս հօր . գողանալ զգգոյշ խնա-
 մակալու թիւն մօր . հաւաստի լինել ըզ-
 լու թենէ ընտանեաց . երկիւղ ՚ի յան-
 կարծ գալստենէ ուրուք , սր մերձաւոր
 և որ հեռուոր . իրօք կամ կեղծ կամ
 առ աչօք տանել շողմու թեան կամ զայ-
 բացու թեան յեղամիտ և միշտ ամբար-
 տաւան կնոջ ուրուք՝ որ իշխան իցէ նո-
 րա : Այս ամենայն չկարէ առանց անձ-
 կու թեան լինել . « Ախորժ շնու թեան
 հոգ և տաղտապանք » : « Ա՛վ , զիամրդ
 տքնու թիւնս պահանջէ » :

Պատանեակք , որք զառաջին մատա-
 ղօրեաց տիս ձեր անցուցէք խաղաղս
 և պայծառս ՚ի գիրկս անմեղ վարուց ,
 այժմ զի զառաջին քայլափոխ ձեր առ-
 նէք ՚ի վերայ լարծուն գիւրասոյթօք
 ձանապարհի մարմնոյ հաճոյից , չտեսա-
 նէք զի արբանեակք այսոյն պղծոյ այնու-
 քիկ են , որք զձեզ մասն առնեն ՚ի ձե-
 ուս խռովու թեան և անձկու թեան :

Քաջ գիտեմ, զի կամիք զերծ 'ի սողը տանաց առնել զընթացս ձեր, ասէք. զիամբ շքով ուրախութիւն, ազնիւ կենցաղ, ընկերութե՛հ հաճոյք՝ որք 'ի բնութեանէ անախ են ծնունդք, 'ի հասակէ և յեղանակէ կրթութե՛հ՝ զիամբ այսոքիկ եղեռնականք. այլ զգոյշ լերուք յայնմանէ՝ որ նենգանօքն զառածանել կամի :

Ի՛արևոք լուսաբանէ սուրբն Օգոստինոս զայս բան այսու նմանութեամբ. հանէք ասէ՛ յերկրէ բուն մի փշալից, և հայեցարուք յարմատ նորա, գտջիք զնա ողորկ գողտրիկ և գեղեցիկ : Սակայն աւասիկ փուշքն խածանողք, որք ընդ թիւրաթեք բունն բուսանին, և ընուն զհամայն ոստս նորա, խայթեն և վըշտացուցանեն զձեզ : Եւ այսոքիկ ամենքեան յարմատոյ անախ բղխեն՝ և 'ի նաին սարունակին, զոր թէ շօշափէք՝ ոչինչ դժուարիք : Եւ յսէ ամենեին սաակեր սիրողաց անպարկեշտութեանց և սիրոյ նոցա. « Մեր մարմնական հեշտութեանց . . . արմատ է փշոց » :

Համեստ երևոյթ զուարթուն և ընկերական բարուց, քաղաքական ծառայութեանց, հրահանգեալ և ընտանի զարուցարանութիւնք ոչինչ ընդդէմ են, և ոչ իւրք հուսլ լինին երկչոտ խղճի մտաց: Այլ եղևկ զիս, անտի ահա ծընունդ առնուն խորհուրդք չարք, հեշտութիւնք և առփանք, անտի խոկմունք առ խորտակել մեղմել զսիրտ ումեմն, անտի շնորհաբանութիւնք, ժամադրութիւնք աղիկամիք, չարաբուն անկոյն սատք փշաբոյք, որք խայթեն խածանեն պատառեն անողորմաբար զխիղճ մտաց: “Աէր մտրմնական հեշտութեանց . . . արմատ է փշոց”:

Աղջկունք մատաղք, եղկելլն օրիորդք, որք մինչև ցայժմ հանդարտ կէիք ընդ հովանեաւ անվրդով և խաղաղ անմեղութեան, ո՞չ նշմարէք ՚ի հոգոց անտի՝ որք սլատին զձեօք, յանձկութեանցն յորս գտանիք, թէ յայն զուարճաբանութիւնս, յայն համաձայնութիս թագուցեալ կան առ ձեզ կարապետք այ-

սոյն պղծութեան, զորոց գեղեցիկս ա-
սէ սուրբն Հերոնիմոս. «Նշանք կորըս-
տեան՝ կուսական մաքրութեան»։ Շնոր-
հեալ է ձեզ անդասին 'ի բնութենէ՝ ա-
մօթ, որ մեծագոյնն է և հարկաւ որ յայլ
ամենայն շնորհաց և ձրից միջի՝ զորս վայ-
ելէք։ Արդ՝ զիմորդ ընտրելի է ձեզ
կեալ և կենցաղիլ ընդ այլս՝ վնասու կու-
սական ամօթխածութեան. որպիսի դի-
ւական կատաղութիւն կալեալ է ըզ-
ձեզ, զիմորդ խաղալիկ եղայք դիւական
խաղուց։

Ի ժամանակս յորս բորբոքեալ էին
հալածանք ընդդէմ քրիստոնէից, փոր-
ձիչն սատանայ զիւր արուեստ ճարտա-
րէր, առաքէր և յայնժամ զիւր արբա-
նեակս, որք սրով զինուորեալք և աշ-
տէիւք և նիզակօք, ամօթով դառնային
յետս 'ի պատերազմէն։ Այսպէս պան-
ծայի էին. ո՞վ զուարճալի տեսարանիս .
որիորդք փափկասունք ճոխացեալք 'ի
յաջողուածս բարեաց, 'ի ճարտարու-
թեան և 'ի գեղ երեսաց, առաջի տա-

րեալ լինէին դատաւորաց , դահճաց ,
ատենից առ 'ի քաջութեամբ թշնամա-
նել զլիւնս նոցա , և մնալ հաստատուն
նաև 'ի մէջ անթիւ անողորմ սպանդից ,
'ի տես խոշտանգանաց և մահու , սլա-
հել հաստատուն 'ի մէջ այսքան բռնու-
թեանց ընդ հաւատոց իւրեանց և ըզ-
համեստութիւն :

Այլ ո՞ւր է արդ ձեր քաջալերութիւն ,
ո՞ւր է անպարտելի հաստատութիւն ձեր .
յաղթեցիք յայնժամ սպառազէն և սլա-
տերազմող դիւի , այժմ զի հրեշտակս
խաղաղութեան առաքէ նա անդէնս և
անսպասպարս , թողացուսլիք յաղթիլ
'ի նմին դիւէն . « Ոչինչ ամօթալի քան
զոր յաղթի 'ի մարմնոց » : Աթէ չէ՞ նորա
բռնացեալ այժմ 'ի ձեր վերայ 'ի մըրց-
մունս , 'ի թշնամանս , 'ի խոշտանգանս .
այլ փայփայէ , շողմէ , հրաւիրէ . արդ
ո՞չ գիտեմք մէք զհամրդ 'ի գահավէժ զառ-
'ի թափս հեշտութեանց եզեալ զան-
ձինս , կամիք 'ի մտի ոչ շատ խօլանալ
ցեղեռնութիւն , կամիք մնալ կառ չիլ

ի ճանապարհի . ապա դեռ չէք տեղեա-
կըք անհնարին սահականութեան զսու-
ի վայրացն , ուր ուրեք երբէք կուի ու-
տին չիք գտանել : Այլ ո՞չ տեսանէք , զի-
մորդ դիւրին է անցանել ՚ի սնտեաց յա-
նօրէնութիւն , ասէ սուրբն Գրիգոր :

Կայ Դաւիթ , զաչս քո այլուր դար-
ձո . սուշ ՚ի կուրծս արա . չտեսանես
զգայթակղութիւնն՝ զոր գայթակղեցու-
ցանես զամենայն Իսրայէլ , որ ապա ՚ի
քո գլուխ դարձցի . և զկորուստն ո՞չ տե-
սեր , և ո՞չ զգուշացար կորուսանել ըզ-
յարդ անձին՝ զոր յայնչափ ամս ստա-
ցար : Այլ աւանդ զի ոչ լսէ ինձ :

Ամաքուր կինն և անհամեստ , և զի-
մորդ չամաչես և դու նուաստանալ ՚ի
հաւասարութիւն ծառայի միում և ըս-
տըրկի . և բռնաբարել զսուրբ հանգոյցն
որ կապեալ է զքեզ առ հարսն ոմն օրի-
նաւոր , և զանմեղն դատաւարտել զըր-
տարտութեամբ : Աղաղակ իմ զօդս և
եթ բաղխէ , չիք որ ունկն մատուցանիցէ :
Այլ ուստի՞ արդեօք այս աւաղելի ան-

կած . ո՛հ , առայքեաց և յայնժամ սատա-
նայ զհրեշտակս իւր , և ընկալեալ եղեն
խաղաղութեամբ : Յայնժամ դնաց և
ինքն : Յայսոսիկ օրինակս զի՛նչ ինչ յու-
սալի է մեզ ՚ի ձէնջ . զոր ցանկամքն՝ ՚ի
զնւր է և ընդունայն . բարւոք ընդու-
նելլութիւն ձեր զոր ցուցանէք առ
պաշտօնեայս այսոյն պղծոյ , հրաւիրէ
և զնա գալ բնակել ՚ի ձեզ :

Փակեցէք զաչս ձեր քրիստոնեայք՝ զի
մի տեսլիք . յահագին ՚ի քստմնելի տե-
սարանէ աստի անջրպետեացէ զձեզ վա-
րագոյր թանձր : Այլ զի՛նչ այսու . եկն
և էանց . և զի՛նչ մնաց առ ձեզ հետք
գալստեան նորա , զեղջ և ապաշաւ .
“ Իսկ յագուրդ նորա դառն ապաշա-
ւանք ” : Այս է՝ զոր սուրբն Բեռնար
դոս հաստատէ բանիւքս այսոքիւք .
“ Օ իմօրդ վաղանցուկ է հեշտութիւն
տուփանաց ” :

Ո՛վ յիմարք , յիմար քաջազունք դի-
ւին , որ պարծիք ինքնակամ կապիլ ՚ի
չլթայս , ազատ մնալ ընդ բռնակալու-

Թեամբ խուժադուժ բռնաւորին, և
 զիսոս դնէք յանարգանս և յանիառու-
 Թիւն. « Եւ փառք՝ ամօթն իւրեանց ».
 Փիլիպ. Գ. 19 : Ընփառու թիւն, որ ան-
 ջինջ տպաւորէ 'ի ձեզ զհետս սպախա-
 նու թեան իւրոյ : « Գարշու թիւն և ա-
 նարգու թիւն միասցին ընդ նմա, և ա-
 մօթ նախատանաց նորա ոչ փորձեսցի ».
 Լուկ. 2. 23. (ըստ լատ. թարգ.) Ի զուր-
 խնդրէք զանարգ մտու թիւնդ պատ-
 րուակել գեղեցիկ անուամբ : Ի նանիր-
 է ձեզ փութալ ճեպիլ հաւանելի առ-
 նել այլոց զայն՝ ընդ որ և ձեր իսկ չիք
 հաւանու թիւն : Ինդ վայր ճգնիք հեղ-
 ձուցանել զամօթ և զօրէնս սպառնառա-
 նաց, որք միշտ միապէս խորհուրդք են
 անյեղիք ամենայն ազգաց, ամենայն
 ժողովրդոց, ամենայն հասակի, առ ցու-
 ցանել զերեսօք ձերովք անտարբերու-
 թիւն, անհոգու թիւն և կայտառու թիւն :
 Հետեանք այսպիսւոյ բուռն փո-
 թորկի՝ որ դուայ 'ի ձեզ, և զօր ջանայք
 'ի ծածուկ պահել յաչաց այլոց, բացա-

յայտ երևի յապաշաւի անդ որ խռովէ զողիս՝ « Տաղտապանք, ապաշաւանք » : կուտակին յայնժամ մի զմիով ամենայն նշանակք ապաշաւանաց իբրև զլրթս. դոյն փրփրացեալ ալիս ծովու, յորժամ է ՚ի ծովս մրրկաց. « Լնաստ ալիք ծովու, որք միշտ փրփրեն զիւրեանց անձանց զամօթ » . Յո՛ւր. Ա. 13 :

Լիք են այսր մրրկածուփ ծովու նողկանք, տաղտկու թիւնք, որք ընդ ժամս ժամս երևին յակումբս երախանաց ձերոց՝ որք հաճելիք են ձեզ. « Լնաստ ալիք », և այլն :

Լիք այսր մրրկի են այն դիմեցմունք ախտից, որք ՚ի վերայ յարձակին ձեր նա և յակումայս, և անկենցաղս առնեն զձեզ և զայրագինս, միայն պատաղեալ ՚ի պագշոտ խորհրդոց չարաչար գաղափարս, և զամենայն ինչ տեսանել տան յայն փոխեալ զկերպարանս : Լրդիւնք են սոքա այսոյն անմաքրու թեան, որ ճոխանայ ձեզ, զձեր ժառանգութիւն անձին սեպհականեալ, տէր է կամաց ձե-

րոց . ունի զերևակայութիւնս ձեր , և
 սէսսսէս անգոյ պատկերս նկարէ 'ի նը-
 մին . ունի զմիտս ձեր , և 'ի դարչանս
 յածեցուցանէ զայն . ունի զսիրտ ձեր ,
 և սիրով զգայական զառանցանայ՝ ամե-
 նայն բարի կամաց ընդդէմ զդրունս փա-
 կէ : Ալ վասն այսորիկ՝ անամօթին զա-
 մենայն սանձ խորտակեալ , զամենայն ա-
 կնածութիւն յանպիտանութիւն հատեալ ,
 ունի շահս անարգս և եթ , պատիւ ընդ
 ոտնհար . յաջողուած բազմալտանգ , ար-
 ժանիք պատուոյ նկուն , յարգ անկած ,
 խորհուրդք սրտի ամենայայտ , պարտա-
 կանութիւն դաւադրութ : Աթէ ծնող
 է՝ մռանայ զիւր ծնունդս , եթէ ազ-
 նուական՝ զիւր մեծարութիւն՝ անձնա-
 տուր լեալ յախտս , որք բռնանան 'ի
 վերայ նորա յամենայն ժամանակի , յա-
 մենայն անզուջ , 'ի պիտտութիւնս ,
 յարհեստագործ պարասմունս , 'ի շա-
 հավաճառի , և մինչև առ ոտս սեղանոյն
 սրբութեան :

Առ ոտս ասեմ սեղանոյն՝ ուր մատչի

և լրանայ գարշելի յաշտն, որոյ նուիրելի ողջակէզ է նոյն ինքն կրօնն : Առոտս սեղանոյն՝ յորում ոչ և ս գան ՚ի միտըս պագշոտելոյն գաղափարք ճշմարիտ կրօնից, այլ կանոնք հեթանոսութեան, և յիշատակք ժամանակացն՝ յորում պաշտօն երկրպագութեան մատչէր անառակ կռոցն դրօշելոց յանասնոց կերպարան : Այլ կարի իրաւամբք ասէ Աղեմէս աղեքսանդրացի, թէ մինչև մերկացեալ նոցա զաստուածայինն բնութիւն՝ նա և զմարդկայինն, և արկեալ զանձամբ զանասնոց կերպարան, չկարեն անձնատուր լինել յանպատկառութիւն :

Յայս աստիճան հասեալ է, որ գերի է անմաքուր ոգւոյն նման լինել անասնոց. « Հաւասարեցաւ անասնոց անբանից՝ և նմանեցաւ նոցա ». Սաղ. ԽԸ. 13 : Այլ վասն սյսորիկ առ ձեզ են բանք իմ, որք դեռ կոխեալ էք ՚ի շաւիղս դիւրասահս անոտնկելիս՝ որք յանառակութի առաջնորդեն, ասասցուք առ ձեզ. « Օգոյշ լէր անձին բում . . . և մի ցանկանայցես

գիտել զմեզս » . Տօշիւ . Դ . 13 . (ըստ
 լատ . թարգ :) . Օգուշացարուք ձեզ նա
 և 'ի ստուերաց անտի մեղացն անժու-
 ժուութեան , և մի ներեսջիք նա և զա-
 նունն իսկ լսել զնոցա . պարծեցարուք
 իբրև ճշմարտիւ անտեղեակս խորհր-
 գոցն չարութեան :

Այս խրատ իբր կտակ թողեալ 'ի գո-
 րովուն և յերկիւղած հօրէ , թողցի և
 'ի մերմէ հայրական գթոյ առ ամենե-
 սեան ձեզ , որ որդիքդ էք մեր սիրելիք
 'ի Քրիստոս Յիսուս : Այսպէս երա-
 նի թէ հնար էր մեզ թափանցել 'ի ներ-
 քինս սրտից ձերոց . իցէ թէ հնար էր
 յերսիսանս զուարճութեանց ձերոց՝ ինձ
 նստիլ առ կողիւք ձերովք , 'ի ճեմելիս
 ձեր ընկերել ձեզ , և գոչել միշտ յունկն
 ձեր . « Օգոյշ լեր անձին քում » : Կամք
 են ինձ ասել , անգր յայն կողմն հայե-
 ցարուք . կամք են ինձ մատամբ նշանա-
 ցի առնել առ ոմանս 'ի ձէնջ , որոց ա-
 ռաւել յանժուժկալութէ՛ք քան 'ի բազ-
 մաժամանակեայն լինելոյ տկարացեալ

և եղծեալ, տակաւին 'ի խնճոցից չեն
 ձանձրացեալք և յափրացեալք : Տես ,
 զհոմբդ կիսափուտ մարմինք նոցա անկա-
 նին 'ի թիկանց . տես , զհոմբդ դիւրաւ
 փխրին փաղաղեալ ոսկերք նոցա : Ի զուր
 տագնապէ զնա եղկու թիւնն , 'ի զուր
 խօթու թիւնն դալկացուցանէ զնա , որ
 իբր թէ ընդ քարչ ածի 'ի տեղի հան-
 դիսից՝ քակեալ և շիջանուտ առ կայծեալ
 ճրագի կենացն , անպատիւ առ մարդիկ ,
 արհամարհ և նողկատալի առ Աստուած ,
 և անձին իսկ գարշելի :

Ի տես խորշովեալ և թառամեալ դի-
 մացն , 'ի գարշահոտութի խղիւայթեալ
 մարմնոցն , կամ 'ի ստուերս մուրեալս
 'ի ճանտարհէ մահուն , յեղծումն գը-
 նացեալս օր քան զօր յերեսաց անհա-
 մեստ գնացից . «^Օ գոյշ լեր անձին քու մ : »
 Կարդամ մեծածայն , « Մի ցանկացեա
 գիտել զմեղս » :

Պարահայեացն լինել , արթնութիւն ,
 փախուտ , այսոքիկ են առաջին զգու-
 շութիւնք 'ի խօթութենէ աստի յայս-

մանէ ո՛վ պատանեակք, կարի դիւրին
 են այսօրիկ : Վիտակ լերուք, զի և նոյն
 իսկ հասակդ չառնէ խելամուտս և քա-
 ջախորհուրդս յայս . չիք սանձ բաւա-
 կան՝ սանձակոծել զապերասան ախտան,
 զկամս և զտուփանս : Եւ ո՞րչափ, ո՞յք ու-
 մանք զհետս կոծեն զծերոցն Շուշանայ,
 ընդ սպիտակափառ ալեօք ծածկեալ զաղ-
 տեղի զբոցն . ընդ քարչ գնան դողդո-
 ջուն ոտիւք զճանապարհ վատշուէր ախ-
 տիցն . և այնպէս անառակեալք երիտա-
 սարդօրէն՝ զզառանցանս իւրեանց տա-
 նին ընդ իւրեանս մինչև ՚ի հող մահու
 խենէչ և գայթակղեցուցիչ ծերութիւն
 իւրեանց :

Վարձայց ապա առ ձեզ, զանձն ևս
 ընդ ձեզ հաշուեալ, որք ապաքէն յայս
 եղեռնաւոր ընթացս յառաջադէմ զար-
 ւացաք, և ասասցուք ընդ մարդարէին .
 “ Լ՛մբարձ զաչս քո . . . և տես ո՞ւր ոչ
 թաթաւեցար ” . Երեմ. Գ. 2 : Սեծա-
 դոյնն ՚ի չարիս ձեր այն է, ոչ ճանաչելն
 զվիճակն՝ յորում կայքդ : Լ՛րդ՝ ծանե-

րուք զանձինս . « Ամբարձ զաչս քո » :
 Օ՛րնչ ինչ ասել է մեր առ ձեզ . որով
 հեռե Քրիստոսի զինքն միաւորեալ է
 ընդ մարդկային մարմնոյ , ամենայն յան-
 ցանք որ պղծէ զայն՝ փոխեալ է իբր ՚ի
 բնութիւն . ուստի պարտ է մեզ հայիլ
 յայն իբրև ՚ի սրբապիղծ ինչ յանդգնու-
 թիւն առ ոտն հարկանելոյ զուխտն հան-
 դիսաւոր , որ ՚ի մկրտութեան ամբարձ
 զմեզ յեղբայրակցութիւն Յիսուսի Քր-
 իստոսի՝ մարմնովն զոր էառ ՚ի մէնջ :
 Հրաշք շնորհաց սրահանջի հանել զմեզ
 յանդնդոց անտի՝ յսր խարդաւանեալս
 եմք : Այլ մեք ոչ ըստ լիովին ընդարձա-
 կութիւնն առնումք զայսոսիկ բանս Տեր-
 տուղիանոսի՝ որ հզօր պաշտպանն է մաք-
 րութեանս . որովհեաւ եկեղեցի ընդ
 մոլորութիւնս կարգեալ զայս առած՝ նը-
 զովս ընթերցաւ յայն բան , թէ արք վա-
 ւաչք աններելիք են նաև ասպաշխարու-
 թեամբ : Աչ այսպէս սիրելիք , քաջալե-
 րացարուք , զի է մեր յոյս դեռ ևս :


Սուրբ եպիսկոպոսունք անցելոց ժա-

մանակաց , գերապայծառ հովիւք եկե-
ղեցւոյ Յիսուսի Քրիստոսի , զորոց զար-
ժանայարգ ակթոռ ունիմք մեք սյսօր յա-
մօթ մեզ . դուք՝ որք ըստ հրահանգաց
այնց ժամանակաց զհարեալ յանժուժ-
կալութեան այսոյն կացուցանէիք առ
սեմօք տաճարին 'ի գաւթին լալ և ա-
ղաչել զԱստուած , աղէ՛ մի զարմասջիք
եթէ յառաջ կոչեմք զայդպիսիս , և խը-
րատեմք զնոսա լինել քաջայոյսս :

Սանաւանդ յաւուր յայսմիկ յորում
եկեղեցի սուրբ տօնէ զտօն փրկութեան
մերոյ . այն ողորմելիքդ , յուսացարուք ,
յառեցէք զաչս ձեր յորորանն , 'ի խան-
ձարուրսն , 'ի Բանն մարդացեալ , որ եկն
վասն ձեր և վասն ձերոյ փրկութեան :
Հայեցարուք յայն , որպէս Եբրայեցիք
յօձն մովսէսեան , և եղիցի ձեզ այն նը-
շանակ փրկութեան :

Հուսկ յետոյ դառնալն 'ի ձեր ձեռս
է , զայն հրամայէ Աստուած . հաշտու-
թեան են ժամանակս . զազդումն զայն
լէք . քաջահմուտ որ խոստովանահայր

կարող է օգնել ձեզ, արագ փախուստ
 յառթէ մեզաց, և ՚ի վեր քան զամե-
 նայն հանապազորդեանն աղօթք եռան-
 դուք կոչեսցեն ՚ի վերայ ձեր, այն ա-
 սեմ ձեզ, ածցեն ՚ի վերայ ձեր շնորհս,
 որ և զձեզ յաղթանակողս արասցէ ՚ի
 վերայ անձանց : Աւ յուամէ՞ երկիւղդ
 ձեր . յԱստուծոյ, ոչ երբէք, զի նա կու-
 չէ զձեզ, և սպասէ ձեզ : Ի մարդկանէ՞,
 օ՛ն անդր՝ նորա յօգնութիւն ձեզ պատ-
 րաստք են : Յանձա՞նց, և կարի իսկ քաջ,
 այլ նախ դարձարուք, նախ դարձուցէք
 զերեսս ձեր յառթից, նախ ընարեցէք
 անձանց փորձ զոք խոստովանահայր, ա-
 պա երկերուք յանձանց և ՚ի հաստա-
 ստութենէ ուխտին ձերոյ, և այս իսկ եր-
 կիւղ քաջ յարդարեսցէ զայն դարձ, և
 զուխոսս ձեր անջրելիս հաստատեսցէ :



ՃԼՈՒ ԵՆՆ

Ի վերայ հոգոյն Տոլորութեան՝ որ շօրացեալն է
ի ժամանակիս ։

Բողոք է ընդհանուր ՚ի բերանի ա-
մենեցուն յաւուրս մեր, յամանց բար-
բառով ձայնի, և յայլոց գրով ձեռին
հրատարակեալ թէ գոգցես իմն յաշ-
խարհէ աստի տարագիր է լեալ քան զա-
մենայն գեղեցկագոյնն և սիրելին յառա-
քինութիւնս՝ երախտագիտութիւն. և
ասպերախտութիւն հակառակ նմին՝ աստ
գարշելի՝ իշխէ և ճոխանայ բռնաւոր
արքայութեն ՚ի միաս և ՚ի սրտի մարդ-
կան ։ Սինչ զի որպէս երբեմն դարբն ան-
ցեալք կոչին ՚ի մէնջ դար վաշխուց և
նենգութեանց, դար վրէժխնդրութեց
և հարստահարութեանց, դար անպար-
կեշտութեան և խառնակեցութեան .
նոյնպէս և արդի ժամանակս ամենայն
իրաւամբք կարէ կոչիլ դար ասպերախ-
տութեան, մինչև առնել ումբ շնորհս,

և առնել զոր ասպաշնորհ, յայժմու ժամու
նակիս երկօրին սոքա ընդ մի համար են :

Այլ զխմորդ, և չիցէ՞ այս դար՝ ժա-
մանակն այն, զոր ոչ անսպասեհ լինչէ կու-
չել դար սակեղէն. մարդիկ կրթականք
և լուսամիտք՝ խղեալ յանձանց զլուծ-
կանխակալ մտահաճու թէց ամացն ան-
ցելոց, դէմս եդեալ դնան ՚ի սկզբնա-
ւոր ազատութիւնն, և կանոն դնեն ան-
ձանց զարդարն և զսպարկեշտն՝ օրինօք
անկեղծութեան, զոր նոյն իսկ բնութիւն
օրինադրէ ունիլ առ իւր անձն և առ
ընկերս ՚ի կենցաղական ընկերութեան :

Օ խմորդ ասպա այսօքիւք գեղեցիկ ըս-
կըղբամքք, փրկագործ առածիւք, զորս
դիւրաւ ուսան, և կամակարուց ներ-
հմտացան. զխմորդ ասպա ընդ հակառակն
առածիցս սյսոցիկ և վճռոց դործեն,
սղծելով յաճախութեամբ անատ զի հա-
րածոյ ապերախտութեան. այլ չէ՞ հնար
ուրանալ զայն, զի առաւել յաւուրս
մեր՝ քան յաման առաջինս անշնորհա-
գէտ է մարդս և ասպառում :

Ի՞նչ որք և ամենայն իրաւամբք ցուցանել հնարին է, թէ գուցէ այս վասն այնորիկ է, զի զհետ կրթելով զսկզբնական աղատութեան, ՚ի տես աչաց ունել կամելով զկանոնս, այլ միայն զբնաւոր անկեղծութեանն, յաչաց նորա վարիպենն առածք և վճիռք կաթուղիկէ հաւատոց : Այլ զի՞նչ շնորհակալու լինցի եղբարց իւրոց այր այնպիսի՝ որ անշնորհակալու և անձանաչող է երախտեաց Աստուծոյ իւրոց հօր, և ամենաբարի բարերարի . որ ապառուժ է և անխրատ առ եկեղեցին՝ մայր իւր և յանձանձիչ :

Հաճոյ թուեսցի ձեզ եղբարք սիրեցեալք, առաջի աչաց առնուլ և զըննել ընդ մեզ զայս ապերախտիս մարդոց առ Աստուած բարերար, զի և դէպք իրացն չմարթի լինել քան զաւուրս քաջադէպ, յորում մեծահանդէս տօնեմք զփառաւորեալ յիշատակ մեծի շնորհին՝ զոր արար Տէր բարեգութ . որ էջ յերկնից ՚ի յերկիր, էառ մարմին մարդկայ-

ին, և եղև մարդ վասն մեր և վասն մերոյ փրկութեան, «\ը վասն մեր մարդկան, և վասն մերոյ փրկութեան իջեալ յերկնից . . . մարդացաւ » :

Օչ այս անշնորհակալութիւնն հաճոյ է մեզ ազդ առնել ձեզ անշփոթ յատկութեամբք ՚ի հոգի մուրրութե՛ն, զորմէ ասել կարեմք, թէ իշխանն է մերոյ դարուս :

Եկն Տէր յաշխարհ, և մարդ եղև ըսքանչելեօք գթութեան ՚ի լրումն մեծի գործոց փրկութեան մերոյ : Օգեցաւ և մարդ՝ ըստ իւր մարթելոյ՝ հոգի մի, ուրով ճգնի քանդել զայս գործ, և գործել յանձին և յայլս շինուած հոգևոր կործանման և կորստեան : Եւ հնար է մարդոյ գիտել կամ իմանալ անշնորհակալութիւն մեծ քան զայս :

Եյս այնպիսի ինչ նախադրութիւնն է, որ զոր օրինակ զմեր նախանձ՝ նոյնպէս և զձեր ուշ մտաց գրգռել արժան է յունկնդրութիւնն :

Եթէ յընթացս բանից մերոց ստանամք անձանց թշնամիս, որպիսիք գու-

ցէ ոչ գտանին աստ, այն է՝ մուրեցուցիչք հոգւոյ անշնորհք առ Աստուած և առ մարդիկ, այս առ ՚ի զգուշացուցանել է զձեզ և վառել ՚ի ձեզ փափաք զբարւոյ ձերմէ :

Արտաքոյ է ամենայն երկուանաց, զի միշտ եղեալ են յաշխարհի բաղմութիւն արանց՝ որք օրինակաւ իւրեանց ապականեն զբարս այլոց : Այլ ուշ գիւք ՚ի ճիշդ նշանակութիւն բառիս՝ Մուրեցութիւն, զորմէ խօսիմ. խօսիմ զհոգւոյ մուրեցութենէ, որ բուռն է և զօրաւոր քան ըզմեղս, որ համողէ և եթ, և ընդ քարշածէ գոգցես առ չարութիւն՝ պէսպէս եղանակաւ գունագեղեալ զնա և սլաութուակս բարւոյ զգիմօքն արկեալ :

Ան մարդոյն կրկին սրահասպանք անմեղութեան նորա, ասէ Ուգսն Բեկտորեան, երկու արթուն գէտք կելոյ նորա ուղիղ և յանեղծութեան. արտաքին դատաստան այլոց՝ և ներքին դատողութիւն անձին. «Արկու են վկայք՝ կեանք և խղճմտանք. առաջի Աստուծոյ

է խիղճն , և առաջի մարդկան կեանք » :

Այս ներքին ազդեցութիւն խղճի , որ է խայթոցն այն՝ որ բանայ զաչս մեղուցելոյն տեսանել յոր վտանգ թակարդեցաւ պատրանօք . և թէ տեսող է այնմ Աստուած , ակնառու վրէժխնդիր յանցուածոց : Այս խիղճ է , որով մաքուրն Շուշան յանուանէն և եթ անպատկառութեան դողացաւ : Այս է՝ որով արդարն Յովսէփ փախեալ յերեսաց մեղացն :

Եթէ բարձցի 'ի մարդկանէ այս ներքին ազդեցութիւն խղճի , եթէ հալածեսցի 'ի նմանէ այս դէտ և պահասարան բարեկեցութեան նորա , և հեղձուցիկ լիցի սարսափ մեղացն՝ և երկիւղ պատժոցն . 'ի մէջ անցանէ բուռն մոլորութիւն՝ զի այսպէս ասացից , և զօրաւոր , որ ընդ քարշ տանի 'ի չարիս գործել : Այս է որ կարի յաճախութեամբ տեսանի յաւուրս մեր յարս այնպիսիս՝ որք ոտնփոխի իւրեանց առնուն առաջնորդ զնորահնար պաճուճանս , զհամարձա-

կու թիւն , զվարս , և սորօք նախ անձամբ
զանձն զառածանէ , և ապա զայլս :

Չիցէ՞ ճշմարիտ , զի ոմանք 'ի մէնջ ա-
պաւինեալ 'ի վճիռս ինչ իբրև յառաջ-
նորդս , որք ընդ շաւիղս անձանօթս ե-
կեալ հասեալ են առ մեզ , խօսին և գոր-
ծեն հաւանեցուցանել անձանց բարւոք
խօսիլ և բարւոք գործել զմեզս . կամին
ոչ միայն թոյլտուութիւն ունիլ մեզան-
չելոյ , այլ և փաստս ըստ Ասկրանտիոսի ,
քաջախորհուրդ կշռադատել զպատճա-
ռըս , և խորհրդով գործել . « Կամին ե-
րևիլ մեղուցեալս , ոչ ներմամբք միայն՝
այլ և իրաւամբք » :

Ոչ իցէ՞ ճշմարիտ , զի յաւուրս մեր
ոմանք ըստ սրբոյն Ախպրիանոսի՝ « Ոչ 'ի
մեղաց քաւեն զանձինս , այլ նոյն իսկ
մեղացն կանգնին ջատագովք » : Ոչ որ
անձին պաշտպանել կամի 'ի մեղաց , այլ
գովեն հրճուանօք . ընդ այն և եթ ստրը-
ջացեալք , զի անագան ուրեմն ծանեան .
և զի չէ՛ միշտ առ ինքեանս մնալոց . « Ոչ
'ի մեղաց քաւեն զանձինս , այլ նոյն իսկ

մեղացն կանգնին ջատադուլք 7 :

Կամք են ումեք վրէժս պահանջել, այլ վասն այնորիկ՝ զի աստիճան պատուոյն և ազնուութեանն զայն պահանջէ : Հաճոյ է ումեք խենեշութեամբ կեալ, այլ վասն այնորիկ՝ զի կայտառութիւնն զայն հրամայէ, և հասակին ոյժ յայն միտէ : Հասիշտակեն զայլոցն վասն այնորիկ՝ զի այնպէս վայելէ զարդուն . յաջողակութիւնն առ այն ձեռնտու է, նորոց սու վորութիւնն, բնաւորութիւնն . խընդրին ամենայն պատճառք վտանգաց՝ Գլտանել առ իթս խստանալոյ . ամենայն պատրանք, իմաստակութիւնք յաճախեն առ ՚ի մնալ անշարժ ՚ի խստութեան իւրեանց : Օհետ գայ մեղսասէրն զհետոյ խառնակեցիկ ընկերին և ազաաին՝ առ ՚ի յարմարել զիւր գործ ընդ նորայումն . և քաջ և ս լինել յոճրագործութիւնս առ եղեռնաւոր ընկերակցութեան իւրոյ ընդ այլ անպատկառ զաղրագործս : Առ նոյն իսկ մեղանս փոփոխութիւն առնեն անուանց բառնալ զլատ համբաւն՝

որ ատելիս առնէ զնոսա և նողիալիս յա-
 ջըս այլոց . և անուն տան նմա զբաջու-
 թեան չիմանալ զկշտամբանսն զոր ազդէ
 'ի սիրա քրիստոնէի կրօնն՝ որ սլահանջէ
 յարգութիւն սրտի :

Յատկապէս երևի , զի զմեզսն որք
 չեն այնչափ զազիրք , խաղալիկ տղայոց
 համարին , և գործս ապուշ և փախած
 մարդկան : Թուի նոցա թէ չիք հանգիստ
 այնմ , որ ոչ ընթացի ընդ հեղեղալայ-
 րըս անօրէնութե , որոյ ոչ իցեն բուռն՝
 զազրութիւնք անկարգ , առփանք , հե-
 տամտութիւն փառաց՝ եռանդնոտ և
 կաշմբուռն , զեղծ դատարկապորտութի ,
 սէր խօլական , զեղծումն վարուց արձա-
 կերասան . կարծեն թէ ոչինչ է վիշա ,
 բայց խոկումն՝ թէ անմարթ է յերկա-
 րել զկեանս ցանմահութիւն , զի անվախ-
 ճան իցէ ժամանակ չարութեան նոցա :

Որպէս սուրբն Գրիգոր վկայէ զ-
 մանց . « Արամին կեալ յաւիտեան , զի յա-
 ւիտեան մեղիցեն » : Ապա ամէք զմտու-
 առ 'ի ձեր օգուտ , առաջի աչաց նկա-

րեսջիք զսպասկերն , զոր իբրև 'ի հայե-
 լսջ ցուցանէ ձեզ սուրբն Օգոստինոս
 'ի խոնարհ խոստովանութեան իւրում .
 և տեսէք , գոնէ զուրուական ինչ նկա-
 րագիր նորա ունիցիք յանձին , որք գո-
 նէ ըստ մասնէ նմանեցուցեն զձեզ նոյն
 իսկ անձանց ձերոց : « Այս , ասէ , յամաց
 » անտի առաջնոց աղայութեան իմոյ թո-
 » ղի զշաւիղս քո Տէր գնալ ընդ թիւ-
 » րեալ ճանապարհս անառակութեան .
 » և առ մեղմել զախոսս մեծամեծս , այլ
 » չառի ինձ զիմ գնացս առաջնորդ , այլ
 » զհամարձակութիւն . և մնացի մինչև
 » ցայն օր 'ի խաւարի , յասպականութե
 » և 'ի կուրութեան : Օգանօրէնութիւն
 » իբրև զջուր ըմպէի . և յայնպիսի վի-
 » ճակ անարգութեան հասեալ էի , զի
 » հաճոյք իմ 'ի մեղս էր , և 'ի նոսին սար-
 » ծէի , և ցաւ էի՝ զի չէի անզգամ , որ
 » չափ այլք ասէին լինել : Ամօթ հա-
 » մարէի անձին ոչ գիտել յառաջանալ
 » մինչև 'ի ծայրագոյն աստիճան անսանձ
 » ցովութեան . և յօրանայի 'ի նոսա ոչ

„ առ հաճոյից և եթ անձին , այլ և զի՛
 „ մեծահաշակ եղէց , և անուն մեծ ըս-
 „ տացայց ՚ի դմին զարգացման , և գո-
 „ յլեստ մեծ ընկալայց յայլոց . և ց յիմա-
 „ ղու թիւն հասանէի , պարծեցեալ և
 „ զոչ գործելոցն իմոց մեղանաց , առ ոչ
 „ համարիլ յանամօթութեան երկրորդ
 „ առ այլովք՝ յետս կալոյ ՚ի պատկառելի
 „ ինչ գործոյ ” : Ահա՛ զգե՛նուլ յանձին
 հոգի մոլորութեան . ահա՛ աշխատիլ ՚ի
 շինուած կորստեան անձին և յաւիտե-
 նական հոգևոր կործանման : Ահա՛ քա-
 կել զգործ իւր յաւիտենական փրկու-
 թեան : Ահա՛ անշնորհակալու յայսինել
 ընդդէմ երեսաց մեծի բարերարին ,

Այլ ոչ աստ միայն մնայ հոգին մո-
 լորութեան : Այլ, զի՛նչ է այն՝ որ յառաջ
 մատչի զկերպարանս քրիստոնէութեան
 նշմարել , մարդ՝ որ առաջնորդ ունի ինչ
 քեան զհամարձակութիւն՝ զնորութիւն՝
 զսովորութիւն , ոչ կարէ շատանալ մե-
 ղօք և եթ . կամի՛ զի իցէ այն ճարտա-
 քահնար՝ գեղեցիկ՝ բաւական լինելոյ օ-

բինակ այլոց, կամի առաջի դնել աչոց
ամենեցուն զբարս իւր առ ՚ի հրապոյր
և ՚ի գաղտփար, զի և այլք զնոյն կալ
ցին ճանապարհ «Տոտ ազգեցութեան
սատանայի» . Բ . ԹԷՄ . Բ . Ծ : կամի սեր
մանացան լինել անօրէնութեան, հաւա
քել ապա արգասիս չարութեան, և ամ
իրաւամբք անձին սեղհականել զհան
գամանս մարդոյն մոլորութե՛ն, կամ լաւ
և սասել՝ «Մարդոց մեղաց» . անբ . Բ . Ծ :

Վիզաբանութիւնք ինչ համարիցին
այսոքիկ առ ՚ի զարհուրեցուցանել ըզ
ձեզ . տացէ Տէր, զի յապացոյց այսր ա
մենայնի՝ զոր դառնութեամբ և կոծով
սրտի ասեմ, մի գտցին չարաչար օրինա
կըք յաւուրս մեր ՚ի մերում քաղաքի,
՚ի դմին իսկ ՚ի մեր քաղաքացիս : Տացէ
Տէր, զի մի գտցին ոգիք զգայասպաշտք՝
ջեռեալք սրանծալ ըստ զառանցանս իւ
րեանց, անպատկառք առ ՚ի հրատարա
կել զայնս իբր գործս երևելիս և վսե
մականս . մտադիւրք սէսպէս գեղեցիկ
երանգօք գունաւորել զնոսա, անիրաւք

և չմարդիք, ոչ բարւոք առնուլ 'ի կիր
 զիշխանութիւն իւրեանց, զզօրութիւն
 և զհանճար, առ 'ի և զայլս ածելոյ 'ի
 շաւիղս մօլորութեան, 'ի զեղծումն վա-
 րուց, 'ի խառնակ վարս, վայելել զայ-
 լոց զյաւիտենիցն զկենաց վաճառ՝ ա-
 նօրէն գնով յաջողուածոյ նոցա : Առիք
 խառնաղանջից, որոց արդիւնք են գործք
 անկրօնութեան, բարք նոցա օրինակք
 մօլեգնութեան, առածք նոցա վարդա-
 սլետութիւնք եպիկուրեան, զեղխու-
 թիւն և աստականութիւն, վարդասլե-
 տութիւնք հանեալք 'ի ժանտաժուտ
 մատենից ինչ, որք նորօրինակ գրակա-
 նութիս յօրինեցին, որք իւրեանց ուս-
 մամբք պանծան սրել զհանճար, այլ ար-
 դիւնք նոցա եղծ բարուց է և խառնա-
 կեցութիւն անհնարին :

Սիրելիք իմ, 'ի գործոց անտի ծանի-
 ջիք զնոսա : Անդէն ընդ ելանել օրիոր-
 դի ումեք յազնու ապաշտ առանձնութե-
 նէն, համարի 'ի կարծիս հանճարեղաց
 ըստ լեզուի այսր ժամանակի, զի եթող

զմտածու թիւնս , զքարեպաշտու թիւն ,
 զաղօթս , զընթերցումն ջերմեռանդն
 դրոց , զյաճախուրդ յընդունելու թիւն
 խորհրդոց . և թէ հնար ինչ իցէ՝ ելաւ
 նել նմա նա և ՚ի սահմանաց ամօթխա-
 ծու թեան , յոր աշխատին փութով խնա-
 մովք ըստ առաքելոյն՝ « Ամենայն պատ-
 րանօք ննիրաւու թե » . Բ . Թիսս . Բ . 10 :

Այն ինչ մտանէ պատանեակ որ ՚ի
 քաղաքական ընկերութիւն , և ահա այր
 որ յարանուանելոյ անտի հանձարեղ ա-
 րանց ճգնի բառնալ ՚ի նմանէ « Օյն-
 հարթ կեղևանս կանխակալ մտահաճու-
 թեանց » . զի յայս անուն կոչին առ նո-
 սա հրահանգք քրիստոնէութեան՝ զոր
 ընկալեալ իցէ նորա յառաջին ամս կե-
 նաց իւրոց : Աւ այնչափ մալորեցուցա-
 նէ զնա և զառածանէ , մինչև նկարա-
 գրէ ՚ինմա զհամարձակութեան նախա-
 գիծս , զհեշտին կենաց և զնորասիրու-
 թեան ընդ ապականեալ և խանգարեա-
 լն աշխարհի . « Ամենայն պատրանօք ա-
 նիրաւու թեան » :

Ո՛վ հողիք արդարք, անմե՛ղ ազաւ-
նիք, որք լսէքդ ինձ, և որ ընդդէմ
այսմ մուրրութեան և անիրաւութեան
ախոյեան կանգնիք, աղէ՛, փակեցէք զա-
չքս ձեր մի՛ հայել ՚ի յաղճատեալ և ՚ի
զառանցեցուցիչ օրինակս. խցէք զա-
կանջս ձեր առ բանս մուրրութեան, մա-
նաւանդ փախերուք ՚ի յափշտակիչ վա-
րուժանակաց անախ՝ որք որսալն կամին
զձեզ. « Արողայթս իբրև զվարմս հաւ-
որսաց կանգնեցին ապականել զմարդիկ» .
Լըբ՛ճ. Ե. 26. և պատասխարեցարուք ընդ
հովանեաւ անմեղութեան ձերոյ : (Ս)է-
պէտ անյուսալի է թէ այդ որսորդ հու-
գւոց այդչափ դարանօք և նենգանօք
յայդ անօրէն գործ պատաղեալ՝ բարձ-
ցէ ամենև ին ՚ի մտաց զլսէթ վտանգին .
զի չիք հողի պարզամիտ՝ որ ոչ ծանիցէ
զվիհն՝ յոր թակարդեցան կանուխ կամ
անագան . ոչ որ անդգոյճ՝ որ ոչ խաբիւ-
ցի . ոչ երկչոտ՝ որ ոչ զարհուրեսցի . ոչ
յերկուոտ և կասկածաւոր՝ որ ոչ որո-
չեսցէ զտարակոյսն, և ոչ դահալլիժես .

ցի յանդուհուս և ՚ի գրգանս կորստեան,
 « Ամենայն սրտորանօք անիրաւութե » :

Ո՛վ զառանցեցուցիչք , գործարանք
 սատանայի , ամենեքեան ներկուռք ՚ի կա-
 տարել զսկսեալ գործն , և տապալել ըզ-
 շինուածն մեծ՝ զոր ծնեալն Յիսուս եկն
 շինել ՚ի մեզ . « Չոր դուն շինեցեր , ա-
 ւերեցին » . Սաղ. Ժ . 4 : Այսօրիկ են
 արգասիք առածոց ձերոց և վարդապե-
 տութեանց : () գուռն սորա են՝ զոր
 բնաւորական կանոնք անկեղծութեան
 սագրեն մարդկային ազատութեան : Այս
 յաղթանակ է ազատութեան :

Արեւեր երբեմն մեզքն գննէ իւրով
 բնաւոր տգեղութեամբ , և կոչէր ըն-
 կերս միայն յաղագս հեշտութեանն զոր
 ընդ իւր ունի , այլ ոչինչ ունէր ապա
 յարգ և պատիւ , զանխառութիւն իւր
 անձամբ խոստովանէր :

Այլ այժմ ձերովդ ճարտարելով ո՛վ
 մոլորեցուցիչք , և վճռաւն զոր դուք
 հնարեցէք մոլորեցուցանել զանձինս , և
 յայլ և ս տարածեցիք դայթակղեցու-

ցանել զձեր նմանիս , զձեր եղբարս :
 Այժմ պատու իրանազանցն լինել՝ քաղա-
 քավարու թիւն իմն է վարկուցեալ , և
 զդէմ վեհու թեան առեալ ունի և զնու
 բաձեու թեան . անձնապանծ սիգայ , և
 դատի լինել իրաւունս ինչ խաղաղական
 ստացու թէ՛ իւրաքանչիւր ումէք զիւրն .
 և պարծի գոգցես իմն ընդ մտաց հա-
 ճոյս՝ որք իրաւացի վարկանին զայն :

Արդարեւ այդսիսի մօլորու թեանցդ
 ազգ համարէր երբեմն սեպհական ժո-
 ղովրդոց՝ անարժան գլուխ ամբառնալ
 առաջի աղնուականի ուրումն սեպհոյ
 կամ մեծազգի տիկնոջ :

Այժմ գլխաւորապէս ում արժան ի-
 ցէ յարմարել զբանս մարգարէին . « Որո-
 գայ թք եղերուք դիտանոցին » . Ուլէ . Ե . 1 :
 Արդարեւ որոգայթ եղեր այր կանամբի ,
 և ոչ յաննչան ինչ ազգէ , տածելովդ ըզ-
 կնոջդ համարձակու թիւն :

Մայր՝ որ մօլիսդ առաջի դատերացդ .
 որոգայթ դու՛ այր պալատական , որոյ
 հոգք միշտ ՚ի խաղարկու թիւնս են , ՚ի

դննին պէսպէս տեսարանաց . ոչ երբէք
յեկեղեցի դնացեալ 'ի տես պատարագի
և 'ի լուր քարոզի , ըստ որում հարկ 'ի
վերայ կայ կրօնիս մերում :

Տիրուհի և դու որոգայթ , որ ըստ
հաճոյից ունայնասէր կամացդ շքեղս
զգեցեալ՝ անհոգ գտանիս 'ի սլահպա-
նու թիւն համեստութեան :

Որոգայթք դուք , « Որոգայթք եղե-
րուք դիտանոցին » . այս , զանկեղծու-
թեան և զվայելչութեան օրինաց զհետ
եղերուք : Այն վայելչութիւն լիցի յա-
ւուրս մեր մոլութեան սանձ , թէ ուս-
մամբք և վարդապետութեամբք ձերոց
ուսուցչաց անմտութի համարեցի յար-
գել զվայելչութիւն :

Օ ինչ վայելչութիւն յանսարկեշ-
տութեան անդ , ուր ինչնչ ամօթ և ոչ
սլատկառանք : Օ իմրդ հաւանելի է թէ
վատանուն իցէ մոլորութեանն ճանա-
սպարհ , ուր հզօրացեալ բռնութեան
յինքն ձգեալ առարկանէ զանմեղ հու-
գիս՝ առնել զնոսա մոլիս :

Ո՛վ պահապանք Երուսաղէմի, մար-
 գարէք Իսրայէլի, պաշտօնեայք բարձ-
 րելոյն և եկեղեցւոյ, ընդդէմ պար յար-
 ձակման և կատաղութեան մոլորութեան՝
 ախոյեանս կանգնեցարուք իբրև սիւնս
 երկաթիս և որպէս խարիօխս պղնձիս :
 Այլ զի՛նչ, եթէ ոմանք յեկեղեցականաց
 կորուսեալք զիւրեանց ուշ՝ զառածեալ
 և յայս պղծութիւնս ժամանակիս վա-
 րակեալ իցեն՝ ՚ի հոգւոյ անտի մոլորու-
 թեան կալեալք, եթէ ագահեալք յիւ-
 րեանց սպասահարկութիւն առ սրբա-
 րանաւն և սեղանսփն և սրբով խորա-
 նաւն՝ հաղորդ լիցի պղծոց դադտնեաց
 և սեղանոց և խորանաց : Այլ եթէ զխստամ-
 բեր վարուց վարդապետութիւնս յա-
 ռածս առցէ կատակել առ այլս՝ համա-
 ձայն երգիծանօք, և անզուսպ վարուք,
 և անձամբ իսկ, ազէ՛ աղաչեմ զձեզ,
 քող արկէք զայդու պղծութեամբ սրբ-
 ութեան տաճարիդ :

Առ ձեզ դարձուցից զբանս իմ ար-
 ժանաւոր եկեղեցականք քաջածանօթք

առ մեզ, որոց թիւ չէ կարճեալ սղոր-
 մու թեամբն Աստուծոյ և ՚ի մեր քաջա-
 լերու թիւն յայսմ պայծառ քաղաքի. առ
 ձեզ՝ որք առ հրահանգս մեր դիւրան-
 սացք էք, ՚ի վարս ձեր անարատք, և ՚ի
 կատարումն գործոյ ձերոյ անվաստակք
 և անպարտասելիք: Հնապա, ըստ քաջաց
 ճակատ յարդարեցէք, կռիւ մարտի տուք
 ընդդէմ անօրէն և մոլորեցուցիչ օրի-
 նացն: Ի մեծ գործս յայս ընկեր կալա-
 ըուք ընդ ձեզ և օգնական զազնուա-
 կանսն՝ որք բարեպաշտութբն են նշա-
 նաւորք, որք ոչ վստահին ՚ի համարձա-
 կութիւն որդւոցն Բեւիարոյ. որք ոչ
 միայն բնական օրինաց անարատութեան
 և անկեղծութեան ակն ածեն, այլ և
 զառաժս և զվճիռս քրիստոնէութեան
 մեծարեն: Իսկ որք եզրիցին սոքա առա-
 քինութեան՝ առ ՚ի և զայլս ուսուցա-
 նելոյ: Ինչ ձեզ միացեալ թումբ կան-
 գնեսցեն ընդդէմ յորդահոսան հեղե-
 զաց մոլորութեանցն՝ որ գնայ դարիւ
 և դարիւ: Արպէս զի և ՚ի սմին դարու

անչնորհակալութեան իցէ որ՝ որ զիւր
չնորհագէտ երախտապարտութի յայտ-
նեսցէ առ հասարակաց ծայրագոյն բա-
րերարն, որ էջ յերկնից յերկիր վասն
մեր, և վասն մերոյ փրկութեան :



Ճ Լ Ռ Ժ Բ .

Յաղագս հոգւոյ հակառակութեան, որ զօրա-
յեալ է ՚ի Ժամանակս :

Կորոզել ՚ի միտս քրիստոնէից ըլլ
հրաշալի գործ փրկութեան մարդոյ, զոր
Աստուած և մարդն Յիսուս կատարե-
լագործեաց, որ յարուցեալ ՚ի տապա-
նէ գերեզմանին փառօք՝ ծանուցաւ ա-
ռաքելոց, և ՚ի հաւատս հաստատեաց
զնոսա, և իւրով առաջիկայութեամբն
աներկբացս արար զնոսա, և քաջալերեաց
զնոսա բանիւք իւրովք հաստատել ըլլ
նախնի հաւատացեալս, զի և օր ըստ օրէ

աճեցին և բազմացին հաւատացեալք
 'ի նա և յեկեղեցի սուրբ, զոր հաստա-
 տեաց կալ միշտ իւրովք օրինօք ընդ վար-
 չութեամբ իւրոց հովուացն . . . :

Այս նորոգութիւնն ասեմ յիշատա-
 կի՝ է՛ զարթուցանել զմիտս ազնուակա-
 նրս և ջերմեռանդս : Այս՝ զարթուցա-
 նել է՛ զփափուկ, զգիրգ և զքաղցր հա-
 ճոյս՝ յաղագս մեր բարերարելոցս շնոր-
 հակալութեան առ Աստուած բարերար
 և առ Եկեղեցի : Այս այս այն իսկ է,
 յոր խմբեալ եմք կատարել զսերկեան
 աւուրս հանդէս :

Արեւի եղբարք, թէ արդարև իցեմք
 'ի թուոյ անտի գրեւոցն 'ի դպրութեան
 կենաց, թէ ունիցիմք իրաւունս որդե-
 գրութեան 'ի ժառանգութիւնն երա-
 նական, թէ անգամք իցեմք եկեղեցւոյ՝
 յօգեալք 'ի մի մարմին ընդ բազում ե-
 րևելի անձանց, որք հաւատացին 'ի հան-
 դերձեալ Քրիստոսն, և որք հաւաասն
 յեկեալ Մեօփայն, հանդերձ հոգւովք
 արդարոցն կատարելոց, չիցէ՞ ոյս՝ պա-

տիւ այնպիսի՝ որ գերազանցէ զամենայն պատուովք :

Թէ աշակերտք եմք Յիսուսի Քրիստոսի, լուսաւորեալք լուսով հաւատոց, բուժեալք յաւետարանական ճառագայթքս, հրահանգեալք յանփոխադրելի ճշմարտութեան կրօնից, և միով բանիւ՝ զի քրիստոսն է այք եմք : Անուն շնորհեալ է մեզ յԱստուծոյ, գնեալ վասն մեր ՚ի Յիսուսէ Քրիստոսէ գնով արեան իւրոյ, յոր վերածնանիմք ՚ի ջուրսն մկրտութեան. չէ՞ այս անհամեմատ երանութիւն : Ար աղնուութիւն ճննդեան, ո՞ր բարձրութիւն աստիճանի, ՚ի յարգանս, ՚ի պատիւ, յանուանս հնարեալս առ պայծառս յարդարելոյ զմարդիկ կամ զազգատոհմն, ո՞ր յայսցանէ ՚ի կշիռ գիցիլնդ այսմ շնորհի :

Արդ եթէ կցորդք մերոցս կամաց լինիջիք, ոչ սակաւ շնորհս ունել արժան է մեզ զԱստուծոյ Հօրէ՝ որ եղև մեզ գերագոյն բարերար շնորհատու, զմօրէն Եկեղեցւոյ՝ որ բարեզգոյշ պահպանն է :

Այսպէս արժան էր լինել արդեամբք, այսպէս եղև և յաւուրսն առաջինս. այլ ո՛վ օտարալուր հրէշիցս, չև ևս է այլ այսպիսի յաւուրս մեր առ ոմանս 'ի քըրիստոնէից, որք այլ խորհուրդս 'ի միտլս իւրեանց յածեցուցանեն, որք առաջի ունիլ պանծան զկանոնս՝ որ 'ի բանէ և եթ թելադրին յաղագս բնաւորական զգաստութեան, և կորուսեալք և վրիպեալք են 'ի վճռոց և 'ի սլարատեաց քրիստոնէութեան :

Ի սմին ժամանակի անպատմելի իմնցնորիւք ոմանք 'ի քրիստոնէից, ոչ շատացեալք անշնորհակալու և եթ գտանել առ Աստուած հոգւով մոլորութե, զորմէ ոյր երբեմն յորժամ դէպ եղև՝ խօսեցաք, անշնորհակալուք ոմանք նոյնպէս և առ սուրբ Եկեղեցի գտանին հոգւով հակառակութեան ընդդէմ ամենայնի՝ որ եկեղեցական գահապետութի իցէ, կամ անձինք, կամ իրաւունք, կամ ինչք եկեղեցւոյ, զորոյ ըստ որում կարծիք են, կամին իսպառ բառնալ

յերկրէ զանունն և զյիշատակ, հաստա-
տելով միշտ զհասարակաց զայս բողոք,
թէ ժամանակս այս դար է անշնորհա-
կալուաց :

Առ զգուշացուցանել զձեզ ոգիք սի-
րելիք, եռայ յայսմ ետեզ իմ նախանձ
աղքատին յառաւօտուս, զգուշացու-
ցանել զձեզ ՚ի վտանգէս, որ եկեալ հա-
սեալ է ՚ի վերայ հաւատոց ձերոց, և
սլարանել կամի զձեզ ՚ի հաղթս մուրրու-
թեան. որչափ, զի ՚ի նոցանէ իսկ է վը-
տանգդ՝ զորս ոչ թշնամիս ոմանս, այլ
սիրելիս և ընտանիս կարծէք այդմ հա-
ւատոյ ձերոյ :

Այլ ո՞վ արդեօք ՚ի ձեզ իցէ, որ զօր
ամենայն հեռի կայցէ ՚ի մարդկան ըն-
կերութենէ, և ոչ տաղտկասցի խօսիլ
զօր ամենայն վասն բանտարկեալ աղա-
տութեան, զշղթայից, զգերութեանց,
զլծոյ, զհալածանաց, զլլկանաց : Այլ ուս-
տի՞ գերութիւնքս այսօքիկ. շղթայքս
յորմէ՞ տեղւոջէ. միք հալածիչք, և հա-
լածանացդ ո՞վ սպանդ : Թուի թէ դարբ

խոգժոռթեան արդէն իսկ անցեալ ի-
ցեն. չիք այլ ևս լսել ուտեք զանուանս
կոտորածոց, զքսամների անուանս զոյ-
նոսիկ. չիք ուստեք դոռ մարտի յարու-
ցեալ՝ զբրիստոնէական խաղաղութիւնն
վրդովել: Արդ փոխեալ թուին դարք և
բարք. յաշխարհի սէր թագաւորէ՝ և ոչ
հեռ. հեղութիւն՝ և ոչ բարկութիւն
կամ հալածանք:

Այլա ո՞րպէս, եթէ լսէք ձայնի նոր
դրագիտաց մերոց՝ հալածիչ է եկեղեցի.
ողորմագին տառապեալք են մանկունք
եկեղեցւոյ նուաճեալքն և հնազանդ-
եալք եկեղեցւոյ, և երկաթի լծոյ օրի-
նաց նորա, որ ծանրացեալ՝ ի վերոյ՝ ասոյ
նոցա մեծապէս բաղձալ աղատութեան,
որ ամենայն երջանկութեանց է աղբիւր:

Այկեղեցի՛ն, և ե՞րբ փոխեաց արդեօք
ղիւր բարս և զբնաւորութիւն: Յո՞ր-
չափ ժամանակաց հետէ թշնամի դար-
ձաւ որդւոց իւրոց՝ զորս խանդիւ սի-
րէր: Հնարք ուրեմն են սոքա, և գիւտք
թշնամեաց նորա: Ահա՛ այս է հրէշն ու

տարալուր , զոր անսպասուելի կոչեցի :

Թշնամիք եկեղեցւոյ կամին յաչաց հաւատացելոց հանել զնա . անարգանօք հային 'ի կամաւոր միութիւն , 'ի յօդն նուիրական , որ 'ի վեր ունի և զօրացուցանէ զնոյն իսկ հաւատս . յայն հըլու հստատակութիւն հաւատացելոց՝ զոր ունին առ հովիւս . . . որ պահասպանն են կարգիս այսմիկ և ուժի , զի բարձցեն 'ի բաց զհերձուածս և զանմիաբանութիւն : Յայն քաջայարմար միութիւն՝ որ պահէ զեկեղեցի յիւր վիճակին հաստատուն , որպէս եղև յերանելի ժամանակսն , յորժամ միաշունչ և միաբան էր ամենայն բերան , և սակասութիւն չէր հրաշալեաց ,

Այս չէ ինչ 'ի զարմանալեաց սակի . այլ զի և բրիստոնեայք՝ յիւրումն ճընեալք գաւթի , և աճեցեալք սրբովք խորհրդովք սորա՝ երկնեն հակառակութիւնս ընդդէմ նորա . այս է զարմանք անհաս 'ի մտաց . թէ էր աստ 'ի սոցանէ որ՝ կարէաք 'ի հարցփորձ մատչիլ առ նա

զայս օրինակ: Օ՛րնչ փնաս ընկալար դու
 'ի գթած սիրուն մօրէս, որմիք վշտօք
 հալածեաց զքեզ, նա զքեզ յաստուած,
 գիտութիւն յորդորէ և յանձին ծանօ-
 թութիւն, տալքեզ երանելի կեանս 'ի
 սմին՝ և 'ի հանդերձեալ յաւիտեանսն,
 բանիւն ճշմարտութեան բուծանէ ըզ-
 քեզ, ճարակս փրկութիւնագործս պատ-
 բաստէքեզ, զքոյսս մոլեբոյս թունաբերս
 քանցէ 'ի քէն: ՂԳ՛նի կարճնովին ջնջել
 յաշխարհէ զչարսիտավատ զեղխութի՛ն
 փնասաբեր հոգևոր բարւոյ և ժամանա-
 կեայ շահու քնաղաքական ընկերութե՛ն:
 'Նա՛ն է՝ որ ասպհովէ և պաշտպանէ զիշ-
 խանութիւն աւագաց ընդդէմ խորա-
 մանկութեան ժողովրդեան, պաշտպանէ
 և ժողովրդեան 'ի մոլեգին զրկանաց իշ-
 խանաց, ընդ շաւիղս առաքինութեան
 առաջնորդէ քեզ 'ի կեանս, ընկերէ 'ի
 մահուն իբր փեսաւէր տանել զքեզ առ-
 երկնաւոր փեսայն: Մ. յորքիկ են, որք ոչ
 ըստ քո կամաց են, այս պատճառք են
 սրտնելոյքո: Մ՛նդ այս ցաւի, նա և յար-

տօսը ցնդի . « Արդիս ծնայ , ասէ , և
բարձրացուցի . և նորա զիս անարդե-
ցին » . Լսայ . Ա . 2 :

Վիտեմք , զի ասէք սիրել զեկեղեցի
և յարդել զնա , այլ որպէս էր յերջանիկ
ամսն առաջինս : Վիտեմք , զի ասէք հա-
կառակիլ նմա ըղձիւ տեսանելոյ զնորո-
գութի նորա : Այլ եթէ դիտումն մտաց
ձերոց ուղիղ է , առ իմէ՞ այդպիսի թիւ-
րաթեք միջոցք . եթէ ձայն Յակօբու է
'ի ձեզ , զիս՞րդ զԵսաւայ ձեռս շօշափեմք :
Եթէ սիրտ ունիք բարեկամի , զիս՞րդ
բանք ձեր բանք են թշնամւոյ :

Այլ այս ամենայն չէ՞ ձեզ 'ի կշտամ-
բութիւն , Աստուած պահեսցէ զձեզ
սիրելիք , այլ 'ի լուսաւորութիւն . զի մեզ
արժան է յաւելլուլ 'ի բանքս և զա-
նուանս Առտերի ուրումն և Ապլիսոյ :
Եւ նորա պարծէին մաքուր լինել . կա-
մէին նորոգութիւն , այլ ատելութիւն
էր 'ի նոսա՝ և ոչ սէր , որ հզօրիչ էր
նոցա տապալել զեկեղեցի : Այլ թէ որ-
դիք էք եկեղեցւոյ՝ ընդէր զլանայք հա-

տուցանել զոր սլարտիք նմա, տառապե-
ցուցանէք զպաշտօնեայս նորա. խոչար-
կանէք ընդդէմ խորհրդական հրահան-
գացն. սպստամբէք յիշխանութենէ նո-
րա. արհամարհէք զնա 'ի մէջ ժողովը-
դեան. ընդէր կան տակաւին 'ի մէջ ձեր
վարդապետութիւնք դատապարտեալք
յեկեղեցւոյ, առ 'ի մէ՞ :

Վիտեմք, զի ձեր այս է արդարացու-
ցանել զանձինս. « Վնացք եկեղեցակա-
» նաց՝ զորս այսչափ 'ի յարգի ունիք և
» սլատուէք մեծապէս. նորանչանք են
» ամենեկին և ըստ այժմու սովորութե
» յարդարեալք, ոչինչ 'ի նախնեացն սու-
» վորութենէ անվթար սրահեալք » : Եւ
մեզ չէ՛ն կամք յիտել զայս. զի են և 'ի
մէջ եկեղեցականաց զեղծք բարուք, ոյք
զբարս ապականեն, և զպաշտօն իւրեանց
անպատուեն : Այլ ընդէր սակաւուց
յանցանք՝ ամենեցուն ընծային յիսպէս :
Անիրաւութիւն է զամենայն ամուսնա-
ցելոց շնացողս ասել, իբր զի այնպէս
են ոմանք. զվաճառականս ազահս համ :

բառել, զի ագահ են ոմանք ՚ի նոցանէ :

Այլ ճն անդր , այս ամենայն ձեր մտացծնոց խաբկանք են . կարդաւ որք մարմնազեղծք՝ չեն այնչափ յոգնաթիւք , եթէ ոչ յաւելցին ՚ի թիւ նոցա և դասալիքքն և վտարանդիք , և որք այնպէս կարծեցուցանեն զանձինս կեղծեօք :

Այնչափ յոգնաթիւք են՝ եթէ կամիջիք համեմատել ընդ նոսա , որոց վարք օրինակ շինութեան է այլոց : Չէն այնքան , եթէ և զպակասաւորս յայն թիւ ոչ հաշուեսջիք . ամենեքեան պակասաւորս խոստովանիմք զանձինս , այլ և աշխարհականաց իսկ հարկ է զանձանց զնոյն խոստովանել . “ Եւրանգաւորք սուտք , և հաւատացեալք սուտանունք ” ասէ սուրբն Օգոստինոս :

Ո՛վ եմք մեք , զի չիցէ ՚ի մեզ տկարութիւն և կարիք՝ մարդկայինք . և զի՞նչ զգեստ արժան է որդւոց Ագամայ առնուլ զանձամք ՚ի քօղարկել զիւրեանց թերութիւնս : Այլ թէ մի առ միով ըզլ թերութիւնս եկեղեցականաց ՚ի համար

արկանէք, ընդէ՞ր ոչ նոյնպէս և զնոցա
առաքինի գործս, զառաքինութիւն նո-
ցա՝ որք ըստ պահանջել գթոյ պատրաստք
են ամենայն ուրախութեամբ խորհուրդ
տալ՝ որում 'ի գահոյս է բազմեալ, և
քաջալերել զաղքատ առ կախաղանաւ,
մտանել միապէս 'ի մեծաշուք դահլիճս՝
և յանարուեստ խրճիթս. յայց ելանել
մեծափառ տիկնայց և պայծառ ասպե-
տաց 'ի տիրական ասպարանս նոցա, և հիւ-
ւանդաց 'ի չարահոտ անկեւանոցս, և
բանդեւոց 'ի մթին կապարանս :

Եթէ ոչ պակասաւ որք միայն, այլ և
քան զամենայն վատշուէրք ոմանք էին
ոմանք յեկեղեցականաց, հիմ զզառան-
ցանս նոցա՝ որք ձայնի Եկեղեցւոյ ոչ
լեն, 'ի վերայ արկանել եկեղեցւոյ մօր՝
որոյ ասպաշնորհ որդիքն են : Ի պաշտօնէ՞
նոցա է յայդ ոճիրս անկղիտանալ դոցա,
հաւանի՞ ընդ այն եկեղեցի :

Ի տան Դաւթի ոչ պակասին պագ-
չոսք ըստ Ամօնին, և ոչ ստահակք ըստ
Աբխաղոմոյ. այլ զի՞նչ վասն այնորիկ :

Տեսանի 'ի յանդս ընդ ատորք հասկին՝
 և որովանն աճել, այլ անհոգանայ ար-
 դեօք քաղել զայն . ոչ ձեռս զգաւաղա-
 նաւ արկանէ սլատժել զչարագործս ա-
 սանց ումեք բողոքելոյ : Այլ յայնժամ
 ապա բանայք զբերանս ձեր նախատել
 զմեծ անգթութիւնն զչարագործն սլատ-
 ժելոյ :

Ապա միաբանեցարձք և դուք ընդ
 նմա . հայեցարձք 'ի սրբազան եղանակն
 որով յիւրեանց սլատչաճեալ սլաշտօն
 հրաւիրէ զզարտուղեալն : Յայնժամ
 տեսջիք զայնոսիկ՝ որք ոչն այնպէս գնան .
 զայնոսիկ որք կեան որպէս զեկեղեցա-
 կանս, կենցաղին ըստ նախնի աւանդից :
 Չէ բաւական անուճ և զգեստ կրօնա-
 ւորի և եկեղեցականի՝ նախատել ձեր
 զնա, և յառակս առնուլ զնա, իբրև
 բարձրայօն ոմն 'ի մարդկանէ, և փարելի
 ամենեցուն : Այլ առ նոսա՝ որ ըստ նորա-
 հընար աւանդից գնան, և 'ի շաւղոց գլու-
 խաւորաց իւրեանց խոտորին, ակնածու-
 թի՛ ինչ առնել արժան է 'ի շնորհս լուսոյ :

Քանի՞ յանցանս եթող Աստուած 'ի Սողոմօն և 'ի Ռոբուվամ 'ի շնորհս Դաւթի՝ որոյ տոհմին շառաւիղք էին : Այլ դուք խորհեցեալք թէ այնպիսիք ոմանք են որպէս դուքդ կամիք՝ յորժամ 'ի նըպաստ ձեր միանան, ակն ածէք նոցա, և միայն այսու հաճելի լիցին ձեզ՝ յորմէ վիճակ նոցա կախեալ կայ :

Այլ ինձ 'ի զճար են այս ճգունք, և դուք հաստատուն կայք 'ի խորհուրդս ձեր : Այլեղեցականք անօգուտք են աւելք, մանաւանդ բեռինք են տէրութեանն և գերդաստանաց : Չէ՞ այսպէս, բարի . նոր դար սկսցի . 'ի միում վայրկենի եկեղեցականք 'ի կենաց կարճեացին . ջնջեսցին միանգամայն 'ի դպրութենէ կենաց : Ահա երկին նոր, և երկիր նոր :

Օրհնութիք 'ի բարբառոյս լաւաբարոյ և երկիւղած անձինք : Այլ և դուք թշնամիք եկեղեցւոյ, և դուք շուարիք ընդ խորհիլ իսկ շինալ աշխարհի առանց եկեղեցականաց : Այլ արդարեւ որպիսի՞

անչքութիւնն 'ի սուրբ տաճարս, զիաճող
 դադարումն աստուածային սաղմսեր-
 գու պաշտամանց՝ որ 'ի սուենջեան և 'ի
 գիշերի, ո՞րչափ նպաստից նահանջք 'ի
 գոհութեան խորհրդոյն առ ննջեցեալս,
 որպիսի՞ դադարումն աղօթից, պահոց,
 օքնութեանց, և մեռելութեան ան-
 ձին, զոր Նազիանդացին քաւութիւնս
 կոչէ աշխարհի :

Ո՞վ ընկալցի զնորածին մանկունս ձեր
 յեկեղեցի՝ ջրով մկրտութեանն, ո՞վ կր-
 օթեցէ զմանկունս, ուսուցէ և երա-
 խայտցուցէ : Ո՞վ արձակեցէ 'ի մեղաց,
 ո՞վ մխիթարեցէ զձեզ 'ի վիշտս : Այլ որ
 մեծն է, ո՞վ հաստատեցէ զձեզ 'ի վեր-
 ջին շունչ կենաց ձերոց : Քանի՞ աթոռք
 համր լինին 'ի համալսարանս, քանի՞ բեմք
 լուեն յեկեղեցւոջ, քանի՞ պաշտպանք
 եկեղեցւոյ 'ի միում վայրկենի կորու-
 սանեն զեկեղեցի, զկրօնս, և զվիճակ
 անձանց : Այլ հերետիկոսութիւնն յո-
 խորտ և ահեղագոչ 'ի մուրբեալ գա-
 ւառս՝ ո՞չ լինիցի արդեօք դշխոյ և թա-

գուհի, գրեթէ ոչ ուրուք լեզուի գտա-
 նելով որ վիճիցէ ընդ նմա, և ոչ գրչի՝
 որ եղծ զնմանէ գրիցէ : Անօգուտ են
 կրօնաւորք, և կեան միայն առ ՚ի ծան-
 րութիւն թագաւորութեան և գեր-
 գաստանսց :

Ինթեքցարուք զվէպս մօտաւոր ժա-
 մանակաց : Այլ որ ՚ի հակառակութիւնս
 կուսակից գտաւ տէրութեան, ՚ի կշիռ
 եզեալ զանձն և զկեանս, բայց թէ ե-
 կեղեցականք՝ անլուր օրինակօք սիրոյ և
 հաստատութեան : Գէնուա և Նէասո-
 լիս միշտ գիտակ են այսմ, և են հասա-
 րակաց արձանագիրք՝ որք սլատուեն ըզ-
 մնխիրս և բարձրացուցանեն զյիշատա-
 կրս եկեղեցականաց յաղագս քրիստո-
 նէական սիրոյ նոցա, զոր բոլորանուէր
 ընծայեցին յօգուտ տէրութեան :

Եւ անօգուտ են եկեղեցականք, ոչ
 ինչ յարգի են նորա յաչս ձեր, քանզի
 և հոգեորական բարիքն՝ որոյ են նորա
 մատակարարք, (զի արժան է մեզ համար-
 ձակ ասել, և հաստատել ճշմարտութի

մի՛ որ անհաճոյ է ունկնդրաց,) անարդ
համարին առ ձեզ :

Եթէ փոխանակ աղօթից, խորհրդոց,
քարոզից, և այլոց ջերմեռանդական սը-
նընդոց՝ տային ձեզ զիւրեանց եկամու-
տըս, զպարգևս և զհասոյթս, լեալ այ-
սու ճարտարք ոչ ՚ի խնամել և յանձան-
ձել հոգևորապէս զաղքատս Յիսուսի
Քրիստոսի. արդարև լինէին նոքա լա-
ւագոյնք ոմանք, բարեբարոյք և բա-
րեացապարտք տէրութեան, բարեկամք
ազգի մարդկան, և շնորհապարտք ըն-
կերական առաքինութեանց, և առ ձեզ
յոյժ սիրելիք և արգոյք :

Այլ եթէ այսչափ յարգէք զժամա-
նակաւոր բարիքս՝ սիրեցէք զեկեղեցա-
կանս : Նոքա աղօթիւք իւրեանց հեռի
առնեն ՚ի ձէնջ զսով, զժանտամահ, զու-
ղողել ջուրց, զերաշտութիւն, զասա-
նութիւնս երկրի : Նոքա ընդունին յԱս-
տուծոյ պտղաբերութիւն անդոց, յա-
ջողութիւն վաճառաշահութեանց, խա-
ղաղութիւն ՚ի տունս, յաղթութիւն

Թշնամեաց, առողջութիւն հոգւոց և մարմնոց :

Այլ ո՞վ իցէ ինչ 'ի ձէնջ որ կարիցէ կեալ առանց այսպիսում միջնորդի: Աւմ օգուտ էր բաշխել զիւրեանց ժամանակաւ որ գոյս 'ի ձեզ՝ փոխանակ 'ի ճշմարիտ աղքատս սփռելոյ : Աթէ միայն ի մաստուն եկեղեցականք օգտաւէտք ընկերութեան և տէրութեան՝ խոնջք և տաղտկացեալք տեսեալ զձեզ՝ այդպէս հեղգս 'ի վաստակոցն փոխարինութիւն՝ լքցեն զզբաղմունս կենցաղական գործոց, և պարապեսցին միայն անզբաղ կենաց, յմբքան բարեաց գտանիք զուրկքք : Այլ այսպիսի փրցուն գաղափարք դադարեցին :

Արի պարտաօտալդ Հեղիաս, և քաջալերեա զոգիս կթուցեալս, մի վհատեցուցէ զքեզ Թշնամի անզօր, պատերազմեա զպատերազմ Տեառն : Տակաւ ին կշտամբ ին եկեղեցի, պաշտօնեայք նորա, եկեղեցականք, վանականք, նա և ազնուասպաշտ որեարն, հանձարեղք,

նախանձաւորք, և անվաստակք 'ի գործունէից՝ որք վասն ձեր աշխատին :

Այլ մեք սիրեցուք զձեզ, աղօթս արասցուք վասն ձեր, աշխատութիւն վասն ձեր յանձն առցուք. եթէ օգուտինչ է՝ և զանձինս մեր դիցուք 'ի վերայ ձեր : Եթէ հնար է՝ գնեցուք քանւոյ և իցէ զձեր փրկութիւն : Ամենայն խորհուրդ, խնամ և գործք վասն ձեր եղիցի : Ի ձեր սակս վաստակեցուք զտիւ և զգիշեր յեկեղեցիս, յաղօթարանս, յատեանս, 'ի խոստովանութեան վայրս, 'ի դպրոցս, 'ի բանդս, յարգելանոցս :

Այս խորհուրդք են և բանք անխոնջ գործաւորաց եկեղեցւոյ. և կեանք մեր սիրելի լիցի մեզ 'ի ձեր սակս և եթէ ճաւեցուք՝ եթէ կարձեցցի, միայն վասն այսորիկ՝ զի ոչ կարեմք ընդ երկար ժամանակս օգնել ձեզ :

Ապա խաղացէք 'ի վերայ մեր լեզուաւ կատականաց. զերծէք զհամբաւ մեր 'ի մէնջ գրչաւ ճարտար մատենագրի. առէք 'ի մէնջ զինչս մեր և զպա-

տիւ , և առաք ընդ այնոցիկ փոխանակ լինել մեզ առակ և այսն կատականաց .

“Օտար նախատանաց վասն քո” . Ա .

Մակ . Ժ , 70 :

Ընդ այսր ամենայնի ոչինչ ՚ի խորհուրդս մեր երկնեմք բանս ատելութե կամ վրիժուց . այլ մանաւանդ առաւել լումք զաղօթս մեր , զի մի բարկացեալ Աստուծոյ սրաշտպան լիցի մեզ , և հեղցէ ՚ի վերայ ձեր զանօթս բարկութեան իւրոյ :

Այս է մի միայն տրամուծիւնն , որ խառովէ զմեզ : Վասն ձեր և հալածիլ՝ ուրախութեան մեզ իրք են , նմանողս եղեալ օրինակին մերում Յիսուսի Քրիստոսի , որ հալածեալն լինէր :

Այլ այս որ տրամեցուցանէ զմեզ՝ վասն ձեր է , վասն ձեր՝ որք անձանց ձերոց մասնիչ լինիք , և դաւաճան էք գոյից ձերոց , ևս և ժամանակէից , և առաւել ևս հոգևորին և վրկարարին : Վասն ձեր՝ որք թերևս գրգռէք ՚ի վերայ ձեր զգատաստանն Աստուծոյ ,

զոր Տէր մի արասցէ . և ՚ի մէջ այսոցիկ
կորուսանել զմեծ և զամենապատիւ
յարգն՝ որ է ՚ի ձեզ՝ անդամս լինել ե-
կեղեցւոյ :

Այլաքէն վասն ձեր թուին լինել այն
դառն կսկիծքն՝ զոր նոյն ինքն եկեղեցի
յայանէ և հրատարակէ զթախծագին
արտօսք իւր : Աս՝ ասէ , որ յայսքան գըր-
գիռս մարտից պաշտպանեցայ ՚ի թշնա-
մեաց , և մեծաւ ցաւով թողի նոցա
զանարգանս նոցա և զնախատինս . այժմ
՚ի խաղաղութեան տեսանեմ զիմ երախ-
տաւորեալ բարեկամս , որոց սիրտ լի է
անհամեմատ դառնութեամբ . « Ահա
ւասիկ ՚ի խաղաղութիւն դարձաւ դառ-
նութիւն իմ » . Ասայ . ԼԸ . 17 :

Ի՞նչոնարդո՞ս է որ ՚ի բերան դնէ ըղ-
բանս զայսոսիկ : Ինձ դառն եղև ցաւն
զոր կրեցի , յորժամ անգթութիւն բըռ-
նաւորաց հեղոյր զարիւն վկայից իմոց .
« Իառնացայ ՚ի սպանդ վկայից » :

Իառնացաւ ինձ կսկիծ ՚ի սպտե-
րազմունս՝ զոր հերեսիովոտայք յարու-

ցին՝ որք զմիութիւն իմ բաժանեցին .
 «Դառնացայ ՚ի մարտս հերեսիւնսայց» :

Այլ թէ բռնաւորք թէ հերետիկոսք ետուն ինձ ցաւ դառնակսկիծ , ապա առաւել ծանր է ինձ ցաւն՝ որ յընտանեաց իմոց , որ ՚ի բարեկամաց իմոց ՚ի խաղաղ ժամանակի : « Ահա ՚ի խաղաղութիւն դարձաւ դառնութիւն իմ » :


Ի սոյն սոյքար խորհրդոց և գործոց զինչ արդեօք եղիցի կատարած միճին . աւանդ ինձ , գիտեմք՝ զի ոչ պակասին հաւաւք ցկատարած աշխարհի . և դրունք դժոխոց ընդ նր՝ դէմ յառնել ոչ իշխեսցեն : Այլ ոչ գիտեմք թէ այս այսպէս և ՚ի ձերում միջի հաստատեսցի : Մանաւանդ թէ համբարձցուք զաչս մեր տեսանել ընդ նմ աշխարհս , և խորհիլ զաւուրսն զառաջինս : Տեսանեմք՝ զի այս հաւաւք ՚ի միջէ յայլ հարստութիւն էանց , ՚ի միջէ յայլ գաւառ . յեգիպտոս բողբոջեցաւ , այլ ապա ըստ Դաւթի ՚ի Պաղեստին փոխեցաւ . « Այգի յեգիպտոսէ փոխեցեր » . Սաղմ. 4Թ. 9 : Օ՛աղկե-

ցաւ յեբրայական ազին, այլ առ հեթա-
նոսս անց. « Դառնամք 'ի հեթանոսս » .
Գործ . ԺԳ . 46 : Օլաթոռ իւր յարևելա-
եղ, այլ ո՞ գիտէ ցորչափ ժամանակս կաց-
ցէ աստ կամ այլուր :

Ո՞վ եկեղեցի սուրբ, ո՞վ յարդոյ սե-
ղանք, ո՞վ գերափառ արձանագիրք կրօ-
նի, այլ աղէ, հեռասցի աղետաւոր այս
յիշատակութիւն, և մի ամբոխեցէ զա-
ւուրս հանդէս : Եկացք լուաբարոյ հո-
գիք, ջերմեռանդն բրիստոնեայք՝ սիրողք
բարութե մօր ձեր սուրբ Եկեղեցւոյ,
յաւուր յայսմիկ՝ յորում յիշատակ լինի
մեծի գործոյն կատարման՝ որ առ 'ի
մարդկան փրկութի : Նորոգեցէք զուխ-
տըն՝ զոր եղին հարք ձեր փոխանակ ձեր
յընդունելութեան ժամու անդ ջրոցն
մկրտութեան, զայն՝ զոր դուք նորոգէք
'ի նորոգ դաւանել ձեր զհաւատոյ խոս-
տովանութիւն . զուխտն օրինաւոր և
անբռնադատ հաւատարմութեան, և
գլխոտ և խանդակաթ սիրոյ առ սուրբ
Եկեղեցի :

Եւ դուք՝ որ մինչև ցայժմ տառապեցուցիք զբազմադուրթ մայր ձեր զԵկեղեցի, այն՝ եկայք և դուք յանդիման լինել Քրիստոսի յարուցելոյ, որպէս եղբարքն Յովսեփոյ յանդիման եղեն Յակոբայ ցուցանել նմա զարիւնաներկ ըզգեստ որդւոյ նորա և եղբօր իւրեանց՝ զոր նորա վաճառեալ էին ՚ի գերութի. որպէս Յովար դեռ շաղախեալ ՚ի ջերմ արիւն Աբիսողոմայ՝ առաջի եկաց Դաւթի, յանդիման նորա՝ որ յարեաւն այսօր ՚ի տապանէ գերեզմանին, որ կրէ ընդ իւր ՚ի յարութեան իւրում զնշանակս վիրաց իւրոց ՚ի հաստատութիւն հաւատոյ : Անմարթ է ձեզ յայնժամ անփոփոխ ունիլ զմիտս ձեր և զխորհուրդըս . չթողուլ զհոգի հալածանաց . ըզգենուլ նոր ոգի քրիստոնէական եռանդեան և որդիական գթոյ առ Եկեղեցի, որպէս զառաքեալն Պօղոս՝ որ ՚ի հալածչէ եղև նմա սլաշտպան հզօր և նախանձաւոր . որպէս զի ընդ նմին Պօղոսի կարասջիք արգահատել զանձինս

յանկեղծ խոստովանութիւնն . “ Հալա-
 ծեցի զեկեղեցին Աստուծոյ . . . այլ
 առաւել . . . վաստակեցի ” . Ա . Կրն .
 ԺԵ . 9 , 10 :



ՃԸՌ Ը.

Ի ԲԱՆՆ

“Եղևցին ձեզ քարինքս այսոքիկ ՚ի յիշատակ ՚ի մէջ որդւոցն Խորայելի մինչև ցյաւիտեան” . Յէ” . Դ. 6 :

Ի ՀԱՅԵԼՍ իմ ՚ի քեզ՝ սուրբ հարւարն Յիսուսի Քրիստոսի , ՚ի քննել ըզատեղին ուստի եկիրն , յոր դտանիս , և ընդէր , զարթնու ՚ի մեզ տխար և յիշատակ ընտրեալ ժողովրդեան Տեառն . որ նախ մոլար և վարատական յանբնակ և յանկոխ ճանապարհս յանապատին , ապա ուղղեալ զգնացս յերկիրն Աւետեաց . և հուսկ ուրեմն ՚ի Յորդանան դետ հասեալ , և եդեալ անդ զխորհրդական քարինան , երդուաւ նոքօք ուխտ ընդ Տեառն իւրում ասելով . “Եղևցին քարինքս այսոքիկ ՚ի յիշատակ ՚ի մէջ որդւոցն Խորայելի մինչև ցյաւիտեան” :

Եւ արդարեւ չիցէ՞ ճշմարիտ, զի յետ
փոփոխ պէսպիսութեանց հուսկ սպաս
այսօր զսուրբ ուխտոն զայն երդուայք,
որ սնդէ զձեզ քաղցր կապով ընդ սրբ
բոյ կրօնիցն, և իրաւունս ընտանութե
և միաւորութեան տայ ձեզ ընդ Տեառն
ձերում:

Դարձուցէք, դարձուցէք զաչս ձեր
ի խաղաղ նաւահանդատէ այտի՝ յոր խա
րիսիս արկէք, ՚ի մըրկածուփ կենցաղս
յորմէ անցէք: Ահաւասիկ առ ձեօք են
ծովեզերեայք ալետանջեալք յաշխար
հէ, որ զհետևողս իւր խորասոյզ առնէ:
Տեսէք, զիա՞րդ եզկելիքն խաղան ընդ
ալեաց հեշտութեան, փառաց և յաջու
ղուածոց, և դուք խաղաղ միացեալ էք
ընդ Աստուծոյ՝ որ զպատարագս ձեր ըն
դունի, և խոստանայ ձեզ անվրդով խա
ղաղութի ընդ հովանեաւ խնամոց իւրոց:

Վասն այսորիկ ցնծացէք անապակ
ցնծութեամբ. և այժմեան զուարթուն
և կայտառ վիճակ ձեր բացցէ զեզուս
ձեր ՚ի գովութիւն և յերգս Տեառն:

Եւ զի այս ցնծու թիւն մի ամուլ մը նասցէ, ամենեքեան դուք մեօք հանդերձ ու շի ու շով հայեսցիք միով հայեցիւք ընդ համօրէն սարտիս ձեր, որք անլոյժ հանդուցիւք ընդ Տեառն կապեն զձեզ, որպէս զի մեծ ևս արժանաւորութեամբ և դուք յեղյեղեսցիք ընդ խորայէլեան ժողովրդեանն ասել. « Եղիցին », և այլն :

Նորիմբք խորհրդական բարամբք երդուաւ ժողովուրդն Խորայէլի անապակ սպահել զօրէնս Տեառն, որ այնչափ եղանակօք բարիս ուղերձեալ էր նոցա. երդուաւ այլ ոչ ևս դնել ուխտ ընդ կրօնապարիշտ ժողովրդեան, և միշտ հրաժարիլ ՚ի սուտ աստուծոց նոցա, և կրնիք երդման եդ զյաւիտեանն ցուցանել զանյեղլի հաստատութիւնն :

Արդ և դուք ըստ նմին օրինակի հարկիք ՚ի պահպանութիւն օրինաց ինչ. յօրէնս աղքատութեան, որ յամենայն ՚ի կենցաղականացս մերկէ զձեզ և զատուցանէ : Զօրէնս ողջախոհութեան,

որ արգելաւ 'ի ձէնջ զամենայն ազգ հեշտութեան անխտիր : Յօրէնս հնազանդութեան, որ զձեր կամս ընդ այլոյ կամօք նուաճէ :

Պահպանութիւն օրինացս ոչնիւթահան ճշդութեամբ պահանջի 'ի ձէնջ, այլ մաքուր հոգւով կրօնաւորական կատարելութեան . վասն այսօրիկ աղքատութիւնն զոր բազումք կրեն ըսա բընատուր բերման, պարտի լինել 'ի ձեզ 'ի կամաւոր հրահանգս տուաքինութիւն, զոր այլք քամահեն, զի զառածանէ ըզմարդ, և ընդ համբաւ նորա բաղխի . գուք պարտիք անարգիլ, զի այնպէս հաճոյ լինիք յաչս Տեառն : Այն զոր թագուցանեն մարդիկ յաչս աշխարհի, և ամաչեն ընդ այն՝ ուր ոչ գոյ ամօթ՝ դօրէն գեղջկաց, զայն արժան է յայտնել ձեզ, ընդ այն պարծել, ընդ այն ցնծալ և ուրախ լինել, և 'ի նա հաստատել զամենայն գոյս ձեր, և զճոխութիւն . և ընդ սուրբ հօրն Գրիգորի ասել . « Այս իմ ճոխութիւն . այսօրիկ զես ոչ վա-

ուսւորս միայն արասցեն, այլ և մեծափառս » :

Ողջախոհութիւնն՝ որ ՚ի համեստ ինչ ժուժկալութիւն պարտաւորէ զայլս, և ՚ի չափաւոր հրաժեշտ, առ ձեզ զայն խստութիւն վարուց ազդեւ արժան է, որք ապահովի արասցեն զձեզ յանձանց վտանգէ, և յաչս այլոց բոլորովին անկասկած : Յուչ առնել արժան է ձեզ քաջապինդ խնամովք հոգալ քանցել ՚ի մտաց զամենայն խորհուրդս զազրութե, որ յանդգնի մտանել ՚ի միտս ձեր և թափանցել ՚ի խորս սրտից ձերոց, որով իրաւամբք ասել կարասջիք, թէ կայք « Ի մարմնի անմարմնաբար » :

Հնազանդութիւնն՝ որ յայլս զյատուկ կամս իւր ծառայեցուցանէ այլոց կամաց, պահանջէ ՚ի ձէնջ և կամակար յօժարութիւն հետեւել կամաց մեծին ձերում, իբր այն թէ՛ նորա կամիլն գրւխովին՝ ձեր իցէ : Մնկեղծ և անքօղ պարզութիւն խնդրի, զի զձեր յօժարութիւն առանձնաւորս անտեսաբար լքեալ, և

զանօգուտ հետազօտութիւնս և զան-
 վայելքրթմնջիւն և զընդունայն և ըզ-
 սուտ ջատագովութիւնս յանձանց հե-
 ուի արասջիք: Ինդրի՛ զի « Մի առ հար-
 կի և տրտմութեամբ Դ. որպէս ասէ ա-
 ռաքեալն . Բ. Կրն . Թ . 7 . այլ անկեղ-
 ծութեամբ և զուարթամիտս . ոչ հես-
 տութիւք և յակամայս՝ այլ կամակար յօ-
 ժարութեամբ և խոնարհութեամբ՝ ՚ի
 կամս Աստուծոյ լինելով ապոստան՝ հը-
 րամայելոցն ձեզ պատրաստ եղիջիք ին-
 քնին հնազանդել, զի կարիցէք ասել ընդ-
 մարգարէին Դաւթի . « Ես կամօք ի-
 մովք պատարագս մատուցից քեզ Դ .
 Սաղ . ԺԳ . 8 :

Երդուաւ իսրայէլեան ժողովուրդն
 թշնամի լինել կռապաշտից , և դուք եր-
 դնուլ պարտիք ՚ի կենցաղականացս ա-
 մենայնէ հրաժարիլ բնաւ : Եւ արդարև
 այլով իւրիք ոչ է հնար ձեզ անփոփոխ
 պահել զօրէնս և զուխտն՝ ճշմարիտ հու-
 գւով կրօնաւորական կատարելութեան ,
 բայց եթէ վահանաւ այսր անջրպետու-

Թեան : խտրոց՝ զոր նախ պարտ է դնել
 ընդ արտաքինս և ընդ զգալիս աշխարհ
 հիս այսորիկ . « Ահա՛ արձան , զոր հաս-
 տատեցաք ընդ իս և ընդ քեզ » . ասաց
 երբեմն Լաբան առ փեսայն իւր Յակոբ .
 Օհնդ . ԼԱ . 81 : Ահա՛ քարինք նշանակք
 սահմանաց մերոց , բաժանել զամենայն
 ինչ զմեր , և զմեզ իսկ գլխովին . ոչ այ-
 լով իւրք կանգնել կարէք ընդ աշխարհի
 դէմ իբր կամար յաղթական զձեր խոս-
 տովանութիւն և ասել՝ « Ահա՛ արձան » :
 Ահա՛ վէմ , որ զիս 'ի ձէնջ որոշէ , և առ
 հրապոյրսքո անաղդակ առնէ զիս և առ
 հրաւէրսքո ծանրալուր . « Ահա՛ արձան » :
 Այլ իբր բրտութիւն ինչ համարի այս
 վսեմ կոթող յիմաստնոց աշխարհի , որք
 հոգևորին անճաշակք են , այլ յարգի է
 առաջի Տեառն , որ արդար է ճանաչել
 և խելամուտ լինել գործոց մարդկան :

Այլ 'ի լուսն խտրոցիս՝ խնդրի և
 անջրպետ ներքին , որում չեն շատք պա-
 րիսպք մենաստանին ձերոյ , այլ սխտի
 հոգի՝ յորոյ 'ի ձեռին իցէ ամենայն ցան-

կութի սրտից : Ինձ կարի յարմարութք
 առ տեղեալս յուշ եկն . զի Եսայիաս ՚ի
 մարգարէական հոգւոյ աղղեալ գուշա-
 կեաց առ Իսրայէլացիս նուաճեալս և
 հալածեալս ՚ի լծոյ Եգիպտացւոց , ընդ-
 դէմ հակառակ կալ նմա ամենայն պիղծ
 կուոցն հեթանոսաց . « Եւ շարժեսցին
 ամենայն ձեռագործքն Եգիպտացւոց » .
 Եսայ . ԺԹ . 1 : Եւ ինձ զխմրդ հնար էր ,
 բայց թէ մարգարէական հոգւովն Եսայ-
 եաց և առ ՚ի նոյն միտս ճշմարտութեան
 գուշակել ձեզ , թէ նա և ՚ի սուրբ լը-
 ուութեան վանական առանձնութեան ,
 և ՚ի կանոնական պահպանութեան մի-
 ակեցական վարուց արտաքոյ ամենայն
 զգուշութեանց սպրդեսցին մացեն ՚ի
 ներքոյ դրօշուածք ձեռագործք Եգիպ-
 տացւոց , փորձ փորձել զձերոյ արութե :

Ձեռագործք են Եգիպտացւոց՝ ոգի
 հակամիտութեան ՚ի մի կողմն , և օտար
 ոգի հակառակութեան առ այլ : Արդ՝
 շարժեսցին այսոքիկ ՚ի սիրտս ձեր : Ձե-
 ուագործք Եգիպտացւոց են սէր լինելոյ

նախագահ զայլովք, և դժկամակել առ
 'ի հնազանդութիւն. և այսոքիկ շար-
 ժեացին :

Այս է ահա տեղին՝ ուր արժան է
 ձեզ զամենայն ձեր ոյժ ունել ամփոփ .
 յուշի ունել զձեր ուխտ ոչ երբէք մեր-
 ձենալոյ 'ի կուռս զազրոտիս՝ որ մտանէ
 'ի մենաւոր առանձնութիւն վանաց ձե-
 րոց, այլ և 'ի սիրտս իսկ ձեր : Ուստի
 « Բարձէք 'ի միջոյ ձերմէ զԱստուածս
 օտարոտիս » . (Յեսու . ԻԴ . 23 :

յողովուրդն իսրայէլեան կնիք եղ-
 ուխտին զյաւիտեանն՝ առ 'ի ստուգել
 զանջրեղի տեականութիւնն : Այժմ և
 ձեզ զայն հարկ է հաստատել անկեղծ
 հաւատարմութիւն հաստատուն մնալոյ
 ընդդէմ փորձութեանցն 'ի վերայ եկե-
 լոց : Այլ առ ինչ արժիցէ առնացի աշ-
 խոյժք ձեր ընդդէմ ներքին ախտից, ե-
 թէ դարձեալ յարուսցեն նոքա 'ի սիրտ՝
 մարտ դու և դժնդակ : Այլ իմէ՞ յող-
 թութիւնք այնքանեաց արտաքին թըշ-
 նամեաց, որք ողի առնուեն կրկին բող-

խիլ ընդ ձեզ : Հիմ անընդմիջահատ զև
 նուորու թիւնք կրօնաւորական կենաց ,
 եթէ ոչ անյեղլի կնքեսցի արձանագիր
 ուխտին՝ հաստատուն յաւիտենիւ :

Եթէ ժողովուրդ Տեառն անդ ու
 բեմն յերիւթրեան ծովու , որ ցամաք
 ճանապարհ ընծայէր նոցա ապրիլ 'ի
 սարսափելի բարկութենէն Փարաւնի՝
 որ զհետ պնդեալն էր հալածել զնոսա ,
 երկուցեալ ընդ տեսանել աղի կոհակաց՝
 որք ծփային 'ի կողաց անջուր անցիցն ,
 ընդ կէս ճանապարհին զփախստեսց ու
 տրս իւրեանց նահանջէին՝ յանսովոր իւ
 բացն խուսափեալք : Բարէ , ընդ ըն
 կըղմելի լինել նոցա առ ջրովքն անբաւ
 ւութեան՝ միայն հեղձուցիկ դիտցն բազ
 մութեան յանկայուն ալեացն ցիր աստ
 անդ տարուբերեալ տայլն արդեօք աւ
 ւետիս Փարաւնի՝ որ 'ի վերայ յարու
 ցեալ էր , զհամայնաջինջ կորստենէ նու
 ցա , և աներկբայ նշանակ լինէր անա
 րութեան նոցա և հեղգասրտութեան :
 Այսպէս հարկ է , զի զլեհանձնեսց գոր

Տըս ձեր տեղողութիւնն պատկեցէ :

Ա սյս յառել արժան է ձեզ զամենայն ուշ ձեր, 'ի բաց քերել 'ի մտաց զյիշատակս ընկերական հանգանակութեանց՝ յորմէ նահանջեցիք զանձինս՝ մեռանելովդ ձեր աշխարհի. միշտ կենդանի ունել 'ի միտս ձեր և 'ի սրտի ըզդաշն ուխտին՝ զոր կռեցիք ընդ Տեառըն, որ պարտաւորէ զձեզ 'ի զգուշաւոր պահպանութիւն ուխտին, և առաջի առնէ ձեզ ամենևին հրաժարել, և հարկէ զձեզ յանցելի և 'ի հաստատուն պնդութիւն 'ի խոստացեալ դաշինսդ :

Ամանք արտաքոյ այսր սրբոյ ասպաւի նի խնդրեն ստանալ զերջանկութիւն, մոլորեալք ընդ անհետ խորհուրդս 'ի շաւիղս նորա, երբեմն 'ի զգայական իրրս կենցաղոյս, և երբեմն յինքեանս. դուք ընդ առաջնորդեալ ձեզ պողոտայն՝ պահպանութեամբ ուխտիցդ երդուելոց՝ ժառանգեալ էք զնորա փափաքելի ժառանգութիւնն : Ա սովաւ ընդ իրստամբեր կանոնական պահպանութեանց

յայտնեօջիք առ հետեւողս այսր յաւիտեանի, թէ բարի է մի ժամ 'ի տան Տեառքն՝ քան հազար ամս 'ի յարկս մեղաւորաց. և յայսմանէ թերեւս յաջողուածովք իմն դէսլ լիցի նոցա, զի փրկուէտ իմն գժդմնու թիւն և հերձիք յափշտակեացէ 'ի նոցանէ զնոտիս, և սուրբ նախանձ գրգռեացի 'ի նոսա ընդ ձեր խաղաղութիւն. որ հրաւիրեացէ զնոսա վեհագւով հետեւող հանդիսանալ ձերու մի բարեպաշտութեան :

Եւ դուք սուրբ կուսանք՝ հարսունք Քրիստոսի, առ որս հուսկ յետոյ առ վայրօքս յաւելլում զիմ բանս, դուք որք 'ի տեսիլ ամենեցուն ընծայէք զհաստատութիւնն՝ որովք նոր այս ձեր միութիւն հաստատէ զիւր ուխտ, մի իցէ 'ի ձեզ կամք վրէսլ ունիլ յաջաց զայս բաղամաշահ խորհուրդքս. այս հաստատութիւն ուխտին յուշ արացէ ձեզ զձեր պարտիս : Պարտիք՝ որ այնչափ հարկէ զձեզ, և այնչափ մեծ է 'ի ձեզ, որչափ զի առաւել և ս արագ անցանեն ամք և

ցանկութիւնք կենաց 'ի սուրբ յայս
բնակարանի :

Ո՞ տայր , զի այս եռանդն , որով 'ի
սրբազան գործս աշխատիք զօրութեամբ
խոստովանութեան ձերոյ , մի լինէր 'ի
ձեզ յետ ամաց զաղփաղվուն որ և հեղգ
և ցրտացեալ և անաղդակ : Այսօր ա-
ռաջի իսկ եկեղեցւոյ դարձեալ արծար-
ծեսցի այն ջերմնագին եռանդն . դար-
ձեալ տապասցի , նոր նորոգեսցի , նո-
րոգ զօրութիւն յանձին զբեցցի , որպէս
զի կարասջիք իրաւամբք ասել առանց
իբիք ինչ սլատկառանաց . “ Եղիցին քա-
րինքս այսօրիկ 'ի յիշատակ որդւոցն Իս-
րայէլի մինչև ցյաւ իտեան ” :



ՃԼՈՒԲ՝

Ի ԲԱՆՆ

“ Եղև ՚ի խաղաղութեան տեղի նորա ”, ՍԶ՝. ԶԵ, Ծ:

Ասեմափառ հանդէսդ՝ որով ուղեկից լինի ժողովդ ՚ի նուէր սրատարադաց, զոր այսօր առ Տէր ընծայէք սրբազան հարսուէք Քրիստոսի, զարթուցանեն յանձին իմում տարակուսանրս ինչ, զոր արժան է առաջի դնել ձեզ ՚ի ձեր քաջալերութիւն, զոր և ապա լուծից և բացայայտեցից, զի լիցի հասարակաց յօգուտ և ՚ի շինութիւն:

Եւ տարակոյսն այս ինչ է: Հայեցեալ ընդ մի կողմն ՚ի ձեր յայդ նուէր, ՚ի դաշնաւոր յանդիմանութիս, ՚ի խորհրդական ընթերցմունս՝ որովք լի է սերկեանս հանդէս, յամենայնէն ցղանան ահ, սարսափ, ողբք և տրտմութիւն: Ոչ զայլմէ իմեքէ բանք են աստանօր, բայց

զմերկանալոյ, զխաչէ, զտքնու թենէ, ըզլու թեանց, զառանձնու թենէ, զմիայնու թենէ, զհպատակու թենէ, զհանապազորդ մարտէ ընդդէմ ամենայն յօժարու թեանց անձնասէրն լինելոյ, զմշտնըջենաւոր արտասահմանու թենէ ամենայնի՝ որ միանգամ հաճելիքն են կենաց: Վայ ՚ի հոգիս ձայն այսպիսի. երկիր է սա, յորում բնակեցայք, յորմէ փտարանդի է ամենայն սրտի դիւր, երկիր նման ահագին անասրատի՝ որ զբնակիչս իւր ուտէ և ծախէ: «Արկիր մարդաւ ծախ է բնակչաց իւրոց» . (ԹԻ-Գ. ԺԳ. 33:

Յայլմէ կողմանէ հայեցեալ տեսանի ՚ի դէմս ձեր անհամբերու թիւն ընդ յապաղել աւուրս. խնձղանք և ցնծու թի տեսանի անդ յաւուր յայտիկ. խնդրին հաճոյք հոգւոյ, և սոքիմքք քաղցր ըսփոփու թեամբ ամոքին այն դառնու թիք ամենայն: Աթէ յերաստ հանդիսիդ հայլիք՝ յամենուսա դարձադարձ արձագանդ երգոց ցնծու թեան, և նուազք գոհու թե, օրհնու թիւնք առ Աստուած՝

որ կոչեաց զձեզ, երանելիս ասելով ըզ-
 ձեզ և երջանիկս՝ որ պատրաստ գտայք
 ձայնի կոչողին ։

Օ խաճող այսց երկուց առ երևոյթս
 հակառակաց միաբանու թիւն, յորոց մի-
 ջի է անբաւ խարոց ։

Առ լուծումն տարակուսութեանս՝
 վսեմաշնչք պարոնայք, և որք միանգամ
 գտանիք աստ, եկայք և մտցուք միա-
 հաղոյն ամենեքեան յայս երկիր, որ ա-
 հագին տեսանելով անբեր և աւաղուտ ։
 Կտցուք անդ ծառ մի արմատացեալ
 հանդերձ յոստս իւր ամեթացեալ սլա-
 ղովք, որ քաջայարմար է ՚ի սնունդ ա-
 մենեցուն, և որք ուտենն ՚ի սմանէ,
 առնուն զճաշակ դրախտին փափկու-
 թեան. « Ելից ՚ի վերայ արմաւենւոյն,
 (ասէ հարսն յերգսն, ըստ լատ, թարգ.)
 Ժողովեցից զպտուղս նորա », Երգ. Ե. 8 ։
 Բանքէ անուշակ հոտոցս, զուարթու-
 թեանս, սննդեանս, բուրից անուշից
 երկնային քաղցրութեան յերջանիկ սլա-
 ղոյն ՚ի սննդունս իմ բուրէ ։ Եւ զինչ

առնել է այս, զի՞նչ սրտոյն անունն կու
 չեն, որ ՚ի նմանէ ելանէ : Ա՛հա՛ բանք
 Եսայեայ, « Եւ եղիցի պտուղ արգա-
 րու թեան՝ խաղաղութի » . (Կայ . ԼԹ . 17 :
 (ըստ լատ . թարգ :)

Առաջին խորհրդածութիւն մեր լի-
 ցի ՚ի վերայ համոյ այսր սրտոյ : Երկ-
 րորդն՝ ՚ի վերայ եղանակի պահելոյ զայն՝
 զի մի՛ հերձցի կամ եղծցի : Առաջինն է
 առ ՚ի տեղեակս առնել զանձանօթս պրտ-
 զոյս : Երկրորդն՝ յօդուտ այնարիկ՝ որ ճա-
 շակէ զայն և ժառանգէ :

Առ ՚ի դիտել թէ սրչափ քաղցր և
 համեղածաշակ իցէ խաղաղութիւնն ՚ի
 օրախ, զայն և եթ շատ է խորհիլ, զի ոյս
 պարգև է իջեալ յերկնից . և զի գերաւ
 գոյն բարեբար պարգևատուն Քրիստոս
 Տէր մեր ինքեան միայն սեպհականեաց
 զկարողութիւն և զիշխանութիւն մա-
 տակարարութեան երկնաւոր շնորհիս :
 Առարնւք զհեշտալուր բանս՝ որովք սի-
 բեւի Փրկիչն մեր կոչեաց ՚ի ժառանգու-
 թիւն այսր խաղաղութեան զառաքեալ

սրն , նախ քան զվերջնն դառն բաժա-
 նու մն իւր 'ի նոցանէ : (Թողում ձեզ սի-
 բե լիքդ իմ , ասէր նոցա գթալով , զի այս-
 պէս պահանջէ սրատիւ իմ և Հօր իմոյ .
 Թողում զձեզ աղքատս և բնաւ զուրկս
 'ի կենցաղականս գոյից : Չէր բաժին ե-
 ղիցին վաստակք և վիշաք , հակառա-
 կու թիւնք և հալածանք . և նպատակք
 եղիջիք այլոցն ատելութեան , և ոչ ա-
 պահով լինիջիք . ունիջիք զնոյն իսկ կեանս
 'ի խժդժութենէ իմոց և ձերոց թշնա-
 մեաց : Այլ փոխարէն այսր ամենայնի՝
 Թողում ձեզ շնորհ մի , որ իմ է յատուկ ,
 և աշխարհ 'ի նմա չունի ինչ մասն . և
 որպէս ոչ կարէ աշխարհ տալ զայն , նոյն-
 պէս և ոչ երբէք և բառնալ կարասցէ .
 այս շնորհ է խաղաղութիւնն : « Օ խա-
 ղաղութիւն Թողում ձեզ , զխաղաղու-
 թիւն զիմ տամ ձեզ , ոչ որպէս աշխար-
 հըս տայ , տամ ես ձեզ » . Յով . ԺԴ . 27 :
 Այս ոչ 'ի հատուցումն միայն է վշտացն՝
 որոց համբերէքդ , այլ և 'ի նոյն իսկ 'ի
 վիշտս ձեր , զի անփոփոխ իցէք , զուար-

Թամիտք , ուրախք և երանեւիք : “ Ուրախ լինիցին սիրտք ձեր , և զուրախու թիւնն ձեր ոչ որ հանիցէ 'ի ձէնջ ” .
Յո՛ւն . ԺԸ . 22 :

Ստուգեցաւ այս յառաքեալս . այլ և այսօր ճշմարտի յայս նոր հարան Քրիստոսի , զոր ընդ առնուլ իսկ յուս իւր ըզձանրակիր բեռն խաչին , և սուր պըսակօք սլսակել զգլուխն , տեսանէք ծաղկափթիթ վառիլ խնձղանօք և երկնային քաղցրութեամբք յագեալ և սրարատացեալ : Գործ է այս այնր խաղաղութեան՝ յորոյ մտեալ է դա 'ի ժառանգութիւն : Եւ զի 'ի վանսն՝ յորում փակեալ է , գոգցես նոյն իսկ իւր աթոռ , իջեան , և թագաւորութիւն տեսանի . “ Եղև խաղաղութիւն տեղի նորա ” : Եւ մի նուագ զճաշակ առեալ զհամեղութեան ստղոյն , համարի զայն ծագեալ 'ի դրախտէն . “ Եւ արբումն քո դըրախտ ” . Եւրգ . Դ . 15 : Եւ արդարև դրախտ համարի իւրոյ փափկութեան զոյն կեանս՝ զոր գեղեցկութիւն այսր

խաղաղու թեան զորդարէ և նորաստեղծէ . « Ինակեսցէ ՚ի գեղեցկու թեան խաղաղու թեան » . Լսայ . ԼԲ . 18 . (ըստ ըստ . թարգ :)

Լ՛րդ՝ առ ձեզ դարձայց կուսանիք բարեբաղդք , և ՚ի սոյն ծառափայլ հաւատոյ ձերմէ խնդրեցից լսել զճշմարիան : Չէ՛ մարմինն ձեր սղինձի՝ ասասցուք հաւատարմութեամբ ընդ Յովբայ , և ոչ կազմած սրտի ձերում՝ երկաթոյ նմանի , կամ անգծելի որձաքարի . « Մի թէ զօրութիւն վիմաց իցէ զօրութիւն իմ , կամ մարմինն իմ սղինձի » . Յովբ . 2 . 12 : Այլա փափկասունն ձեր սիրտ վշտանայ ընդ հեռանալդ ՚ի սիրելեացն ընտանութեանէ , և բնաւին հրաժարումն յամենայն հեշտութեանց կենաց վշտացուցանէ և ամբոխէ զսիրտ ձեր ՚ի ներքուստ : Կանչէր ընդդէմ ձեր ՚ի վարհուրեցուցանել զձեզ նոյն իսկ բնութիւնն ՚ի ժամուն՝ յորում առաջին սատուեցիք զհնազանդութիւն քան զազատութիւն . զաղքատութիւն քան զմե-

Տու թիւն . զլին միայնու թիւն քան ըզ
 պայծառ և զխնդադին կենաց կցորդու
 թիւն . զանձկու թիւն մենաստանին քան
 զընդարձակ ազատութիւն հաճյալիան
 ընկերութեաց : Սերժեցիք զանձնասի
 ըութիւն , զի հանապազորդ աղօթից սա
 րապեսջիք . զի խստութեամբ յուսե
 լեաց ժուժկալիցէք . զի ընդ լծով պահ
 սանութեան օրինաց մտջիք , զի մշարն
 ջենաւոր կրթութեամբք ապաշխարու
 թեան զմարմինս ձեր սպանջիք :

Արդ՝ զիճորդ և էր վասն ընդդէմ այս
 քան լիկանաց և վշտաց բնութեան և
 արեան՝ դուք դեռ ուրախ էք և մխի
 թարեալք խնդութիւն մեծաւ , որ թա
 փանցանց 'ի ներքս 'ի ձեզ մտեալ է :
 Չիցէ՞ այս արգասիք այնր խաղաղու
 թեան , որ առատաձիր սարգեւօք Տեա
 ռըն զեղու 'ի սիրտս ձեր , և իբրև գեա
 բարերար ըստ մարգարէին՝ ոռոգանէ
 զայն և զարդարէ . « Իբրև գեա խաղա
 ղութիւն քո » : Ապա զի՛նչ զարմանք ի
 ցեն , զի ձեր զայս խաղաղութիւն յա

ուանձնու թեան ձերում գտեալ՝ առ ա՛մենայն ցանկութիւնս աշխարհի բարեաւ մնալ սասցիք, և առ կեղծ և սլաաիր և առ երևոյթ բարիս նորա :

Այլ սրբազան խաղաղութիւն սրաի, ա՛յլ երանեալ պտուղ դրախտին, զոր բազումք խնդրեն, և սակաւք են որք ճաշակեն. ո՞վ է 'ի ձեզ և 'ի գեղեցիկ աշխարհի ձերում վսեմաշնչք սեպուհք, պերճափառ տիկնայք, առ որում օթեւանս կալցէ այս խաղաղութիւն, և եղիցի նմա մխիթարիչ և ընկեր : Այլ աւա՛ղ, փոխանակ այնորիկ տեսանեմք մեք 'ի ձեզ ընդ բիւր շաւիղս դառնութիս, տաղտկութիս, հոգս, տուփանս անյագ, կասկածանս վրդովիչս, նախանձ երկխղալի, աս սաստիկ. սորա դառնացուցանեն զկարի հեշտալի զբօսանս, վըրգովեն զհանգիստ խաղաղ գիշերոյ :

Ասլա չիք 'ի ձեզ խաղաղութիւն, գուցէ վասն այսորիկ՝ զև աղբատին իջևանս սիրէ, և ընկերութիւն ընդ գործոց բարեաց, և մխիթարիչ է մայքուր

և անապակ խղճի մտաց :

Այա բարեբաղդ էք դուք սուրբ հարսուհիք, որք 'ի մենաստանն առանձնութեան, 'ի գիրկս տպաշաւանաց, յանպատրուակ աղքատութեան, 'ի բոլորովին հնազանդութեան, 'ի լուութեան անշահ զբաղմանց հասէք առ նա, և գլտիք զայն, և բազմօգուտ կրթարան բացիք մեզ՝ ոչ խաբիլ: Արդէն իսկ ընդ Ոսկէբերանին հաւանեալ եմք ունիլ ձեզ 'ի նմին մեծ և ս բարութիւնս քան զկենցաղականքս համայն, և զի արժանի է ձեզ ժառանգել զայն ամենայարգ մարգարիտ, զոր փոխանակեցիք յայլմէ աւմենայնէ բացէ 'ի բաց հրաժարեալք: Յառ իմք օւշով ոչ առանց նախանձու՝ ընդ ամենահրաշ գեղ պտղոյ դրախտին:

Արդ՝ որպէս զի մի յեանեալ գտջիք 'ի գրաւականէ հաւատոյն զոր ետուք, դոյզն բանիւք ցուցից ձեզ զեղանակ պահպանութեան պտղոյս, զի մի եղծցի կամ կորիցէ, 'ի միսիթարութիւն՝ որոց ստացանն զայն:

Արսէս արդարու թիւնն է ճառ ըստ
 մարգարէին, յորմէ ելանէ պտուղս այս .
 « Եղիցի գործք արդարու թեան խաղա-
 ղու թիւն » . այսպէս տեւրք իմ արդա-
 րու թիւնն պահէ զսա անապական : Արդ՝
 զինչ է ՚ի ձեզ արդարու թին պահպան
 այսմ անգիւտ պարգևի : Պահպանու թի
 օրինաց՝ դատերք սիրելիք, հոգի և զօ-
 րու թիւն կանոնաց, որ պարտաւորէ ըզ
 ձեզ հրաժարել յաշխարհէ, և յորդորէ
 զձեզ և հրաւիրէ ՚ի կատարելու թիւն
 կենաց . որսէս զի նստջիք ընդ հովանեաւ
 երջանիկ ճառոյս այսմիկ, և միասջիք ընդ
 Աստուծոյ՝ որ անսպառ աղբիւրն է խա-
 ղաղու թեան : Ամբարձէք զսուրբ ձեռս
 յաղօթս ՚ի վեր, և փոփոխ տուրևա
 ռու թեամբ ընդ նմա գտջիք զերակս ա-
 մենայն ներքին մխիթարու թեանց : Վի-
 տակցու թիւն սուրբ՝ պահեցէ յանդոր-
 րու զսիրտ ձեր, և բանն արթուն արկ
 ցէ ընդ ձեօք զբազմամբոխ բազմալըր
 դով կրեց : « Եղիցին գործք արդարու-
 թեան՝ խաղաղու թիւն » :

Այլ թէ ընդ մի և եթ վայրկեան 'ի նմանէ բաժանեցիք, աւանդ ձեզ, 'ի բայ ձգել առաջի կայ ձեր յանձանց ձերոց թշուառութի զայն բարիս՝ զորս այնքան խնամով խնդրեցիք, և մեծաւ ուրախութեամբ ժառանգեցիք :

Այնու զի մենակեացն ըստ նմին հոգւոյ վարի՝ որով կեաց ըստ առաքելոյն .
 « Եթէ կեամբ հոգւով, հոգւով և շըրջեսցուք » . Գաղատ . Ե . 25 . (ըստ լատ . թարգ .) նովաւ իսկ 'ի խաղաղութեան է ընդ Աստուծոյ, որ այցելութեամբք իւրովք պատուէ զնա և 'ի խորհուրդս իւր տածէ զնա, 'ի խորհուրդս՝ որք քաղցր են քան զմեղք, և քան զխորիսի մեղու ըստ մարգարէին . Սաղմ . ԺԸ . 11 .
 յանձին իւրում ունի զխաղաղութիւնն :
 Վասն որոյ ոչ կենցաղականացս հոգք զզուէն զնա, ոչ աշխարհի յաջողուածոց խածատիչ հեշտութիւնք տրամեցուցանեն, և ոչ ապստամբ յօժարութի պիղծութիւք կոխէ 'ի նա առ 'ի սիրել . յանգորր հեզութեան և 'ի դիւրանսաց խո-

նարհու թեան հանգիստ գտանէ զխոս-
տացեալն թեթեաքեռնութիւն. « Գաղիք
հանգիստ անձանց ձերոց ». Սաք. ԺԱ. 29:
Գաղցր հանգոյցք ինչ բարեկամութիւն,
ընկերական հրահանգք գործուեն զը-
թութեան, փոխանակաւոր քաջալերք
անուշակ հաղորդակցութիւն կենաց տան
նմա ճաշակ զքաղցր ստղոյ անլրդով խա-
ղաղութեան հոգւոյ:

Ամենայնիւ զհակառակին առնու ըզ-
փորձ՝ որ հանդերձիւ միայն է կրօնա-
ւոր, և ոչ հոգւով և սրտիւ: Հրաժա-
րեալ յաշխարհէ՝ անմարթ է նմա զիւ-
րոյ հաճոյից կրթիլ զհետ, և ոչ բարւոք
կապեալ ընդ Աստուծոյ՝ վրէպ գտանի՝ ի
ներքին արգահատանաց աստի մխիթա-
րութեան, տաղտուկ է նմա հնազան-
դութիւնն, ծանր է աղքատութիւնն,
այլ հանրի է տանիլ այնմ ամենայնի: Ան-
տանելի են նմա կրթութիւնք հոգւոր
կենաց, սակայն անմարթ է յետնիլ յայնց:

Աւր չոգար սուրբ խաղաղութիւն,
միակ սփոփիչ հոգւոյ, և աղ համեմիչ

ամենայն վշտաց : Ա՛րդ ասել մա՛րթ իցէ ,
 թէ և անձինք նուիրեալք Աստուծոյ ,
 և ընդ հովանեաւ խորանի նորա պատըս
 պարեալք զարտուղեցան 'ի ճանապարհ
 հաց խաղաղութե՛ն , մնացեալ թշուառք
 և զուրիք յերջանկութենէ : « Ի՛նկումն
 և թշուառութիւն 'ի ճանապարհս նու
 ցա . և զճանապարհն ճշմարտութեան
 ոչ ծանեան » . Հոով . Գ . 16 , 17 :

Հեռի եղիցին 'ի մէնջ այս աղմկա
 յոյզ խորհուրդք , և մնացէ միայն յի
 շատակ այսմ . մի վրդովեցէ զպայծա
 ռազարդ զայս օր՝ որ ցնծայ աստուածայ
 ին կենդանի լուսով հոգւոյն , և կենսա
 բեր տապով շնորհաց՝ անուշակ արգա
 սեօք ամեթացուցանէ զսա , և բեղմնա
 ւորս գործէ :

Վ իցիս 'ի խաղաղութեան կուսանդ
 ընտրեալ , և խորհուրդ մտաց քոց ա
 նարատ և անխախտ ծանուսցէ քեզ թէ
 խաղաղութիւնն Քրիստոսի է , որ զհու
 գի քո նորոգէ , և անտի 'ի սիրտ քո զե
 ղանի . « Խաղաղութիւնն Քրիստոսի մը

խիթարեսցէ զսիրտ ձեր » . կողմ . Գ . 18 :
 Այս պտուղ՝ զոր մինչև ցայժմ մշակեցիք երանելի պատուաստիւք արդարու թեան , և որ զձեր պատերազմն կռուի ընդդէմ ձերոց յօժարութեանց , ժառանգել զարդիւնս շահեկանս , ընդ մօտ աւուրս պսակ հիւսեսցէ ձեզ՝ անյեղլի տևողութեամբդ 'ի բարին : Այսպիսի է օգուան , զոր օգտին 'ի ձերոց կրօնակցացդ . որք ուրախ են ընդ ձեզ 'ի կոչմունս իւրեանց , զի և 'ի սուրբ օրինապահութեանն ճիշդ ևս գտանին :

Ապա երջանիկ հոգիք՝ միշտ մշակեցիք զհոգի ձեր յերկնային կացութեան վիճակիդ . և շնորհք Տեառն յաւելցէ 'ի ձեզ զխաղաղութիւն . « Շնորհք ընդ ձեզ և խաղաղութիւն բազմասցի » . Ա . Պեք . Ա . 2 . մինչև յագեսցիք երանութեամբ բազմաւ 'ի հանգիստն յաւիտենից :



վաբու ՚ի ճանապարհս երկրին աւետեաց
այսպէս խօսէր առ իւր ժողովուրդ, յա-
րեալ առ նովաւ և զաստուածային հը-
րամանն :

Հաճոյ թուեցաւ նմա զգթած աչս
իւր առ ձեզ դարձուցանել քան առ այլ
բազում ազգս և աղինս, որ թերևս ա-
ռաւել արժանաւորք էին քան զձեզ նի-
ազ դօրով յասպաշնորհն լինելոյ և յան-
ճանաչող, և անբաւ հրաշիւք ազատել
զձեզ յահեզ թշնամւոյ, և բանալ ձեզ
ընդ անկոխ ալիս կարմիր ծովուն անցս
անքոյթս առ ՚ի փախուստ առաջնորդել
ձեզ ընդ անապատն Փառան, ընդ Սին
և ընդ Սուր, անխոցելի պահել զձեզ ՚ի
մահաբեր նետից հսկայից որդւոցն Եփ-
րեմայ :

Նա եղև ձեզ ապաւէն, պաշտպան
և տեղի ապաստանի մինչև յերկիրն՝ յոր
հասցիք ընդ հուպ, կոխեալ զերկիրն Մու-
վաբու :

Չեզ անկէ հռչակ հարկանել զառա-
տաձեռնութենէ ողորմութեան նորա,

և հաւատարմութեամբ զհրամանս նորա սրահել, զի հասջիք 'ի ժառանգութիւն երկրին բարութեան, որ բղխէ զկաթն և զմեղր 'ի ստացութիւն երկրին աւետեաց :

Օրմանայք դուք քորք՝ ընդ լուր սրատմութե՛ն յաջողուածոյ ժողովրդեանն Իսրայէլի, և ապշիք ընդ խանդակաթ սէր Աստուծոյ՝ որ առ նոսա : Այլ մեզ անձուկ է, զի ձեր առաւել ևս յակճիռս լեալ իրացս, կերպարանեցիք յայսցանէ վէսս զողորմութեանն Աստուծոյ՝ հանդիսացեալ 'ի ձեր հոգիս, որ համարի այսօր իբր ժողովուրդ՝ զոր որպէս իւր սեպհական՝ մասնաւոր խնամովք ստաւ ձէ : Բաղդատեսցուք՝ թէ հաճոյ իցէ ձեզ մասն ըստ մասնէ, զի տող հրաշից գործելոց 'ի բարեբաղդ աղինն վերայ, զոր յուշ ձեր ածեմք յընտրութեանն՝ որով նուիրիք այսօր 'ի Քրիստոս, լուսաւորեսցէ զսիրտս ձեր մեծաւ գթով շնորհս ունել զնմանէ որ ընտրեաց ըզ ձեզ քան զազգս ամենայն՝ որ 'ի վերայ

երեսաց երկրի » : Իննամէր զժողովուրդըն յաջողուածովք, միջոցօք և հրամանօք, որովք ցուցանէր զճանապարհ՝ զերկիրն աւետեաց ամեկոյ զբռամբ : Յուշ ամեալ ձեր զսիրալիր հայեցուածս, ըզնախանկար ատեչութիւնս՝ որ ՚ի վերայ ձեր, յորդորեսջիք և դուք ըստ այնոցիկ փոխանակաւ՝ զձեր հայեցուածս առ նա դարձուցանել, որ ընտրեաց զքեզ « Եւ նեւ նմա ժողովուրդ սեպհական » : Եւ յերկուցս յայսցանէ անսպառ աղբերաց անապակ հաճութեան առ ջիք ձեզ ի մաստս՝ աճեցուցանել նոքօք և սքան զևս զչնորհակալութիւն և զնմանութիւն :

Մէք նախ զմտաւ ամցուք զժողովուրդն Իսրայէլի ըստ վիճակի եգիպտական գերութեանն, յորժամ ծանրաբեռնեալ յանտանելի լծոյ դժնդակ ծառայութեանն՝ յորում ոչ գոյր առ նոսա թոյլատրութիւն զոհել առ Աստուած ճըմարիտ զոհս խողաղականս . քանզի և անասունքն նուիրելիք՝ աստուածք էին զաղբոտի երկրպագուաց Եգիպտացոց .

և ոչ յոյս ինչ երևէր ըստ մարդկան ա-
 կրնկալութեան՝ ստանալ Իսրայէլի զա-
 զատութիւնն վերստին : Մի՛ զի վահ-
 րտեալ սիրտ անառաջնորդ և անխոր-
 հուրդ ժողովրդեանն ընդդէմ էր այսմ .
 և միւս ևս՝ զի ուժեղակ էր բռնաւորն՝
 որ ծառայեցուցանէր զնոսա : Իսկ առ
 Աստուած , առ որում չիք ինչ գժուա-
 րին , հաճոյ եղև երկնային խորհրդով
 տեսչութեանն ընտրել զնա իւր ժողո-
 վուրդ և ժառանգութիւն . և զսիրտ նո-
 ցա ներքուստ կազդուրեալ յայն գործ
 մեծ , և զՄովսէս առաջնորդ տուեալ
 նոցա՝ և պատնէշ հզօր ընդդէմ ցաման
 Եգիպտացւոց , հրաշիւք ամենազօր կա-
 թողութեան իւրոյ եհան զնոսա ՚ի դը-
 ժընդակ ծառայութիւն ՚ի բազուկ հզօր :

Յօրինակէս յայսմանէ քաջ իմանայք
 ձեզէն , առ ի՛նչ օրինակ բերին ասա-
 ցեալքս . և իմանայք զառաջնորդու-
 թիւն տեսչութեանն , զոր եցոյց Աս-
 տուած Իսրայէլացւոց , յիշատակ կարգ-
 ըստ կարգէ շնորհացն՝ որ հեղան յոգիս

ձեր հրաշափառագոյն և ս'ի շղթայիցն
գերութենէն ազատել զձեզ, և առնուլ
ածել զձեզ յայժմեան յայս ազատու-
թիւն ծառայից իւրոց : Ալ արդարեւ
կարծեմ թէ և ձեր յաշխարհի աստ ոչ
էր նուազ յօժարութիւն՝ զոհս մատու-
ցանել Տեառն : Այր նա 'ի դեռահա-
սակ մանկութեան իւրում ծանրացեալ
'ի լծոյ ապարասան ակտից, 'ի բորբո-
քեալ ցանկութենէ հեշտութեց՝ զիւ-
րութեան և ազատութեան :

Արդ՝ առ 'ի նուիրել զանձն Աստու-
ծոյ, հարկ էր զոհել նմա զայսոսիկ՝ զորս
աշխարհ պաշտէ, կամակար հրաժարեալ
'ի սանձակոտոր եղանակէ աստի կենաց,
յապականեալ բարուց 'ի կենցաղական
զրուցաց, 'ի շքոց՝ որք բրիստոնէութեան
անվայելք են, սիրելով զատելիս և ատե-
լով զսիրելիս նորա :

Ալ զիմրդ յուսալի այս 'ի մանկա-
մարդ օրիորդէ յընդհանուր ապականու-
թեան աստ աշխարհի, որ առնուլ կա-
մեցեալ զքաջայարմար փոխաբերութի

Դաւթի, ամենայն ուստեք անձրևս ու
 բողոքայթից տեղայ. « Տեղացէ . . . որու
 գայթ ». Սաղմ. Ժ. 7:

Աղետաբեր երևոյթք հրաժարելոյ և
 միայնութեան, ահագին յիշատակք ժուժ-
 կալութեան և մեռուցանելոյ զանձն,
 սոսկալի ուրուականք անհրաժեշտ մա-
 հու ՚ի կենաց, որ ըստ աշխարհի, սու-
 քա նկարագրէին ՚ի հոգիս ձեր տեսա-
 րան երկիւղալի, և արտաքուստ առաջի
 ածէին ձեր բռնաւոր հարստութեամբ
 նորա, որով ճոխանայր ՚ի վերայ խոր-
 հըրդոց սրտից ձերոց:

Վասն այսորիկ ահա՛ Աստուած մեծ,
 որ զգթած աչս իւր դարձուցանէ ՚ի ձեզ
 և ընտրէ զձեզ յայլոց անտի ըստ հա-
 ճութեան կամոց իւրոց և մասն առնէ
 զձեզ ընտրեալ շնորհին: Օ՛աներուք ըզ-
 բարերար ընտրութիւնն, որոյ թողեալ
 զայլս՝ որ անփոյթ եղեն զհրաւիրանաց
 շնորհին՝ առ զհետ գնալ զընթացից բը-
 նութեան, և խաբէսպատիր հետոց հեշ-
 տութեան սպտուոյ և փառաց, զձեզ

ընտրեաց : Օրհնեցիք , զի ՚ի ճանապարհի փրկութեան առաջնորդ առիք անձանց զաստուածային տեսչութիւնն , որ սքանչելեօք աջոյ իւրոյ եհան զձեզ ՚ի բիւրաւօր վտանգից կորստեան . և յայս տեղի ապաստանի զձեռանէ կալեալ ած զձեզ՝ որպէս մայր որդեսէր ածէ զմատաղ մանկունս իւր ընդ իւր : Նովաւ քաջացայք կանգնել անպարտ ախոյեան ընդդէմ հզօր ախտից ձերոց , որք ճակատ մարտի հանդերձէին ՚ի սիրտըս ձեր : Նմա պարտիք զյաղթութիւն ձեր ընդդէմ արտաքին թշնամեաց ձերոց , որք և ոչ վայրիկ մի դղային բաղխիլ ընդ ձեզ հզօրեղապէս :

Քանի՞ փոփոխութիւնք կենաց եղեն ձեզ յառաջին ախոյ անտի ձերոց , այնքան սքանչելիք եղեն ամենաբաւ զօրութեան , այնքան շաւիղք փրկութեան : Քանիցս բողոք կալայք զդիպուածոյ արկածից : Այլ այն ամենայն քաջ և յառաջատես անօրէնութիւն էր աստուածային , որոց մի միայն կէտ նպատակի էր

առնել զձեզ յաւուր միում՝ ապահով և
 խաղաղ ընդ հովանեաւ իւրոյ սրբու-
 թեան վայրացն : Ղանապարհք փրկու-
 թեան և ցուցակութիւնք ամենակալ
 զօրութեան եղեն ասարասան ախտք՝ որք
 զչղթայս խորտակեցին , ամուք մառախ-
 լաստոք՝ որք զսրտիւ շուրջ փակեցին ,
 արգելք չար ցանկութեանց զընթացս
 ձեր նահանջեցին : Նոյն իսկ ընդդիմու-
 թիւնք , սր զօիրա ձեր խռովեցին , և
 կասկածք երկմտութեան՝ որք տրտմու-
 թիւն զձեօք արկին . տրտմութիւն փո-
 խարկեալ ՚ի խնդութիւն . յեղամտու-
 թիւն ՚ի հաստատութիւն , յուզմունք
 թախճանաց ՚ի խաղաղութիւն : Այս
 ամենայն նշանք ամենակալին , այս ամ-
 մենայն շաւիղք փրկութեան : Այլ թէ
 հաճոյ իցէ ձեզ անդր ևս քան զայս
 զուշ մտացդ յառել , ՚ի նշանս ամենա-
 զօրին գործեալս ՚ի լրումն ընտրութեան
 ձերոյ . « Հայեցարուք , դստերք ազգի
 մարդկան » . Սիրաս . Բ . 11 : Ասացուք և
 մեք առ ձեզ . շնորհ մի և եթ արկնար-

կութիւն շուրջանակի յազդս ամենայն
որ 'ի վերայ երեսաց երկրի :

Յորժամ ժողովուրդ Տեառն ընդ հար-
կանել հրաշալի գաւազանին Մովսէսի ,
ետես բացեալ ճանապարհ ապահով փա-
խըստեան 'ի մէջ փրփրացեալ կսհակաց
կարմիր ծովուն , ծանեաւ զերկնային ձե-
ւըն Աստուծոյ փրկչին իւրոյ : Այլ յոր-
ժամ դարձեալ յետս՝ ետես ընկղմեալ
և խորտակեալ զԵգիպտացիս զթշնամիս
իւրեանց , զկառս նոցա և զերիվարս ,
զսպառազինութիւնս , և զամենայն մե-
ռեալ դիակունս նոցա խաղալիկ եղեալ
ճփանսոց ալեաց , յայնժամ ծանեաւ և
զսէր Աստուծոյ , և բարձրացոյց զձայն
իւր բարձր առնել զերախտիս . աղաղա-
կէին . « Տէր ո՞վ նման էքեզոյ . ՍՂՃ. ԼԴ. 10 :

Ապա և դուք՝ որք անցիք ընդ առապար-
շաւիզս կարմիր ծովուն , դարձուցէք զա-
չրս ձեր և տեսէք , սրչափ բազմութիւնք
են զրկելոց յերջանկութենէ , որք ընկրղ-
մեալ նաւակոծին 'ի մրրկածուփ ծովու
ընդհանուր ապականութե՛ : Տեսէք՝ սր-

չափ մարմնասէրք , անձնասէրք , սրչափ
կեղծաւորք և կենցաղակիրթք , և ընդ
անհամար բազմութեան նոցա ՚ի համար
արկէք զայնոսիկ թուով սակաւունս , որք
կեան յանդորրութեան ընդ հովանեաւ
երկնային խնամոց :

Այլ դուք առաւել ևս ուշ դիք , զըն-
նեալ քաջ զկենցաղոյս բարիս՝ որք կազ-
մեն զնոցա ստապատիր երջանկութիւն ,
և զոր ընդ զառանցեցուցիչ վարագու-
րաւս այսու քողարկի՝ զթոյնն մահաբեր՝
որ սպանանէ զնոսս : Հայեցարուք ՚ի
հարսունս բաժանեալս ՚ի փեսայից , եղ-
բայր յեղբօրէ , նոյն ինքն հայր յորդույ-
տեսէք բարեկամս , որք գայթակղեցու-
ցանեն զբարեկամս իւրեանց . և արք
վատշուէրք զկեղծիս իւրեանց սքօղեն
սլարկեշտ վարագուրաւ : Անդ դաշինք
բռնաբարեալք , խարդախ բարեկամու-
թիւնք , օրէնք լուծեալք , կեղծեալ ա-
տելութիւնք , տոկոսիք անիրաւք , կաս-
կածք , նախանձ , վրդովմունք , որք զճա-
նաստարհս հեշտութեանց թունիւք լը-

նուն : Այս աշխարհ է , զոր լքելք . այս հեշտութիւնք նորա , որոց բարեաւ մընալ սասացիք :

Չգիտեմք , արժանահաւատ ինչ իցեն պատմեալքն յաղագս նախճին մարդկանն , որք յորժամ յանչէնս բնակէին՝ չէր ինչ ՚ի նոսա գողցես նշմար մարդկութեան . մինչև ապա ՚ի քաղաքական կրթութիւն մտեալ հաստեցին ընդ միմեանս կցորդութիւն կենաց՝ ըստ բանականացս յատկութեան : Այլ մեզ կարի ճշմարիտ թուի , թէ կենաց կցորդութիւն այսմ քաղաքական ընկերութեան՝ սակաւ տեւաց ժամոնսակաւ . քանզի իմաստունք ՚ի նոցանէ լաւ համարեցան ապա միայն ընդ միայնոյ յանապատս թափառիլ , և ընդ կենդանեաց կենակից լինել , ընդ առիւծս և ընդ գայլս , քան ընդ զգայուն և բանեղէն մարդկան :

Արդ՝ ՚ի հայել մեր ՚ի սակաւութիւն խոհականաց՝ յընդհանուր սպականութիւն աշխարհի , որ ըստ Ռսկէբերանին՝ զբարին չար ասէ , և զչարն բարի , ո՞ր

պիսի խորհուրդք զարթոյցեն 'ի սիրտըս ձեր : Այլ 'ի հայել առ ձեզ՝ որ յայնքան վշտաց վտանգէ խուսափեցիք, և յանքոյթ ասպատան ածեալք եղերուք ձեռամբ Տեառն, ուր սուրբ պարիսպք շուրջ փակեն զձեզ, ուր կուսանք պսակըս բոլորեն ձեզ. և երջանիկ քօղ կրօնաւորական ծածկէ զձեզ յաշխարհէ և յունայնու թեանց աշխարհի. որ քաղցր տօն ցնծութեան և անասակ բերկրութեան ելից զսիրտս ձեր, որք ընդ սրբոյ ժողովրդեանն ձայն բառնայք երգոց գովութեան առ Տէր :

Ամբարձէք և ևս զմիտս ձեր 'ի վերոջ աստ է կատարած պատմութեան ու զորմութեանն Աստուծոյ 'ի վերայ ձեր, որպէս 'ի կարգս սքանչելեաց Աստուծոյ առ իւր ժողովուրդ ընարեալ, խորտակեալ նոցա յիրաւի զԵգիպտական լուծն՝ դարձուցին սերաիւ գշաւիլս իւրեանց 'ի խոստացեալ երկիրն կոյս. և այս մեծաւ մասամբ՝ աստուածային գթոցն էր գործ. այլ մտանել 'ի ժառանգութիւն

Երկրին՝ մնայր արդասեաց նոցա : Այն
 անգիտու թիւն կեղծեսցուք ընդ այն՝ որ
 չափ ինչ վիշտս և տառապանս կրեաց
 այն ժողովուրդ մոլորեալ ընդ անկոխ ա-
 նապատսն ընդ Փառան , ընդ Սին , ընդ
 Սուր , և ընդ անմատոյց առասպարս լե-
 րինն Սինայ : Այն և զայլ ահագին և ըզ-
 սարսափելի դէպս նոցա ՚ի մտաց ՚ի բաց
 արկցուք : Եւ ժկալեաց ժամանակս ինչ
 ՚ի հարկաւոր կերլեացն պակասու թեան .
 ՚ի վերայ յարձակեցան նոցա գոռ մար-
 տիւ զօրք Ամովրացւոց և Փերեզացւոց՝
 բազումք թուովք , անմեղկելիք բարուք ,
 և ուժով անսպարտելիք : Այլ Տէր խնա-
 մէր զնոսա , երբեմն տեղալով ընդ ամե-
 նայն տարածու թիւն բանակի նոցա մա-
 նանայ յերկնից . այլ երբեմն ՚ի վիմէ ջուր
 բղխեցուցեալ նոցա ՚ի զովացումն . և
 էր՝ զի ընդդէմ զինուց թշնամեաց զօ-
 րացոյց զանյաղթ բազուկ Յեսուայ , ըս-
 տուդեւ զյաղթու թիւն առ ժողովուր-
 դըն սուրբ :

Ազդ տունեմ ձեզ , ոչինչ աննման է

և ձեր վիճակ, զի ընտրութիւնդ ձեր
այդ 'ի նուիրել Քրիստոսի, գործ էր Աս-
տուծոյ : Այլ 'ի մասին հրաժարելոյ յաշ-
խարհէ և 'ի վայելչութեանց նորա՝ ձեր
համարի : Այս ոչ այլ ինչ է, բայց եթէ
ըստ ասելոյ Պուլլինոսի, առաջին քայլ
դժուարասեպ ուղւոյն՝ որ տանի 'ի կրօ-
նաւորական ընթացս : Այսն այսորիկ
մնայ՝ զի շնորհ կալլիք զառաջնորդողէ
ձերմէ 'ի հրաւեր շնորհաց, և հաստատ
զդէմ կալլիք ազդեցութեանց բնութիւն
և հակառակութեանց անձնասիրութեց :

Այլ զի չիք ամեն գետոյ այնմ՝ որ առ
'ի լեզ անցանել ընդ գրգանս արագըն-
թաց գետոյ՝ զերծեալ իցէ յանձնէն զիւր
հանդերձս առ 'ի չիներ խոչ . այլ հարկ
է այնպիսումն հերձուլ զբուռն վազս
ջրոցն և զայլ խոչս՝ որք սրատահիցինն .
ըստ այնմ սէտք են և ձեզ զամենայն
ընդդիմահար վանել, զամենայն կար-
ծրութիւն փշրել, և այնպէս մտանել
յուզին կրօնաւորական կատարելութիւն :
Արդ բարւոյք հրահանգեալ յայս ամե-

նայն սլարաականութիւն ձեր, յայս ուշ
խորհրդեան զմիաս ձեր յառեօջիք :

Անահանջելի դաշնդ՝ զոր կնքեցիք,
արջնաթոյր աղաբողոնդ որ ծածկէ ըզ
ձեզ, մտղթանք եկեղեցւոյ սրբոյ 'ի վե-
րոյ ձեր իբրև 'ի վերոյ մեռելոյ, ցու-
ցանեն՝ թէ լուծիք զամենայն կասլ՝ որով
ընդ աշխարհի կասկեալ էիք, որպէս թէ
ու և ս կալոց իցէք 'ի նմին, այնպէս գոր-
ծելոց իցէք՝ իբր թէ աշխարհ մեռեալ
իցէ վասն ձեր. հանդիսաւոր ուխտան՝
զոր ուխտեցիք, հաւատարիմս առնեն
զմեզ թէ լքեալ 'ի բաց զգործս աշխար-
հի՝ գրեցոյք 'ի զինուորութի՛ Քրիստոսի.
այլ ոչ թէ զհոգի նորա առիք, թէ սէր
կաթողին ունիք առ կրօնաւորական ա-
ռաքինութիւնս, և հաստատուն իղձ հա-
նապազորդելոյ 'ի հրահանգս նորա : Ահա
այս ամենայն 'ի ձէնջ են, և 'ի ձէնջ
խնդրեն զլրումն. աստ պէտք են ձերու
ցրդ ճգանց և վաստակոց :

Հակառակ կան կրօնաւորական կե-
նաց ձերոց խօջք յօժարութեանց առ

բարութիւնս և առ հեշտութիւնս՝ կի-
 սամեռք. սէր ընկերութեան և համար-
 ձակութեան՝ անհաշտ թշնամիք սրբու-
 թեան ձերոյ: Մ'նայ ձեզ ընդոտնել զայ-
 սոսիկ, 'ի թողուլ զբարիս կենցաղոյս՝ ըս-
 տիպէ զձեզ աղքատութիւնն զոր եր-
 դուայք. այլ ըստ Ոսկ'՝ ձեզ արժան է
 անձնովին զգոյս ձեր յաւար մատնել:
 Հանասդակ մաքրութեան կալ սարտա-
 ւորեցիք զանձինս՝ զօրութեամբ անջրե-
 լի օրինին զոր ընկալայք. այլ սէտք են
 ձեզ՝ զի զխստութիւնդ զայդ և զառան-
 ձնութիւնդ սիրիցէք, որով ըստ առա-
 քելոյ կայք “Մարմնով . . . այլ ոչ ըստ
 մարմնոյ” . Բ. Կորն. Ժ. 3:

Հուսկ յետոյ 'ի հնազանդութի ստի-
 պէ զձեզ՝ խորտակել զկամս ձեր, որ հա-
 կառակ կայ այնմ. այլ ձեզ մնայ ասպխտ
 առնել զցանկութիւն ձեր և զկամս, հը-
 նազանդել ոչ նմա միայն՝ որ քաղցրամօք
 բարոյիւք և դիւրալուր մտօք առաջ-
 նորդեալ կառավարէ զձեզ, այլ և զա-
 մենեցուն նոցա՝ որ ընդ բովանդակ ըն-

Թացս կենաց ձերոց յայս գահ մեծու-
 Թեան անցեալ կացցեն: Անցեալ ընդ այս
 գժուարին յորձանուս՝ առաւել ևս գը-
 ժուարու թիւնք անցից կան առաջի, մըր-
 ցիլ ընդ նոսա. 'ի յաղթել զնոսա՝ այլոց
 զինուց են պէտք, զինուց հաւատոյ, բա-
 րեպաշտութեան, սիրոյ և աղօթից:

Եւ զի՛նչ, փո՞րձն արդեօք երկեցու-
 ցանէ զձեզ, անձանօթ է ձեզ արդեօք՝
 Թէ ճանապարհ է այն ախտից ըստ բա-
 նի հարց. ճանապարհ ճգանց է անքոյթ
 ճանապարհն՝ որ 'ի փրկութի՛ առաջնոր-
 դէ: Ահմն այն՝ յոր փորձէ Աստուած,
 և կատարեալս առնէ զզօրութիւնս ծա-
 ուայից իւրոց, Թէպէտ և ճանապարհ
 ճգանց ասացի, քանի՞ այնօրիկ են որք
 անուշակ մխիթարութիւնս խնդրեն զը-
 ւարձանալ երկնային հաստիչ մանանայ-
 իւն. սրչափ գետք բերկրապատար խըն-
 դու թեան և խաղաղութեան հոսեն ընդ
 սա՝ առ զպատրեալս արբուցանելոյ: Իջ-
 ցեն յերկնից անպատիր փափկութիւնք
 ուողանել զհօգիս ձեր, և յօղ քաղ-

ցրու թեան զովացուցանել զսիրտ ձեր :
Եւ Աստուած գթած՝ որ ՚ի մատաղ տիոց
անտիկոչեաց զձեզ, միշտ առ ընթերկաց-
ցէ ձեր որպէս փեսայ հաւատարիմ, և
միշտ յազթողս արասցէ զձեզ :

Այլ աստ ո՞ր չարագուշակ խորհուրդ
բօթաբեր տխրեցուցանէ զձեզ : Իսրայ-
էլեան ժողովուրդն ապաշնորհ առ ու-
ղորմութիւնն Աստուծոյ, և միշտ խըս-
տապարանոց առ բարերարութիւնս նու-
րա, այլ ոչ կարաց ընդդէմ կալ նեղչաց
իւրոց, և թիկունս դարձուցեալ անար-
գաբար յերկրէն աւետեաց, ցանկա-
ցեալ ՚ի սոխն Եդիպտոսի՝ թեքեաց զմի-
տըս իւր խնդրել զերկիրն անհաւաստից :
Հիմ վըդովիմք մեք. առ ի՞նչ ամբոխդ
և բրթմնջիւն. չիք մեր յայսմիկ համե-
մատութիւն ընդ նոսա : Եւ յողովուրդ
էր սոյն անմիտ և կամակոր. ձեզ ՚ի բը-
նութենէն վիճակեցան բարք քաղցունք
և դիւրանասոցք, և ՚ի բարեպաշտու-
թիւն պատրաստք : Աորա աներկբայ նը-
շանս էր տուեալ զիւրոյ յեղևեղկոտու-

Թեան և անհաստատութեան , դուք
ընդ հակառակն ցուցէք զանձինս ձեր
առ 'ի բարիս հաստատուն :

Վասն այսորիկ արժան է և իրաւ՝
բարի գուշակութիւնս առնել մեզ ըզ-
ձերմէ առաքինութիւն . « Հաստատեալ
եմ վասն ձեր . . . 'ի լաւ անդր , և որ
լին է փրկութեամբ » . Լէբրայ . Զ . 9 : Լը-
խնդրեմք զի իջեն 'ի ձեզ օրհնութիւնք
երկնից՝ զոր համօրէն ուխտիւս մաղթե-
ցաք , որք իջին 'ի վերայ ընտրեալ հա-
ւատարիմ մասին սրբոյ ժողովրդեանն :

Լը Տէր իրաւամբք ընտանութեանն՝
որով մերձեցայք առ նա , երանելիս ա-
րասցէ զձեզ մինչև ցկեանս 'ի վերայ եր-
կրի , և զձեզ և զգործս ձեր զօրացուցէ
զօրութեամբ շնորհաց իւրոց . եղծցէ
զթշնամիս հոգւոց ձերոց . բացցէ ձեզ
զգանձս ողորմութեան իւրոց , զի հառ-
ջիք 'ի լրումն փափաքանաց ձերոց , և
յաւեախն խոստացեալ ձեզ . և յետ
համբառնալոյ զձեզ ընտրանօք 'ի վտան-
գէ աշխարհի 'ի վեր՝ փառաւորեսցի 'ի

ձեզ, տալով ձեզ տեղի յանժամանակ և
յանեզրական տաղաւարս վերինն Երու-
սաղէմի :



Ի ՍՈՒՐԲ ԿՈՒՍԱՆՍՆ

ՃԼՈՒ Դ .

Ի ԲԱՆՆ

« Խօսեցայց զքեզ ինձ հաւատով, և ծանկցես զՏէր » :

Ուէ . Բ . 20 :

Եթէ արժան էր մեզ 'ի սերկեան
աւուրս 'ի տեղւոջ աստ յայսմիկ ընդ ձեզ
միայն խօսել և ընդ այլ ձեր վիճակակից
միանձունս, որք հաճեցան յիւրեանց քոյ-
րու թիւն հրաւիրել զձեզ զառաջին զայս
'նուագ, ոչ առ այլ ինչ զդէմս բանիցս
ուղղէի, բայց և եթ երանելի առնել
զվիճակ ձեր, և բարձր առնել և փա-
ռաւորել զպարծանս յաղթանակի ձե-
րոյ : Օ վեհանձնաւոր գործդ 'նուիրա-

նայ՝ զոր նուիրէք այսօր սրայծառադէմ
 և անվեհեր սրտիւ, համարիլ էր ինձ նը-
 ման գործոց Դեբովըայ կնոջ պատերազ-
 մականի և Յուդթայ. զի և Սողոմոն ձե-
 ուրն տայ մեզ միաբանութեան ասել՝ թէ
 յաղթութիւն մե՛ծ է նուաճել զհոգւոյ
 կիրս, քան պատերազմի կահիւք առնուլ
 զքաղաք. « Որ յաղթէ անձին իւրում,
 լաւ է քան զայն՝ որ առնու քաղաքս հը-
 ղորս » . Լւսի . ԺԶ . 32 . (լստ լստ .
 Թարգ :) Լյս յառաջագիմութիւն բա-
 նից ապա հաւանեցուցանէր զձեզ, զի
 առ պատուականութեան ՚ի ձեռս ձեր
 հասեալ գանձուդ՝ նախանձաւորք լի-
 նիջիք ՚ի սրահպանութիւն նորա :

Լյլ քանզի շուրջ զմեօք բոլորեալ
 տեսանեմք իբրև պսակ պատուական՝
 անձինս յամենայն կարգէ արս կենցա-
 ղականս, որք կեան յաշխարհի, և զօրէնս
 և զսովորութիւնս և զքարս նորա ոչ ա-
 նարգեն, թերևս և յարգեն իսկ՝ և ՚ի
 պատուի ունին. ապա հարկ համարես-
 ցուք մեզ առաջի առնել զգժուարու-

Թիւն ինչ՝ որ գուցէ 'ի միտս նոցա զեւ
 ոայ լուելեայն, մերձ դնել և զլուծումն:
 Եթէ օրիորդ դեռ տհաս, մատաղ տիօք,
 ուժով առոյգ, կազմածով առողջ, խուլ
 առհրաւէրս առատաձեռն բաղդին՝ ըզ
 դէմս իւր դարձուցէ 'ի լին առան
 ձնուԹիւն, անձամբ զանձն 'ի ճգունս
 դատապարտեալ և յապաշխարուԹիւն,
 փակեցի յանել բանտ 'ի յաւիտեանս,
 հնար է այսմ լինիլ ոչ այնքան 'ի վեհան
 ձնեայ վսեմուԹենէ սրտի, քան յանդէտ
 պարզմտուԹենէ, յանհրահանգ տգի
 տուԹենէ, 'ի վահրոտեալ փոքրողու
 Թենէ, որ ծաղու արժանի իրք են՝ քան
 գովուԹեան և դրուատանաց: Այս լե
 զու է փափկասնունդ հակառակորդաց
 աւետարանական խստուԹեանս, որք յա
 նիրաւել առնուն 'ի բերան զվարդապե
 տուԹիւն կրօնաւորական, և յանչափս
 յարդեն զանսանձ համարձակուԹիւնն
 աննուաճելի:

Արդ ընդդէմ այսպիսում լեզուոյ՝
 որ բղխէ 'ի մոլար և 'ի սուտանուն գիւ

տու թե՛ն է այժմուս ընդդէմ անսայթար
 և անսուտ իմաստութեանն Յիսուսի
 Քրիստոսի, ամբարձցւաք մէք զձայնս մեր,
 և դոյզն ինչ հատեալ ընդմիջեալ զկարգ
 վսեմափառ սրբազան երգոցս և արարու
 ղութեանց, ասպցոյցս 'ի մէջ առցուք
 առ 'ի հաստատութիւն ոմանց և առ 'ի
 ձեր քաջարանս. զի անձինք աշխարհիկք
 անարգեն և ծիծաղին զմիանձնականն
 առանձնութեամբ, որով 'ի կուսաստանս
 մտանէ աղջիկ օրիորդ իմաստուն. որոյ
 դիտումն մտաց անդստին 'ի մանկութե
 նէ՝ կամ աշխարհի ուղերձիլ ունի, կամ
 առ Աստուած նուիրիլ պարտի: Քանզի
 աշխարհս տէր է ժանտաժուտ, յորմէ
 հրաժարէ նա մշտնջենաւոր բաժանմամբ
 բն. և Աստուած տէր է բարեբարոյ,
 զորոյ զսուրբ լուծ յանձն առնու և նը
 ւիրի նմա հաւատովք 'ի հարսնութիւն.
 « Խօսեցայց զքեզ ինձ հաւատովք »:

Եւ արդարև զի՛նչ է աշխարհս այս,
 որ սփռեալ տարածեալ ունի զբռնաւոր
 տէրութիւն իւր 'ի վերոյ ամենայն մը:

տաց և սրտից մարդկան . որ վարէ բու-
 ւըն ճոխութիւն և անտանելի մտահա-
 ճութիւն կանխակալ 'ի վերայ նոցա , որ
 պաշարէ զամենեցուն դատումն յարգա-
 նօք և ակնածութեամբ զինքենէ՝ որպէս
 ոմն որ առատաձեռնէ նոցա շնորհս , նը-
 պաստս , բարերարութիւնս , յաջողուածս .
 և երանացուցանէ զմարդ , և նովաւ յա-
 ջողի նմա 'ի դործս նորա :

Սկզբէ ասեմ սա . դու՛ աղջիկ մատաղ,
 'ի մայրենի տան քում թերևս 'ի ձան-
 ձրոյթ ըմբռնեալ ոչ կարացեր քաջ քրն-
 նել զիրացն կերպարանս՝ յոր այժմ բու-
 ւըն հարեալ է քո . և թէ յանարժան
 ծաղուէ կամ յանպարկեշտ երգոց 'ի
 հեռուստ ուստէք 'ի լսելիս քո հասելոց,
 կամ 'ի պէսպէս տեսարանաց՝ զոր լուեալ
 իցէ քո պատմել՝ որոց 'ի զննին թատրու
 նոց իցեն յաճախեալք , զպարուց , ըն-
 խաղուց , և զկենցաղակցութեանց . 'ի
 սոցանէ ասեմ դատեալ հաւանեցար
 գալ աստ՝ իբր 'ի գտանել զայն զոր ցան-
 կայիրն 'ի լրոյ , յանզգոյշս պատրեցար ,

խաբեալ է երևակայութիւնքո :

Անշ առ ՚ի լուսաւորել և ուղղել ըզմիտս ձեր՝ հնար է առաջի առնել զքանս սուրբ գրոց և սրբոց հարց , որք ասեն զսա եղծեալ և սպականեալ ըստ բարուց յինքեան , և այլոց եղծիչ . ասեն թէ չէ՛ այնպիսին ՚ի համարի աշակերտաց Տեառն , և ոչ ինքն Յիսուս Քրիստոս կամի ընդունել զայնպէսն յայն պար : Արոց միայն զգայական է իմաստասիրութիւն , և ՚ի մարմնապաշտից վրիպանուն գիտութիւն ամէ առաջնորդեալ . որք զառաջինն մարմաջեն զսելիս ՚ի ցանկութիւն ախտիցն , զի տպա և ՚ի գործն կարապետեսցեն : Այթ է միայն այսու օրինօք լինէր կանոն ընկերութե մարդկան , որք կեանն . և թէ ՚ի փոփոխութեան պաշտաման և վիճակաց կերպարանեն զայն հաւասարութիւն և ներդաշնակութիւն ախտից , վախճանաց և առածից՝ որովք ամբանան և սրտասպարին բարեկարգ կառավարութիւնք , թաղաւորութիւնք և հասարակապետու

Թիւնք, ՚ի նմին ժամու յայլ կերպարան
փոխէր աշխարհ բովանդակ ըստ սրբոյն
Օգոստինոսի, և զքնկերու թիւ որ յայն
ժամ հնար լինէր Բաբելոն կոչել, կամ
Տիւրոս, կամ գիւաց ժողովարան :

Հնար է մեզ այլ և ս ասել ՚ի հաւաս-
տեաց՝ որ ՚ի փորձոյ : Քանզի յորժամ
պէտք լինին բուժել զչարագուշակ հե-
տևողս աշխարհի ՚ի խղիւսայթեալ ՚ի շա-
րաւալից վիրաց անտի իւրեանց, լսեմք
գանդատս, լալօնս, ողբս և հեծու թիւնս :
Մ.Մ. ոչ . . . անձամբ անձին խոստովան
եղերուք : Սուարուք զձայն նոցին իսկ
կենցաղականաց, որք ՚ի գրկաց ճշմար-
տու թե՛ խուսափեն յայնժամ՝ յոր հա-
ասկ տիոցն, խորհուրդք, վաստակք ան-
ջատեն զնոսս ՚ի մտահաճու թեանց և
՚ի պաշարմանէ կրիցն :

Ասացեն նոքա յայնժամ, թէ աշ-
խարհս ծով է ալէծուփ. բաւ իղ է գիւ-
րամուտ և դժոխեւանելի. տեսարան է՝
որ զհաճելին հանդէս փոխէ ՚ի կեր-
պարան յայլ՝ յանկարծակի. ՚ի մի բան

համառօտեալ՝ կեղծուպատիր է այն , վատչուէր , սոոյ սուտ , մամնիչ : Այլ մի ջահատեսցեն զքանս իւրեանց ողբով , լալով և հեծեծանօք : Անք յաւելումք , և դուք թերևս զնոյն կրկնէք ՚ի սիրտս ձեր : Ինք այնպիսում տեառն ծառայէք՝ որ չէ արժանի ծառայութեանց ձերոց . ապա յանիրաւի ՚ի վերայ յարձուկիք այնմ՝ որ քամահէ զնա և թշնամանէ և խոյս տայ ՚ի նմանէ . և ծաղր ձեր իրաւամք ՚ի ձեզ դարձցի . որք քաջ իրազեկ լեալք անարգութեան աշխարհի՝ տակաւին ՚ի լուծ նորա երկայնէք զպարանոց ձեր , և հպատակ լինիք անօրէն օրինաց նորա . ՚ի ձեզ՝ որք ծանուցեալ զընութիւն ձեր գերազանց , ծառայս առնէք այսպիսում փցուն տեառն , որ չունի օրինաւոր իշխանութիւն ՚ի վերայ բանեղէն և ազատ գոյակաց . որոյ իշխանութիւնն միայն յաթող կրից է և ախտից և ցանկութեան և ապստամբութեան մարմնոյ և հոգւոյ :

Փանք է օրհորդիս այսմ , որ ունչս

քերեալ առ ձերով շիջեւափառ լուսով
կանխեալ քան զանօգուտ ապաշաւ՝ գիւ
տաց ՚ի մատաղ ամս հասակի իւրոյ ճա
նաչել զունայնու թիւն և զպատրանս աշ
խարհի . ուսաւ արհամարհել զայն , և
առ բռնակալ տէրն այն թիկունս փո
խանակ դիմոց դարձուցանել արիական
համարձակութեամբ : Մնդ այլովք եր
կնիւք այլ յաջողուածս խնդրելով , Աս
տուծոյ նուիրեալ զանձն բոլորովին :

Այլ ո՞վ է այն Աստուած , որում այս
նորեկ կրօնաւոր ուղերձէ զմիտս իւր և
զղօրութիւնս հոգւոյ իւրոյ , զխորհուր
դըս մտաց , և զգործս սրաի իւրոյ : Եւ
զայս յանձն առցուք քննել , և զսակ ար
ուելոյ դաշինն ծանուցանել : Աստուած
ամենաբաւ է , որում հնազանդին նա և
անդոյք իբրև զորս գոյութեանն են վի
ճակեալք . որ զհուր առնէ ցօղ զովա
ցուցիչ , և զընթացս ջուրոց յետս դար
ձուցանէ , և անհոսելի ունի զնոսա . ա
րեդակն կասի յընթացից իւրոց և կեոյ .
Աստուած ամենազօր , որ բարձրացու

ցանէ զխոնարհս, և զբարձունս ցածու-
ցանէ, հալածէ յաթուոյ զՆաբուգոդո-
նոսորեանս՝ արածել նոցա խոտ և ըն-
ծիւղս. հանէ զԴաւիթ ՚ի հօտից, և առ-
նու տանի զնա մինչև յաթու արքայու-
թեան. տայ Սամիսոնի զզօրութիւն, Սու-
ղամովնի զիմաստութիւն, Յեսուայ զյազ-
թութիւն : Ատուած ամենազօր է նա,
որոյ թշնամիք եթէ ընդդէմ նմա հակա-
ռակ կացցեն, որպէս չորացեալ տերեք
աչնայնոյ մնան թօթափեալք, և լինին
որպէս մէգ և մառախուղ, որ առ մի
և եթ շնչիւն հողմոյ ցրուին և ՚ի չեք
դառնան :

Փառք է հնազանդել այսպիսի մեծի
և հզօր Տեառն. ծառայել նմա՝ է թա-
գաւորել, և վասն այսորիկ փառք է աղ-
ջկանս՝ որ մեծապէս պանծայ այսու ծա-
ռայութեամբս. հաճի ընդ այն, և ա-
ռաւել համարի զնա քան զամենայն մե-
ծութիւն և զհարստութիւն : Ախա-
տինք և արհամարհութիւն ՚ի վերայ այն-
պիսումն անկանի՝ որ կամաւ և յօժա-

բութեամբ ընդվզեալ կքրի ընդդէմ
այսպիսի ամենազօր և ամենամեծ Աս-
տուծոյ : Այնչափ առաւել , զի սորա
ընդդէմ կալով ընդհանուր զեղծման՝
փառաւորի յամենեցուն , թէ և յոչ կա-
մայ . քանզի որք ոչ փառաւորեն յերկինս
զողորմու թի նորա , հռչակ հարցեն զար-
գարութիւն նորա ՚ի դժոխս :

Միայն միում դիպուածոյ հնար է
սլատճառս տալ կենցաղականին՝ ծաղրե-
լոյ զձեզ և երգիծանելոյ . և մեզ հարկ է
խնամով և զգուշութեամբ յայտնի առ-
նել ձեզ : Այն է՝ յորժամ լիցի ձեզ հեղ-
գըս գտանիլ ՚ի սլաշտաման կրօնին՝ ե-
թէ ցրտասջիք յեռանդանէդ ձերմէ սրը-
բոյ՝ որովք այժմ բուռն հարէք զկրօ-
նաւորական ընթացից . յայնժամ ոչ յա-
նիրաւի յորջորջելի էր ձերդ ընտրու-
թիւն՝ անմտութիւն և յիմարութիւն ,
եթէ յետ հրաժարելոյ յիրաց մեծ կար-
ծելոց յաչս աշխարհի՝ կորիցէք ՚ի փո-
քունսդ յայդոսիկ ՚ի ճնչինս և յաղկաղկս
ըստ ամենեցուն վարկածոյ : Այլ թէ թո-

դէտլ զաշխարհ հեշտութեան, փառաց
 և ամբարտաւանութեան, աշխարհ այլ
 կազմիցէք ՚ի ձեզ առանձինն զինքնակամ
 աղիկամիս զհեշտութիւնս և զյօժարու-
 թիւնս : Եթէ կործանեալ զկուռս Բա-
 զաամու կամ Մողորայ, դրօշուածս այլս՝
 անտրգս քան զայնոսիկ ամբարձջիք. կան-
 դնեսջիք նոցա սեղանս, և յաշտս նուիր-
 րանաց, որպէս բանիս կարգ է ասել,
 ձօնեսջիք :

Անձխտելի է, թէ յիմարութիւն է
 այդ և խօլամտութիւն, ոչ կարացեալ
 այլ և ս զաշխարհի վաղանցուկ և արա-
 գահաս հեշտութեանց առնուլ զճա-
 շակ, անհոգ լինել զխաղաղ ժառանգու-
 թեամբ ճշմարիտ և անպատիր հոգևոր
 բարութեանց :

Վասն որոյ առ ՚ի լրումն սերկեան
 յաղթական հանգիսիս արժան է հաս-
 աատութեամբ ունել ՚ի միտս ձեր ոչ
 զկրօնաւորն միայն լինել, այլ և լինել
 կրօնաւոր սուրբ : Աչ որջակէզ մատու-
 ցանել Աստուծոյ զհեշտութիւնս միայն

և զգրգռութիւնս աշխարհականս . այլ
 և խօսիլ կամեցեալ ըստ սձոյ սրբոյն Գլ-
 րիգորի , զձեզ իսկ ՚ի գլխովին՝ բողորա-
 նուէր ողջակէզ հանդերձել առաջի ա-
 ջաց Տեառն ՚ի հոտ անուշից : Կոչեալ
 նորա զձեզ ՚ի կրօնաւորական վիճակ՝
 անյերկուանալի եղիջիք . զի նա հոգայ
 վասն ձեր նպաստս կարևորս՝ անսայթաք
 ընթանալ յուղիղ շաւիղ կոչման ձերոյ :

Վասն այսորիկ ուղեցոյց կարասկետք
 ձեր եղիցին ներքին լուսաւորութիւնք
 մտաց , և արտաքին յորդորք կամաց . ու
 բռշել և ընտրել տայ ձեզ նա զայս ա-
 մենայն մինչև ցորոշումն սրտի՝ միջնոր-
 դութեամբ հոգւոյն և մեծաւորին , եր-
 կուց անսխալակ կառավարաց :

Մեծաւորին ասեմ , որ այսպէս ի-
 մաստուն և խոհական բարեկարգու-
 թեամբ կանոնաւորէ զձեզ և կառավա-
 րէ . բազում այն է՝ զի հոգևոր հրա-
 հանգօք կրթէ զձեզ , այլ յաճախ ևս օ-
 րինակաւ . ուսջիք օրինակաւ նոցա սլա-
 հել զտեսանելիս յայրատ հայեցուածոյ ,

սանձ դնել բաջաղանաց լեզուի, հանձ
դուրժել օր ըստ օրէ դաժան ձանձրու-
թեանց, զդէմ ունիլ զուարթամիտ ար-
թնութեամբ ամենայն անհաճոյ արկա-
ծից. և զգուշեալ պահել ՚ի սրտի, և
բացայայտ մերկել ըստ հարկին ստիպե-
լոյ զկայտառութիւն զուարթ և խաղա-
ղական հոգւոյ :

Ուսջիբ օրինակաւ նոցա մի ներել՝
զի յաղօթս ձեր մեղկագին խորհուրդք
մտցեն սարդեալ, զգուշանալ ձեզ ՚ի ըզ-
բօսանաց խորհրդոց, յառանձնու թեան
խրճթին ձերոյ անձամբ առանձինն ըզ-
մեծութիւնն Աստուծոյ խոկասջիբ, կամ
հանդերձ այլովք ՚ի մի միաբանութիւն
եկեալ՝ զնա գովեցէք և բարձր արարէք
երգովք օրհնութեան, սաղմսս և առա-
ւօսին երգս նուագելով, հրաւէր կար-
դացէք առ աշալուրջսն, առ արևն, առ
ստուեր, առ ջուրս և առ ծաղկունս՝
օրհնել զնա :

Այսքիւք հրահանգօք կատարելու-
թեան մտանէք ՚ի ճանապարհ ստանալոյ


շնորհս . զի առաջին խորհուրդք ձեր ամ
 բարձցին առ Աստուած ընդ ծագել ա-
 րևու . ուղղեսցին առ Աստուած ընդ
 ժամս ժամս աւուրն . ընդ Աստուծոյ հան-
 գիցեն 'ի վերայ հասանիլ գիշերոյ . ա-
 րագ թռուցիւք առ Աստուած ընթաս-
 ցին ընդ ծաղկազարդեալ անտառսն Լի-
 բանանու , և ընդ անուշահոտ այգիսն
 Ենգագդեայ . ևս և ընդ անմատոյց ա-
 ռասպարս լերինն Գեղբուայ . այսինքն՝
 եթէ առատաբաշխ աջով զեղցէ 'ի ձեզ
 մխիթարութիւնս հոգևորականս՝ ճա-
 շակել զայն խոնարհ խնդութեամբ , և
 եթէ տանջեսցէ զձեզ ամլութեամբ հո-
 գւոյ՝ տալով ձեզ ստինս աչաց ցամա-
 քեալս , երախտագէտ լինել և զայնմանէ
 ցածուն շնորհակալութեամբ :

Վիտեմ լինել այսմ լեզու օտար և
 անծանօթ առ որս որք ըստ աշխարհի
 կեան . այլ մի ըմպահկեսցէ այնպիսին ըզ-
 բանքս , և խոստովան լիցի , զի եթէ եր-
 բեմն և ինքն 'ի մէջ խնձղանաց իւրոյ
 և սլարուց՝ մտայոյզ անձկութեան սըր-

տի հանդիպեսցի, հնար է նոյնպէս և ջերմեռանդն կրօնասիրի 'ի մէջ լուծեան իւրոյ և խստակրօն կենաց ճաշակել զգաղանի մսիթարիչ հեշտութիւնս: Աթէ վասն նորա են ուրախութիւնք, որք բերեն տրամութի և թախծութիւն, մարթ է լինել և վասն ջերմեռանդն կրօնաւորի, զի իցեն ողբք և լալիք՝ որք բերցեն ցնծութիւն և ուրախութիւն, որպէս ասէ սուրբն Օգոստինոս. «Ա՛յ ողբ՝ որ ցնծութի ունի յինքեան»: Այս վասն այսորիկ՝ զի յամօթ հետեւողաց աշխարհի, և 'ի քաջալերութիւն քո նորամուտ հարսն Յիսուսի Քրիստոսի, անչափ բարեբար է Տէր և ազատ առատապարգև. իսկ աշխարհ անչնորհակալու, ժլատ և անձանաչող:

Այս կացէք 'ի փակարանի, կացէք յառանձնութեան մենաւորք. այսպէս համարեսցիք առ ականէ մարդկան, և ոչ առաջի Աստուծոյ, որ է բնդ ձեզ 'ի գիւշերային լուծեան և 'ի սենեկի առանձնութեան ձերոյ. և յամենահայեաց

աչաց նորա սխալէ և ոչինչ՝ զոր արժան
իցէ տեսանել, որում վարձս տալ վայել
իցէ և տացէ ձեզ ճանաչել, թէ լաւ է
մի օր ՚ի դաւիթս իւր կալ, քան հազար
ամ ՚ի յարկս մեղաւորաց . և տեսեալ
զձեզ հետև իլ կոչման իւրում և ծառայ-
ել նմա ՚ի կրօնաւորական ընթացս յայս
մահացու յաւիտենի, կոչեացէ զձեզ լը-
րիւ վայելել զձեր յաղթանակ ՚ի վեր ան-
դրոյ յերկինս :



Ի ՍՈՒՐԲ ԿՈՒՍԱՆՍՆ

ՃԱՌ Ե .

Ի ԲԱՆՆ

“ Ի դոյն իսկ կոչեցայք . . . զի զհետ երթացեք զհե-
տաց նորա ” . Ա . Պէր . Բ . 21 :

Թէպէտ և հետև իլ Քրիստոսի իբ-
րև ընդհանուր իմն օրէնս համարի, կա-
րևոր հարկ լինէր առ հասարակ ամենայն
քրիստոնէից ըստ իւրաքանչիւր հասա-

կի, վիճակի, աստիճանի, պաշտաման և սպասուռ, այլ կարի իրաւամբ արժան է առնուլ իբրև մասնաւոր իմն շնորհ պահեալ առ այնոսիկ՝ որք առանձին կոչմամբ զկրօնաւորական կենաց բուռն հարեալ իցեն :

Արդարև քրիստոնէսոյք ամենայն կոչեցեալք են զհետ երթալ զհետոյ Քրիստոսի հարկիւ հրամանի, այլ կրօնաւորք կոչեցան հետև իլ նմա ազատ և անբռնադատ ընտրութեամբ կամաց ըստ հրահանգացն :

Կարիք ստիպեն զսոսա աչալուրջ կալի ճիշտ պահպանութիւն աւետարանական սխառութեանացն, ընտրութիւն սոցա յինքն փակէ զվեհանձնական լրումն աւետարանական խրատուց, և պարտի յանձն առնուլ և խոստովանիլ զեղանակ տարազու կենաց, և զկերպարանս միջնորդաց յայն ուղերձելոց ընդ նոյն ճանապարհս և ընդ նոյն շաւիղս՝ զոր Յիսուսի Քրիստոսի հաճոյ թուեցաւ կնքել, և նորօք կամեցաւ որոշել զհրա-

չալի ճանապարհ մահացու կենցաղոյս :

Ահա՛ առանձին շնորհն զոր յանձին զգեցար 'ի վայրկենէ աստի՛ յորում ըզկրօնաւորական վարս ընկալար . շնորհի քեզ այս Աստուծոյ իբր նպաստ մասնաւորեալ քեզ բարեգթու թեամբ . « Ի դոյն իսկ կոչեցայք . . . զի զհետ երթայցէք զհետոց նորա » : Ալ յախճան կենաց ձերոց յօրէ յայսմանէ և առ յապա՛ պարտի լինել նոյն իսկ վախճան բազմարդիւն կենաց Յիսուսի Քրիստոսի . քանզի և գաղափարդ՝ որ առաջի դնի քեզ 'ի զընին , ընդօրինակեալ է 'ի նոյն իսկ յաստուածային գաղափարէ , որոյ կէտ նըպատակի է նոյն ինքն Աստուած՝ հեղինակ կարգացս :

Ո՛վ մեծի շնորհիս , ո՛վ անպատում բարեացս , որ այսօր աստուածանմանս առնէ զձեզ : Օ՛րնչ ինչ տրիտուր արժանի ընդ այսքան նպաստից . զիմօրդ , ունիջիք կանոնս՝ որք առաջի եդան ձեզ . ունիջիք յօրինակ զլերմեռանդն հոգևոր քորս ձեր . ունիջիք ազգեցու թիւնս և

յիշատակու թիւնս ՚ի հոգևոր առաջնորդաց ձերոց : Ի մէջ այսքան ուղղչաց ձերոց՝ որք ըստ սմին օրինակի շաւիղս ձեզ ցուցանեն, մի ինչ անհաճոյ թուեսցի ձեզ՝ թէ յետ առաջնորդեալ լինելոյ արտաքս քան զաշխարհ՝ յուշ արասցուք ձեզ զխրատն տուեալ ՚ի հրեշտակաց առ Ղովտ, յորժամ առաջնորդեալ ամ զնոսա մինչև ՚ի սեամս անօրէն քաղաքին, « Մի դառնայցես յետս, (ասացին հրեշտակքն առ Ղովտ, զոր և մեք այժմ առ ձեզ կրկնեմք), և մի կայցես յամենայն կողմանս աշխարհիդ, զերծիր ՚ի լեառն » . Օ՛ննդ . ԺԹ . 17 :

Արդ՝ զայս վայրկեան յորում զտուրբ հրահանգս ընկալարուք, մի իցէ թէ արկջիք յետս զուսովք, կամ դարձջիք յետս հայել յաշխարհ յայն՝ զոր լքեալ թողէք : Քաջախորհ գտայք՝ յորժամ վճռեսցիք լքանել զնա . մի և յիշատակ անգամ՝ նորա զօղեսցի յանկիւնս ինչ յիշողութեան ձերոյ : Արդէն իսկ գիտէք, զի ցրուեալ են ՚ի նա և ընդ ամենայն կողմունս նո

րա որոգայթք և հաղքք, ասէ Օգոստին-
նոս. թէ յաջ դառնայք, ասի որոգայթք.
Թէ յահեակ՝ նոյնպէս որոգայթ. « Թա-
կարդք յաջմէ, և թակարդք ՚ի ձախմէ »:
Օուղակս դնէ աշխարհ զգոյս իւր, ըզ-
բերկրանս իւր, զպատիւս իւր. յորո-
գայթիցս յայոցանէ ապրեցայք յաջո-
ղութեամբ, մի դառնայք դարձեալ ՚ի
վտանգ ՚ի նոյնս ըմբռնելոյ: Սի նորա-
լուրս խնդրիցէք զաշխարհէ, և մի ըզ-
նոցանէ՝ որ նորայն իցեն. զի մի ընդ յա-
ջողուածս նոցա խնդասջիք, և ընդ ձա-
խողակս նոցա տրտմեսջիք: Վիտասջիք՝
զի Յիսուս Քրիստոս, զորոյ զչաւ իղս կո-
խել պատուիրեցայք, խոստովանի յաշ-
խարհէ աստի չլինել. « Ես չեմ յաշ-
խարհէ ». Յովն. Ժ. 16: Եւ եթ
չան է՝ զի և դուք հրաժարեսջիք ՚ի նմա-
նէ հրաժեշտ կատարեալ, և հեռասջիք
մշտնջենաւոր նողկանօք:

Անհնարին է խաղաղութեան թա-
գաւորել ՚ի մեզ, ասէր երբեմն Աբբա-
համ առ Ղովա. վասն այսորիկ՝ թէ յոյս

կոյս դարձցիս դու՛ ես յայն կողմն. « Թէ
 դու յահեակ՝ ես յաջ. եթէ դու յաջ,
 ես յահեակ » . Օննդ . ԺԳ . Թ : Օնոյն և
 ձեզ արժան է ասել առ աշխարհ , ոչ է
 հնար լինել ՚ի մէջ մեր զօդ սիրոյ և խա-
 ղաղութեան . այլ և այլ են նպատակք
 մեր , վախճանք և դիտողութիւնք տա-
 րազան . շահք մեր և օգուտ չունին հա-
 մեմատիլ ընդ միմեանս . ասլա բաժա-
 նումն , անջատումն . « Թէ դու յահեակ՝
 ես յաջ . եթէ դու յաջ , ես յահեակ » :
 Իմ ժառանգութիւն է Յիսուս Քրիս-
 տոս . նմա միայնոյ եմ նուիրեալ ՚ի հար-
 սնութիւն մշտնջենաւոր . և մի՛ եղիցի
 ինձ ուժանալ հեռանալ ՚ի նմանէ . « Աչ
 դարձայց յետս » :

Այլ չէ արժան զամենայն դաշն ջը-
 բեւ՝ որ ընդ աշխարհի , մանուանդ ըզ-
 կրօնաւորական կապս առ աշխարհականս
 արժան է հաստատել . միայն ոչ փոյթ
 ունին ՚ի յառաջադիմութիւն կրօնաւո-
 րական կատարելութեան համարի յետս
 խուսել : Կասին և եթ ՚ի ճանապարհի՝

սողտանայ արժանի իբր են: Այլ ՚ի դու-
րըս մենաստանին, ՚ի խօսակցութեանց
վայրս և յաստիճանս շնչէ անմտքուր
հողմն աշխարհական հեշտութեց, փա-
ռաց և կենցաղական սնուտաց: Անդ
տեսանին նոյն իսկ բերկրութիւնք, զը-
ւարձութիւնք, հեշտութիւնք. լսելի
լինին նոյն ձայնք ծաղու, խեղկատա-
կութե՛, երկդիմի բանից: Հրեշտակու-
թիւնք են հրապոյրք եկեալ յաշխարհէ,
որք շողոքորթեն, հրաւիրեն, թուլեն,
և ընդ ինքեամբ ողորմելի իմն եղանա-
կաւ նուաճեն: Աչք տեսանեն՝ զորս գոր-
ծինն արտաքոյ. լսէ ունկն՝ որ ինչ խօսե-
ցեալ լինի. արդ՝ զի՛նչ ասլահութիւն
յուսալի իցէ յայնժամ:

Ար շրջի ընդ ճանապարհան՝ որք ՚ի
քաղաքս մօտաւորք իցեն, հոգւով և ս
հաճիլ ցուցանէ ընդ վայելուչ հեշտու-
թիւնն. «Յայգւոյն Սողոմոնայ որթ նու-
ցա, և տունկնոցա ՚ի Գոմօրայ» . Բ. () ի .
ԼԲ . 31 : Ի դեղեցիկ այդեստանւոյն որ
արտաքոյ ցանկոյն Սողոմոնայ՝ հեշտաց-

եալ, զմայլի նորօք մինչև յարուարձանս
 Գոմորայ: Այգի Սողոմայ և արուարձան
 Գոմորայ կարեն ասել իրաւամբք յաղա-
 գըս կրօնաւորի ուրումն՝ նորալուր ար-
 տավէսք և անշահաբերք, նախագահու-
 թիւնք փառասէրք և սնոտիք, պչրանք
 շքեղք և մոլորեցուցիչք, պաճուճանք,
 յարդարութիւնք և յօրինմունք. «Յայ-
 գւոյն սողոմայ»: Այսմ անմարթ է ա-
 ռանց յանցանաց լինել յայնմ՝ որ այլ
 պարտիս յանձն էստ, և այլ պաշտօն ըն-
 կալաւ ՚ի խոստովանութեան իւրում:
 Այլ մանաւանդ պարտ է այնպիսւոյն
 յառաջագէմ ևս զարգանալ յայսպիսի
 ընթացս, լուեալ հրեշտակին ձայնի.
 «Օ երծիր ՚ի լեառն»:

Ղշմարիտ է, զի և ընդ պարսպօքս են
 դաշտք, են ծործորք, են և լերինք. դաշ-
 տրս և ծործորս կոչեմք զտարազ ինչ կե-
 նաց, որ թէպէտ չէ ըստ կենցաղակա-
 նացս, այլ ոչ և քրիստոնէական կրօնա-
 ւորի կենաց սեպհական. կեանք հեղգ,
 ըստ սովորութեան, անկատար, որ չու-

նի տեղի յիսկական պահպանութիւն
 օրինաց, այլ և ոչ իսկ ըստ արժանւոյն
 յանձն առնու յօժարութեամբ զայնց
 պահպանութիւն : Օչ առանձնութենէ
 իւրմէ չէ ինչ գոհացող, չառնու զչնաչ
 խարհիկ ճաշակ մեռելութեան անձին .
 ոչ անձին սեպհականէ զայլոյ կամս, եր
 կընչի տխուր և թախծագին վարել կեա
 նըս, ճղճիմ մնացեալ ՚ի մանր մանր սու
 սու իրանացն պահպանութիւնս : Հայլ
 ՚ի նոսա այնու աչօք, որով երբեմն Եբ
 րայեցիք հայէին յերկիրն Աւետեաց՝
 կարծեցեալ թէ իցեն անդ հսկայք տի
 տանեանք, և նհանգք վիթխարիք ամենա
 կոււք . « Երկիր մարդածախ է բնակչաց
 իւրոց » . թի-Կ . ԵԳ . 37 : Այլ աղէ՛, այս
 ահ և երկիւղ մի պաշարեսցէ գրեղ .
 քաջալերեաց հարսն նորընծայ, և մի
 վհատեցուցաներ զսգի քո . փորձեա և
 տեսցես . « Ղաշակեցէք և տեսէք » .
 Սաղ . ԼԳ . 9 :

Սարգարէին Եզե կիւելի յափշտակեալ
 ուշիւ մտաց՝ ետես առ աջի իւր ստուար

մատեանդ գրեալ ներքուստ և արտա-
քուստ, և սրպիսի գրովք, ողբովք, եր-
գովք և վայիւք. «Եւ գրեալ ՚ի նմա ներ-
քոյ և արտաքոյ ողբս և ձայնս և վայս».
Եւ լի. Բ. 9: Ըզգ տունէ նմա Աստուած
ուտեւ զգիրսն. «Կէր զմատեանդ զայդ».
անդ. Գ. 1: Յաւալից մարգարէ, զի նչ
առ այդպիսի գործ՝ պատգամ. այլ սա-
կայն քաջալերեալ ուտէ զայն, և հաղիւ
ի ստամոքս նորա հասեալ՝ այն ինչ յա-
ւիչի փոխարկեալ և յարիւն, ահա՛ դառ-
նացան քիմք նորա՝ որք զճաշակն առին.
ապա փոխեալ ՚ի քաղցրութիւն՝ որ ըզ-
գառնութիւնն զայն վանեաց, իբր ըզ-
քաղցրութիւն խորսխոյ մեղու. «Եւ ե-
ղև ՚ի բերանի իմում որպէս մեղը քաղ-
ցըր».
անդ. Գ. 3:

Տեսէր հարսն ցանկալի՝ զմատեան
կարգաց ձերոց. առ զայն ՚ի ձեռս. հայ-
եաց ընդ այն. ոչ միայն ընթերցիր զայն,
այլ և զայն խորհեաց զտիւ և զգիշեր
անընդմէջ, մինչև յաւիչի փոխեսցի այն
քեզ և յարիւն: Եւն ՚ի նմա ներքուստ

ողբք և ձայնք և վայք : Այլ արդարև մե՛ծ վայ է յաչս մարդկան՝ ուրանալ զիւր կամս . ապաշխարութի՛, ժուժկալութի՛, առանձնութիւն , հանապազօր սաղմոսերգութիւն , անընդհատ աշխատութի՛ :

Ո՛վ դառնութեանս , այլ քաջալերեաց , կեր զմատեանդ : Ի՛նդդէմ է բնութեան . յաղթեա նմա , կեր զմատեանդ , և տեսցես փոխեալ զհամ նորա ՚ի նմանութի՛ մեղու քաղցու : Օ՞րացեալ յայս ամենահամ յերկնային կերակրոյ՝ զհետ գընասցես զվաստակաւոր հետոցն ընդ Յիսուսի Քրիստոսի , որ առաջնորդ լիցի քեզ և ուղեցոյց յաներկեանութիւն .

« Որպէս ընկալայք զՅիսուս Քրիստոս զտէր՝ նովին գնասջիք » . Կողմ . Բ . 6 : Եւ վին ելջիք ընդ զառ ՚ի վերս լերին կրօնաւորական կատարելութեան . « Փախիր ՚ի լեառն . փոփոխեաց ՚ի լերինս որպէս ճ՛նճղուկ » . Սաղմ . Ժ . 2 . և անդ աներկեան եղիցիս . « Օ՞երծիր ՚ի լեառն » :

Եւ հաւաստիք քեզ հարսնդ նորամուտ՝ խրատն հրեշտակական , զոր յուշ քեզ

ածեմ. մանաւանդ՝ ոչ քեզ միայն, այլ և համօրէն կրօնակից քերց քոյ : Ամենեցուն տուաւ իբր շնորհ առանձինն՝ ըլլէտ ընթանալ զհետոց Յիսուսի Քրիստոսի . և առ ՚ի վայելել զայս շնորհ, հարկ է բաժանիլ յաշխարհէ, և յամենայնէ որ նորա իցէ, և սերտիւ միանալ ընդ Աստուծոյ :

Եւ զի՛նչ, երևի ձեզ այս յիշատակ առաւել խստութիւն ցուցանել ՚ի կրօնաւորական կեանս . թուի՛ն ձեզ այս ամ կամ ոչ ըստ ամենայնի կարևորք, կամ շաւիղք ոչ այնչափ դիւրակոխք, շատասջիք ընդ միջակային ինչ առաքինութիւն, որով աշխատ լինիջիք միայն՝ ոչ լինել աւնարժան իսկական օրինազանցութեամբ՝ փրկութեան և արքայութեան :

Կամեջիք վրիպել յաչաց զայն հոգի՛ որ կառավար պարտի լինել ձեր և բաժին և ժառանգութիւն ՚ի վանս . թիկունս դարձուսջիք այսմ մեծափառ շնորհի կրօնաւորական խոստովանութե՛ն ձերոյ . ո՛չ, քաւ ՚ի ձէնջ այդ, լսել ըլլ

տկար զկերկերեալ և զանպիտանօցեալ
 ձայն բնու թեան : Աթէ յողոք նորա խո-
 նարհեալ ձեր՝ ոչ կամեսցիք յառաջադէմ
 ընթանալ ընդ դժուարակոխ աշխատա-
 յոյր և անհարթ ճանապարհս առաքի-
 նու թեան , զի՛նչ իմիք ակն ունիցիք յա-
 զագս գործոյդ յանձն առելոյ : Օ՛րնչ
 լիցի զձէնջ : Այլ կարէ գիտել զճածուկ
 խորհուրդս տեսչութեան , այլ և ո՞վ ա-
 ներկեան իցէ զիրկութենէ իւրմէ : Այլ
 թէ և գիտօցեալք թէ առանց մտանելոյ
 ՚ի լրիւ ժառանգութիւն հոգւոյ կրօնա-
 ւորական կատարելութեան՝ կարէք ըս-
 տանալ զայս փրկութիւն , արժան էք
 ձեզ անտես լինել զմիջոցաց՝ որք յայն
 առաջնորդեալ ածեն :

Այլ իմաստիցս առելոց ՚ի սրբոյ հոյ-
 րապետէն , ՚ի հօրէն և ՚ի հիմնադրէն
 ձերմէ ՚ի սրբոյն Օգոստինոսէ : Քանի՞
 քրտունք հեղեալք . քանի՞ ակնկալու-
 թիւն առաջին հիմնադրոց այսր սուրբ
 վանից ՚ի դերև ելեալք : Աթէ այն ազ-
 նուապաշտ կրօնաւորք յիւրեանց նախ-

ընծայ հետևողս այսպիսի գտանելին հետևողութիւն, ուր լինելին յայնժամ յաղթանակք փառաց կանգնեալք ՚ի կատարաւերածոց վատշուէր բարոյից, անկարգութեան և մոլորութեան, աշխատութեամբ այնպէս քաջ և հուժկու քերցձերոց՝ որք կեցին նախ քան զձեզ, և շինութի ետուն մենաստանիս իւրեանց օրինակաւ, և թողին ՚ի սփոփանս յիշատակ զօրհնութիւն և զփառս :

Արդ՝ ընդ հովանեաւ արմաւենեացս այսոցիկ նստիք դատարկացեալք ասլէալք ընդ դիւցազնական առաքինութիւնս նոցա, և անարդիւն գովեալք զյաղթանակս նոցա : Գործք այնց պայծառաշուք քերցձերոց՝ զարմանալիք հրեշտակաց և մարդկան, և սարսափելիք դիւաց, յանօգնուտ եղիցին յանձնառեալք ՚ի փառս և ՚ի պարծանս անցելոց դարուց, և յամօթ և ՚ի նախատինս սյժմուս, և առ յաջորդս ձեր թողջիք օրինակ զանարդ և զհեղգ վարս ձեր, պակասեցուսջիք յայսմ քեռէ ձերմէ

զևթանս՝ որով նախանձորդ լիցի վե-
հանձնեաց գործովք հաւասարիլ առա-
քինու թեանց ձերոց :

Այլ մեզ ՚ի զուր են զրոյցքս , ու-
րուականս և ստուերս անգոյս ստեղծա-
նելով առաջի հոգւոյ ձերոց : Չիք որ
՚ի ձէնջ և ոչ մի , որ այսպիսի կեղտ ա-
րատոյ յանձն առցէ՝ մտացեալ զանձն :
Ամենայն որ այսօր գլխաւորապէս նորու-
գէ առ հայր և հիմնադիր կարգին իւ-
րոյ զորդիական հլու թիւն խոստովանիլ
առ կանոնս նոցա և առ օրէնս , զհաւա-
տարիմ՝ պահպանու թի՛ ամենայնի , որոց
զօրութիւն կրօնին գտաւ պարտաւոր , և
արժանահայց մաղթանօք իւրովք խընդ-
րէ , որպէս զի՛ զոր օրինակ առ այս նորըն-
ծայ կրօնաւոր ետ այսօր զհոգի իւր և ըզ-
հոգի կանոնաց իւրոց , ըստ նմին յանցն-
իւրսն ՚ի քերց անտի գլխաւորապէս նոր
նորոգեսցէ զայն ոգի , և ծաղկափթիթ
զուարթացուցէ , և ամենայն գործովք
բարութեան պողպեբերս արացէ , զի
ամենայն որ համաձայն լիցի հոգւոյ կոչ

ման իւրոյ . « Ի դոյն իսկ կոչեցայք . . .
 զի զհետ երթայցէք զհետոց նորա » :



Ի ՍՈՒՐԲ ԿՈՒՍԱՆՍՆ

ՃԸՈՒ Օ .

Ի ԲԱՆՆ

« Կոչեցես զես , և ես տայ քեզ պատասխանի » .

Յ՝Է . ԺԴ . 15 :

Եթէ կոչումն 'ի վիճակ կրօնաւորական՝ իցէ մեծ իմն պարգև , որ բարերար նպաստիւք երկնից հաղորդի շնորհի հոգւոց ոմանց , ճշմարտութիւն ինչ է այս քաջ հաստատեալ փաստիւք և հանապազօրեայ փորձիւ :

Ի զուր խնդրեն ոմանք անարգ երեւեցուցանել զայս վիճակ 'ի յաչս մարդկան , կամ թուելով զպակասութիւնս՝ որք 'ի սմին գտանին , կամ զվտանգս՝ որոց պարտ է լինել զիմագրաւ :

Եթէ յինքեան մտածի՝ վիճակ իմն է
 կատարելութեան, վասն որոյ և կոչումն
 առ այն՝ շնորհ է պարգևեալ ՚ի Տեառնէ,
 և պակասութեանց միոյ ուրուք՝ քաւ
 թէ հնար իցէ կեղտ արատոյ բերել ա-
 մենայնի : Սուրբն Թովմաս զմուտսն ՚ի
 սուրբ կրօնս՝ կոչէ երկրորդ մկրտութի .
 որ թողու զմեղս, յորում է յայնժամ
 նուիրեալն, ոչ միայն եղանակաւ ներու-
 ղութեան՝ այլ և հատուցման, և սուրբն
 Յովհան Ռսկէբերան հանդերձ այլովք
 սրբովք հարամքք Յունաց և Հռովմայ-
 եցւոց՝ մեծամեծ ներբողիւք գովեն զսա :

Սակայն և այս անյերկուանալի է, զի
 այս երանութիւն կոչման կախի և ըզ-
 մերոյ համաձայնութենէ ՚ի նոյն, այն-
 պէս՝ զի որ ՚ի խորհուրդս Աստուծոյ
 երկնային օժանդակութիւն է մեզ և
 նշան փրկութեան, պակասեալ համա-
 ձայնութեան մերոյ՝ լինէր յայնժամ մեզ
 ՚ի թշուառութիւն, և ՚ի նշան դատա-
 պարտութեան . « Կոչեացես զիս, և ես
 տաց քեզ պատասխանի » : Այս երկու

խորհրդածուծութիւնք՝ մի՛ յաղագս կոչմանն Աստուծոյ՝ սր շահաւոր և բազմօգուտ է մարդոյն, և միւս ևս՝ յաղագս համաձայնութե՛ն՝ որ կարևոր է ՚ի լրումն խորհրդոյն Աստուծոյ, լիցին նիւթք առաջակայ համառօտ ճառիս, ՚ի մխիթարութիւն եռանդուն և արիասիրա կրօնաւորաց, և հեղգացելոց՝ թէ գլուցին, ՚ի կշտամբութիւն, և ձեզ յօգուտ և ՚ի քաջարանս :

Առ քաջ սրոշել զբարերարութիւնն կոչման՝ կարևոր է մեզ զառաջինն զլիճակ կրօնաւորական կենացն զննել, վերլուծանելով զնոսա յիւրեանց առաջին սկզբունս, և ՚ի դիտաւորութիւն եկեղեցւոյ յընդունիլ զնոսա բարեպաշտ իշխանաց՝ ՚ի ճոխացուցանելն զնոսա պէսպէս պարգևօք, սրբոց հիմնադրաց՝ որք կանոնս յօրինեցին սմա, ջերմեռանդն հաւատացելոց ՚ի յարգել զնոսա ընծայիւք, և նորընծայ կրօնաւորաց ՚ի խոստովանիլ զայս կրթութիւն :

Յորժամ առաջին աւուրք էին նորա-

Տին եկեղեցւոյ, մինչդեռ առաջի աչաց
էին օրինակք Քսի և առաքելոց, յոր-
ժամ արիւն մարտիրոսաց դեռակենդան
և ջերաջերմ՝ վառէր և արծարծանէր
գնախանձ և դեռանդն ամենայն բրիստո-
նէից, չէին ճգնու թիւնք և ճգնարանք,
կամ լաւ ևս ասել կամեցեալ՝ եկեղեցիք
իսկ համակ, և միաբանութի հաւատա-
ցելոց՝ զվանաց ինչ բերէր գնմանութի :

Այլ ըստ կանոնի մարդկային փոփո-
խութեանց՝ այս եռանդն նորածին բը-
րիստոնէութեան վաղբաջ խափուցաւ,
մեղկացաւ և նուաղեցաւ. ուստի մը-
տեալ յոմանս իղձ և նախանձ անմոտայ
պահել զտռաջին հոգին՝ շինեցան ա-
նապատք և առանձնութեան վայրք,
և ապա հետ զհետէ մենտատանք կրօ-
նաւորական ընկերութեամբ, սէսպէսը
ըստ արտաքին գիտակիւն, այլ ըստ գոյ-
ացութեանն ՚ի մի և ՚ի նոյն վախճան
ուխտիւ ուղղեալք. շինել բնակարանս,
որոց ընդդէմ ընդհանուր զեղծման մը-
նացին առ Աստուած հաւատարիմք :

Ահա գիտաւորութիւնք եկեղեցւոյ , հիմնադրաց , ուսուցչաց՝ ջերմեռանդն եղելոց ՚ի կրօնաւորական կատարելութիւն : Արդ՝ ըստ իւրում սկզբանն մը տածեալ զկեան ըստ կրօնի , չիցէ՞ արժան կոչել զսոյն զկոչումնս յայս վիճակ՝ բարեբարութիւն Աստուծոյ , որ ընդունի և սրահէ իբր յաւանդի զհոգի Տեսաւ ըն , հաստատէ և առատացուցանէ ըզնախանձ և զեռանդն նախկին քրիստոնէից :

Թէ ըստ այժմու վիճակիս հայիցիմք ՚ի կրօնաւորութիւն , թերեւ չիցէ՞ նոյն սէս ըստ սմին հանգամանաց շնորհ համարել զ՚ի նոյն կոչումն : Մթափեցարուք ՚ի սլատրանաց ձերոց քրիստոնէսյք . կարի ճշմարիտ է գտանիլ յաւուրս մեր ջերմեռանդն կրօնաւորաց ոչ միայն ընդ միայն , այլ և կենաց կցորդս միմեանց յառաքինութիւնս՝ որք սրահեն զհոգի Յիսուսի Քրիստոսի : Աթէ գէս լինէր ձեզ թափանցել մտանել ՚ի ներքս ՚ի վարս ասրաստանի բարեպաշտ կենաց , ո՞րպէս

չինու թիւն լինէր ձեզ այն, և յամօթ և
 'ի խիղճ մտայ:

Այլ ոչ դիւրին են այսոքիկ . քանզի
 հաւատարիմ ծառայքն այնոքիկ են, որ
 ծածկեն և թագուցանեն զանձինս յա-
 չաց աշխարհի, և կեան միայնակ 'ի լը-
 ուութեան ըստ առաքելոյն. « Հոգւով
 եռայէք, Տեառն ծառայեցէք » . Հոմ.՝
 ԺԲ. 11: Իսկ նորա և եթ են ծանու-
 ցեալք սսվորաբար, որք 'ի զրոյցս դե-
 գերին, և որք կամակարուց ընդ աշխար-
 հիկս սրատաղին: Հաւատարիմ ծառայք
 նորա են՝ որք փառս և պարծանս համա-
 րին անձանց՝ յանարդ և 'ի չնչին գործս
 կրօնին թարթափիլ, և նորա են ծանու-
 ցեալքն՝ որք սիրեն և խնդրեն պայծառ
 գահակալութիւնս, և ընդ առ 'ի մարդ-
 կանէն պատիւս և փառս հաճին: Հա-
 վատարիմ ծառայքս այսոքիկ զամենայն
 երջանկութիւն իւրեանց դնեն յանըն-
 չութեան և յանհանգստութե 'ի կեա-
 նըս . քանզի այսու տիրապէս նմանող
 լինին օրինակի իւրեանց Յիսուսի Քր-

րիստոսի , հրաժարեալք , խոնարհք և
սպաշխարողք :

Են են արդարև յաւուրս մեր այս-
պիսիք բազումք շնորհիւ Տեառն , որ ոչ
է համառօտեալ զբարերար բազուկիւր .
և են , թէպէտ և ոչ առ մեզ միշտ ծա-
նուցեալք , այլ կարիքաջաճանօթք Աս-
տուծոյ՝ որ տեսանէ զսիրտս , և հատու-
ցանէ ըստ ժամանակին զվարձս արժա-
նաւորացն յայտնասպէս : Հաւատարմու-
թիւն նոցա՝ զօրութիւն և հաստատու-
թիւն փայլէ մասնաւորասպէս ՚ի դժուա-
րին գործս ինչ՝ յորս տկարանայ սովորա-
կան առաքինութիւնն զդէմ ունիլ բու-
ռն թափոյ յարձակման թշնամեաց նց :

Քննութիւն կրիստիսաց , կատականք
մարմնասպաշտից , այսպանութիւն պղծոց ,
չար օրինակ վատելոցն՝ են յարձակմունք
թշնամւոյն , որք փորձ փորձեն իբրև հա-
կառակորդ արչաւել ՚ի վերոյ . այլ սու-
քա չերկնչին երբէք ՚ի նոցանէ , զինեալք
քաջազօր սպառազինութեամբ , ախոյ-
եանք կանգնեալք խաթարել զգրոհ խու-

Ժանի նոցա . « Առէք զսպառազինութիւն
 Աստուծոյ , զի կարողք լինիջիք 'ի գիմի
 հարկանել չարին յաւուրն չարութե ք .
 Լ, Ի Ե . 2 . 13 : 'Նաղի՛ ասպաւինեալք յայս
 զինուորութիւն , թերաբաց աչօք ըմ-
 պահկանաց հային 'ի գեղարդունս թըշ-
 նամեաց բթեալս և անպիտանացեալս ,
 կախեալս զլանջապանակաց իւրեանց 'ի
 պայծառ և 'ի փառաւոր յիշատակ ան-
 ցելոց յաղթանակաց նոցա , և տռար-
 դարացի հաւատարմութիւն ասպազայից
 յաղթութեանց : Այլ սրբութեան տե-
 ղին՝ յորում բնակինն , յարգ վիճակին՝
 յորում աշխատին , միշտ առաջի է ա-
 չաց նոցա , և զօրհանասպազ զօրացու-
 ցանէ զոյժ նոցա : Հաւատարմութիւնն
 երդուեալ առ Աստուած առաջի սրբու-
 թե սեղանոցն , աչք տիեզերաց 'ի զըննին
 հանգիսի օրինակի նոցա , առաւել ևս
 արծարծանեն զեռանդն նոցա , անհպելի
 պահելով զառաջին անմեղութիւնն , զսր-
 մկրտութեամբն ընկալան 'ի մուտս իւ-
 րեանց յաշխարհ մինչև 'ի շիրիմ տապա-

նի իւրեանց . կամ գո՛նէ՛ զոր ընկալան
երկրորդ մկրտութեամբն ՚ի մուտս իւ-
րեանց ՚ի կրօնս : Արդ՝ չիցէ՞ այս մեծ
բարերարութիւն կոչմանն :

Այլ և ճշմարիտ է , զի համաձայնու-
թիւնն առաւել ևս պողաբերս առնէ
զայս շնորհ . « Արչեսցես զիս , և ես տաց
քեզ պատասխանի » : Համաձայնութիւն՝
զորմէ մեր բանս է , ոչ այն միայն է զոր
այժմ յայանէք , գալովդ ձեր ընդունիլ
զկրօնաւորական սքեմդ . այլ այն՝ որոյ
պահանջի ՚ի ձէնջ փորձ հանապազօր ,
զոր ընդ ամենայն աւուրս պարտիք սր-
հել միանձնուիք ՚ի վանս ծերացեալք
յանընդհատ հրահանգս կրօնաւորական
խորհրդոց :

Արչեսցէ զձեզ Տէր գթած՝ սաղմոս
ասել ՚ի դասի , առանձնանալ ՚ի խցի ,
աշխատիլ հնազանդութեամբ : Չեզ մը-
նայ ժամ ՚ի ժամէ համաձայն գտանիլ
կոչմանցս այսօցիկ նովին եռանդեամբ :
Տէր պահեսցէ զձեզ , զի մի առջիք զօրի-
նակ այնպիսւոյ քեռ՝ եթէ ուրեք գլու-

ցի ոք 'ի ձեզ, որոյ լի իցէ հոգի ազդե-
ցու թեամբ թմբբու թեան, որ անկայ-
ուն իցէ, բարբարական և անհանգիստ .
որ յած իցէ 'ի խորհուրդս իւր ցանկու-
թիւնս անշահս, սնոսիս, և կենցաղու-
կանս մտաբերիցէ . որ բարեկամու թիւնս
հաստիցէ, և հակառակու թիւնս գրը-
գուեսցէ . յորոյ 'ի ձանձրոյթ գայցեն ա-
ղօթք, ապաշխարութիւն, և հրահանգ
հոգևորական զինուորութեան :

Սարթ ինչ իցէ ասել յայնժամ թէ
պատասխանել է այս ձայնի կոչողին .
և ոչ մանաւանդ արժան է հարցանել
այնպիսու մն ընդ սրբոյն Բեռնարդոսի .
առ ինչ եկիր . զինչ վախճան գալըս-
տեանդ . հիմ լքեր թողեր զազգատոհմ,
զհայրենիս և զհանգիստ : Առ ինչ եկիր,
ծառայել Աստուծոյ, թէ մանաւանդ ան-
ձին առանձին սպաս հարկանել յանձն-
գիւրութիւն, 'ի հեշտութիւն, 'ի փափ-
կութիւն, և 'ի ցոփութիւն . առ ինչ եկիր :

Ինդրէք ճիշդ գաղափար համաձայ-
նութեանն՝ զոր 'ի ձէնջ սրահանջէ Աս-

տուած . յառեսջիք զհայեցուածս յայն
 աշխոյժ կրօնաւորս , որք նախ մտին յայս
 մենաստան , որք նախ զգեցան զսուրբ
 սրբեմս զայս , որք նախ ուխտեցին ՚ի ձեր
 սուրբ կրօնս . և համեմատեսջիք զնոցա
 վարս ընդ հեղգասիրտ կրօնաւորին : Աս-
 քա ճշդեւ խնդրեն նա և ՚ի մանր մանր
 պահպանութիւնս հրահանգացն , սոքա
 թեթեւացուցանել խնդրեն զայն և հա-
 մառօտել . նոքա և ՚ի կարեւորացն յանձն
 առնուն մերկիլ , սոքա և ընդ աւելոր-
 դացն յապաւումն խոժոռին . նոքա ճը-
 դունս կամաւորս յաւելուն , սոքա և
 զ՚ի կանոնի գրեալն ջնջել հնարին : Մա-
 նաւանդ՝ քանզի ՚ի կարծեցեալ վիճա-
 կիդ . թմբրութեան համարի սէր առ աշ-
 խարհ ունել . աղէ՛ , հայեցարուք և յայն ,
 քանի՞ անձկով , ո՞րքան վտանգօք , քանի՞
 երկամբք լի են հետևողք նորա : Ապա
 առ Աստուած նուազ ինչ ծառայութիս
 հատուցեն կրօնաւոր անձինք քան զե-
 ուանդն և զնախանձ՝ սրովք պաշտի աշ-
 խարհ յիւրոց երկրպագուաց : Աղուկ

Թշուառ հանգամանաց ժամանակացս և
բարուցս : Այլ զինչ զարմանք , և թէ
կեանք կրօնաւորական անգ. ուրեմն եր-
բեմն մեծարգոյ և վսեմական՝ տյնչտի
անկանձ իցէ , և յառաջնոց մեծաջահ ճա-
ռագայթից անտի առկայծեալ՝ մինչև ա-
սել ընդ ողբերգողին . « Օ խորդ շացաւ
ոսկին , այլադունեցաւ արծաթն սպի-
տակ » . Ողբ . Գ . 1 : Օ ինչ զարմանք ,
և թէ « Եղեաք մեք նախատինք , ծաղր
և այսն կատականաց այնոցիկ՝ որք շուրջ
էին զմեօք » . Սաղմ . ԶԸ . 4 : Եթէ առ
մարմնապաշտս էր այս , ոչ ինչ էր մեզ
փոյթ . նորա կամ առ չարութեան առ-
նեն այնպէս , կամ վասն շահու . և զի մի
խայթ լիցի նոցա կեանք այլոց : Այլ զի
և անձինք բարեբարոյք շինութիւն ինչ
չառնուն , և ոչ գտանեն զնախնեացն
բարեկարգութիւնս յայժմու կրօնաս-
տանս . ոչ ճանաչեն լինել զնա վարժա-
րան մահացուցման անձին , առանձնու-
թեան , անձային և կատարեալ ներան-
ձնաւոր կենաց . ահա՛ մեծն ՚ի չարիս :

Ահա՛ այս վայր է՝ յոր զձեր նախանձ
 կոչեմք մեք , զի արծարծեսցի երբեմն
 առ ոչ կամիլ անարժան ինչ գործել ՚ի
 զեղևել զբարւոյք համբաւ կենաց կցոր-
 դութեան ձերոյ , և որ սրաշտպանս
 առնէ զձեզ բարւոյ համբաւոյ ձերոյ ,
 սրարտեաց , հնութեան , առանձին շը-
 նորհաց , արտունութեանց , յարգու-
 թեանց : Արտնեսջիք նախ ընդ ձեր
 դէմ . արժանի դատերք լերուք մօր ձե-
 րում . արժանի ժառանգորդք առաքի-
 նութեան և սրբութեան : Առանդն և
 նախանձ ՚ի ճիշդ սահսպանութիւն օ-
 ըրինաց՝ որսկես էրն առ նորօք , լիցի և
 առ ձեօք , յայնժամ տեսջիք զփոփոխու-
 թիւն յարգի վիճակի ձերոյ : Յուշ լիցի
 ձեզ , զի առաջնորդութի ջերմեռանդն
 ուրումն կուսանի առաւել պատիւ տայ
 ընկերութեանն և պայծառութեան իւ-
 րում կարգի՝ քան զայլ շնորհս Հոգւոյն ,
 քան զհանճար և քան զյաջողուածս :
 Առանդն այն է՝ ոչ կեանք միայն ընկե-
 րութեանն՝ այլ և փառք և սրատիւ , յոր-

մէ սփիւռ ծաւալի անուշահոտութիւն
բարի վարուց մինչև ցվայրս հեռաւորս,
և ազդէ յամենեւեան յարգ իմն և ակն-
ածութիւն :

Ո՛չ պարիսպ մենաստանիդ են, ոչ
ո՞ք սքեմդ, կամ այլոց վիճակակցութի՛,
որք առաւելուն զյարգ ընկերութեան
կամ սուրբս առնեն զձեզ, թէ և նը-
պաստս ինչ սրբարարս մատուցանեն .
սրբութիւնն ծագէ ՚ի յատուկ և ՚ի սեպ-
հական առաքինութեան իւրաքանչիւր
կրօնաւորի . որոց լուեալ ձայնի կոչողին
՚ի հանապազորդ կրթութիւնս անձնա-
ւոր առաքինութեանց՝ յարմարելոց իւ-
րեանց վիճակին, պատասխանեն նմա ա-
ռաջնորդեալք ՚ի հրաւերն Քրիստոսի ՚ի
շինութիւն այլոց ՚ի շնորհս : Այս է որ
եղև միշտ վսեմափառ պարծանք և փառք
մենաստանոց :

Ի զուր պանծային Եբրայեցիք ունիլ
առ իւրեանս զտաճար Տեառն, « Տաճար
Տեառն, տաճար Տեառն » . Արե՛մ. Է. 4 :
Այլ զինչ օգուտ, զի կորուսեալ են զիւ-

բաւունս Տէր լինելոյ այնմ : Օ ի անկեալ
 ՚ի գերազանս փառաց լինելոյ ժողովուրդ
 սուրբ , քանզի ոչ ևս հետևեալ գնային
 ընդ շաւիղս ճշմարտութեան ցուցեալս
 նմա , և ոչ ևս տային սլառասխանի կոչ
 ման Տեառն :

Օ այս արժան էր և առ ձեզ ասել ,
 եթէ էր հեղգասրտութեան մուտ գը
 տեալ ՚ի ձեզ : Այլ գոհութիւն Աստու
 ծոյ , ճշմարիտ սրտիւ գոհանալ սլարտիմք
 զնմանէ . ոչինչ մուտս գտեալ է նորա , և
 միշտ թագաւորէ ՚ի ձեզ եռանդն կրօ
 նասէր . և այս զոր կեղծեօք իմն գոգցես
 նկարագրեցաք , սխտոյասցի ձեզ առ ՚ի
 զգուշութիւն . մի տալ տեղի հեղգու
 թեան , այլ միշտ յամենայնի փացափայ
 լել զհամաձայնութիւն ձեր , որովքա
 շարանօք իմն ասել կարասջիք բանիւք
 սրբոյն Յովբայ . « Կոչեսցես զիս , և ես
 տաց քեզ սլառասխանի » :



ՅԸՆԿ

ԳԼԽԱԿԱՐԳՈՒԹԵԱՆ ԳՐՈՑՍ

- Ա . ՃԱՌ . Յաղագիս պարպեաց եպիսկոպոսի
և հօփի նորա 1
- Բ . ՃԱՌ . Յարո-լի-անն չրխսպոսի՝ օրինակ
յարո-լի-անն Տերոյ 'ի շնորհս 19
- Գ . ՃԱՌ . 'Ի ծնո-նդն չրխսպոսի , յաղագիս
ճշմարիտ խաղաղո-լի-անն . . . 39
- Դ . ՃԱՌ . 'Ի ծնո-նդն չրխսպոսի , 'ի սո-ս
խաղաղո-լի-անն աղբեալ 'ի
Տերաց 54
- Ե . ՃԱՌ . 'Ի յարո-լի-անն չրխսպոսի , 'ի ճըշ
ճարիտ յոյան՝ որ 'ի չրխսպոսեացս 78
- Զ . ՃԱՌ . 'Ի յարո-լի-անն չրխսպոսի , 'ի վէ-
րայ սո-ս վսփահո-լի-անն կամ
յանդգնո-լի-անն 97
- Է . ՃԱՌ . 'Ի ծնո-նդն չրխսպոսի , 'ի փգի-
սո-լի-անն Տեր պարպեաց չը-
րխսպոսեո-լի-անն 115
- Ը . ՃԱՌ . 'Ի ծնո-նդն չրխսպոսի , յաղագիս
ծո-լո-լի-անն 134
- Թ . ՃԱՌ . 'Ի յարո-լի-անն չրխսպոսի , յան-
նճանո-լի-անն Գործոյ ընդ
հասարոյ 150


- Ժ. ՃԱՌ. Ի Տարփնառուութիւնն պէտքն ,
յաղագոս անժոռ-ժկալութեան 171
- ԺԱ. ՃԱՌ. Յաղագոս հոգե-ոյն հոլորո-
թեան , որ զօրացեալն է ՚ի
ժամանակիս 196
- ԺԲ. ՃԱՌ. Յաղագոս հոգե-ոյն հակառա-
կութեան , որ զօրացեալն է
ի ժամանակիս 216

ԲԱՆՔ Ի ՍՈՒՐԲ ԿՈՒՍԱՆՍԵ

- Ա. ՃԱՌ. Ի Բանն Յետոսայ . Դ . 7 . 241
- Բ. ՃԱՌ. Ի Բանն Սաղմոսին . Է . 3 . 254
- Գ. ՃԱՌ. Ի Բանն Բ . Օրինայ . Ե . 6 . 269
- Դ. ՃԱՌ. Ի Բանն Ովետայ . Բ . 20 . 289
- Ե. ՃԱՌ. Ի Բանն Ա . Պէտ . Բ . 20 . 305
- Զ. ՃԱՌ. Ի Բանն Յովէայ . ԺԴ . 15 . 320



Էջ	ՏՈՂ	ՎՐԻ ՊԱԿ	ՈՒՂԻՂ
3	13	այնպիսի	այսպիսի
8	22	առ ձեզ	առ մեզ
26	8	Ժողովքը	Ժողովքը
29	2	Տերտուղի անս	Տերտուղիա նոս
44	22	որոյ	որոյ
56	5	Թարգմա Թեան	Թարգմանու Թեան
61	17	ձայնից անդ	ձայնից արանց անդ
102	5	ասլարասա նու թիւն	ասլաստա նու թիւն
113	6	արդէն	անդէն
119	7	զվերածնող սըն	զվերածող սըն
121	5	քրիտոնէի	քրիտոնէի
152	17	յառաջին	յառաջէն
157	16	ախտարծած	ախտարծարծ
195	15	ընդարձա կու թին	ընդարձա կու թէն
195	3	եռանդուք	եռանդունք
201	6	ակնառու	անակնառու
202	10	Լակլանտիոսի	Լակտանտիոսի
203	16	գայ	գնայ
207	19	ըստ	ընդ
250	23	հարկ է	հարկ է
300	13	արագահաս	արագասահ
301	1	զգրգռուիս	զգրգռութիս
335	11	առաքինու Թեան	առաքինու Թենէ



3191



